

Class

Book

University of Chicago Library

BERLIN COLLECTION

GIVEN BY

MARTIN A. RYERSON

H. H. KOHLSAAT

BYRON L. SMITH

CHAS. L. HUTCHINSON


C. R. CRANE

H. A. RUST

CYRUS H. MCCORMICK

A. A. SPRAGUE

C. J. SINGER





Bible. O.T. Hosea. Latin.

"
H O S E A S

P R O P H E T A.

INTRODUCTIONEM PRAEMISIT,

VERTIT,

COMMENTATUS EST

JOANNES CHRISTIANUS STUCK,

**PHILOS. D. AA. LL. MAG., SACRORUM APUD CAVERTITIEN-
SES IN SAXONIA MINISTER.**

L I P S I A E

PROSTAT APUD C. H. RECLAM.

1828.

BS1566
.59



Berlin Collection

Prooemium.

Duo potissimum erant quae cum in eo essem ut opus hoc meum exegeticum in vulgus emitterem, maximopere sum veritus, scilicet ne aut post tot tantorumque virorum prophetam Hoseam interpretandi conamina, superfluum aliquid suscep- rim, aut ubi eorum conamina mihi non- dum suffecisse visa fuerint, arrogantiae mihi culpam contraxerim. Vicit tan- dem pium animi desiderium, ut in quo amore et reverentia erga sacerrima SSae monumenta per omnem meam vitam elaboraverim, nimirum ut magis ma- gisque eorum sensum et significationem ab omni partium studio liber intellige- rem, civibus meis proponerem atque ab iis edocerer, utrum ea ratione, qua opus meum perfecì, et ipse propius ad

verum scriptorum sacrorum sensum accesserim, et mecum bene de Vetere Testamento sentientes adduxerim, nec ne.

Duplex est modus sacros Hebraeorum prophetas tractandi, vel ut luce per Christianam religionem hominibus accensa eorum sensus et vis quaeratur, utque omnia eorum dicta, sententiae atque praecepta et ad verbum et allegorice cum historia dogmatibusque N. T. prorsus consentire iubeantur, vel ut ex iis via et ratio cognoscatur, qua gens humana inde ab infimis culturae primordiis ad felicissimum Iesu Christi aevum praeparata atque educata sit, utque sic magis magisque intelligamus, qui fieri potuerit, ut novi foederis institutio non violento et humanas cogitationes excedente Dei actu hominibus contingerit. Ita vel Vetus Testamentum e Novo, vel Novum Testamentum e Vetere interpretes illustrarunt. In illo pii patres ecclesiae Christianae usque ad saeculum praeteritum versati sunt; huius causam gesserunt recentiores theologi. Idque vario successu. Quemadmodum enim illi Novi et Veteris Testamenti rem saepenumero ita inter se miscuerunt, ut postremo nil nisi caeca dogmatum ecclesiae antiquitate sancitorum admiratio relinqueretur, sic no-

strorum studia nonnunquam Iesu Christi aevum a Mosis et prophetarum aetate ita separarunt, ut de neutro haberent, quid probe statuerent.

Mihi quidem omnis institutio Veteris et Novi Testamenti unum continuum et in se cohaerens divinae providentiae opus esse videtur. Cuius ut saluberrimum humanisque rebus accommodatissimum et consilium et processum probe existimemus, ante omnia eius ministros interpretesque divinitus quidem ductos verum temporum vicissitudinibus obnoxios pia reverentia et sedulo studio cognoscamus necesse est. Qua de causa scriptorum sacrorum peculiaris sentiendi et intelligendi ratio pervestigari debet, ita tamen, ut quae fuerit vis antiquiorum magistrorum temporumque in excitandis illorum animis, diligenter ponderetur. Tali modo omnes Graecorum et Latinorum scriptores tractamus. Postquam enim ingenium unius cuiusque percepimus, quae quisque temporis, magistris et disciplinis debuerit, perscrutamur, cum reliquis eius aevi monumentis comparamus, ut denique aptum et verum de eo existat iudicium. Eadem est divini spiritus scriptores sacros impellentis sana admiratio, ut intelligamus, quomodo is viribus vicibus-

que humanis usus fuerit ad eas cogitationes, mores et spes procreandas, quarum ope paullatim animi verae emendationis Deique gratiae per Christum nobis reconciliandae compotes fieri poterint. Gens enim humana nullo temporis momento saltu aliquo inopinato et non praeparato ad meliora evecta est. Christiana religio ipsa triumphos de vitiis, erroribus et miseriis tunc demum agere potuit, cum pluribus saeculis interiectis temporum occasio multorumque piorum virorum studia accederent. Nec Iesus Christus munus praeclarissimum perficere potuisset, nisi iisdem praesidiis fuisset adiutus.

Scripta V. T. fontem nobis aperiunt, unde Iesu Christi salutaris institutio fluxerit. Pingunt parva primordia, e quibus vera et Deo accepta pietas excrevit, pingunt fundamenta et rationes, quibus proborum hominum cum Deo se reconciliandi studium nitebatur, pingunt desideria divinae gratiae et redemptionis inter tot tantasque calamitates enata, pingunt varios casus, quibus mentes quondam summis erroribus obcaecatae ad meliorem Dei cognitionem magis magisque evectae sunt.

Hominum ingenium ut primum vires sentire coepit, nil ardentius habuit

nisi ut de causa, origine, consilio et fine omnium rerum cogitaret. Ut enim ipsa hominis ratio, ab omni dementi casu eventibusque fortuito ortis vitam felicitatemque redimens, consilio res suas ducere et ad optimum successum volvere operatur, ita in instituendis omnibus rebus rationem aliquam supremam omnia consilio et vi perfectissima efficientem et gubernantem non poterat non suspicari. At duplex fuit via ab hominibus inita: altera eorum, qui de rerum auctore et gubernatore dissererent, in modum, quo omnes res ab eo creatae cum eo coniunctae essent et ab eo regerentur, inquirerent, inventa in qualemcumque vel philosophicum vel mysticum ordinem redigerent; altera eorum, qui in simplicissimis notionibus iisque ad instar indolis humanae formati subsisterent, verum supremi numinis vi et magnificentia animo percellerentur, id vel timore tremoreque colebant, vel pietate sibi propitium reddere studerent. Illa res divinas tractandi ratio in regiones occidentales migravit. Phoenices, Aegyptios et Graecos auctores habuit; haec in oriente radices egit, Omnis institutio sacra et politica Iudaeorum tali fundamento gaudet. Abrahamus pia observantia Deum revereba-

tur. Animo eius infixæ erat persuasio, se suasque res a numine sibi suisque amico regi, nec amplius de eius natura et indole quaerens in omnibus suis fatis eius vim et efficaciam agnoscebat, cum eo colloquebatur, carissima sibi ei committere promptus paratusque quamquam maiestatis eius portentis penitus commotus tamen fide et spe quaelibet bona sibi ab eo esse impetranda credidit. Quem de Deo cogitandi eumque pio animo colendi modum quasi splendidissimam hereditatis posteris reliquit partem. Nec postea exstirpatus est; quin ipse nepos Iacobus, postquam varios aliarum gentium de summo numine errores degustaverat, ad pium animi sensibus ac benefactis exhibendum Deo cultum rediit. A nemine autem eius posterorum ita civibus commendatus et necessarius factus est, quam a Mose, qui totus in eo elaboravit, ut omni subtili arrogantique divini numinis pervestigatione, quam ab Aegyptiis didicerant, animis suorum evulsa summa et pietate et reverentia et fide ad Deum admoverentur. Itaque Deum omnibus docuit vi et efficacia esse notissimum, naturam autem et essentiam prorsus ignotum, nec ullo signo imagineve comprehendendum, et quemadmodum eum

genti suae peculiari modo propinquum et propitium exhibuit, ita domicilium divinae sanctitatis et in describendo, et in constituendo aliquo eius exemplo, nimirum tabernaculum sanctum extruendo, tantis terroris arcanorumque rituum mysteriis circumdedit, ut vulgo nunquam accessus ad Deum patere posset.

Talibus de Deo sentiendi cogitandique modis e Mosis consilio propterea omnis reipublicae institutio nitebatur, quod pietas inde orta aptissima ipsi visa erat ad robur civium excitandum et confirmandum. Pietate enim illa effectum iri opinatus est, ut fiducia et fortitudo animis infunderetur, ubi in acie esset conflictandum, ut concordia servaretur, ubi de salute publica esset deliberandum, ut caveretur, ne corpora libidinis moribus lascivorum barbarorum exhausta praeda fierent insidiantium hostium, ut amor patriae incenderetur, ubi in magnis periculis versarentur, ut nominis gloria et celebritas etiam bonorum morum fama augeretur, ut leges ab omni violatione tutae vindicarentur, ubi seditiosi homines fundamenta rei publicae evertere studerent. Omnibus de republica bene sentientibus id curae cordique fuit, ut illam pietatem vel tue-

rentur, vel ubi debilitata esset, restituerent. Sed temporum vicibus Moses eiusque institutiones oblivioni traditae sunt, errores terram sanctam intrarunt, mores depravati, leges neglectae sunt. Tunc perniciēs reipublicae contento gressu sequeretur. Abrahami posterī ante victores ab hostibus victi sunt, publica securitas aufugit, barbari et urbes et opes et cives ceperunt, reges sibi tributarios fecerunt, dissidia et interni motus miseriam auxerunt, gens stupida et desperans in interitum ruere coepit. Tantis rerum calamitatibus nil restitit nisi quod pauci probi homines adhuc superstitēs, Mosaicarum institutionum sagacissimi tutores, causam malorum suis ostenderent, quod et reges et sacerdotes et plebem iterum iterumque ad pristinam patriamque pietatem provocarent, quod exemplis ex historia patria desumptis monita sua confirmarent, quod spem adnecterent fore ut Dei auxilium populo restitueretur, modo ad eam formam et indolem redirent, quam solam Deo placere iam dudum a sanctis viris monitum fuisset.

Harum adhortationum monumenta in prophetis Veteris Testamenti habemus. Earum ratio et indoles non ea est, ut novi aliquid doceant utque de

rebus divinis philosophice disserant, sed ut populo notissima suo modo exponant. Cum enim omnis de Deo cogitatio in eo consisteret, ut simplicissimis dogmatibus sensus timoris, fiducia et amoris erga eum excitarentur, prophetae quoque in orationibus nil gravius exhibent nisi animum illis sensibus commotum. Commotionis autem occasionem et fata reipublicae et mores civium prae-buerunt. Hi indignationem eorum, propterea quod natio tantopere a Deo amata Deique benevolentia tecta tantâ insania et improbitate Deo adversari posset, illa et querelas de eo, quod mutari non poterat, et metum maiorum calamitatum deperdito populo imminentium, et spem fore ut in melius tandem eorum res restituerentur, excitarunt. Cum autem in re ipsis sacerrima versarentur, non mirum est quemque suo modo commotum omnia poetice et vidisse et descripsisse et pinxisse. Ut rem planam et centies dictam civibus suis commendarent, fervor animi, gravitas orationis, elegantia imaginum accederet necesse erat. Eo modo curas et vota sua proponentes sanctam divini numinis vim sibi inesse senserunt, et, quod etiam a Graecis poetis non alienum erat, Dei impetum esse probarum et grandium cogitationum gra-

vem et efficacem significationem, id suis orationibus singulari modo tribuerunt, idque Novi Testamenti effatis gravissimo modo confirmatum esse neminem latet.

Itaque opera prophetarum vere poetica appellantur, siquidem grandes eorum de Deo deque salute publica cogitationes non ex eruditionis sed ex intimi atque divinitus excitati animi fonte hauriuntur, sublimi sermone edicuntur, imaginibus exornantur semperque ad excitandos pudoris, pietatis et spei sensus proponuntur. Ut autem quae unusquisque sacrorum vatum voluerit probe intelligantur, et ad linguam qua scripserint, et ad ingenium singulorum scriptorum, et ad occasionem quam status reipublicae temporumque necessitas iis suppeditaverit, denique ad relationem quae inter eorum scripta et institutiones sacras, maxime monumenta antiquorum sacrorum scriptorum, intercesserit, sedulo respiciendum est.

Periculum facturum meam qualemcunque partem ad interpretationem nostrorum mihi quoque sanctissimorum auctorum conferendi, e catalogo vatum selegi Hoseam, et quoniam primum omnium fuisse putaverim qui monumenta reliquerit, et quoniam simplex eius om-

nem antiquitatis venustatem involvens pingendi et scribendi ratio mihi prae ceteris placuerit, et quoniam multa esse, quae etiam nunc de eo dicenda et commentanda restent, senserim. Plures quidem habui praevios interpretes, quibus quae debeo gratissimo animo prosequor. Imprimis in iis quae ad historiam interpretationis pertinent, habui ducem Illustrissimum Nostratem Rosenmuellerum, cuius sollertissimum et doctissimum studium viam mihi ita stravit, ut saepe numero vestigia eius sequi mihi in meam rem suffecerit. Ubi fontes eius inspicere e literarii mei apparatus penuria non licuit, respectus autem ad eos mihi labore dignus visus est, eius praeclarum opus, Scholia in V. T. Part VII. Vol. I., citavi. Ceterorum de interpretatione mentorum antiquioris et recentioris aevi scriptorum a me laudatorum nullum non perlegi, nisi Sebastianum Schmidium, cuius Commentarium in prophetam Hoseam 1687. invenire non potui. Cum tamen saepius eius verba repetierim, id e glossis marginalibus I. H. Michaelis ad editionem V. T. Halae 1720. me fecisse profiteor, qui magna diligentia et reverentia commentarium eius laudare solitus est. In quo id moneam, me brevitatis causa fere semper nude Schmid-

tium et Michaellem nominasse, ut ab aliis interpretibus alter a Johanne Schmidio alter a Johanne Davide Michaelle secerneretur. Eiusdem I. H. Michaelis editione V. T. et in commentandis Hoseae vaticiniis et in locis sacris V. T. citandis usus sum.

Restat ut modum exponam, quem in tractatione mea spectavi. Id enim egi, non ut doctam et omni apparatu eruditionis philologicae Orientalis extractam, sed popularem e mente vatis veterumque scriptorum sacrorum consensu petitam interpretationem exhiberem. Itaque quod ad linguarum Orientalium cognitionem pertinet, hanc maxime tenuem operis mei virtutem esse probe sentio. Viri Illustrissimi, qui earum eruditione excellunt, facile intelligent, me fere nunquam mihi soli fisum in illas regiones sublimiores ascendisse, et mihi ignoscant, quod in sedibus meis solitariis, in quibus a literarum felici commercio remotus hucusque studiis meis privatis vacavi, eorum eruditionem aequare non possum. Quantum vero mihi licuit, ut linguae Hebraicae scientia instructus in publicum procederem, in eo omni studio elaboravi.

Porro ingenium et rationem scriptoris sentiendi et de sua re cogitandi co-

gnoscere studui. Quae animum eius movisse curae et spes ex omni vaticiniorum eius libro intelliguntur, eas ita illustrare et componere conatus sum, ut in singulis locis simplicissimus idearum et sententiarum nexus cum omni modo eius disserendi inveniretur. Qua in re potissimum in id inquisivi, quod orationis vel, ut ita dicam, poeseos genus ipsi maxime placuerit, unde et quomodo colores, imagines et reliqua ornamenta composuerit, ne speciale pondus in verbis quaeramus, ubi poematis forma levis et, ex Lowthii verbis, modica est, neque contra humilis et vulgaris oratio substituatur, ubi sublimior animi exsultatio ex omni sententiarum nexu emicat, neque gnomice et, ex Hieronymi verbis, commatice eum locutum esse suspicemur, ubi omnia facile, sed subtili modo inter se cohaerent. Ex quo factum est, ut prophetam nostrum non ex verbis et meris commatibus, sed ex tota orationis serie captui lectorum proposuerim, verba autem et commata ita tractaverim, ut eorum vis et significatio magis e vatis ingenio, quam e critica disquisitione de eorum etymologia et analogia intelligeretur. Idioma enim linguae ita antiquitatis simplicitate signatum est, ut omnino nunquam interpre-

tum de eius vi et potentia consensus oriri possit, nisi ab illa anxia subtilitate, qua recentiores linguas tractamus, recedatur. Nec possum non Lowthii gravissima verba hic repetere: „Ab hoc errore,“ inquit, „semper cavendum est, et incommoda compensanda sunt, nec modo perdiscendus eorum sermo, mores, ritus, disciplinae, sed intimi etiam sensus pervestigandi, cogitationis modi nexusque eruendi, eorum oculis ut ita dicam cernenda sunt omnia, eorum opinionibus aestimanda, id denique enitendum, ut Hebraea quantum fieri potest tanquam Hebraei legamus. Idem propemodum hic nobis faciendum est, quod Astro-nomi solent in ea suae disciplinae parte, quam vocant comparativam: qui, ut clariorem in animo forment imaginem, et totius mundi et singularum eius partium fingunt sese universum obire et perlustrare, de alio planeta in alium migrare et uniuscuiusque paulisper incolas fieri, atque ita clare contemplantur et accurate aestimant quid quisque sibi habet proprium, cum ex loco, celeritate et satellitio suo, tum ex conspectu ceterorum, quale et quam diversum cuique mundi spectaculum pro diverso cuiusque situ exhibetur. Similiter is quoque, qui poematum Hebraeorum

„proprias et interiores elegantias per-
„spicere velit, ita se comparet oportet,
„ut sese putet eodem in loco positum
„quo ii, quorum causa ea scripta sunt,
„aut qui ipsi scripserunt, ut cogitet,
„non quas rerum imagines suo protinus
„animo iam offerant certae quaedam
„voces, sed quaenam Hebraeo iis temporibus
„in ea regione constituto, easdem dicenti
„et audienti obversari debuissent. Quoad
„id poterit consequi, eatenus vim earum
„et potestatem intelliget. Id quidem in multis
„difficile erit, in nonnullis nullo modo fieri
„poterit. In omnibus tamen unice erit
„spectandum, ac praecipue in iis locis,
„qui maxime figuris exornantur.“ Vid.
Lowth. de sacra poesi Hebraeorum ed.
Lips. 1815. pag. 55. 56.

Statum imperii et conditionem civium non minori studio persecutus sum, ut quae voluerit vates intelligerem. Prophetæ sacri omnem scribendi et disserendi materiem e temporum ratione repetiverunt. Anxietas animi iis orta est e misera conditione reipublicae olim florentissimae tunc maxime deperditae. Omnis civitatis institutio cum cultu divino a Mose instituto arctissime cohaesit, et mole Iacobiticae pietatis perrupta omnes calamitates instar elluviei

in terram patriam effusae sunt. Ut res patriae restituerentur, illae moles reparandae erant; qua autem ratione id fieri posset, id historiam sui temporis secuti docuerunt. Porro omnium piorum Abrahami posterorum spes non universales erant, sed tantum patriae e patriis calamitatibus ortae, memoria superiorum temporum sustentatae et ad patriae gloriam directae. Temporum vicibus spes illae vel auctae vel labefactatae sunt, et quamvis nunquam collaberentur, tamen variis formis et modis inter patriae fata mutatae sunt. Ut autem sensus et directio earum capiatur, probe secernendum est, quae mala tempora vates minati sint, et quae bona promiserint. Denique prophetarum ordo ita intextus erat in reliquas civitatis gubernandi provincias, ut principes eorum auctoritate uterentur, ut ipsos reges adire, eos vituperare, ad Iehovae iudicium provocare, consilia iis dare valerent. Ahab, maxime improbus rex Israelitarum, Eliam veritus iussa eius pati dignatus est. Eadem diligentia eius filii Elisam reverebantur, cuius tanta erat dignitas, ut evectionis Iehu in thronum Samariae auctor esset. In tanta prophetarum vi et auctoritate, cum propius ad solium regis vocati divinae voluntatis interpre-

tes haberentur praesertim ubi eloquentia, ingenio et virtute excellabant, nec intima rerum publicarum cognitio eos fugere, nec summae rerum moderandae studium deesse poterat. Itaque eorum quae nobis supersunt orationes peculiarem quendam characterem eumque politicum prae se ferunt. Non enim modo vulgus docere et emendare, sed ad id eniti studuerunt, ut reges, principes, sacerdotes ad sanam mentem reducerentur. Cuius consilii ut compotes fierent, iterum occasio dissertationum e vicibus publicis et e factis gestisque maximam vim in res patriae exercentibus repetenda erat. Saepe quidem evenit interpreti, ut has vices investigaturus in caliginosam noctem abripi videatur, utque quae fata illorum temporum tulerint, magis e cantibus et sermonibus sacrorum scriptorum modo simili vero divinare, quam e certis historiarum testimoniis eruere cogatur. Verum licet pauca et exigua sint, quae ita inveniuntur, tamen nullo modo sunt negligenda. Qua ratione autem Hoseas factorum Israelitici et Iudaici regni respectum habuerit et quomodo eorum gravitate et periculis ad sua vaticinia suo modo edicenda provocatus fuerit, id paucissima, quae nobis in libris historicis re-

licta sunt, vestigia secutus exponere studui, nec melius sermonum eius sensus et vis intelligi posse mihi videtur, quam si ita historiae luce eos perlustramus.

Denique consensus vatium cum scriptis priorum sacrorum virorum maximi momenti est ut ponderetur. Vatibus monumenta illa tantae auctoritatis erant quantae nobis omnia scripturae sacrae monumenta. His innitebantur, haec semper coram oculis habebant, eaque in omni rerum discrimine consulere solebant. Primordia gentis Iacobiticae mythis erant circumvoluta, qui ubique posterioribus scriptoribus materiam et explicandi et ad suam rem transferendi et arcanum sensum perscrutandi suppeditaverunt. Hic sollerti negotio sed quilibet suo more versati sunt. Cognoverant familiam Abrahae, ex qua magna natio processerat singulari Dei benevolentia tecta, miraculoso auxilio a minimis initiis ad maxima incrementa evecta. Quid mirum eos exemplis inde petitis usos esse et ad novam spem animis suorum excitandam, et ad eam pietatis fiduciaequae indolem describendam, quae sola et olim praeclarissimos fructus tulisset et nunc eosdem latura esset. Prae ceteris scripta Mosis, leges ab eo promulgatae, minae ab eo pro-

latae non tantum ipsorum manibus, sed memoriae erant reconditae. In omnibus significationem divinae voluntatis summa reverentia colendam intelligebant, idque eo certius, quo praeclarius omnia illis scriptis contenta eventu fuerant confirmata. Genti bene fuerat quoad legibus Mosis se subiecerat, male ut primum ab iis declinaverat. Ita auctoritas illorum scriptorum in dies aucta erat, nec melius quid se proferre posse vates intellexerunt, quam ut iterum iterumque populum ea sentire cogitareque monerent, quae iam dudum a Mose essent significata. Quibus diligenter ponderatis saepenumero eveniet, ut in locis vexatissimis et impeditissimis, ut videtur, argumenti nil nisi monita Mosis recitata temporibusque adaptata reperiamus. Qui respectus ad antiquissima superioris foederis monumenta praeterea nos docebit, quomodo animus vatum experientia et diuturna de rebus sacris meditatione excultus compedibus pristinae imperfectae et ut ita dicam politicae pietatis ruptis ad meliorem de Deo sentiendi rationem evehi conatus fuerit. Quae autem mihi ea in re notatu digna visa sunt, ea sedulo collecta et in introductione et in commentario ipso exhibui.

Dum autem hinc in modum ineptis satisfacere studueram, nimirum ut prophetam nostrum populari et simplici modo tractarem, opus meum ad maiorem magnitudinem excrevit quam ipse et expectaveram et volueram. Idque potissimum propterea, quoniam nonnunquam in historiam interpretationis locorum vatis nostri difficiliorum excessi, adeo criticam aliorum interpretum recensionem exhibere non dubitavi. Istius tractationis has causas habui: alteram, ut iuvenibus, a quibus legi optem, unde factum sit, ut quaedam usitatiores de vatis ingenio et sententia cogitandi rationes praevaluerint, ostenderem, utque ita eos monerem, ne in verba alicuius magistri iurarent, vel si mea sententia non omnibus probaretur, ut iis aliam vatis sensum inveniendi viam ingenue aperirem; alteram vero, ut caverem, ne negotium meum cum negligentia quadam erga aliorum doctissimorum virorum monita suscepisse viderer, utque iis maximam meam reverentiam testificarer, vel eorum auctoritate meam qualemcunque interpretationem confirmaturus, vel ab iis recedere coactus modestissime dubia mea prolaturus. Sunt interpretes et quorum auctoritas in ecclesia nostra antiquitatis existimatione nitatur, et quorum erudi-

tionis praestantia cum magno et pio eorum res divinae nostrae religionis tuendi studio eandem auctoritatem bene mereatur. Illorum habemus praesertim tres, interpretes Alexandrinos, paraphrasin Chaldaicam Ionathanis, Hieronymum, ad summum auctoritatis fastigium in ecclesia Christiana erectos. Eorum ope usus sum, ubi loci difficiliore ubique circumspicere iusserunt, ut tandem ad simplicissimum et vati maxime consentaneum interpretationis punctum pervenire possem; verum notavi eos ubi cavendum erat, ne eorum indubitati errores, quibus et linguam et ingenium vatis se ignorasse significant, omne interpretationis negotium depravarent et corrumpere. Recentiorum inde a Luthero docte et eleganter vates interpretandi studia, temporum vicibus et eruditionis incrementis adiuta, in dies feliciori progressu gavisae sunt. Quae ex eorum monitis mihi notatu dignissima visa sunt, ea attuli, et quamquam nec prorsus nec semper iis assentiri potui, tamen et in iis, quae aliter sentio, me plura eorum luci debuisse nunquam oblitus sum. Viri iam defuncti meritorum praemia praestantissima et immortalitatis suae gloriam coelestem nacti sunt. Viris autem Illustrissimis adhuc interpretationis operae vivido et felicissimo studio

incumbentibus, Eichhornio *), Kuinoelio, Boeckelio, Rosenmüllero, Gesenio, de Wettio, gratias pro meritis omni qua par est observantia et pietate refero. Quod autem opus meum attinet, id Ipsorum et reliquorum Eruditissimorum Virorum criticae disquisitioni censuraeque subiicio.

Faxit Deus ut amor et labor, quibus hoc meum opus exegi, fructibus non careat, utque monumenta sacra veterum prophetarum in dies cariora fiant omnibus, qui docendis emendandisque hominibus et munere et ingenio et eruditione prospicere vocati sunt. Sunt enim illa monumenta et manent divinae sapientiae fontes, quorum cognitione destitutus nemo vim et magnitudinem institutionum per Christum absolutarum nec cognoscet nec sentiet. Equidem vero ab opere incepto non discedam, atque si quem aggressus sum poetas sacros tractandi modum, is Viris Doctis probatus fuerit, otium meum in id impendam, ut reliqua quoque monumenta imprimis *Minorum*, qui dicuntur, *Prophetarum* ea quae contigerit sollertia et rerum sacrorum, cognitione illustrare pergam.

*) Hic quoque praestantissimus Vir, dum opus meum imprimebatur, omnibus flebilis ad superos abiit. Ἀναπαύεται ἐκ τῶν κόπων αὐτοῦ τὰ δὲ ἔργα αὐτοῦ ἀκολουθεῖ μετ' αὐτοῦ.

Conspectus operis.

Introductio.

	Pagina
I. De historia Hoseae eiusque temporis	1.
II. De ingenio et indole vaticiniorum Hoseae	13.
III. De argumento vaticiniorum Hoseae	24.
IV. De singulis vaticiniorum Hoseae partibus	42.
V. De modo scribendi vatis observationes philologicae	99.
VI. De historia vaticiniorum Hoseae	129.

Commentarius.

I. Inscriptio operis.	140.
II. Cap. I, 2 — II, 3.	142.
III. - II, 4 — 25.	168.
IV. - III, 1 — 5.	193.
V. - IV, 1 — 14.	207.
VI. - IV, 15 — V, 9.	231.
VII. - V, 10 — VI, 3.	256.
VIII. - VI, 4 — 11.	269.
IX. - VII, 1 — 7.	281.
X. - VII, 7 — 16.	293.
XI. - VIII, 1 — 10.	305.

	Pagina
XII. Cap. VIII, 11 — IX, 7.	320.
XIII. - IX, 7 — 9.	334.
XIV. - IX, 10 — 17.	340.
XV. - X, 1 — 15.	353.
XVI. - XI, 1 — 11.	381.
XVII. - XII, 1 — 15.	400.
XVIII. - XIII, 1 — 15.	428.
XIX. - XIV, 1 — 10.	453.

Tabula chronologica rerum ad vi-	
tam et sermones Hoseae perti-	
nentium.	469.

I N
VATICINIA HOSEAE
INTRODUCTIO.

I.

De historia Hoseae eiusque temporis.

„Qui veritatem,“ ait Lactantius div. instit. l. 4, c. 5. „studet comprehendere, non modo intelligendis prophetarum vocibus animum debet intendere, sed etiam tempora, per quae quisque illorum fuerit, diligentissime inquirere, ut sciat, et quae futura praedixerint et post quot annos praedicta completa sint.“ Valet igitur temporum cognitio ante omnia ad fidem prophetis habendam. Ex historia evincitur, utrum illi libri, qui nomina celebrata vatum sanctorum in fronte gerunt, ad tempora, in quae incidere feruntur, vere pertineant necne. Divinitus inspiratos eos tum demum censemus, ubi temporum ratio cum omni nexu prophetiarum facili et simplici modo consentit, spurijs contra iudicamus, ubi is consensus vel vi extorqueri debet, vel nusquam inveniri potest, ubi mores, res gestae, instituta pu-

blica in iis commemorata plane aliud seculum
aliudque populum produnt. Verum ut fides
eorum ab historia pendet, ita et eorum intelle-
ctus eundem habet fontem. Omnes enim vates
et a temporibus, quibus vixerunt, occasionem scri-
bendi petiverunt, et ipsi fecerunt vel ad tempo-
rum mores formandos, vel ad salutem publicam
prospiciendam, vel ad res cura consiliove suo sub-
levandas. Scripta igitur et effata eorum pecu-
liari modo temporum vicibus originem debue-
runt, qua de causa sine luce e temporum histo-
riis adpersa nullo modo perspicui possunt. Om-
nes autem in intelligendis prophetis difficultates
nos fugerent, si plura eorum historiae haberemus
documenta.

Sed ubique eius fontes parci et impuri fluunt.
Quod vatem nostrum attinet, de eius historia
nullum documentum historicum superest, nisi in-
scriptio fasciculi effatorum: „Effata Iehovae, quae
„contigerunt Hoseae filio Beeris, temporibus
„Usiae, Iothami, Ahasi, regum Iudae et tempo-
„ribus Ierobeami filii Iohasi, regis Israelis.“
Quae inscriptio si orta esset ab auctore ipso, ha-
beremus aliquid certi, quo niti possemus. Tum
enim ex ea appareret, Hoseam maximam certe
partem vaticinia sua edidisse in regno Iudaico,
quoniam admodum accuratus fuerit in describen-
dis rebus Iudaicis, res contra Israelitarum *ὡς ἐν*
παρόδῳ levi tantum notula attigerit. Fuerunt
adeo, qui hoc modo de eo statuerent eumque
vitam in Iudaicis tribubus degisse mallerent. Ve-
rum ut S. V. Rosenmüller in prooemio ad Ho-
seam p. 26. bene monuit, huius argumenti omnino
nulla est vis. Apparet enim ex toto prophetiarum
Hoseae volumine, ipsi intimum commercium cum

Israelitis fuisse. Novit mores populi cap. 4, 1. 2. 18. cap. 6, 8. 10. cap. 7, 14. 9, 9. 13. 10, 13. 12, 9., novit mores sacerdotum cap. 4, 13. 6, 9. 9, 8., novit mores regum et principum cap. 5, 10. 7, 3 — 5. 9, 15.: quae quidem omnia eum fugissent, nisi diutius et civis inter eos commoratus fuisset. Maioris etiam momenti est intimus amor erga hunc miserum populum, quem quaevis pagina vaticiniorum loquitur. Licet enim acerrime invehitur in Israelitas, inculpans eorum mores, detegens eorum flagitia, semper redit ad preces ardentissimas, ut tandem saluti suae consulant cap. 2, 4. 6, 1 — 3. 10, 12. 12, 7. 14, 2. 3., ad significationem curae pro salute publica cap. 2, 4 — 25. 5, 13 — 15. 9, 3 — 6. 10, 7., ad aperiendum animum spe meliorum temporum exhilaratum cap. 2, 1. 5, 5. 5, 15. 11, 9 — 11. 12, 10. 14, 7 — 9. Quae autem ex ore Iehovae refert, ea ipsam vatis benevolentiam mentemque de sorte patriae maxime afflictam luculentissime declarant cap. 2, 18 — 25. 3, 1. 11, 1 — 11. 14, 5 — 9. Adeo si reprobat perversos mores, tanto fervore corripitur v. c. cap. 9, 14., ut facile intelligi possit, gentem, ad quam ita loquatur, maxime ad eum pertinuisse eique peculiari studii patriaeque vinculo fuisse iunctam. Accedit peroratio cap. 13 et 14. ad Israelitas singulari modo conversa. Continetur enim in ea ultima curarum et votorum declaratio quasi testamento deposita, quam quin nemini nisi civibus suis deposuerit nullus dubitabit.

Quae cum ita sint, patriam vatis magis ex indole operis, quam ex inscriptione cognoscere oportet; inscriptionem autem inter additamenta posteriorum temporum numeramus, de quibus infra §. 6.

Eodem modo de annis muneris eius prophetici statuendum est. Innuunt singulae partes vaticiniorum postrema tempora felicitis imperii Ierobeami II. regis Israelitarum, vel annos proxime huius obitum subsecutos cap. 1, 4., designant interregnum post mortem Ierobeami cap. 5, 4., tempora Sachariae cap. 4, 1 — cap. 5, 9., tempora Menahemi cap. 5, 9 — cap. 6, 3, cap. 8, 1 — 10., tempora Pekahiae et Pekahi cap. 6, 4 — cap. 7, 7., tempora ante Tiglath-Pileserem cap. 8, 11 — cap. 9, 7., tempora Hoseae ultimi regis cap. 7, 7 — 16. cap. 10 — 12.

Familiam vatis recenset inscriptio, ita tamen ut nil nisi nomen patris exhibeat. Vocatur Hoseas filius Beerī. Quis autem fuerit pater et quo loco ortus sit filius, ea omnia nos fugiunt. Verum quae in libro ipso desiderantur, ea commentatores antiqui vel fabulis vel coniecturis supplere studuerunt. Ita Pseudo-Epiphanius et Dorotheus vatem oppido Belemoth s. Bethsemes, in tribu Isaschar sito, ortum esse tradunt. Alii putant, patrem eius fuisse principem Rubenitarum, qui a Tiglath-Pilesere in Assyriam abductus sit 1 Chron. 5, 6. Alii a patre propheta eum natum esse contendunt, secundum regulam Hebraeorum, quam Nicolaus de Lyra laudat: „quando in principio alicuius prophetae patris nomen exprimitur, propheta fuisse intelligitur.“ Alii eum ortum esse Hierosolymis statuunt, quia patria eius non disertis verbis nominetur.

Mittamus talia commenta et sequamur id, quod ex omni contextu vaticiniorum Hoseae elucescit. Hoseas natus fuit temporibus ultimorum regum e familia Iehu, nimirum regnante Ierobeamo II. „Vixit diu“ uti Grotius commemorat „et prophetam

„egit, itaque multos habuit prophetas *συνχρόνους*,
 „ut Esaiam, Amosum, Obadiam, Ionam, Micham,
 „viditque populum decem tribuum florentem,
 „vidit eiusdem partem non exiguam translata
 „per Tiglath-Pileserem.“

Vita igitur Hoseae eiusque vaticinia in tempora Israelitis maxime calamitosa inciderunt, quibus interitus huius regni et per tumultus internos, et per perversissima consilia regum populi-que, et per maximam depravationem gentis praeparabatur. Vaticinatus est ab ultimis annis Ierobeami II, certe paulo post eius obitum, usque ad excidium Samariae (quod utrum viderit necne incertum est), quod spatium est circiter 60 annorum ¹⁾. Rex ille per 41 annos tam felici successu regnaverat, ut pristinam gloriam nominis Israelitici restitueret. Occupavit enim plures urbes ab antecessoribus amissas, finesque regni versus septentrionem usque ad Damascum et Hemath, quae pars erat Libani et Antilibani, versus occidentem autem usque ad mare mediterraneum ad urbem fere Tyrum promovit. Populus hac vice rerum elatus in negligentia erga Iehovam perseve-

1) Lightfoot in Chronologia V. T. p. 53. septuaginta, Heidegger in Enchiridio biblico sexaginta, alii adeo (vid. Ursinus in prolegg. ad Hos.) nonaginta annos vatem nostrum munere prophetico functum esse putant. Rosenmüller (in prooemio p. 27.) 40 tantum annos statuit, et tamen eum ab extremis annis Ierobeami II. usque ad priores Hiskiae vaticinatum esse censet, quem calculum non sum assecutus. Eichhorn (d. hebr. Propheten Tom. I, p. 71.) Hoseam a morte Ierobeami II. usque ad expeditionem Tiglath-Pileseris prophetias edidisse contendit, quod spatium 43 annorum est.

ravit, et quoniam ipse Ierobeam idololatriae deditus erat, triumphos eius et felicia, quibus eo regnante fruebatur, tempora (cf. c. 2, 7 al.) insigni deastrorum favori se debere opinatus est.

Ierobeamo, qui fasces tam depravati generis valida manu tenuerat, defuncto, statim Israelitarum res prolapsae vatisque patria bello vexata civili, cujus singula momenta nos fugiunt. Hoc unum scimus, anno duodecimo²⁾ post patris obitum ultimam familiae Iehu progeniem Sachariam eo pervenisse, ut ab omnibus

- 2) Magna difficultas inest in constituendo tempore 2 Reg. 15, 1. uti legitur *anno 27 Ierobeami Asarias Amasiae filius regnum Iudaeae suscepisse, annum tum degens 16*. Viri illustr. Eichhorn et Rosenmüller ad eam non attendisse videntur. Ille de 12, hic de 11 annorum interregno verba facit; difficultatem ambo tacent. Illustriss. Kuinoel in tabula synchronistica libro suo (Vaticinia Hoseae Lips. 1792) pag. XXII. annexa pariter atque in praemissa historia temporum illo loco commotus interregnum 23 annos duravisse contendit; verum in commentario ad Hos. 1, 1. recessit et de interregno undecim tantum annorum locutus est. Fertur nempe 2 Reg. 14, 23. Ierobeam imperium obtinuisse anno Amasiae decimo quinto, v. 17 autem Amazias Ierobeamo adhuc regnante vixisse 15 annos. Ut hi 15 cum illis 27 annis conciliarentur, nonnulli in Iudaico quoque regno interregnum undecim annorum fuisse statuerunt. Ita utique latius promoveretur ordo tumultuum in regno Israelitico et vaticiniorum Hoseae nostri. Prodiret inde interregnum 23 annorum, et a morte Ierobeami usque ad occupatum per Hoseam regem imperium numerandi forent 64 anni, ubi e vulgari ratiocinandi modo 53 tantum efficiuntur. Quam intolerabilem temporum perturbationem Petavius notavit in Rationario

tribubus Israeliticis rex agnosceretur: renitentibus quidem primatibus, quorum quidam nomine Sallum sexto mense post regni initium detestabili protervia cum in concione publica trucidavit 2 Reg. 15, 10. At ipse Sallum lucro tanti sceleris non gavisus est. Exstitit Menahem Gadi filius caedis vindex, a quo expugnata urbe Samaria interiit Sallum post unius mensis imperium.

temporum Part. 2, p. 92, ita difficultatem removens: „Ierobeami II. duplex fuisse initium coniicimus. „Primum a patre Ioaso in communionem adscitus „est regni anno circiter illius sexto, qui fuit Amasiae „quartus. Ita undecim annis cum Ioaso patre regnavit Ierobeam: eoque mortuo et Amasiae quinto- „decimo novum imperii primordium habuit, a quo „41 eius anni proficiscuntur. Porro Amasias, qui „29 annos regnavit, obiit anno 15 Ierobeami a posteriori initio, qui 26 a priori numerabatur. Hinc „Azarias anno 27 Ierobeami regnasse legitur.“ Quem plures Viri Docti secuti sunt, v. c. Michaelis ad 2 Reg. 14, 23. Alius exstat modus difficultatem tollendi, qui quidem mihi probabilior videtur. Quod si Asarias anno 27. Ierobeami habuit 16 annos, tempore, quo pater occisus fuit, 5 tantum habere potuit: diserte enim pater 15 annos regnante Ierobeamo vixisse narratur. Donec pervenit ad eam aetatem, qua solus et pleno iure imperio praeesse permissum erat, 11 annos sub tutela fuit. Qui impubertatis anni ad posteriores relati ita computantur, ut non a decimo sexto, sed a quinto aetatis anno 52 annos regnavisse putandus sit. Decimo igitur quinto anni Ierobeami sub tutela procerum regnare coepit, vicesimo autem septimo sui iuris in imperio factus est. Tali inito pacto revera interregnum 11 annorum in civitate Israelitica habemus. Omnes temporum descriptiones in libris regum demonstrant auctores in iis designandis non satis fuisse accuratos.

Menahem tumultus quidem composuisse videtur, verum neque populi amorem benefaciendo sibi conciliavit, neque virtutis et sapientiae estimationem sibi paravit. Crudelis eius animi testes fuerunt incolae oppidi Tiphsa, Sallumi paribus fidem servantes, quos omnes sine discrimine sexus et aetatis occidi, urbem destrui et confinia eius devastari iussit. Eo regnante primo Assyrii hostili manu terram Israeliticam intraverunt, a Tiphсахitis ut videtur obsidione pressis invitati. Quibus resistere non potuit nisi solutis **אֶלֶף כֶּבֶד — בָּסָף**. Hoc ingens argenti pondus a populo, ut Phuli Assyriorum regis amicitiam emeret, durissimo modo exegit, immo extorsit; quod quo lubentius cives paterentur, eorum nefariae idololatriae indulgit 2 Reg. 15, 18. eosque omni gentilium impietate praeivit. Cuius effoeminati regis imperium per decennium protractum est.

Menahemum mortuum secutus est filius Pekahiah, fortasse imbecillior patre, quippe qui altero imperii anno coniurationem contra se factam tanta securitate sopitus succrescere passus sit, ut inopinatus in ipso palatio suo Samaritano posset opprimi.

Dux coniurationis Pekah regem se creavit, vir strenuus et fortis, qui quidem bellis perverso et impio modo susceptis vires nervosque populi magis magisque exhaustit. Foedus perniciosissimum cum Rezino rege Syriae contra Iudaeos iniit, vinculum prorsus solvens, quod utramque gentem stirpe, dialecto, cultu et legis sanctitate coniunctam omnibus barbaris inviolabilem et invictam praestare debebat. Regi Iudaeorum Ahaso multas magnasque clades intulit, donec Ahas

obsidione urbis Hierosolymae pressus et ad incitatas paene redactus, propheta quidem Iesaia dehortante, auxilium Assyriorum imploravit. Tunc iterum Assyrii duce rege Tiglath-Pileser fines Israelitarum transgressi, Damascum occuparunt, maximam partem superioris Canaanis, regionum potissimum Trans-Jordanensium vastarunt, eiusque cives secum captivos abduxerunt. Pekah his eventibus suis exosus, quarto Ahasi anno interfectus est ³).

At parricida Hoseas post 16 demum annos auxilio Assyriorum adiutus (vid. infra §. IV, ad cap. 11.) ad tranquillam et firmatam imperii possessionem pervenire poterat ⁴). Quo regnante funestus et diu praeparatus regni Israelitici interitus evenit. Rex illud fortasse inevitabile fatum perfidia acceleravit, qua vindictam Salmanasseris regis Assyriorum a se repetendam excitaverat. Postquam enim huic tributum annuum solvere pro-

3) 2 Reg. 15, 30. iterum obscura est chronologia. Pekah ibi usque ad 20 annum Iothami regis Iudaeorum regnasse dicitur. At Iotham iam anno decimo sexto diem supremum obierat v. 33. Unde intelligitur verba ita esse explananda, ut Pekah 20 annos ab initio Iothami regnaverit.

4) Est tertia difficultas in recensendis annis imperii regis Hoseae. 2 Reg. 15, 30 legitur regnum eius initium cepisse anno Iothami vigesimo i. e. Ahasi quarto, sed 2 Reg. 17, 1. eum regem factum esse anno Ahasi duodecimo. Quae ita concilianda sunt, ut statuamus iterum octo annorum spatium tumultibus et bellis civilibus contaminatum fuisse, quae quidem Hoseas ope Salmanasseris regis Assyriorum ita composuerit, ut tandem rex constitutus se potenti suo amico tributarium reddiderit.

miserat, clam auxilium Aegyptiorum quaesivit. Qua re audita Salmanasser periurium bello ulcisci decrevit. Itaque ingressus exercitu regnum Israeliticum in deditionem accepit, capite autem eius Samaria consumtis in ea oppugnanda tribus annis vi potitus, regem cum universa gente decem tribuum in exilium abduxit. Quo facto Samariam et universam terram Israeliticam barbaris incolendam dedit. Annus erat a nece Pekahi decimus septimus, nonus ab initio regni Hoseae, Hiskiae autem filii Ahasi, regis Iudaeorum sextus, quo fata imperii Israelitici impleta sunt.

Inter tot tantasque calamitates patriae propheta noster oracula sua edidit. Licet monumenta historica admodum manca sint et magnam divinandi materiam nobis relinquant, tamen historia omnium similium turbarum, quas expertae sunt gentes, satis nobis exemplorum perhibet, ex quorum ratione ea supplere possimus, quae ad intelligendum auctorem in historia Israelitica ipsa desiderantur. Quid mirum in tot interregnis, in tot coniurationibus, in tot sanguinolentis caedibus, in tot denique crudelissimis stragibus mores civium penitus depravatos esse cap. 4, 1. 4. 13. 18. 6, 9. 10. 7, 1. 16. 9, 1. 2. 15. 10, 15. 12, 9., ius fasque funditus sublatum fuisse cap. 4, 2. 8. 6, 8. 9, 9. 10, 4. 12, 1., quemlibet protervum et callidum ducem animos inflammatos ad scelera sua commovisse cap. 5, 1. 7, 4. 6., omnes probos et bene de republica sentientes contemptu et odio vexatos esse cap. 5, 4. 7, 15. 11, 2. 13, 15. gentemque deceptam cap. 7, 11. insidiis illorum falsorum prophetarum et sacerdotum succubuisse cap. 4, 4. 14. 9, 7. 8., qui inania idolorum auxilia promittentes cap. 2, 7. 10, 5. 15. suum modo lu-

crum e perverso Dei cultu et e nationis depravatione quaerebant.

Dum regnum 10 tribuum ad interitum properabat, aliquanto feliciore sorte reliquae 2 tribus, Iudae et Beniaminis, fruebantur, quibus reges e familia Davidis praeerant, quamvis pristina virtus et pietas iam inde a temporibus Salomonis nimia indulgentia regum erga mores exterorum fuerit hebetior facta. Etenim nonnulli quidem regum illorum melioris indolis bene de civibus meruerant: verum tempore nostri res eo erant adductae ut dulcis et luxuriosa superstitio vicini imperii Israelitici Iudaeorum mores magis magisque contaminaret. Una autem cum Ierobeamo regnavit adhuc 14 annos Asaria, qui in libris Chronicorum Usia vocatur: rex quidem prudens et fortis, aequae bellorum gerendorum atque gubernandae reipublicae peritus, qui consilio usus est Sachariae viri divinis monitis attendentis 2 Chron. 26, 5.; et quamdiu hunc sibi ducem esse passus ipse Dei legibus obtemperavit, res bene gessit. Vicit enim Philistaeos, Arabes, Ammonitas; patriam et munitionibus et instructo exercitu defendit, urbes auxit et locupletavit, culturam agrorum studiosissime sustentavit. Verum Sacharia mortuo, postquam vires auxerat, sibi ipsi nimis fidere coepit, superstitionem et idololatriam civium suorum neglexit, instituta templi Iudaeis sanctissima illussit, superbia elatus ipse rebus sacris praeesse constituit. Verum cum protervam prodidisset voluntatem subornandi sub praetextu pietatis religionem patriam sibi suisque violentibus consiliis tamquam ministram, lepra tactus supplicium dedit. Quod foetidum morbi genus cum lue sua infectum hominum societate excluderet, pontificibus regem

ipsorum auctoritati perniciosissimum imperio summovendi sceptrumque filio eius Iothamo tradendi occasionem suppeditavit. Annos 52 imperio functus vidit Samariae regnantes Ierobeamum II, Sachariam, Sallumum, Menahemum, Pekahiam et Pekahum.

Patri similis fuit Iotham et sagacitate imperandi et fortitudine bellandi. Idem barbaros coercuit sibiue tributarios fecit multaue praeclare in republica gessit. Verum pari ut pater circa cultum divinum levitate versatus est. Ipse quidem legis praecepta servans, civibus indulgit cum idolis sacra facere tum moribus esse iusto libidinosioribus et protervioribus. Post 16 annos regnante Pekaho rege Israelitico decessit.

Ahas patrem secutus modum et prudentiam patris et avi servare recusavit. Non enim solum civium superstitionem tulit, sed eius particeps factus est. Adeo insanus fuit ut maxime nefariam cultus Baalitici partem, immolationem infantium, ipse suo exemplo probaret 2 Chron. 28, 4. Propterea imperium eius civibus funestissimum fuit. A rege Israelitarum Pekaho socio regis Syriae Rezini vexatus, monitis prophetae Iesae non obediens ad regem Assyriae Tiglath-Pileserem misit qui eius auxilium implorarent: a quo quidem adiutus verum auro et argento spoliatus, ipsi adeo tributarius factus est; qua molestia laborandum adhuc fuit filio et successori Hiskiae 2 Reg. 18, 7. Vixit usque ad tertium annum Hoseae, ultimi regis Samariae, et successorem habuit eximia pietate et virtute res Iudaeorum restituentem.

Quae rerum descriptio intelligendis iis locis quae in Iudaeos valent cap. 1, 7. 4, 15. 5, 5. 10

— 12. 6, 11. 10, 11. 12, 1. 5. sufficiat. Historiae convenientissimum videtur, ubi sub initium poematis civitas Iudaeorum cum laudis significatione commemoratur, ubi vates postea magis magisque vituperando in eos invehitur, donec in postrema vaticiniorum parte eos eo pervenisse pingit, ut continuo cum Iehova litigarent: וַיִּחָדָה (יָד) רָב עַם-יִשְׂרָאֵל נֶאֱמָר.

II.

De ingenio et indole vaticiniorum Hoseae.

Opus nostrum dictione et argumento in poematibus antiquissimi aevi, maxime Hebraeorum, locum honorificentissimum occupat. Qui in efatis eius mysterium tantummodo futurorum temporum quaerit, vatem aequè non intelligit atque is, qui nexum orationum eius dilacerat, eumque sententiosas tantum et aenigmaticas nec ullo vinculo coniunctas enunciationes sparsisse censet. Ita de eo illustr. Eichhorn (Einleitg in d. A. T. B. 4. §. 555): „die Reden sind mehr strafend „und ermahnend als prophetisch, doch kann man „sie wegen des Vorgefühls der bessern Zeiten „nach den ausgestandenen Strafen, womit der „Prophet an verschiedenen Stellen endet, auch „prophetisch nennen.“ Quamquam autem omnes laborant difficultatibus antiquissimae linguae nobisque ignotae historiae, ita ut multae nos deliciae effugiant, quae in aliis antiquis poetis facilius sentiuntur, tamen ingenuae et liberae vatis contemplationi plurima relictæ sunt, quae elegantiam et venustatem poematis nostri testificentur. Quae

ut percipiamus, ante omnia opus est, ut e collatione dictorum in varia capita sparsorum inter se, et cum aliis V. T. locis huc pertinentibus aliquid certi eruamus, ut mente ac cogitatione ad illa tempora vetustissima ascendamus, quorum mores simplices a nostris maxime diversos fuisse ex aliis profanis scriptoribus satis notum est, ut coelo et indoli hominis in illis uberrimis Orientis regionibus degentis sua demus, ut denique in textu ipso spuria et dubia a genuinis nullique omnino dubio obnoxiiis seiungamus.

Signa peculiaria et quasi characteristicae poematis nostri sunt suavis ardor orationis, clementia et benevolentia animi ubique elucens, ubertas imaginum, levis et fere idyllica forma, praecisa denique sententiosaque dictio. Est aliud genus orationis quod in Iesaia, aliud quod in Ioele et Amoso, aliud quod in aliis prophetis habemus. Verum ut ille et gravitate et severitate ingenii et vi energica, hi arte grandia excelsaque in animo lectoris producendi eaque multivariis splendidisque coloribus pingendi eminent, ita noster suis ornamentis mentem lectoris haud minori dulcedine sibi devincit.

Atque *ardor orationis* non tam in graviter vituperandis flagitiis inque minandis eorum poenis, sed in eo versatur, quod aequae fertur ira sanctissima in scelera atque amore in perversissimos patriae cives. Commotio animi semper fluctuat inter utriusque significationem vatesque propterea per sententias loquitur, nonnunquam adeo obscuritatem non satis cavet, quod maxima indignationis vehementia non minori amoris impetu frangitur. Ex eadem causa indignatio eius neque in indecentes obiurgationes, neque in opinio-

sas exaggerationes abit. Commemorat flagitia, quae vidit, describit ea gravibus sed e communi vita sumtis imaginibus, poenas minatur et e re ipsa et e vaticiniis antiquis in vulgus notis haustas, eodem studio suos vituperans eosque ad morum emendationem provocans. Semel modo cap. 9, 14. in extremum indignationis fervorem abripitur, ut Deum populum punire obsecratur. At in tanta ira diu commorari nequit, eique finem imponit loco communi: *contemnit Deus non attendentes eius monitis.* Omnino pectus est, quod eum disertum facit, non impetus affectuum. Ex quo fit, ut praecipuum orationis momentum semper repetat, nil antiquius, nil satius habens quam patriae sortem deplorare. Hac pertinent interrogationes in Dei sermonibus dubium animum significantes 4, 14. 6, 4. 11, 8., varii modi exhortationis, Iehovam ante omnia esse cognoscendum 2, 22. 5, 4. 6, 3. 6. 8, 2. 13, 4. 14, 4., monitum idololatriam causam esse omnis miseriae 2, 15. 4, 16. 17. 5, 2. 8, 4. 7. 9, 15. 10, 15. 15, 9., increpatio foederis cum barbaris nationibus 5, 13. 7, 8. 11. 8, 9. 10. 10, 4. 12, 2., declaratio totum Israellem penitus esse depravatum cap. 4, 1. 2. 4. 5, 1. 6, 10. 12, 1. eaque modo loquendi irridente significata, quo dolorem animi de eo quod immutari nequeat gravius exhibet 4, 17 — 19. 10, 5.

Inter haec omnia *clementia* et *benevolentia animi* elucet, nostrumque in vatem excitat amorem. Cum enim patria eius ita corrupta esset perversitate incolarum, ut proni essent ad omnia scelera, ut omnem a Deo sibi paratam salutem consulto repudiarent, utque damnum domus Israelis irreparabile videretur, vates iis praesto fuit,

non modo consilia daturus eosque admoniturus, verum etiam spem meliorum temporum iis propositurus. Quam bene autem erga eos animatus fuerit, id non dulci verborum copia significavit, sed clarius etiam dolore, quo ipse sentire visus erat morbum Ephraimi et vulnus Iudae, cum ipsi nondum iis attenderent. Descriptiones eius miserimum suorum statum pingentes nec criminationes sunt nec merae increpationes, sed iudicia e factis eorum ipsis eruta. *Idololatria in os eos criminatur* 5, 5. 7. 10. *Impetus pravorum libidinum eosprehendet* 4, 19. *Ipsi vinculum amoris cum Deo solverunt* 2, 4. 5, 7. *Non sursum redeunt, ideo cadent* 7, 16. *Similes sunt columbae pellectae cui mens deficit, ergo capientur* 7, 11. *Impietatem colunt, ergo fallacibus fructibus vescentur* 10, 13. *Barbaris se commiscent, ergo ab iis devorabuntur* 7, 8. 9. *Ipsi sibi daturi sunt perniciem in quam irruant* 9, 14. *Sanguis, quo contaminati sunt, iis inhaeret* 12, 15. Ex quo fit, ut semper redeat ad fontes miseriae eorum, nimirum ad perversissimam idololatriam, ad foedera cum barbaris icta, ad libidinosum animum, qui tantum commodis abundare cupiat, ad defectum cognitionis Dei, ad insanam separationem tribuum Iacobitarum: non ita quidem ut eorum animos confringat, ut olim factum erat per prophetas, cap. 6, 5., sed ut eos tangat dulcissima commemoratione pristinae divinae benevolentiae 11, 1 — 5. 12, 10. 14. 13. 13, 4 — 6. 10. 14., curae Iehovae in posterum iis benefaciendi 2, 16 — 25., scelera iis condonandi 11, 8. 9., hostes eorum terrore percutiendi 10, 11., securitatem patriae iis concedendi 11., gloriam patriae restituendi, ut firma sit quasi

Libanon cap. 14, 6. et latissime effusa ut oliva. v. 7. Quin ipse sibi persuasum habet, fore, ut populares miseris convicti et emendati ad Iehovam suum et ad veram salutem redeant, utque tandem digniores fiant meliore sorte a Deo ipsis tribuenda 3, 5. 5, 15. 6, 1 — 3. 10, 12. 14, 2 — 9. Tota denique symbolica narratio factorum suorum domesticorum cap. 1 — 3. eiusdem animi signa exhibet. Nam quocumque tandem modo eam interpretemur, primum in quo descriptio et comparatio versatur est benevolentia. Amore se pingit pessimae mulieri iunctum, amore Deum erga ingratum populum agentem. Ita legendo et relegendo vate nostro non potui quin eum huius amoris, qui non e corde molli et lacrymoso ut lamentationes Threnorum nonnullorumque Psalmorum, sed e virili et forti pectore fluxit, prae ceteris vatibus V. T. nota insignirem.

Ubertas imaginum iam a V. D. Eichhornio in introd. in V. T. B. 4. §. 555. iusta et vere poetica laude celebrata est, ut pauca tantum iis addenda habuerim. Omnes quidem poetae V. T. imagines amant, noster autem vates peculiari et ab omnibus diversissima ratione. Neque enim iis utitur allegorico modo ut quasi filium habeat et materiem, quibus animi cogitationes captui lectorum significet easque varie tractet, quemadmodum Ezechiel, Amos, Sacharias; neque corollarii modo, ad grandia memoratuque digna effata earum fulgure et splendore magis illustranda, ut saepius in Iesaia; neque tantum ubi occasio fert, ut vestitum poeticum adhibeat. Nostro poemati imagines ita innexae sunt, ut partem integram orationis efficiant. Earum ornamento vates omnes cogitationes et enunciationes circumdat, animi

autem sui sensus non illustrat, nonnunquam adeo intellectu difficiliore reddere videtur. Quorum quidem gravitatem certius assequi non possumus, quam ita, ut semper artem spectemus, qua elegantissime imaginum suarum significationem non exponit (nam ardor animi ampliore enarrationem non patitur), sed lectoribus ex toto orationis nexu inveniendam relinquit. v. c. 4, 19. 8, 6. 7. 11, 9 — 11. 12, 15. 14. Vatem nunquam comparationes effugiunt, altera enim ab altera quasi protruditur, altera alteri occasionem praebet, 10, 11 — 12. 13, 12. 15. 9, 10 — 16. Nec alius repetitae sunt illae imagines, neque opiniosa fragmenta, verum omnes e communi vita et ex historia gentis desumptae, tum subtilissimae et elegantissimae, 2, 18. 23. 24. 9, 4. 10. 10, 10. 11. 11, 1. 2. 4. 14, 6., tum severiores et asperiores 2, 5. 14. 4, 16. 5, 12. 14. 15. 7, 4 — 7. 10, 9. 13, 3. Modo tangit lineam imagine, 4, 10. 5, 1. 10. 6, 4. 11. 7, 8. 11. 14. 16. etc., modo copiosius eam exornat; 2, 7 — 12. 18 — 23. 4, 16. 6, 1. 2. 8, 7. 9, 9. 10, 9. 10. 12, 8. 13, 15. 14, 6 — 8 etc.; at omnes istae imagines altiore sensum involvunt quam copiosissimae descriptiones. Nonnunquam quidem luxuries imaginationis poetam ita abripit, ut in tenenda translatione arti criticae non probetur, v. c. cap. 7., ubi qui v. 4. massa fermentata in clibano coquenda erant, v. 7. clibano ipsi similes fiunt; cap. 5, 12 — 14. ubi Deus vocatur tinea et putredo, mox autem leo ferox, discerpens et abducens praedam in habitaculum; cap. 13, 13. ubi natio Israelitica comparatur puerperae dolores partus sentienti, mox autem infans fit, qui tempus maturitatis exspectare nequit; cap. 14, 6 — 9. ubi Israelitae restituti ceu lilium

pullulabunt, tantas radices acturi ut denique fiant arbor latissima et suavissima, fructus autem sumturi ex alia arbore, quae Deus sit, eaque abiete, quae fructus non fert. Verum probe observandum est: 1) versari nos inter poetas Orientis, de quorum ingenii aestu ad regulas nostrorum Orientalium iudicare minime fas sit, et in temporibus antiquissimis, ubi forma poeseos nondum artis legibus coercita et emendata fuerit; 2) vatem nostrum rem comparatam magis curae habuisse, quam comparisonem ipsam; 3) talia exempla suo in nexu cum reliqua orationis serie planè alium colorem induere, quam in nuda recensione, ubi e textu evulsa narrentur; 4) multos locos errore librariorum et eorum, qui accentus addiderunt vitiatos esse, ubi leni emendatione imaginis elegantia restitui possit, id quod imprimis de illis cap. 7, 4. et 8, 7. valere mihi videtur; 5) in vate nostro ubertatem imaginationis, ita largam fuisse, ut allegoricae descriptiones ei displicuerint. Pingit planam sententiam imaginibus, sed totus modus eas adhibendi ita comparatus est, ut diu in uno tropo persistere prorsus non potuisse videatur. Quandoque imagines eius allegoriam attingunt, simplex eius venustas aufugit, ipse vel e metaphora excidit vel obscurus fit. Quae potissimum de metaphora massae clibanique 7, 4. 7., arborum cap. 14. et de ea cap. 4, 1 — 6. valent. Magis vati placuisse videtur, rebus simplicibus et eventibus in vulgus notis arcanum sensum subicere typumque rerum futurarum in nudis illorum eventuum formis et modis invenire, quod quidem etiam genus imaginum est. Qui rerum gestarum usus symbolicus vocatur, et imprimis in tribus eius prophetiarum partibus locum habere videtur: cap. 1 — 3.,

cap. 5, 10 — 15. et cap. 12. Verum et in his typicis expositionibus a perspicuitate et facili orationis amoenitate recedit, maxime capite duodecimo.

Formam poeseos levem et fere idyllicam 5) dixi. Neque enim visiones fingit, neque solennibus descriptionibus res celebrat et ex ingenio et ex historia depromtas, neque exultante fervore in inusitados sentiendi et scribendi modos abripitur, neque vi didactica mores castigat, neque spem feliciorem temporum epico poemate proponit. Plurima pars sermonum eius tabulae pictae similes sunt gratis figuris et suavis coloribus decoratae. Omnes imagines, omnes descriptiones morum et temporum, omnes exhortationes e communi vita desumptae a lectoribus et auditoribus facile comprehendendi possunt. Dum autem intellectu facillimis formis animos suorum

5) „Graecorum carmina nonnulla generali titulo εἰδὴ inscripta fuisse accepimus, qui nihil aliud denotat, nisi quasdam poematum species s. diversa quaedam carmina, absque aliqua vel formae vel argumenti certa designatione. Quodsi quae aut levioris momenti aut styli submissioris aut generis quomodocunque inferioris esse viderentur, nec item ab una materia inscribi possent, ea diminutivo vocabulo εἰδύλλια appellabant, qualia Latini *eclogas* malebant vocare, quasi poemata quaedam habito e pluribus delectu edita. Quamquam autem sit εἰδύλλιον nomen vagum et commune, usu tamen et consuetudine suum quemque et proprium charactera obtinuisse videtur et fortasse ita describi potest, ut sit poema modicae magnitudinis, styli medii ad suavitatem et elegantiam potissimum comparati, dispositionis facilis, rectae, apparentis.“ Lowth de sacra poesi Hebr. edit. Lips. 1815. pag. 326.

commovet, non ei opus est latiore expositione. Impetu studii et amoris ab altero orationis argumento ad alterum fertur, non metuens ne auditores grandi verborum pondere obtusi, orationis gravitatem non capturi sint. Quodsi fata suorum temporum commemorat, neque historice ea illustrat, neque poetice exponit. Sufficit eorum mentionem fecisse quasi quae omnibus nota sint. In eo tantum subsistit, quod unicuique civium pariter atque ipsi curae cordique est. Licet autem eae res sint gravissimae, ita tamen eas tractat, ut gravitas neminem terreat, verum omnium animos commoveat. Ubi v. c. de sceleratissima superstitione liberorum immolandorum agit 9, 10 — 17., gratissima expositione et rei obscoenitatem temperat, et turpitudinem designat, Ubi instans periculum ex insana idololatria ortum comminatur cap. 10, eodem modo severissimis sermonibus leniora et mitiora verba immiscet, v. 7. 8. 11. 12. cf. cap. 2. 11. 13. et 14. Quodsi de Iehova loquitur, eum pingit amoris benevolentiaeque plenum, applicantem se animis hominum, ut eius infinitam benevolentiam sentiant: cap. 2, 16 — 25. 6, 1 — 5. 12, 5. 6. 14. Ubi vero eius maiestatem describit, imaginibus utitur e natura desumptis: cap. 5, 12 — 14. 11, 9 — 11. 13, 7. 8. Idem in recitandis poenis, quae refractarium populum manebant, ita agit, ut vel defectum bonorum iis iucundissimorum ante oculos ponat cap. 2, 11 — 14. 3, 4. 4, 16. 8, 13. 14. 9, 1 — 6. 11. 12. 10, 6 — 8., vel defectum favoris divini variis iisque e populari vita petitis descriptionibus animo infigat cap. 1, 2. 9. 4, 6. 10. 5, 6. 7. 12. 7, 10 — 13. 8, 5 — 10. 11, 6 — 8. 13, 9. Pari modo descendit ad captum diversissimi ge-

neris hominum et in vituperanda scelerum magnitudine, 3, 1. 4, 11 — 14. 6, 4. 7, 3 — 7. 9, 1. 9. 10, 1 — 5. 9. 11, 2 — 7. 12, 8 — 13. 13, 13., et in exhortando populo 3, 1 — 4. 6, 1 — 3. 10, 12. 11, 9. 10. 12, 4 — 7. 14, 1. 2., et in promittendis felicioribus temporibus, 2, 1. 2. 3, 5. 11, 9 — 11. 12, 10. 14, 5 — 9. Habemus igitur in Hosea nostro fasciculum poematum ex intimo animi affectu depromptorum et levi manu designatorum. Sed praestantissimum eorum ornamentum est simplicitas. In omnibus brevis est. Quoniam enim quasi per aures et oculos animis suorum sensum veri et recti, pudorem scelerum, necessitatem sapienter et probe agendi infundere studet, veritatem effatorum intelligendi copiam lectoribus relinquit. Talis pingendi modus, ut in Homero, ita in omnibus poetis nos oblectat, qui eodem mentis candore, eadem pietate, eodem amore, eadem denique elegantia dignitateque orationis carmina composuerunt, quemadmodum nostrum habemus exemplum. Huic quidem sententiae de simplici et levi forma vatis nostri non repugnare videtur, quod ab omnibus interpretibus difficillimis et obscurissimis libris V. T. adnumeratus est. Difficultas enim non formae et ingenio poematis inest, sed et rebus quas tractat, et linguae qua utitur antiquissimae in primis culturae rudimentis versanti, et textui depravato. Vid. p. 19. Vates lectores et auditores brevi et sollerti negotio in medias res ducit. At illae res nobis saepius aequae ignotae sunt atque verborum vis et constructio. Accedit, quod plures operis loci et longo temporum intervallo, quo procul dubio oculi iacuerunt, et tractatione librariorum et culpa primorum interpretum maxime Alexan-

drinorum corrupti et depravati sunt. Unde Lowth de sacra poesi Hebraeorum p. 244. 45. acute disserit: „Hoseae stylus vetustatem redolet, acer, „acutus, concisus, eminenti quadam poeticae compositionis nota signatus, pristinam nimirum generis sententiosi brevitatem et compressionem retinens, a qua vates aetate inferiores aliquid remiserunt. Verum hoc ipsum, quod in principio „suam procul dubio vim habuit et peculiarem „elegantiam, tanta iam in historiae Hebraicae ruinis obscuritas consecuta est, ut quamquam huius „vatis universum argumentum sit satis apertum, „tamen aliisquisquam haud aequè sit difficilis et „involutus. Est etiam aliud in causa, cur eius „stylus adeo iam videatur impeditus. Vaticinatus „est per longissimum annorum spatium: modicum „habemus volumen, vaticinationes eius ut videtur „praecipuas continens, easque inter se sine ullis „temporis notis et argumenti distinctione connectas, ita minime mirum est, si Hoseam perlegentes in sparsa quaedam Sibyllae folia incidamus.“

Hinc facile efficitur, quid de illo iudicio, *dictionem vatis esse sententiosam*, deque saepius repetito illo Hieronymi edicto: „fuisse eum comicum et quasi per sententias loquentem,“ statuendum sit. Uique sententiosus fuit, siquidem forma poeseos, qua vates noster oracula sua edidit, omnino insulsa esset, et merus verborum tinnitus, si brevitatis eius vi sententiarum destituta esset. Verum neque ita abrupte locutus est, ac si meditationes sine ordine et nexu calamo essent elapsae, neque locos communes conseruit, neque inventa strenuae cogitationis edere voluit, quemadmodum *γνώμαι*, et dicteria aliorum veterum sapientum. Sententias tenero et subtili vin-

culo iunxit, parenthesis quidem interiectis semper ad argumentum rediit. Ex quo factum est, ut fere nunquam sollertis elegantisque compositionis studium in eo desideremus. Quae sensit vates de turpitudine scelerum, de inclinatione Dei versus impium populum, de fati suorum temporum, de spe futuri aevi, ea scripsit; et sic habemus poetam sententiosum i. e. qui sensus suos aequi et boni brevibus sed semper inter se cohaerentibus enunciationibus exhibuit. Interpretis est, intimum connexum horum animi sensuum inter se, eorumque translationem et ad historiam illius temporis et ad historiam effataque legis Mosaicae investigare atque illustrare. Quo pacto non solum nubes illae orationis diu in vituperium vocatae evanescent sed et poematis venustas in honorem poetae iucundior elucescet. Cuius rei periculum nos certe fecisse ingenue profiteamur.

III.

De argumento vaticiniorum Hoseae.

Omnes vere prophetae V. T. unum idemque vaticiniorum et scriptorum habent argumentum: videlicet ut castigent aberrationem a Deo ex idololatria, perniciosis consiliis et pravis moribus conspicuam, ut poenas minentur ex hoc discessu de Deo oriundas, ut spem melioris aevi annectant, cum Abrahami proles ad meliorem frugem rediisset.

Vates noster eandem occasionem vaticinia sua edendi habuit. Conditionem publicam et privatam totius gentis maxima vituperatione dig-

nam conspexit, eamque castigationibus notavit. Poenas iam imminere sensit, immo initium earum vidit easque pinxit. Meliora tempora speravit eaque promisit.

Vitia imperii civiumque conspiciebantur 1) in pernicioso commercio cum barbaris inito, 2) in petito inde cultu idolorum, 3) in nefaria separatione tribuum Iacobitarum, 4) in depravatione morum, 5) in simulata fucataque pietate.

Moses et priores rerum Israelitarum moderatores, omni modo in eo elaborantes ut nimia suorum proclivitas a cultu severo et pio unius Iehovae in idololatriam aliarum gentium, quam imprimis inter Aegyptios amare coeperant, abeundi animis eorum evelleretur, nulla re facilius consilii sui compotes fieri se posse opinabantur, quam separatione eorum ab omnibus populis barbaris. Hinc solitaria eorum peregrinatio per Arabicum desertum, cuius ope ita tractandi erant, ut natio fierent, quae viribus suis et auxilio Dei fisa amicitia aliarum gentium non solum supersedere, sed eas etiam sibi subiectas reddere posset, utque paullatim ab usu et sollertia societatem eorum quaerendi desuefierent. Hinc leges, quae peculiarum aliquam indolem populi a Deo ipso electi eiusque patrocinio muniti civibus inicerent. Hinc iussa Mosis omnem cum iis consuetudinem vitandi Deut. 7, 2. 5. Hinc ipsae Iehovae nomine prolatae exhortationes, ut sanguinem hostium in bellis iis inferendis absque misericordia, sexusque et aetatis discrimine profunderent Deut. 20, 16 — 18. 7, 22 — 24. Hinc crudeles caedes, quibus pristini incolae Canaanis funditus extirpabantur Ios. 10, 28 — 40. Quibus horrende factis et Israelitarum animi exterorum odio magis

magisque confirmarentur, et exteræ nationes ipsæ eodem odio in perpetuum ab iis removerentur. Eorum demagogi Mosaicis institutionibus ita initiati erant, ut poenis divinis eos afficerent, qui aliquantulum ab illa duritia et crudelitate lege sancita remitterent. Itaque Saulus cecidit, postquam aliquantum misericordiae erga Amalekitas eorumque regem Agagum prodidit. 1 Sam. 15. Quod odium ex mente Mosis quasi aheneus murus erat, quem barbarorum impietas transilire nequiret. Vanum consilium! Male enim sibi et patriæ consulit fulcimina salutis virtuti et naturæ hominum contraria substituens. Iacobi posteri iam in deserto Midianitis et Moabitis, saepius sub Iudicibus antiquis Canaanitis se adjugebant. Davides fundamenta quibus omnis institutio patriæ niteretur bene perspexit eaque animo probavit. Prout autem ipso regnante vires et divitiæ augebantur, ita populus pristinam feritatem exuebat, navigatio et mercatura exercebatur, artes et industria patriam intrabant, ita quidem, ut illud ab auctoribus reipublicæ tantopere impeditum commercium intermitteri amplius non posset. Salomonis imperium hanc novam historiae Israeliticæ periodum inchoavit. Ipse opifices ex variis terris vicinis ad templum aedificandum invitavit, foedera cum regibus barbaris icit, cum aliis adeo amicitiam iniit, filiam regis Aegypti in matrimonium duxit, naves ad littora remota misit, mulieres e lectissimis variarum nationum sibi adscivit. Res in peius etiam versæ sunt, postquam vires populo perpetuis irruptionibus inimicorum resistendi defuerunt, maxime postquam tribus Israeliticæ ipsæ internis contentionibus semet ipsas consumere coeperunt. Tunc adeo in auxilium belli reges

barbari, inter quos Syri, post Assyrii, emto eorum favore magno auri et argenti pondere vocati sunt 1 Reg. 15, 18. 19. 2 Chron. 16, 2 — 4. 1 Reg. 20, 34. 2 Reg. 15, 19. Vidit vates noster patriam his legi repugnantibus amicitiiis maculatam, easque in causis pernicipiei et depravationis esse probe sensit. Tali autem pacto gens Deo dicata barbaris se oppigneraverat, fiduciam in Deum minoris momenti habebat, quam copiam auxiliorum, ope eorum freta patriam sanguine civium inundabat, cum amicitia barbarorum perversos eorum mores excipiebat, poenasque Dei ob violatum eius iussum in dies magis magisque contrahebat. Itaque aequae vana atque impia describit propheta suorum consilia, quod confugiant ad regem Iareb cap. 5, 13., quod gentilibus se commisceant 7, 8., quod Aegyptios vocent et in Assyriam abeant 7, 11., quod conducant mercede amorem Assyriorum et Aegyptiorum 8, 8. 9. 12, 2., quod vicinae Tyri flagitia adoptaverint 9, 13.

E nefario enim cum barbaris commercio *idololatria* orta erat. Moses veri Dei cognitionem, cui a superstitione barbarorum vindicandae iam Abrahamus piam operam navaverat, cuius etiam quasi hereditariam possessionem familiae suae reliquerat, obumbratam et erroribus Aegyptiorum contaminatam deprehenderat. Rudi et sensuum vi agitato populo cultus ille, ubi imaginem Dei oculis intueri et ipsis manibus contrectare poterat, multo acceptior erat illis sublimioribus dogmatibus de Deo invisio nulla imagine pingendo, nullo terrarum spatio includendo. Aegyptiorum quoque religio omnibus illis dogmatibus commendatis ab Abrahamo nitebatur. Ve-

rum singulae eius partes ope symbolorum, imaginum et sacratorum mysteriorum sensuum captui accommodabantur. Summum numen iis Apis erat, taurus pompa, solennibus festis et sacrificiis celebratus, cui cultui ut studiosissimi posteri Abrahæ inhaerebant ita Mosi nihil antiquius fuit, quam ut eius amorem animis suorum evelleret; sed iterum iterumque populus ad eum redierat. Quamquam acerbe, adeo crudeliter Moses sacerdotesque ab eo constituti in eos saevirent qui correctionem recusarent, tamen temporis intervallum octo saeculorum reliquias illius Aegyptiæ superstitutionis evertere non poterat: quin ipse Ierobeam auctor separati imperii decem tribuum cultum Apidis quasi fundamentum institutionum suarum ita restituit, ut duo vitulos aureos in urbibus Dan et Bethel poneret. Verum ista Aegyptiaca superstitio non erat errorum a populo impubere adamatorum pessimus. A Moabitibus et Midianitis primi discebant multo rudiorum et insaniorum cultum Baalium originis Babylonicae, qui et animum emendandi vi et pia erga supremum numen reverentia, quod obscœnis figuris statuisque significabant, destitutus, aequè libidinibus satisfaciebat atque terrores iniiciebat. Eadem crudelitate qua in Aegyptiacum, etiam in hunc Baaliticum stuporem Moses grassatus est, verum eodem inani studio. Siquidem ipse Salomo plurimis illius idoli speciebus altaria et templa sacravit, e quibus superstitio in omnes regiones terræ sanctae manavit, eamque post Salomonis obitum divisi imperii cives amplexi sunt, prae euntibus adeo regibus, maxime famoso Ahabo iuxta delubra vitulorum in nova regia Samariæ templum Baalis splendidissimum exstruente, itidemque Io-

ramo et Ahaso tribus Iudae et Benjaminis nefario exemplo ad eandem impietatem provocantibus. Utrique regno non defuerunt quidem reges melius de rebus sacris sentientes. In Israelitico enim rex Iehu studium cultus Baalatici extirpandi prae se tulerat; verum ipse incertus Iehovae cultor non solum idololatriam Ierobeami retinuerat, sed post deletam Ahabi familiam e nimia facilitate omni gentis superstitioni pepercerat, quae regnantibus eius posteris nova incrementa cepit. In Iudaico autem Hosea vaticinante pietas iam sub Usia labefactata ab impio eius filio et magis etiam impio nepote plane eversa visa est, cap. 6, 11. 12, 1. 3. Utriusque igitur et Aegyptiacae et Asiaticae superstitionis damnum in dies crevit, omnes institutiones Mosaicæ delevit, et radices patriae ipsas everit, 9, 16. Cum enim aequè detestabiles Iehovae redderentur atque ipsa idola 9, 10., ne senserunt quidem perniciem 7, 9. eorumque ope freti 2, 7. copia altarium et magnificentia cultus gayisi sunt 10, 2. 5., Iehova felicitatis ipsorum auctore prorsus abiecto 8, 3. 14. 7, 13. 14. Hanc Israelitarum perfidiam nomine scortatus et adulterii vates designat cap. 1, 2 sqq. 2, 4 sqq. 3, 1. 4, 12. 5, 7. 6, 10., appellat defectionem de Deo 11, 7., scelus Israelitarum 10, 8., insaniam vocat, lignum et metalla hominum manibus excusa divina reverentia colere 8, 4 — 6. 13, 2. 14, 4. et proterviā, Iehovam idolorum causa negligere, cum signis summi eius favoris circumdati sint 2, 10 — 15. 11, 2 — 4. 13, 6. 9., ita obcoecos idololatria pingit, ut nec Iehovam cognoscere nec eum invenire possint 5, 4 — 6., denotat locum ubi superstitionis negotia tractabantur infausto nomine Bethaven 4, 15.

etc., reprehendit Gilgal et colles ubi arae erant exstructae, Mizpah, Thabor, Gibeā, Rama, 5, 1. 8. 9, 15. 12, 12. ita rem tractans, ut fontem omnium malorum ibi reperisse satis luculenter appareat.

Accessit aliud scelus posterorum Iacobi, *separatio et dissidia tribuum inter sese orta*. Ingens erat Mosis opus exiguam familiam unius patris, spatio quidem 500 annorum incredibili modo auctam, ita instituendi, ut inter ipsos bellicosos populos patriam occuparet et imperium evaderet vi sua et copia civium munitum, ita autem comparatum, ut omnibus finitimis hostili animo et studio se opponeret. Simplicitas morum et fiducia in Deo posita rem difficilem ita expediverat, ut temporibus Davidis et Salomonis imperii auctoritas satis firmata videretur. At irrepsit discordia et qui vinculo familiae et patriae iuncti superiores barbaris fuerant, contentione civium inferiores facti sunt. Rehabeam Salomonis filius insolentia sua decem tribus a se abalienavit. Nec dux iis defuit, siquidem Ierobeam filius Nebathi facem civilis belli accendit, quae extingui non potuit, nisi ut separatum iuxta Hierosolymitanum imperium existeret, cuius sedes initio Sichemi, postea Samariae fuit. Iehovam ipsum huic separationi adnuisse, ut poenas familiae Davidis in peius versae immitteret eamque separationem posthac Iehu rege a Iehova in vindictam impii Abahi ad longiora tempora protractam esse, libri sacri narrant 1 Reg. 11, 29—39. et 2 Reg 9, 1—7. 10, 30. Verum neque in Dei consiliis erat ut haec infelix separatio semper duraret, quippe et Ierobeamo rege constituto diserte pronunciatum erat: *Davidis progeniem premam sed non semper* 1 Reg. 11, 39. et Iehu tantum trinepotibus imperium

decretum erat 2 Reg. 10, 30, neque pii mores regum Israelitarum deesse poterant ut Deus iis propitius esset 1 Reg. 11, 38. Quoniam autem Ierobeami eiusque successorum mores tantum aberant ut pii essent, ut illi magis magisque superstitioni in dies insaniori sese et populum committerent, nil ea separatione effectum est nisi ut robur gentis Israeliticae frangeretur. Ierobeam, ut civium ex animis patriarum legum et carissimae sibi Hierosolymae amorem submoveret, novum Dei cultum eumque symbolico modo ad exemplar Aegyptiaci in delubris, collibus et lucis magnifici templi Hierosolymitani vicariis exhibendum constituit. His autem institutis et idololatria auctoritate regum demagogorumque hucusque coercita, quasi rupto aggere in omnem terram sacram se effundebat, et terra ipsa incursui hostium patebat. Neque domestica bella Ierobeamo mortuo composita erant. Legimus quidem nonnunquam utriusque imperii reges contra barbaros fuisse coniunctos, v. c. Ahabum, Ahasiam et Ioramum reges Samariae cum Iosaphate, Ioramo et Ahasia regibus Iudae. Quae quidem amicitia incrementa idololatriae in regno duarum tribuum auxit, unde a prophetis vehementissime improbata est 2 Chron. 19, 2. 3. cf. 21, 5. 6. 22, 2 — 4. Plura tamen bella a regibus utriusque imperii invicem gesta sunt, v. c. a Baesa et Assa, Ioaso et Amazia, Pekaho et Ahaso. Quod autem ad idololatriae incrementa attinet, ab Ahabo, strenuo sed crudeli rege Samariae, cultus Baalium cultui vitulorum e lege additus est, cuius insania et pravitas inde ab hoc tempore in gravissimis causis publicae et privatae perniciiei fuit. Vates noster tanta damna perspicuens et vaticiniorum 1 Reg. 11, 39. 2 Reg. 10, 30.

memor nil magis curae cordique habuit, quam ut tandem illa miseranda separatio tolleretur. Nullum enim aliud auxilium rebus labefactis totius gentis mederi posse pie sensit. cf. Herder Geist d. Hebr. Poesie ed. Iusti II, 404 sqq. Huc potissimum tria priora capita spectant. Spes eius tunc adhuc in interitu familiae Iehu posita erat. Et quamquam ea exstirpata plebs insipiens auxilium Syrorum, Assyriorum et Aegyptiorum petere, quam sanctissimum familiae vinculum recipere mallet, tamen iterum iterumque vates ad hanc tristem suorum conditionem rediit, 8, 4. 10, 3. Eaque fere semper notio subest verbis **יְהוָה אֵת — בָּקַשׁ אֶת**, 5, 15. 7, 10., **יְהוָה אֵת — דָּרַשׁ אֶת**, 10, 12., **יְהוָה אֵל — יָשַׁב אֵל**, 6, 1. 14, 2. Iehovae enim peculiare domicilium putabatur urbs et templum Hierosolymae. Qui ad eum reverti eumque invenire volebat, favoris et semper parati auxilii conspicuum signum non in aris et fanis idolorum, sed in eo loco, ubi eius interpretes veri sacerdotes oracula petebant, quaerere poterat.

Alfam indignationis ansam praebuit vati nostro *morum depravatio*. Scelera enim et idolorum cultui innexa erant et eum sequebantur. In flagitiis cultui Baalis inhaerentibus vates libidines venereas cum luxuriosis computationibus infantiumque immolationem commemorat, illas 4, 11 — 18., hanc 9, 12. 13. Cultum quidem Baal Peoris ut ab accusatione rerum venerearum in eo commissarum liberaret operam dedit Seldenus de Diis Syris Syntagm. I, p. 162. Id quidem certum est, quae Rabbini e derivatione nominis a **פָּעַר** *operire, hiare*, vel a **פִּי עוֹר** *in ore habens pellem* somniarunt, illud idolum vel foetido hiatu oris et natium, vel turpissima

denudatione immensi membri virilis fuisse de-
honestatum, vel obscoenitate his figmentis re-
spondente cultum, ea ad nugas Rabbinicas
esse ableganda. Nomen eius potius repetitur a
Moabitarum monte Peor Num. 23, 28. Deut.
36, 6., unde Baal Peor nulla alia ratione a reli-
quis idolis nomine Baal obviis differt, quam Ju-
piter Capitolinus a Jove Olympio, Dodonaeo etc.
Verum venereas libidines aliaque flagitia ad cul-
tum illius idoli pertinentia ex antiquissima Asiae
incolarum superstitione in gentem Iacobiticam ir-
repsisse, satis superque e locis Num. 23, 2 sqq.
et Hos. 4, 11-18. apparet. His optime respon-
dent, quae apud plures profanos scriptores de
Orgiis, Saturnalibus Lupercalibusve in honorem
Deorum celebratis et de obscoenitatibus circum-
feruntur, quibus cultus paganorum religiosus pol-
lutus fuerit: v. c. Babylone fas fuisse, ut omnes
virgines ad annos pubertatis provectae semel circa
templum se prostituerent ibique zonis virginali-
bus cinctae in cellulis sedentes expectarent dum
vir libidine incensus zonam solveret vid. Ba-
ruch. 6, 41. 42. Herodot. 1, 199., apud Byblien-
ses autem in Syria lege imperatum fuisse, ut festo
Adonis, quod luctu propter eius obitum cele-
brabatur, mulieres aut capite tonderentur, aut
corpus per totum diem festum coitui cuiuscun-
que peregrinorum traderent vid. Lucian. de Dea
Syr. Utrobique quaestus qui inde fiebat in usum
templi cedebat cf. Mich. 1, 7. vid. quae de
meretricibus Graecorum et Corinthiorum narrat
Athenaeus deipnosoph. lib. 13. et ad vocem
קִדְשׁוֹת cap. 4, 14. Eandem libidinosam obscoe-
nitatem cum sacris quibusdam gentilium con-
iunctam fuisse testatur institutum exsectorum s.

eunuchorum, qui nomine קְרָשִׁים in libris sacris cum abiectissimae turpitudinis nota occurrunt v. c. 2 Reg. 23, 7. 1 Reg. 15, 11. 12, a Luciano autem in eodem tractatu de Dea Syr. Galli vocantur, Hierapoli in cultu Astartes sustentati, ut exsecto signo virilitatis clam tanto foediores libidines sancto suo nomine a periculo invidiae et aemulationis maritorum tuti exercerent. — De altero scelere in sacris Israelitarum commisso, immolationem infantum dico, saepius Ssa loquitur, ita ut omnibus 12 tribubus familiare id fuisse appareat cf. 2 Reg. 17, 17. 25, 10. 2 Chron. 28, 3. Nitebatur stolidi opinione de Deorum terribili ira terribili poenitentia placanda, quod illo Carthaginiensium exemplo probatur, qui teste Pescennio Festo ap. Lactant. div. Institt. 1, 21. cum ab Agathocle tyranno Siculorum victi essent, iratos sibi Deos rati, quo efficacius piaculum offerrent, ducentos nobilium filios immolarunt. Nitebatur quoque fanatica pietatis iactatione, cuius plures ineptias calidiorum Orientis et Africae regionum incolas commisisse ex historia satis constat. Ut enim devotissimum Deo sensum significarent, carissimis cordis deliciis, liberis suis, non parcendum esse, quin sacrato igni tradendos opinabantur. Cuius falsae pietatis vestigium in historia Abrahami filium Isaacum sacrificaturi luculentissime habetur, istamque sceleratissimam insaniam ex Asia interiori, Babylonia et Syria in terram sanctam immigrasse locis citatis confirmat Selden: de Diis Syris 1, c. 6. eiusque Israelitis praecipuos auctores fuisse Phoenices Hos. 9, 13. significare videtur. — Non autem mirum est, talem idolorum cultum, ut qui ad intimos verecundiae et benevolentiae sensus

exstirpandos faceret, ad plurima alia flagitia deceptum populum abripuisse. Ita victimis suis vere perfidiam erga Deum profundiorē reddiderunt cap. 5, 2. et pudendo idolo addicti aequae abominabiles ac illa quae adamaverunt idola facti sunt cap. 9, 10. Nam ad quaevis flagitia prōni fuerunt 4, 1. 2. 8. 18. 6, 8-10. 7, 1. 8, 13. 9, 9. 15. 10, 13. 12, 8. 9. 13, 12., ipsi leges sibi ex arbitrio tulerunt 5, 11. 8, 4. 15, 1., libidinibus indulserunt 2, 7. 4, 11. 7, 14. 9, 1. invitati et decepti a regibus principibusque suis 5, 1. 7, 3. 5. 9, 15. adeoque ab ipsis sacerdotibus, prophetis, vel quicumque eorum loco sacra inter Israelitas administrarent 4, 4. 7. 13. 14. 5, 1. 6, 9. 9, 7. 10, 5.

Malum ex his omnibus posteris Jacobi ortum tanto gravius fuit, quanto crebrior monitisque regum atque sacerdotum evulgatio*re opinio* exsisterat, *Iehovam esse, quem idololatria colerent*. Quam simulatam pietatem ut e pluribus SSae locis novimus, ita vates noster severissima vituperatione rependit. Aaron princeps sacerdotum eius auctor fuit, utpote qui superstitioso suorum studio nimium indulgens cultui Apidis Iehovae cultum artificioso modo conciliare studuerat. Cum enim eorum iussu aureum vitulum fabricatus esset, aram ante vitulum posuit, diemque Iovae festum in posterum diem indixit, quo facto postridie holocausta עלות et sacrificia pro salute שמים quemadmodum Iovae ferebantur fieri curavit Exod. 32, 5. 6. Tanti sacerdotis exemplum posterī imitati esse videntur, qui Iovam coli, si conspicuis eius signis sacra facerent, docerent. Inter quos imprimis Ierobeam, qui cultui vitulorum reliqua sacra Mosaica ad-

iunxisse videtur. „Volebant nempe Ierobeam
 „et consiliarii eius Iehovam in vitulis coli, nec
 „religionem corruptam, sed in meliorem com-
 „moditatem redactam, ne populus cogeretur cum
 „ingenti molestia Hierosolymam ascendere“
 Seb. Schmidt ad Hos. 8, 4. Nemini quidem
 superstitiosarum institutionum auctori in mentem
 venerat cogitatio simulacra e metallis et ligno
 confecta Deum ipsum esse. Apidis cultores
 taurum suum symbolum omnipotentiae divinae,
 Baalis autem Baalim suos patris et regis ipsorum
 inter divos relati effigiem referre contenderunt. Po-
 steriorem temporibus, ubi artes floruerunt, Io-
 vis et reliquorum numinum divino honore in-
 signitorum statuae confectae sunt dignae magni-
 ficentia personae: rudis autem populus rudia scul-
 ptilia in templis collocavit. Verum ut illi pagano-
 rum deastri (אֱלֹהִים, in libris sacris אֱלִילִים, שֵׁרִים,
 שְׁעִירִים appellati) procul a Iehova Zebaoth
 summo omnium gubernatore distabant (vid. ad
 12, 4), ita et omnino Deum imagine aliqua
 fingere lege Mosaica cautum erat, Exod. 20, 4.
 Aaron et Ierobeam quidem, dum alteram legis
 partem: *ne simulacrum tibi facito!* illuse-
 rant, non veriti erant, ne alterius: *nullos
 alienos Deos praeter me habeto!* eversio
 sponte sequeretur. At secutum est maius detri-
 mentum. Ut primum effigies prolata erat, plebs
 insipiens a Iehova recessit cap. 2, 4. 7, 14. 15.
 8, 3., oblita est creatoris sui 8, 14. 13, 6., ad
 perniciosissimos idololatriae errores abrepta fidu-
 ciam in Iehovam deposuit cap. 2, 7. 5, 7. 9, 1.
 10, 13. cultumque Deo vere acceptum sinceri-
 tate animi et probe factis בְּחֶסֶד וּבְצִדְקָה exhiben-

dum tanquam alieni quid consideravit 8, 12. 6, 6. Nihilominus tamen iidem impii Israelitae foedus suum cum Iehova magnificerunt 6, 7., ad Iehovam eiularunt 7, 14., per eum iurarunt 4, 15., aerumnae et doloris signa ei praestiterunt 10, 3., vociferati sunt: mi Deus cognovimus te! 8, 2., de oblationibus suis Deo oblatis gloriati sunt 8, 13., Baalium nomine Iehovam significari contenderunt 2, 18. 19. Tali modo non solum idololatriae scelus vere commiserunt, sed etiam neque ad culpae sensum, neque ad saniores mentem reduci potuerunt, quoniam sibi ipsi opinionem, esse sese Iehovae strenuos cultores persuaserunt. „Adeo“ ait Schmidius ad 4, 4. „idololatrifica hypocrisis Israelitarum eos dementaverat, ut iustos se et religiosos existimarent, nec suam agnoscerent malitiam, sed strenue potius contradicerent, et falsi accusarent redarguentes.“ Plures praeterea loci SSae sunt, e quibus eandem falsam pietatem prophetarum vehementissimam indignationem commovisse intelligitur v. c. 1 Reg. 18, 21. Ies. 29, 13. 48, 1. 2. Ier. 4, 1. Nusquam autem tantis increpationibus notata est, quam apud nostrum. Vocantur mendacia et fraudes, quas ad Iehovam preces effundunt 7, 13. 10, 4. 12, 1. 12., comeprantur ipsi nubi et rori matutino cito evanescenti 6, 4., arcui relaxato qui non sursum redit 7, 16.

Tanta autem vitia tantosque errores non impune a civibus esse conflatos, vates noster et divinarum institutionum divinaeque voluntatis sagacissimus interpret et experientia edoctus probe sentiebat. Itaque descriptionibus annectit minas et e statu imperii et e pie de Deo eius-

que iustitia sentiente animo et e monitis a Mose editis petitas. Status imperii ad interitum vergebat, tempora Ierobeami II. praeterierant, excipientes ea tumultus civitatis vires consumserant, securitas atque tranquillitas civium aufugerat, principes deerant, qui pietate et sapientia rem labefactatam restituerent. Contra Assyriis regni fines patebant, tributarium sibi fecerant Menahemum, depopulati erant regiones Transiordanenses, incolas earum in exilium abduxerant, et paulatim ita rebus Israeliticis potiti erant, ut ultimus rex Hoseas sceptrum pacemque ipsis debuerit, eorum autem favorem magno pretio sibi redemerit 11, 5. Quae omnia depravationem universi populi tam publicam quam privatam sponte sequebantur. Eadem nostri prophetae vaticinia variis coloribus pingunt prouti imperii vices ipsi occasionem praebebant 5, 10-15. 7, 1-7. 8, 1-4. 8. 10. 10, 6-8. 14. 15. 11, 5. 6. 12, 15. 13, 3. 15. Sed quae evenerant et adhuc eventura erant, alio modo evenire non poterant. Deo omnipotente derelicto spem Israelitae in idolis posuerant, quae ipsa opus fragile et ab hominibus confectum auxilium ferre non valebant 2, 12. 5, 5. 7, 10. 8, 5-7. 10, 6. 15. 15, 2. 3., flagitiis se dederant unde radices eorum exaruerant, omnia miscuerant, miseriam et contumeliam auxerant 4, 10. 19. 6, 8-10. 9, 14. 16. 10, 15. 12, 15. 14., senio confecti facillime succubitori erant barbaris 7, 9., ipsi omni pietate et sapientia recusata 4, 6. adhuc impuberes 13, 13. sibi et consiliis suis fisci nil nisi ludibrium et detrimentum capturi erant 7, 16. 5, 5, barbaris se sponte prostituerant, quorum odium et dubia fides pristinarum caedium

ultionem ab iis repetere iam dudum moliebatur. 5, 13. 7, 8. 9. 8, 10. 10, 14. Praeterea qui iustissimus Iehova Zebaoth, cuius severitatem olim Mosès suis inculcaverat Exod. 20, 5. 6., tantam pravitatem ultra ferre potuisset? Decepti quidem Israelitae Deum non noverant, et quemadmodum se inde a temporibus Aegyptiacis gentem fuisse Deo peculiarem audiverant, ita tunc adhuc foedere eius superbiebant 5, 6. 6, 7. 8, 2. Verum propheta non eodem stupore captus et Iehovae consilia melius intellexit et pia mente eorum sapientiam reveritus est. Itaque divinitus admonitus, quae ipsi sibi paravissent mala a sancto iustoque Deo iis esse immittenda significat 4, 9. 5, 2. 9. 11. 8, 12-14. 9, 7. 11-17. 10, 8. 10 sqq. Ut autem tam severae comminationes eorum animum melius commoveant, imaginibus utitur nil nisi certissimas poenas indicantibus 2, 11-15. 3, 4. 4, 16. 5, 12. 7, 12. 16. 10, 9. 10. quae tamen omnia non ita premissa sunt, quasi singula fata Israelitis futura indicentur. Veteres quidem interpretes maxime Hebraei arcanum sensum iis inesse, eaque potissimum ad exilium Assyriacum tendere putaverunt. Verum ut hic sensus non sine vi prophetae verbis adhibita elicitur, ita in omnibus illis locis nexus rerum simplici modo verba sic intelligi iubet, ut significatio tantum divinae indignationis et meritarum poenarum in universum inde prodeat. Unde etiam Eichhorn, Einl. ins A. T. tom. IV. §. 555. omnino de exilio populi in terra alicuius victoris subeundo apud vatem nostrum sermonem esse prorsus negat, quae vero sine quadam rei limitatione non dixerim. Utique sunt loca, quae de aliquo peculiari fato univer-

sum populum manente agere videantur, non ut idem Vir illustrissimus vult, tantum de abductione singulorum captivorum, quorum praecipua 8, 13. 9, 3-6. 15. 17. Vates noster et ipse divinitus admonitus et monitorum a Mose iam editorum memor, imperio ad interitum ruenti ea imminere sensit, quae Moses in futuram impietatis poenam, si forte aliquando eam contraherent, indicaverat, nimirum Deut. 28, 45-51. 62-68. ubi Deus comminatus fuerat: *excitabit Iehova remotum populum usque ab extremis orbis terrarum finibus, gentem ita crudelem, ut neque senes revereatur neque puerorum eam misereat. Itaque exterminabimini e terra quam occupatum itis, vosque disperget Iehova in omnes nationes, ut ubi servietis et apud illas gentes neque conquiescatis, neque ubi pedis vestigium requiescat, habeatis. Vosque in Aegyptum classe reportabit in servos et servas inimicis sine ullo assertore vendendos.* Cuius eventus momentum adesse vates noster sentiens illis Mosais monitis sua vaticinia de certo aliquo Israelitarum fato superstruxisse videtur, quae locis laudatis copiosius exponemus.

Iam vates noster prorsus naturae convenienter locutus esse videtur, cum, causa omnium malorum sublata, mala quoque cessatura ipsosque suos pristinam felicitatem recuperaturos fore promisit. Quae spes in animo tam pio tamque benevolo, qualem in Hosea cognovimus, non poterat extinguere. Quoniam enim pacto cogitaret animum hominum ita esse deperditum et obstinatum, quin vel in summo rerum discrimine resipisceret? quo pacto desperaret de docilitate deque poenitentia suorum, quos, licet satis abiectos

propter grandia peccata, magni aestimabat, gentem, in cuius historia vestigia divini auxilii veremirifica exhibita erant, et cuius bonam indolem a tantis eximiae virtutis patribus propagatione posteris quasi traditam non funditus extinctam esse censebat? Promisit igitur suis pristinam felicitatem ea quidem conditione, ut ad pristinam pietatem erga Iehovam redirent 3, 4. 5, 15. 6, 1. 10, 11. 12. 14, 2-5. Quam quidem felicitatem iterum variis involvit intaginibus v. c. coniugii 2, 21., fecunditatis terrae 23. 24., revocationis in vitam 6, 2., restitutae pacis et securitatis in propriis sedibus 11, 11. 12, 10., herbae gramina pullulantis et radices agentis, sub cuius umbra et odore undique accurrentes habitaturi sint 14, 6-8., potissimum reditu separati imperii Israelitici ad regem e stirpe Davidis ortum et ad cultum veri Dei in templo Hierosolymitano instituendum 2, 1. 2. 3, 5. At Israelitae nec ad urbem Hierosolymam, nec ad familiae vinculum reversi sunt, nec omnino divinis monitis obedientes mores perversos deposuerunt. Propterea Samaria interiit cum omni imperio, nec unquam antiquam gloriam recuperavit, multo minus felicitatem et libertatem incolis Abrahami posteris reddidit. Deficientibus igitur illis desideratis commodis spes piorum Hebraeorum ad serius venturum Messiam directa est. In quam nos Christiani ita consentimus, ut quaecunque felicia piis in Deo fiduciam ponentibus promissa sint, in Iesu Christi redemptione nobis contigisse credamus. Non quidem quod vates de tali redemptore cogitaverit, sed quod omnia Deo duce eo sermone dicta sint, ut de felicitate morali per Christum nobis parata valere suo tempore intelligi

potuerit 6). Nonnulla eorum N. T. commemorat, quod ubi autem et quomodo factum sit, ad loca ipsa annotabimus.

IV.

De singulis vaticiniorum Hoseae partibus.

In constituendis libelli nostri partibus interpretes magnam operam impenderunt. Hieronymus tres constituit cap. 1, 1-5, 7., 5. 8-10, 4., 10, 5-14, 10.; causam vero huius divisionis nullam attulit. Fortasse ingenium ducem secutus est, quod ita optime egisse senserit. Verum composuit, quae non uno tempore a vate edita sunt, et seiunxit, quae inter se cohaerent. Certe 10, 1-8. praeter omnem dubitationem unam orationem continet. Est divisio antiquissima prophetae in *conciones legales* cap. 1-10. quippe in quibus lex animis Iudaeorum inculcetur, et in *conciones evangelicas* cap. 11-

6) „Das ganze A. T. ist eine fortgehende Weissagung „auf Jesum; aber kein einziges Messianisches Orakel „hat seinem grammatischen Sinne nach eine vollkommen zwingende Beweiskraft, wenn nicht die „Realerklärung des N. T. hinzukommt, über die in „einer christlichen Hermeneutik noch viel zu sagen „ist; das hat die Christologie des A. T. bewiesen, „und das Urtheil der grössten Exegeten, die sich „zu einem gedoppelten Sinne der Messianischen „Weissagungen bekannten, bestätigt die Wahrheit „dieser Ansicht.“ Illustr. D. v. Ammon: die unveränderliche Einheit der Evangelisch. Kirche. Heft 2. pag. 51.

14. in quibus amor Dei in Christo filio praedicetur. Verum et haec divisio fundamento caret, quod alii intellexerunt, eam non omnino *exclusive* verum *synecdochice* esse capiendam contendentes. Etenim in priore parte nonnulla sunt membra, quae a probatissimis theologis nostris Messiana vaticinia vocantur, quorum v. c. locus 3, 5. a Wahlro in historicopractica introduct. in scripta biblica Tom. II. p. 31. maxime disertis vaticiniis adnumeratur, et in posteriore si sanam interpretationem sequimur capp. 12. et 13. omnino nihil de Messiae temporibus inveniri potest.

Alii ratione temporis totum opus in singulas partes descripserunt. Lightfoot in Chronologio V. T. p. 102 sq. duo priora capita sub Ieroabeamo II. et Usia prolata videntur, cum propheta adhuc iuvenis fuerit et de coniugio cogitavit; capp. 3. et 4. eodem tempore, quoniam 4, 3. locustarum mentionem fecerit, de quibus Joel et Amos simul cum eo egerint. Capp. 5, et 6. temporibus Ahasi edita esse censet; cap. 7 sqq. circa ultima tempora regis Hoseae s. sub initium regis Hiskiae ponit. Seb. Schmidius 10 sectiones profert: I, cap. 1. 2. II, c. 3. III, c. 4. IV, c. 5. 6. V, c. 7. VI, c. 8. VII, c. 9. 10. VIII, c. 11. IX, c. 12. — 14, 1. X, c. 14, 2-10. Sed illi beati viri omnes dubiam et admodum incommodam nostrorum capitum normam tenuerunt. Recentioribus temporibus illa segmenta nimium sero orta nec semper ingenio critico facta liberius tractaverunt interpretes, ita ut v. c. Dathius 17, Boeckelius 14. rhapsodias nulla capitum ratione habita distinguerent. In alteram partem abiit Hermann v. d. Hardt, qui in opere: Ho-

seas antiqua chaldaica Ionathanis paraphrasi, quae veterum Iudaeorum — scripturam explicandi modum refert, illustratus Gottingae 1775. prafat. pag. 7. contendit: *volumina prophetarum exhibere plurimas distinctas minutas conciones sive parvos sermones, aut breviter effata et oracula, exiguos libellos, multis annis in gente isthac publicatos uno dein volumine comprehensos.* Ita v. c. vult primo capite post totius voluminis inscriptionem 4 libellos diversis prorsus annis ipso propheta nuntiante editos in Israel et ad notitiam communem divulgatos, addita semper occasione scripti oraculi s. carminis exhiberi I, v. 2. II, v. 3-5. III, v. 6. 7. IV, v. 8-11. Verum omnis orationis concinnitas interiret et propheta vere commaticus foret, si teneram quidem sed elegantem exstructionem singulorum carminum tam crudeli dilaceratione demoliremur. In eo errasse videtur, quod segmenta poetica cuiusque carminis cum carminibus ipsis permiscuit, et carmen vocat, ubi modo novum comma alteri adiicitur. Ab eiusdem dilacerationis culpa non prorsus immunem indicare possumus doctissimum et elegantem interpretem V. Ill. Eichhornium. Constituit in libro Einleit. ins A. T. Tom. IV. §. 554. p. 282. inde a cap. 4. sedecim diversissimi ambitus sectiones; in uberiore autem vatis nostri tractatione: die Hebraeischen Propheten Tom. I. p. 71-143. has quoque partes in suas particulas dissecat, v. c. VI. X. XI. et ubi continuum sermonem exhiberi censet, orationis intermissione, notis quiescendi, inopinato transitu vatem ita turbat, ut nonnunquam singulis versibus ab altera in alteram rem abripi videamur. Sic expositio capi-

tis septimi, cuius quidem 2 partes in unam coniungit, singulorum commatum nexum tollit, qui ubi quaeritur duas arte compositas tabulas nos invenire iubet. Eodem modo in tractatione loci 4, 1-5, 10. versatur. Gravissimas illas capitis noni increpationes quasi fortuito collectas exhibet. Caput duodecimum in 3 partes disscindens partem hanc intellectu difficilem difficiliorem adhuc reddit. Tali modo argumentum quidem didacticum et complexus singularum grandium sententiarum manet, quae autem ad poematum venustatem maxime faciunt, consensus plurium imaginum, descriptionum et sententiarum ad unam rem, lectori adimitur. Simplicissima mihi videtur eorum sententia, qui vatem nostrum pluribus brevioribus carminibus iisque inter se cohaerentibus et absolutis consistere putant. Qua quomodo ad illustrandum vatis nostri ingenium usi simus, iam exponamus.

Omnes fere recentiores interpretes consentiunt scriptionem duabus partibus consistere, una symbolica s. allegorica, tribus prioribus capitibus, altera thetica, undecim capp. posterioribus comprehensa cf. Eichhorn. Einleit. I. I. §. 554.; verum quamquam illa 3 capita unum e tribus partibus compositum poema efficiant, tamen ista divisio ipsa fundamento caret. *Argumento* non differunt, quod omnibus 14 capitibus idem est. Quod autem ad *vestitum poeticum* attinet, sunt aliae expositiones symbolicae in fasciculo vaticiniorum Hoseae, quas iam p. 19 sq. commemoravimus, de quibus etiam suo tempore uberius agemus cf. V. Ill. Boeckelii Hoseas p. 9.: „zwey Haupttheile, „deren erster sich mit dem dritten Capitel schlies- „sen soll, anzunehmen, wie es gewöhnlich ge-

„schieht, dazu ist kein hinreichender Grund vor-
 „handen; denn wenn gleich vom 4. Capitel an kei-
 „ne eigentliche Rücksicht auf die im ersten und
 „dritten Capitel enthaltenen Allegorien genom-
 „men wird, so ist diess doch eben so beim zwey-
 „ten Capitel der Fall, ob gleich Anspielungen
 „auf das Hebräischen Dichtern so gewöhnliche
 „Bild: Jehova ein eifersüchtiger Ehemann des
 „treulosen jüdischen Volks, hier wie späterhin
 häufig vorkommen.“

Haec difficilis mihi videtur quaestio, quo
 tempore prima prophetia priora tria capita com-
 plectens confecta sit. Quae 1, 2. legun-
 tur, narrationem de matrimonio et quae huc
 pertinent principium omnium vatis poematum
 fuisse significant. His ingenue assentiamur; plura
 enim indicia adsunt, e quibus idem efficiatur.
 Vates de familia Iehu ita sermocinatur, ut eam
 tempore vaticinii adhuc exstitisse cogitemus ne-
 cesse sit. Porro tota descriptio status reipublicae
 Israeliticae nondum testimonia illius perniciiei ex-
 hibet, quae in posteriore parte gravissimis verbis
 indicatur. Loquitur contra de abundantia panis,
 aquae, lanae, lini, oleae et potus 2, 7., de
 ubertate camporum et vinearum v. 10., de inau-
 ribus et monilibus splendoris et divitiarum signis
 v. 15., de gaudiis et festis v. 13.: quae omnia hi-
 larem honorificamque conditionem indicant, quam
 triumphis Ierobeami II. gentem debuisse facile
 censeamus. Verba quidem de periculo interitus
 facit, verum non tam diserte ut in posterioribus,
 ita tantum, quasi securus excitetur, ne prorsus
 sopiri patiatur. Periculi autem alicuius exilii
 omnino nulla mentio est; quae enim de illo exi-
 lio e tribus prioribus capp. eruuntur, minime ad

id pertinent vid. ad 3, 4. 5. Omnia mala vates populo adhuc in patria ipsa subeunda esse fugit. Quid quod ne Assyriorum quidem meminit. Denique Iudaeorum res cum maxima honoris nota commemorat, ex quo apparet, tunc temporis adhuc Usiam regem eiusque amicum et magistrum Sachariam 2 Chron. 26, 5. studiose et cultum Iehovae ipsos observasse et cavisse, ne cives depravatione Israelitarum abriperentur. Verum ut haec omnia temporibus Ierobeami II. conveniant, tamen illis ipsis temporibus vaticinia capp. 1-3. non edita esse, probabile videri potest. Loquitur enim propheta de proximo interitu familiae Iehu. At regnante Ierobeamo II. flos istius regiae familiae maxime splendescbat imperiumque Israeliticum tanta vi et honore fruebatur, ut nemo facile de mutatione imperii cogitaverit. Alio modo res post eius mortem habuit, cum filius praeterea superstes esset Zacharias, patre indignus, a plurima parte civium recusatus. Tunc ubi populus, cuiusdam novo regis sese subiiceret, incertus haesit, ubi imperii salus inter contentiones et seditiones principum pendit, simplicissimo modo pii Israelitae mentem subire potuit cogitatio, solam felicitatem in regibus stirpis Davidicae maxime in Usia esse quaerendam, illudque vaticinium 2 Reg. 10, 30., quo successio patris Iehu quatuor tantum eius posteris promissa erat, deo iuvante ita eventu comprobatum iri, ut tandem faustissimo pii regis Usiae auspicio iterum una natio et unus Iehovae cultus isque Hierosolymitanus restitueretur. Ex quibus omnibus 3 priora capita non diu post obitum Ierobeami, prioribus interregni annis, orta esse efficitur.

Forma est symbolica: nam occasione et exemplo a suo matrimonio sumto mores, pericula et spem infidelis populi describit. Cohærent tria priora capita et unum carmen efficere videntur, cuius si partem demseris, venustas aptaque totius carminis compositio interibit. Constant autem tribus singularibus poematibus 1, 2-2, 3., 2, 4-23. et cap. 3., quæ licet non uno tenore confecta, gradatim res Israelitarum pingunt prout fata domestica prophetae aptissimam occasionem fecerant. Primo capite narrat, quomodo maritus Dei similis fuerit v. 2., quomodo nominibus liberorum spuriorum præcipua momenta correctionis Israelitarum significaverit: scilicet nomine Iesreel, interitum regiae familiae v. 4. 5., nomine Lo Ruchama, poenas populo inferendas v. 6. 7., nomine Lo Ammi, amoris divini defectum v. 8. 9. Porro cap. 2, 1-3. paratam iis restitutionem in melius pronunciat, ubi coniuncti cum Iudæis, quos Deo acceptos appellaverat 1, 7., ex spuris una genuina et vera Dei familia evasis-
sent. Altera parte lenissimo modo scil. ficto colloquio et cum liberis et cum uxore animum populi commovere studet, ut quemadmodum matrem liberorum misereat, ita sortem suorum et aequalium et posterorum doleant 2, 4., ut severitatem Dei timeant, quemadmodum uxor mariti gravitatem, utque imbecillitatem et vanitatem amicorum cognoscant v. 5-16., ut denique benignum Dei animum agnoscant et spe melioris ævi ad Deum aequè confugiant atque uxor detrimento suo perculsa maritum iterum quaerat v. 17-25. Tertia pars modum cum Deo se reconciliandi iterum poetica descriptione periculi uxori quod subiret propositi, eamque secuturi reparati

matrimonii cap. 3. pingit, aptissima ratione illorum temporum habita, ubi, sacris iam a Iero-beamo I. ademptis (cf. ad 3, 4.), deleta regia familia rege quoque et principibus privandi erant, ubi adeo iam ob diuturnum interregnum bellaque civilia imperii capite destitutos se sentiebant. S. V. Eichhorn hoc nostrum poema suo more ita dissecat, ut non modo non cohaerere sed tamquam tria diversa carminum conamina a se invicem distare contendat, quorum alterum altero imperfectius res Israelitarum a Iova antea auxilio ornatorum, postea vero propter flagitia interitui maturorum allegorice pingat, quae adeo casu in collectione poematum ita congesta sint ut caput tempore primum, ordine tertium exstiterit. vid. Einl. ins A. T. edit. 4tae Tom. IV. p. 273 sqq.

At maxima est interpretum dissensio, utrum vates de matrimonio suo verba faciens visionem habuerit, an allegoriam finxerit, an rem in facto positam narraverit. A prima harum opinionum, quae fuit doctorum Hebraeorum, omnes recesserunt. In toto enim vaticiniorum Hoseae fasciculo neque verbum neque similis orationis forma neque ullum aliud vestigium, unde visio probari possit, reperitur. Visiones eodem modo alienae sunt a vate nostro, quo simplex, omnia clare perspicuens eius ingenium ab omni furore poetico abhorret. Quod autem ad alteram pertinet opinionem, contineri parabolam s. allegoriam, ea ab antiquissimis temporibus interpretibus placuit. Siquidem Chaldaeus iam ad eam accessit ita initium orationis exponens: *Vade, profer vaticinium contra habitatores civitatis idololatricae, qui addunt peccare: — et abiit et prophetavit contra eos: quodsi conversi fuerint*

remittetur iis, sin minus, defluent sicut defluunt folia ficulnea. At addiderunt et fecerunt mala opera et dixit dominus ad eum: voca nomen eorum dispersos. Dav. Kimchi de hac particula verbis utitur: מִשַּׁל לְיִשְׂרָאֵל הַזֵּה מֵאַחֲרֵי effatum propheticum s. parabola Israelitis prolata etc. Hieronymus autem postquam veritate facti sumta et Deum excusaverat, quod prophetam meretricem ducere uxorem iusserit, et Hoseam, quod sine mora perrexerit ad lupanar scortumque adduxerit ad torum: alioquin, addit, si omnia quae praecipiuntur ob causas ut in similitudinem fiant, vere facta contendimus, ergo et Hieremias accinctus lumbari, vestimento muliebri inter innumerabiles nationes et Assyrios et Chaldaeos gentes inimicissimas Iudaeorum ivit ad Euphratem, ut ibi absconderet lumbare suum et post multa tempora invenit illud computruisse. Quomodo exire potuerat et ire tam longe, obsessa Hierosolyma, exstructis per circuitum munitionibus, fossa, vallo atque castellis? Si illud in typo, quia fieri non potuit, ergo et hoc in typo, quia si fiat turpissimum est. vid. introduct. in Hos.; idem ad 1, 8. si illa et cetera, quae in Ssa legimus, facta non poterit approbare, et aliud quid significare contenderit, ergo et meretrix ista mulier non turpem stupri conjunctionem, sed sacramenta indicant futurorum. Hunc secuti sunt probatissimi recentiores interpretes v. c. Drusius, Eichhorn, Kuinoel, Rosenmueller cet. Nec potest negari prophetas saepissime usos esse talibus allegoriis, praecipue illa a matrimonio petita. Profertur Dei amor erga gentem Iudaicam imagine coniugis Ier. 2, 2. maximeque c. 3. et 31, 3, 4., conjunctio quae inter-

cedebat inter Deum et populum imagine foederis coniugalis Ez. 16, 6 — 8. Ies. 54, 5.; impietas autem eorum et propensio ad cultum idolorum imagine adulterii Ez. 23, 4 sqq. Sic in nostro loco allegoria non inepte adhibita videretur, nisi quaedam essent, quae impedirent quo minus in ea subsisteremus.

E nulla enim alia descriptionis parte, vati nostro tales allegorias placuisse, effici potest. Exornat quidem orationem plurimis imaginibus, verum ita, ut diutius in eodem tropo commorari indoli ipsius repugnasse videatur. Animus Hoseae ardens nimia luxuria imaginum fere oppressus vehementi cursu descriptionum lectorem undique abripit neque in ulla tabularum suarum nos morari patitur, unde est quod eum iterum iterumque translationibus excidissee conquerantur. cf. pag. 19. Verum tantum abest ut inde venustas poematum evertatur, ut eorum nota et indole sinde appareat, quacum usus allegoriae per 3 capita protensae non conspirat. Quod ipse Eichhorn sensit, qui sententiam de allegoria defendens libere profitetur: tria haec capita differre a genio, qui in reliquis Hoseae partibusprehendatur (l. l. §. 556.).

Porro finis totius enarrationis cap. 3. ita comparatus videtur, ut intelligatur parabolam non fuisse excogitatam ad certa et indubitata civitatis Israeliticae fata allegorice describenda, sed rebus quibusdam, quae vere evenerant, symbolicam translationem ad populum Israeliticum adiunctam fuisse. Certe quae de futuris fatis Israeliticis praedicuntur, eiusmodi sunt argumenti, ut ex historia matrimonii facile quidem elici poterint, verum proximo eventu caruerint.

His accedunt, quod idem S. V. Eichhorn monuit l. l., nomina mulieris eiusque patris omnis symbolicae significationis expertia. Cum summi poetae aliquando dormitaverint, *quid mirum*, inquit Eichhornius, *quod nostro Hoseae aliquid humani acciderit?* Verum maximopere mirarer, si Hoseas nominum symbolicorum studiosissimus 7) in isto loco occasionem suos talibus nominibus designandi neglexisset. Res ipsa monuit, ut allegoriam, si quam exhibere vellet, nominibus et confirmaret et commendaret. Non enim modo lectoribus remotiorum temporum, sed, quod maioris momenti est, aequalibus vaticinia edidit. Iam ista גִּמְרַת בֵּית דָּבִיָּה aut uxor eius fuit, aut non fuit. Si fuit et tota tamen narratio de eius liberis deque eius dimissione excogitata, male profecto egisset vates mendacio suo vel erga uxorem, quam omni existimatione, vel erga se ipsum, quem fide verborum privasset. Si non fuit, qui sperare poterat sensum parabolae a civibus intellectum iri, cum in nomine meretricis nihil lateret, quod eos fabulam de ipsis narrari moneret? Quin de luxuriosa vita vatis persuasi: cur iste, dicturi fuissent, nobis meliorem partem designat, aut cur iste gaudia nostra luxuriosa vituperat, qui ipse non modo clam scortatur, sed omni abiecto pudore cum abiectissimis meretricibus rem habuisse fatetur? Res ita in oculos incurrit, ut quomodo vatem fugere potuisset, non intelligam.

7) Exemplo sunt nomina infantium: 1, 4. 6. 9.; porro עֵמֶק עֲכוּר 2, 17., בֵּית-אֶזְנָן 4, 15. 5, 8. al., בְּעַל 2, 18. et symbolicus usus nominis יַעֲקֹב 12, 4., מֶלֶךְ יִרְב 5, 13.

Omnes difficultates tolluntur ubi rem in facto positam narrari statuimus; idque contendunt interpretes ecclesiae nostrae Lutherus, Calovius, Gerhardus in loco de prov. Dei 129., Glassius, Dathius, nec non Grotius et Liveleius, simulque indicant, quod verissimum e Hieronymi verbis laudatis apparet, veteres, maxime Hebraeos, e nostro loco visionem aut parabolam propterea elicuisse, ut Deum contumelia impii praecepti, et Hoseam culpa fornicationis liberarent. Lutherus in comment. ad Hos. 1, 2. ita Deum vatemque excusat, ut contendat *uxorem Gomer fuisse honestam e proba gente ortam eiusque tres liberos legitimo matrimonio procreatos, sed eos dici אִשָּׁת יְנֻנִים et יְלָדֵי יְנֻנִים ad designandam conditionem miserabilem civitatis Israeliticae, cuius omnes cives ob flagitiosam idololatriam moechi et adulteri fuerint, utque populus cogitet: si vates uxorem et liberos tam contumelioso nomine appellare a Deo iussus est, quanto abiectiores et contumeliosiores coram Deo nos esse oportet!* Propterea etiam fuerunt, qui אִשָּׁת יְנֻנִים mulierem paganam et יְלָדֵי יְנֻנִים liberos e pagana uxore procreatos indicare statuerent. Sed istam mulierem Gomer non honorifico nomine commemorari, eiusque liberos in adulterio procreatos esse, totus nexus docet. Ergo alii nodum ense dissecuerunt, et illud Grotii ad cap. 1, 2. centies repetitum legimus: *uxorem ducere, quae meretrix fuerat, non erat illicitum nisi sacerdotibus Lev. 21, 7. Videri quidem id poterat subturpe, sed quicquid iubet Deus, idem iubendo honestum facit; et Calov. ad v. 2. fuerunt, inquit, Deo sapientissimo causae graves, cur id mandaret, tum publicae, ut nempe po-*

pulo idololatriam non tantum vehementius exprobraret, sed etiam eundem moneret suamque benevolentiam et μακροθυμίας, quod ipsos, etsi fornicarios, ferat et beneficiis adficiat, ob oculos poneret; tunc privatae, ut nempe scortum illud a procis suis avocaret et per prophetam converteret. Neque id sanctitati prophetae adversum. Ioh. Schmidius in Comment. in prophetas minores ad Hoseam p. 72. adfert Theodoreti sententiam notatu dignam. *Universorum Dominus beatum Hoseam ornat et comparat ad ducendam uxorem impuram et impudicam, ut hoc genere facti impietatem populi coarguat, et suam tolerantiam incredibiliter ostendat. Etsi ergo Deus libidine proditam adulteram Synagogam suscepit, non tamen contaminatus sanctitatis fons ex impura hac et execrabili, neque propheta ex illa stupri plena uxore maculam suscepit. Hoseas enim non libidini serviens, sed nutui divino et arbitrio parere studens, accepit meretricem, atque omnibus nuptiis gratior et laudabilior haec societas fuit. Neque ob id solum, quod ex Dei nutu et arbitrio facta fuerit, sed quod Deum expresserit et designatione quadam retulerit.*

Verum est multo honorificentior ratio vatem de illo matrimonio excusandi. S. V. Eichhorn l. l. ita de ea re disserit: quis potest contendere, אִשֶּׁת זְנוּנִים foeminam prorsus abiectam et meretricem significare? Interpretes nostri tantum auctoritate Hieronymi aliorumque celebratorum nominum capti ita contumeliose de ea statuerunt. Meretrix verbo זְנוּה signatur. Ubi autem Gomer אִשֶּׁת זְנוּנִים vocatur, in substantivo אִשֶּׁת nouo uxoris inest, et epitheton זְנוּנִים

conditionem indicat, in quam vel post nuptias incidit, vel quam ante nuptias occultissimam habuit. Porro, si ante matrimonium iamiam luxurians et scortatui dedita fuisset, qui veram gentis Israeliticae imaginem exhibere potuisset? Ubi Deus foedus cum Israelitis pepigerat, quod passim matrimonii nomine in SSa designatur, illa gens casta erat et malis moribus nondum contaminata. Ier. 2, 1. 2. Talem esse aut certe videri sponsam prophetae oportebat, ut in ea imago gentis Israeliticae agnosceretur.

Firmiter teneamus hunc idearum nexum, nec, ut Eichhorn, nimium subtilibus dubitationibus turbati ab eo discedamus. Neque enim Deo, neque propheta indignum videtur Hoseam nostrum uxori fuisse matrimonio iunctum, quae postea eum fefellerit, cuius autem mores et fata retulerit, ad illa effata saepius pronuntiata de-nuo commendanda: „Vos estis ingrati et impii, „qui ubi resipiscere recusaveritis, sine misericor-„dia puniemini.“ Modo ne singula in historia nostra premamus, nec vatem, ut plerique censent, omnino vitam et matrimonium symbolicum egisse contendamus. Vates neque dogmaticum neque historicum opus edere voluit, omnes eius orationes facultatem ingenii simplicissimis rebus vim quandam eliciendi iisque grandia monita adnectendi significant. Cum autem omnes eius imagines e communi vita repetitae sint, eum vel e domestica vita imaginem hausisse, quis est qui neget? Nam quid simplicius esse potest, comparisone fatorum, quae in matrimonio passus erat, cum illa perfidia, qua Israelitae contra Deum peccaverant? Verba וְנָתַתִּי et וְנָתַתִּי iam e more usurpabantur de impietate et idololatria populi, siqui-

dem omnes fere prophetae iis usi sunt cf. Exod. 34, 15. Num. 14, 33. Ps. 73, 27. Ies. 57, 4. Ier. 5, 7. Ez. 23, 30. 37. Itaque vates imagine sua prolata nil novi exhibuit, vestitus tantum poeticus novus est. Res ipsa plurimae parti civium nota erat; ergo non erat, quod nomina simularet. Vates amaverat Gomer filiam Diblaim, in matrimonium eam duxerat, susceperat ex ea liberos, donis et opibus eam dotaverat. Sed amore eius indigna sanctissimum matrimonii vinculum libidinibus violaverat, ipsi liberi erant spurii, quippe ex adulterio orti. Quae de re certior factus eam dimittit. Verum et pristini amoris memor et misericordia commotus ad ingratham uxorem redit, signa poenitentiae studiique favorem mariti sibi reconciliandi probat, iterati matrimonii cum ea resituendi periculum suscipit. Res utique per se exigui momenti fuisset, nisi typicus sensus ei vim et significatum dedisset.

Prophetae non solum *dictis* divina monita exhibere solebant, verum etiam *factis* et *fatis* typicam divinae voluntatis significationem referre putabantur. Sic Iesaias narrat, se rem habuisse cum prophetissa i. e. cum uxore sua, et ex ea genuisse filium, qui typus esset liberationis regis Ahasi a Pekaho et Rezino. Ies. 8, 1 — 4. Eodem modo Ieremias cap. 32. Hierosolymae a Babyloniiis obsessus, agrum in stirpe Benjamin ab hostibus iam occupata situm emit, ut signum esset sperandae restitutionis rerum Iudaicarum, et tantae incolumitatis terrae, quae tunc nationi prorsus erepta videbatur, ut copia fructuum inde capiendorum rursus foret. Ioh. Schmidius in commentar. p. 73. loca patrum idem affirman-

tium adscripsit. *Deus turpitudinem idololatriae hoc ipso facto omnibus palam declarare et ante oculos ponere voluit, ut tanto citius flecterentur hominum animi ad eius detestationem. Res ipsa mirabilis et nova satis excitabat ipsam quoque multitudinem imperitam et rudem, ut quid tandem portenderet inquirerent. Huc accedit quod Prophetæ fere omnes non solum sermone qui audiebatur et visione quæ videbatur, sed conversatione, factis et vitæ ratione prophetarunt. cf. Irenæus adv. hæreses. 4, 37. non solum, ait, Deus per visiones quæ videbantur et sermones qui praeconiabantur sed et in operationibus usus est prophetis ut per eos praefiguraret et prae demonstraret futura. Propter quod et Hoseas propheta accepit uxorem fornicationis per operationem prophetans. Tertulian. de resurrect. carn. 28. Augustin. contra Faustin. 4, 22. et 22, 23. Hoseae autem nostro fatorum suorum gravitatem contemplanti facile subvenire poterat cogitatio, se quoque esse a Deo vocatum, ut his suis vicibus domesticis effigies esset et per acta gesta que sua vaticinia impio populo exhiberet. Comparavit sua fata cum fatiis Israelitarum, et in dies certius ipsi de arcana eorum significatione persuasum est. Has cogitationes divinitus excitationes literis mandatas civibus proposuit, qui imagine improbae uxoris se ipsos agnoscerent atque intelligerent, quemadmodum maritus diu perfidiam adulteræ ferat et non sentire videatur, ita se etiam a Deo esse clementia et misericordia tractatos: quemadmodum maritus animum uxoris et serio et blando colloquio commoveat, ita ipsorum quoque animum a Deo monitis prophe-*

tarum commotum esse: quemadmodum uxor se liberosque libidinibus suis perdat, ita se liberosque perniciem manere propter libidinosum idololatriae furorem: quemadmodum uxori ea tantum relicta sit mariti favorem sibi reconciliandi ratio, ut abstineat ab omni prava consuetudine utque castitate et fide probata marito se adiungat, ita eam tantum esse salutem deperditae gentis, ut post susceptam a Deo correctionem mentem iterum advertat ad Iehovam, seque sacris Hierosolymitanis regique a Deo constituto adiungat. Quae comparationis momenta poetico vestitu ornavit, 1) descriptione divinorum iussuum subinde acceptorum 1, 2. 4. 6. 9. 3, 1. 2) nominibus symbolicis infantium 1, 4. 6. 9. 3) colloquio cum uxore 2, 4 — 25. 4) enarrato modo, quo sese cum uxore reconciliaverit 5, 2. 5. 5) vaticiniis de immensa prole 2, 1., de transitu infelicitatis ominis nominum illorum in faustam significationem 2, 1 — 3. 25., de bonis in terra Israelitica recuperandis 2, 20. 23. 24.

Non obstat huic sententiae magnus ambitus quo Hoseas effigiem circumscripsit; de qua re S. V. Rosenmueller Scholl. ad 1, 2. „eiusmodi“ ait „actionem symbolicam simplicem esse oportet, brevissimo temporis spatio absolvendam et paucissimis signis gestibusque circumscriptam“⁸⁾. Exempla eius a profanis scri-

7) Cf. Staedlin: neue Beiträge z. Erläuterung d. bibl. Proph. p. 129: „Eine symbolische Handlung, muss überschaut, bemerkt werden können, sie muss nicht lange dauern, sonst ermüdet sie die Zuschauer. Am besten erreicht sie ihren Zweck, wenn sie simpel, rasch und feierlich ist.“

ptoribus desumta unque sunt brevissima et sententiosa. Verum si illa regula *formam descriptionis* definit, etiam propheta ex suo more brevis est. Brevissimis commemorat iussum Dei, sententiosa sunt nomina liberorum, simplicissima descriptio rerum Israeliticarum, denique quid est quod brevius dictum inveniri possit illa spei designatione 2, 1 — 3. 3, 5? Nec omittendum est (cf. Rosenmuell. in praef. ad Hos. pag. 27. et nostrae introduct. §. 6.), oracula Hoseae olim dispersa serius demum collecta esse, unde facile efficitur tria priora capita tres particulas, diversis diebus s. annis editas complecti, quarum singulae nullo modo profusione et nimia luxuria laborant. Si autem regula *de facto ipso* valet, quod describitur, tum magis contra allegoriam huius loci quam pro ea allata est, et sententiae de veritate rei novum pondus addit. Nam si vates ex ingenio effigiem hausisset, ut Idanthura Scytharum rex vel illi qui Delphis oracula signis edebant, in signo ipso fortasse brevis adhibenda fuisset. Verum ea ipsa esset allegoria, vel signis, vel verbis ea exprimeretur. Tum autem regula ita sonaret: si vates allegoriam de matrimonio sumere voluisset, hanc simplicem brevissimo tempore absolutam et paucis signis gestibusque circumscriptam esse oportuisset. Atqui non brevis est: ergo non est allegoria. Vates non voluit, sed habuit rem. Nec habuit modo rem, habuit in animo divinum afflatum, תְּהִלָּת יְהוָה, persuasionem: in isto infelici matrimonio contentum fuisse monitum sibi et populo Israelitico de turpitudine idololatriae deque eius certissimis poemis exhibitum,

Itaque re ipsa aliud vituperium cadit: nimiam esse similitudinem facti et rei signatae 9). Adempto vestitu poetico res plana et simplex restat: descriptio infelicis sed in melius restituti matrimonii, quae quomodo exhibere potuerit conditionis Israelitarum exemplum, e tractatione vatis nostri videbimus. Reliqua exstructioni poematis debentur. Sin autem placet dissimilia requirere, habes in modo, quo vates pactum cum uxore restituit. Uxor accepit favorem a marito ipsi oblatum (וְאֶכְרָה לִי 3, 2.), populus Israeliticus semper aequè perversus et Deo non obediens fuit. Uxor sponte correctionem sibi paratam iniit, Israelitae bellis internis et postea Assyriorum vi eam perpeti coacti sunt. Vates conduxit uxoris amorem pretio nummorum et granorum, Israelitis nil nisi miseria contigit.

Qualiscunque res est, neminem fugit, scriptores sacros nil magis amasse, quam ut rebus gestis arcanam significationem, de qua tum, cum gererentur, nondum cogitatum sit, substituerent: ita nec Melchisedeco (Gen. 14, 18.) in mentem venit cogitatio se de rege Davide (Ps. 110, 4.) vel de futuro generis humani servatore (Hebr. 5, 6. 6, 10. 7, 17.) vaticinari, nec Mosi serpentem in perticam efferenti, ut qui eum adspiceret sa-

9) Eichhorn Einl. ins A. T. I. I. „Trägt eine Erzählung das Gepräge einer wahren Geschichte, wenn sie nach allen ihren Theilen eine Anwendung auf eine ihr ganz fremde Sache leidet? — Kurz die einzelnen Züge des Ehegemäldes unsers Propheten scheinen zu gewählt, als dass man bloß eine zufällige Uebereinkunft des Bildes und Gegenbildes annehmen kann.“

naretur (Num. 21, 9.), praedicere aliquid de Iesu Christo cruci affigendo (Ioh. 3, 14. 15.), nec Iona in ventre piscis versanti (Ion. 1, 17.) isto eventu resurrectionem Christi praesagiri (Math. 12, 39. 40.), nec sacerdoti Christi mortem decernenti se impio decreto prophetiam edere de Christi redemptione (Ioh. 11, 50. 51. 52.). At Deo gubernante et mentem hominum movente ille symbolicus sensus in animos sacrorum scriptorum venit. Non igitur video qui aliquem offendat, Hoseam nostrum symbolicarum expositionum studiosum (cf. p. 19.) de suo matrimonio bona fide et ex solo amore suscepto, postquam omnia praeter mentem et expectationem geri animadvertenterat, typice cogitasse (cum vates, qui singulari divino favore gaudere et divino spiritu se afflatos esse scirent, in omnibus suis rebus mirificum divinae providentiae ductum, non tam sua, sed hominum, ad quos missi essent, causa exhibitum pie et probe agnovisse satis constet,) eumque, licet spes proximorum eventuum ad res Israeliticas pertinentium ipsum fefellerit, grandiora edidisse de salute Novi Testamenti vaticinia¹⁰⁾. Cf. pag. 41.

10) Hieronymus quamquam nostram sententiam non probat: *nec mirum, inquit, si in figura Domini salvatoris et ecclesiae de peccatoribus congregatae haec facta memoremus, cum ipse in hoc eodem dicat propheta: loquar ad prophetas, ego visiones multiplicavi et in manibus prophetarum assimilatus sum, ut quicquid prophetae iubentur operari ad meam referatur similitudinem.* Prooem. ad Hos.

Sensu et dictione aequae cohaerent cap. 4, 1—6, 3. ut illa prior pars hucusque laudata. Constant autem iterum variis particulis variis temporibus ortis. Licet huius varietatis signa ferant, tamen ad unum scopum tendunt, unde apparet, vatem aliquando argumentum antea omissum repetiisse et sic varias particulas adiuncto epiphonemate 6, 1—5. in unum opus coniunxisse. Argumentum autem, quod tractant, est dolor et anxietas vatis de crescente depravatione Iudaicarum stirpium, orta ea et aucta exemplo illecebrisque Israelitarum, utrique regno aequae perniciosa. Quod exemplum ut caveant Iudaei, in *primâ particula* 4, 1—14. gravissima increpatione describit non solum perversitatem sed etiam turpitudinem, et detrimentum eius designans, non solum insaniam populi sed malitiam et insidias sacerdotum qui specie pietatis effrenatissimas libidines omniaque scelera impudenter propagavissent 4, 4. 13. 14. detegens. In *altera* autem propius ad scopum accedit, commonefaciens Iudaeos, ne illis se adiungant 4, 15., sed infectos ipsos iam esse illorum lue indicans 5, 5. et aucta fervoris vehementia perniciem ab Israelitis adtractam tanquam tubae sonitu in aures Beniaminitarum vociterans v. 9. Illecebras autem a sacerdote et a principibus structas pingit 4, 18. 5, 1. detrimentumque inde oriturum vividis coloribus designat 4, 16. 17. 19. 5, 2. 6. 7. In *tertia* denique habet iam illas Iudaicas tribus vehementer depravatas, habet principes terminos removens officii 5, 10., habet domum Iudae maturam quae absumatur v. 12., habet Iudaeos ulcerum plenos v. 13. simul cum Israelitis pares poenas a Deo iis illatum iri comminatus v. 14.

idem utrisque consilium idemque solatium impertiens 6, 1—3.

Civibus degenerantibus in solis stirpibus Iudaicis vatis fiducia erat posita, fore ut vel earum auxilio res Israelitarum ad incitas redactae aliquando restituerentur, vel illis certe promissa felicitas et foedus Dei cum Abrahamo factum servaretur 1, 6. 2, 3. 5, 5. Verum Iudaei ipsi a patria pietate magis magisque aberrabant. Rex Usias, Sacharia et pio et sapiente amico et tutore mortuo, in severitate morum et candore cultus sui remissus errores populi facilius ferebat 2 Chron. 27, 5. 16. cf. pag. 11. Omnino cultum divinum, ubi non ad consilia politica pertinebat, neglexisse videtur, quod certe tristis vitae finis significat. Itaque a rege suo destituti et ab Israelitis invitati in omnem illam superstitionem irruere incipiebant, cuius incrementa regnantibus Usiae successoribus Iothamo et Ahaso ingravescebant. Decidit igitur illud unum solatium, quod vates noster hucusque constanter tenuerat. Hinc animi angor, qui poetae copiam dicendi suppeditavit, qui autem gravior factus est, postquam fata et finis regis Usiae innotuerant. Intellexit denique et Iudaeos esse a Deo reprobatos nec rem esse ita comparatam ut antea, ubi patria pietas peculiare solum sibi in terra duarum tribuum stravisset, contra, antequam denuo salus sperari possit, utrique genti eundem reditum ad meliorem frugem esse instituendum.

Quodsi de origine uniuscuiusque harum particularum quaeritur, prior, 4, 1—5, 9. tempore cohaerere videtur. Descriptio depravationis Israelitarum 4, 1—14. praeparat orationem

c. 4, 15-5, 9., quae ipsa semper ad illam respicere videtur. Exhibita est non multo post vaticinia c. 1-3. In promptu erant vati symbolicae illae formulae de adultera matre deque spuriiis filiis cf. 4, 5. 5, 7. Verum depravatio populi temporibus calamitosis interregni percrebruerat, nam descriptio scelerum multo severior et vehementior est illis trium priorum capitum. Regnum Iudaicum adhuc florebat, verum non ita ut singulari divina benignitate dignum esset, quemadmodum 1, 7. Concordia utriusque regni nondum turbata erat scelesto illo foedere Pekahi regis Samariae cum Rezino rege Syriae contra regem Iothamum et Ahasum, siquidem ex universa oratione prophetae commercium utriusque stirpis iusto familiarius fuisse apparet. Si de calamitatibus, quae 4, 5. commemorantur, aliquid in libris historicis nobis memoriae proditum esset, ducem haberemus in tenebris hisce. Verum quamquam Ies. 24, 5 sqq. Ioel 1, 10 sqq. Amos 1, 2. 4, 6. de iisdem poetice loquuntur, fuisse locustas, siccitatem et ignem, quae frugibus camporum destructis terrorem incolis utriusque imperii inieciissent, quae praeterea plagae divinitus immissae fuissent, tamen neque ex illis locis neque e libris historicis aliquid efficitur. Narrant isti quidem famem et temporibus Iothami filii Ahab regis Israel 2 Reg. 8, 1. et temporibus Iosiae regis Iudae Ier. 14, 1. 2. terram vexasse, sed utraque res nihil ad nos pertinet. Maioris momenti sunt, quae 4, 1. 2. referuntur de statu imperii corrupto, qui procul dubio durante interregno fuerat, et 5, 1. de domo regia, unde apparet familiam regiam adhuc exstitisse, quae quidem non alia nisi regis Iehu esse potest.

Simili honoris significatione 1, 4. *בֵּית יְהוָה* appellata erat. Erat enim utique regis familia eaque a Deo vocata 2 Reg. 9, 2. cf. 10, 50. Postea prophetae Israelitarum nil de regia aliqua familia sciverunt, quippe qui post Sachariam imperium usurpantes nomine regio ornatos ne reges quidem agnoverunt. Fuerunt enim Deo non intercedente ex solo plebis arbitrio constituti. Itaque etiam vates noster de ultimis Israelitarum regibus loquens multo contumeliosioribus modis uuitur cf. 7, 5, 8, 4. 9, 15. 10, 15. Sed h. l. regiae familiae commemoratio optime illis descriptionibus ad tempora interregni pertinentibus convenit.

Fortasse tum, cum vates hanc prophetiam edidit, vix tandem interregni motus composi tierant. Sacharias ultima Iehu soboles solium patris ascenderat. Verum tantum aberat, ut pietate sua rem publicam resitueret, ut ipse impudenti idololatriae se dederet. Flagitia interregni adhuc inhaerebant civibus nec legibus nec cultu Dei coercitis, rex ipse laxa manu res Israelitarum moderatus est, non tutor salutis, sed *laqueus* 5, 1. ad perdendum suum sibiue cognatum populum paratus, qui vix dignitate regia potitus brevi ab ea removendus erat. Itaque Deus omnibus e regia domo *correctionem paraverat* 5, 2.; *etenim*, ait, *labentur inter peccata sua* v. 5. Qui propterea, quod c. 4. regis et regiae domus non fiat mentio, cum tamen eius copia sit praecipue v. 4. (ubi neminem esse qui pravos increpet et reprehendat legatur, postea autem v. 4. et 9. sacerdotes tantum pari contentione contra Deum deprehensi nominentur), contendere vellet v. 4. alio tempore confectum fuisse quam 5, 1., nimirum tempore ubi nemo rex fuerit: is regulam

migraret, *de silentio non valere consequentiam*. Vates gradatim disserit, et quemadmodum antea sacerdotes increpuerat, ita tunc eius increpatio ad domum regiam processit. Veritati igitur propius accedere putamus contendendo totam particulam c. 4, 1-5, 9. circiter 7-8 annos post c. 1-3. statim post constitutum regem Sachariam esse compositam.

Ceterum de isto rege et regia familia plane aliter statuerunt interpretes. Putant Lightfoot in *chronol. sacr.* p. 102. Seb. Schmidt in *comment. ad h. l.* p. 205. et Rosenmueller in *argumento ad c. 5.* p. 167. tempore Ahasi integrum caput quintum editum fuisse, postquam Menahem se tributarium fecerit regi Assyriae et Ahas auxilium Tiglath Pileseris imploraverit. Verum tempora Menahemi et Ahasi non in unum idemque momentum incidunt. Ahas enim certe 18. annos post Menahemum insignibus regiis vestitus est. Deinde temporibus Ahasi plane aliud auxilium ab Israelitis quaerebatur, auxilium Rezini regis Syriae, cf. ad 5, 13. Denique 5, 13. omnino de alio rege sermo est, quam v. 1.; nam licet cum argumento et consilio vatis uterque locus cohaerëat, tamen tempore non idem fuit.

Anni enim labebantur: familia Iehu extincta erat: Menahem usurpando imperio Israelitarum potius aequè nefarius erat atque antecessores. Usiae regis Iudaici superbissima impietas ita innotuerat, ut a Iehova lepra plecteretur. Israelitae auxilium quaesiverant ab Assyriis, quorum regi se illi tributarios fecerant. 2 Reg. 15, 19. Jam in eo erant vaticinia Hoseae, ut eventu probarentur. Itaque denuo redit vates ad illud argumentum, de quo prius et fortasse pluries inania

verba fecerat. Addit graves improbationes principum et populi utriusque imperii, eorum impietatem aptis coloribus pingit, donec finem toti poemati imponit hac quidem sententia: omnem miseriam a Deo iis esse appensam, ut poenas luant peccatorum, utque commoveantur ad Deum in tantis rerum angustiis studiose quaerendum, qui semper revertentibus propitius sit 5, 10. 6, 3. Itaque haec particula ad tempora Menahemi pertinet, quo regnante id evenit, quod 5, 13. commemoratur. S. V. Kuinoel in historia temporum ad Hoseae oracula p. XVI. „haud dubie“ inquit „Tiphshatae, incolae urbis quae par-
tes trucidati regis adhuc tenebat, in summum
„discrimen adducti Phulis Assyriorum regis auxilium implorarent. Hic saltem paulo post ex-
„pugnationem oppidi illius magno exercitu stupatus Israelitarum regiones invasit. Sed Menahemus probe intelligens, si belli fortunam experiri vellet, inferiorem se discessurum, ad hanc
„calamitatem avertendam solvit mille talenta.“
Huius Menahemi temporibus turpissimo morbo Usias adfectus est; quonam vero anno, non liquet ¹¹⁾. Cum igitur utrumque factum tempore

11) Non intelligo unde V. III. Kuinoel in commentario saepius laudato sumserit id evenisse 4 annis ante mortem eiusdem Usiae regis cf. historia regum praemissa pag. XV. nisi ex eo, quod 2 Reg. 15, 30. dicitur Pekah Israelitarum rex mortuus esse vicesimo anno Iothami filii Usiae, quem tamen tantum per 16 anos regnavisse ex aliis locis constat, et quod ita Kuinoel 4 reliquos annos consortio imperii Iothami cum leproso patre tribuit. — In meo certe exemplo illius commentarii magnus errorprehenditur. Tabula

conveniat, eodem modo, ut vituperationes utriusque regni nostro loco coniunguntur, vatem huc respexisse totus verborum nexus suadet. Suppeditat enim illud triste fatum Usiae regis facillimam expeditionem rei, quae interpretes vexavit, scil. unde tertium comparationis in verbis **הָיוּ שְׂרֵי יְהוּדָה בְּמִסְיָי גְּבוּל** petendum sit. Mutavit Usias rex Iudaeorum terminos regiae dignitatis, ubi huic sacerdotale officium adsociandi consilium cepit. Nec offendere nos potest, quod nomine **שְׂרֵי** usus sit, cum de rege, **מֶלֶךְ**, criminatio valeat. Nimirum et propter reverentiam regi Iudaeorum eiusque familiae debitam id disertis verbis designare noluit, quod illis temporibus neminem vel lectorum vel auditorum fugiebat, et poetice tribuit pluribus **שְׂרֵים** quod de uno tantum **מֶלֶךְ** valuit, cf. 7, 7. Quod autem imagines attinget, earum vis nullo alio modo vere aestimari poterit: *effundam super eos ceu aquam indignationem meam* **עַל־יָהֳם אֶשְׂפּוֹךְ בַּמַּיִם**, *absumam domum*

enim synchronistica omnino regem Pekahum omittit, trucidationem Pekahiahi illius antecessoris in annum 3454 ponit, quo secundum nostram computandi rationem Pekah occisus est. In praemissa autem regum historia ex eodem errore iterum iterumque Pekahiah loco Pekahi legitur. — Verum ex omni Kuinoelii narrationis nexu procedit, cruentum facinus Hoseae, quod ille trucidationem Pekahiahi, libri sacri 2 Reg. 15, 30. trucidationem Pekahi appellant, 3 annis post mortem Iothami vel secundum ipsius Viri S. V. sententiam evenisse. Ex quo porro eundem Virum S. V. ut omnes interpretes libris historicis V. T. ducibus annos Pekahi non a consortio imperii Iothami, sed a morte Usiae numerasse apparet.

Iudae quasi putredo כִּרְקֵב, sentiet Iuda vulnus suum מַזוּר, discerpit Deus ceu leo rugiens Iudam אֲנִי אֲטַרְהָ. Vati quodlibet verbum diligentissime ponderanti aliquid casu excidissee, quod tantopere ad rem peculiarem tendit, vix credam. Eleganter illae imagines pingunt, ubi foetidorum ulcerum Usiae regis lectorem commonefieri existimaverimus. Obiciant interpretes easdem imagines et de altera stirpe Iacobitica, cuius nemo principum pari lue infectus fuerit, adhiberi. Verum quid, si propheta in illo regis fato effigiem factorum utriusque stirpis vidit coloribusque ex eodem fato petitis usus fuit ad hanc effigiem significandam? Verba certe hanc sententiam probant. De iis quae ad Iudaeos spectant iam diximus, sed etiam Ephraimum vocat מִשׁוֹךְ וְרִצּוֹן eodem modo, ut in rege iudicium lege constitutum impletum sit. Num. 18, 7. Addit causam iudicii: quoniam sectatus sit אֲחֵרֵי — צַוַּמַּנְדַּתָּ הָאֲחֵרִים *mandata humana*, pariter atque rex, qui divinis mandatis neglectis legem sibi faciens morbo percussus sit. Sentit Ephraim morbum, quemadmodum ille rex. — Cum autem nemo civium ei mederi possit, ad gentes externas mittit qui peterent auxilium. Frustra! Deus inflixit vulnus, solus Deus sanare potest, sicuti leprosi nulla medicina nisi Deo intercedente sanari poterant. Deus morbo regem adfecit, ipse curam huius morbi arcanam sibi, i. e. sacerdotibus vice ipsius fungentibus asservavit. — Quae huius nostri loci explicatio ut verbis et tempori convenit, ita optime ingenio vatis respondet, quem tales symbolicas expositiones amare iam ex initio vaticiniorum cognovimus.

Inde a c. 6, 4. usque ad c. 12. mera habemus fragmenta e reliquiis vatis collecta, quae nullo vinculo inter se cohaerent. Confecta videntur prouti tempus et animi impetus prophetae occasionem suppeditaverunt.

Atque in primo fragmento 6, 4-11. iterum invehitur auctor in utriusque stirpis pravitatem. Impatientes omnium divinorum monitorum omnem pietatem veram probatamque esse opinabantur, modo sacrificia offerrent, quae ipsa non Deo omnipotenti sed idolis oblata erant v. 10. Cuius erroris culpaе utraque stirps obnoxia erat, maxime Israelitica, quae exemplo et insidiis suis Iudaicam in eandem perniciem abduxit v. 11. Repetit igitur vates virorum sacrorum monita, qui dudum iam, longe alia pietate opus esse quam sacrificiis et holocaustis, nimirum benevolentia et benefactis, docuerant, quos quidem et intelligere et sequi illi recusaverant. Quam alieni ab ista pietate sint, exemplis terribilibus morum depravationem significantibus describit v. 8. 9. Quorum unum nobis tempus indicat, e quo fragmentum nostrum ad nos pervenerit. Gileaditarum flagitia sanguinolenta commemorat. Cum autem Gileaditae fuerint, qui in nefaria trucidatione regis Pekahiahi successorem eius Pekahum iuverant 2 Reg. 15, 25., omnes fere interpretes in eo consentiunt, vatem h. l. id ipsum factum respexisse orationemque habitam esse primis temporibus Pekahi regis Israelici. Quam aptissimam sententiam nos quoque retinere satius duximus. Genus autem dicendi simile est prioribus partibus: aequae breves enunciationes, quibus quamquam obiter tantum attingere videtur illorum temporum conditionem, tamen, ut ipse

dicat v. 6., penitus confringit et percutit suorum animos.

Hoc excipit aliud fragmentum 7, 1-7. in quo tamquam tabula depicta est pars vitae Pekahiah, regis Israelitarum. Pauca de eo nobis restant 2 Reg. 15, 23—25. Sed sufficiunt, quibus regem effoeminatum, libidinosum, ignavia obsopitum cognoscamus, qui fiduciam collocans in principibus et dilectis suis, gravissima eorum conspiratione oppressus est. Dum enim inter convivia et pocula bono animo sedens, ludibriis et adulatione callidorum coniuratorum delectatus eorumque petulantiae particeps fit, ex inopinato a Pekaho ducibus Argod et Arie et 50 Gileaditis stipato oppressus in ipso palatio trucidatur. De nullo alio regum, qui tempore Hoseae vixerunt, tam apte descriptio loci nostri valet, vel mores vel finem vitae eius respiciamus. Totus verborum contextus docet, sermonem esse, de gravi aliquo seditioso molimine. Rex commisationibus impeditus est quominus motus circum se praeparatos animadvertat v. 5. Auctor seditionis tamquam fur intrat, consortes facinoris effundunt se foris v. 1. At insidias parans securitatem, amicitiam regis iocosque simulat v. 3. Ita quasi dormiens versatur, machinationes noctis tenebris tegens v. 4. 6. Coniurati vigilant, sicut massa ad fermentationem excitata v. 4. et quanto propius accedit facinoris tempus tanto fervidius ardent in sanguinolentis consiliis v. 6. 7. Cum autem hora edicta venit, omnes prorumpunt et in interitum rapiunt sanctissima reipublicae capita. Pluralis שְׂפִיחִים — אֶת iterum ut 5, 10. שְׂרִים

poetice pro nomine regis positus esse patet. Certe utrum hac an ulla alia seditione Israelitica simul cum rege principes ei familiares ceciderint nescimus. Ceterum vates omnem rem ita imaginibus circumvolvit, ut prudentiam cautumque eius animum in describendo inde cognoscamus. Unde equidem omnino non effecerim, utrumne Hoseas, quem fortasse illud facinus dum prae-
parabatur non fugit, hoc sermone regem et amicos eius ut sibi caverent aut resipiscerent monuerit, an postquam eruperat suo modo pinxerit, ut omnium tantorum flagitiorum odium excitaret exemplumque ederet, ad quem finem protervia, ignavia et luxuries illorum temporum perducere possit.

Elegantia huius poematis e facultate vatis simplicibus levibusque imaginibus graves res significandi ponderari debet. Si quem vilitas pistoris et fornacis offendit, is profecto etiam Homerum magnas descriptiones iusto nimium exiguis imaginibus ornavisse accusabit. Qui autem vatem propterea vituperat, quod e metaphora exciderit, et quod antea massa fuerit ad fermentandum excitata subito in flammam et clibanum mutaverit, is aliquantulum ignoscat fervido eius ingenio regularum subtilium nostrarum de venustate poematis impatienti. In toto fragmento nil interpretem vere, opinor, offendet, nisi participium מִנְאִיִּם v. 4.; nam quid moechi s. idololatrae h. l. sibi velint, nulla arte expeditur. Verum facillima verborum emendatione haec quoque difficultas amovebitur. cf. ad 7, 4.

Mihi certe huius fragmenti verba ita comparata videntur, ut omnia ad unam rem spectent, ad effigiem aulae regiae effoeminatissimae, et ad

secretas machinationes scelestissimorum hominum. Unde S. V. Eichhornio non assentiar, qui eorum nexum ita discerpsit, ut fere in quolibet versu nova sententia deprehendatur, quique vatis increpationem ubique ad universum populum directam censuit cum tantummodo de aliqua scelerata eius parte sermo valere videatur.

Monet pronomen **נָהִי** medio versu septimo novam orationem inchoari, vel potius fragmentum multo seriore tempore ortum exhiberi. Ceciderant reges Israelitarum deinceps. Respublica magis magisque ad interitum vergebat. Verum nemo erat qui unam et veram salutem quaereret, auxilium, puta, Iehovae. Contra ut columba pellecta quam mens deficit, modo huc modo illuc se contulerant, modo Assyriorum amicitiam magno soluto pretio sibi conciliaverant, modo istius foederis taedio capti ad Aegyptios confugerant. Ita vere senio fuerunt confecti v. 9.; senes enim vi et firmitate in factis consiliisque carent, et obitus iis iminet v. 13.

Huius igitur fragmenti argumentum ab argumento prioris cap. 7. particulae prorsus differt. Vates sibi saepissime illam spem 2, 1—5. et 3, 5. animo repetisse videtur, fore ut extincta regia familia Iehu Israelitae rege Iovae probato destituti se regi e familia Davidis subicerent. Tunc enim simul rediissent ad verum Iehovae cultum Hierosolymae inquilinum, et ita cum universa gente Iacobitica bene actum fuisset. Verum et Iehu progenies extirpata erat, et plures reges deplo-rabili nece perierant. Israelitae tantae aversioni Iehovae tantoque Iudaicarum rerum odio

se dederant, ut adeo terribile bellum regibus Iothamo et Abaso inferrent. Et quamquam aliquoties calamitatibus oppressi ad Deum conclamabant, non tamen favor Iehovae, sed triticum mustumque et quicquid voluptatibus satisfaceret, curae cordique iis erat. Spes autem auxilii et ab idolis v. 10. et a barbaris v. 9. expectati eos frustrata erat. Vates hunc suorum stuporem carmine fere elegiaco luget, penitus, ut videtur, spe privatus, quam aliquando foverat. Nil enim auguratur nisi detrimentum idque proxime instans. Atque quid mirum, tam inepta consilia in eorum interitum cecidisse? Postquam enim inbecillitati rebusque dissolutis perfidiam addiderant, facile Hoseas divinare poterat, fore ut Assyrii hac perfidia ad iram provocati cruentam sumerent eius vindictam.

Haec de argumento et occasione carminis cogitanti paucae temporis notationes temporibus regis Hoseae id assignare suadent. Historia regum Israeliticorum nihil praeterea de commercio cum Aegyptiis refert. Syri quidem saepius commemorantur et hostes Israelitarum, et foedere iis iuncti, Aegyptii nusquam, siquidem ipse regni situs cum iis commercium reddebat certe molestissimum. Inter regnum Israeliticum et Aegyptiacum terra duarum tribuum interiacebat, quam ut praeteriret Aegyptiorum exercitus, vel navibus ad Israelitas traiceret, vel angustum terrae tractum a Philistaeis occupatum permearet necesse erat. Quo factum est, ut Israelitae Iudaeos oppugnaturi Syrorum, non Aegyptiorum opem implorarent 2 Reg. 16, 5. E coniectura autem commercium aliquod Israelitarum cum Aegyptiis sumere cum historiae vestigiis careamus, non

placet. Quamobrem vel S. V. Eichhornio assentiri nequeo, qui naturale commercium iam antiquitus inter Israelitas et Aegyptios, finitimas nationes, exstitisse contendit omniaque oracula Aegyptios pertinentia in antiquiora tempora ablegat (Hebr. Propheten Tom. I, p. 102. 112 sqq.). Hoseam autem regem ab Assyriis iusto durius tractatum legatos ad Aegyptios misisse certo scimus 2 Reg. 17, 4. Quae historiae commemoratio cum argumento carminis nostri conveniat, id ipsum carmen temporibus Hoseae regis adscribere non dubito.

Cur autem inter multo antiquiora vatis fragmenta locum obtineat, id si quem offendit, causam in eo reperio, quod serus Iudaeus fragmenta Hoseae congerens, similitudine, et initii, ubi de regum interitu sermo est, et imaginis v. 8. cum praecedentibus deceptus utramque particulam inter se cohaerere censuit. Inepte quidem; nam inde a medio versu septimo de longe alia re sermonem esse, quam ab initio capitis, illustratione argumenti effecimus. Malim igitur ineptiarum accusare Iudaeum congerentem, quam cum plurimis interpretibus prophetam criminari omnis boni sensus expertem imagines ita miscuisse, ut, qui paullo antea massa fermentata postea ignis et fornax fuerint, eos iam placentae non versae uno tenore assimilaverit.

Ab initio capitis octavi usque ad v. 10. nova oratio exhibetur, quae, quod tempus adinet, post 5, 9. collocanda videtur. Incipit enim ut illa desierat. Vates nempe clangore tubae minas instantium poenarum edens animos suorum ter-

ret, ita ut ne edicat quidem, quae sonitu tubae indicentur, minas illius buccinae nondum oblivioni traditas esse probe sentiens.

Evenerat id quod patriam vatis ad perniciem concito cursu rapiebat. Assyrii pellecti erant in terram Israeliticam v. 9. 10., Israelitae Deo non addicente sed reditum ad reges Davidicos postulante, spatio unius anni reges sibi constituerant Sallumum et Menahemum v. 4. atque sic et infelix separatio a regno cultuque Hierosolymitano invaluerat, et idololatriae vis novum incrementum ceperat v. 4. Quid iuvat nunc mendax eorum eiulatus v. 2.? Deo se subtraxerunt v. 3.; videant quibus bonis illi, quos Deo praetulerint, remuneraturi sint v. 3. 4. At vitulus in pulverem conteretur, quem ventus absorbebit, quocum simul absorbebitur Israel v. 6-8., barbari hostili animo irruent v. 3., eorum oneri regnum succumbet v. 10.

Vati haec oracula vel sine divino afflatu e statu imperii et e conditione civium petere licuit. Reges imbecilles erant, et domi impotentes et foris crescenti vi finitimarum gentium impares. Arcessitus barbarorum vitium erat politicum, quod aequae imperii fundamenta labefactaverat (cf. p. 25.) ac Dei iram provocaverat. cf. Deut. 7. Assyrii, ferociiores Syris et Aegyptiis, clementiam ignorabant. Libidinosus Baalium cultus animos et corpora debilitaverat. Omnia eventu comprobata sunt. Assyrii simulatque opes et amoenitatem Israeliticae terrae degustaverant, imbecillitati regni illuserunt, cives captivos abduxerunt, reges sibi subiecerunt.

Itaque videmus, omnia in eo convenire, referenda esse huius particulae effata ad tempora

et imperii statum sub Menahemo, ubi spes restitutionis universae gentis Iacobiticae post extinctam familiam Iehu vatem fefellerat, ubi loco promissorum bonorum 2, 2. Assyrii terram sacram intraverant, ubi res in peius conversae erant. Quas peculiaris et singularis argumenti notas observaturi poematis elegantiam magis percipiemus quam illi, qui vatem spem universalem tractasse censent. Hieronymus v. c. vituperationem spontaneae regum electionis v. 4. de temporibus Ierobeami I. interpretatur. „Non enim,“ inquit, „quia „Deus Salomoni iratus regnum eius dividi voluit, „idcirco Israel bene suscepit regem. Debuerat enim „iuxta legis praecepta Deum interrogare an vellet „hoc fieri.“ Quem secuti plerique interpretes vatem nostrum proterviam Israelitarum in separato regno sibi constituendo in universum spectavisse negligentiamque divinorum praeceptorum quovis tempore inter Israelitas conspicuam vituperasse contenderunt. Quod quidem Seb. Schmidt ad h. l. ita restringit, ut dicat: non tam accusari Ierobeami I. etiam a populo factam electionem, quam solii regii impiam constitutionem. In quam fere sententiam Eichhorn quoque abit (Hebr. Proph. I, p. 109.): „Durch wie vieles verschuldet sich Israel, durch Abfall vom Hause Davids, durch Abgötterey, durch Bilderdienst“ et not. ad h. l.: „Wer Davids Haus vom Throne verdrängte, war nicht nach Gottes Willen König.“ Verum et 1 Reg. 11, 29 — 39. Dei decretum fuisse fertur, ut 10 tribus a regno Davidico avellerentur, prophetamque Abiam ab eo missum esse, ut regnum illarum tribuum ad Ierobeamum I. deferret; et 2 Reg. 9, 1 — 9. Iehu filius Iosaphati per Elisam Deo dilectissimum pro-

phetam rex ungitur. Ex quo de plane alia arbitraria populi actione h. l. sermonem esse facile intelligitur, quam quidem in Sallumo et Menahemo habemus,

Nova oratio a 8, 11. usque ad 9, 7. porrigitur. Quae in ea continentur neque temporis neque historiae aliqua notatione insigniuntur. Itaque ea universalis argumenti fuisse videntur. Serius scripta sunt, verum non ultimis regni temporibus, omnino temporibus, ubi Israel fertilitate terrae et abundantia frumenti mustique gauderat. Fuerunt, qui dicerent, his indicari regnum Ierobeamii II., cuius aetati descriptio illa de opibus, divitiis ac florente populi conditione conveniat, v. c. Kuinoel ad 9, 1. Verum cum illa sententia nulla alia re nitatur, nisi quod altarium, arcium, copiarum, quibus repletae sint areae, argentearumque deliciarum mentio fit, totus reliquus nexus ei repugnat. Palatia arcesque et e temporibus Ierobeamii II. supererant, et temporibus diuturnioris imperii, quod v. c. Menahem per decem, Pekah per viginti annos obtinuerunt, tanto faciliori negotio extrui poterant, quanto audacius illum civium aere usum fuisse e 2 Reg. 15, 21., hunc opibus suis ita superbiisse, ut bellum contra reges Hierosolymitanos moliretur e 2 Reg. 16, 5. intelligimus. Fortasse uterque rex latentem miseriam tali splendore textit. Idem splendor de Iudaeis refertur 8, 14. quorum reges et Usiam et Iothamum copiam urbium et arcium munitarum in montibus silvisque auxisse 2 Chron. 26, 9. 10. et 27, 3. 4. legimus. Est autem nostrum fragmentum primus

vaticiniorum Hoseae locus, in quo instans exilium diserte commemoratur. Vidimus p. 39. et videbimus in explicatione singulorum commatum posse quidem verba c. 3, 4. ita tractari, ut tandem ad minas exilii veniamus. Verum tempore illius loci, haud multo post Ierobeamum II., cum praeter recentem Ioahasi et Ierobeami triumphorum memoriam fines Israelitarum ab exterorum hostium vi incolumes essent, nondum vati eximio amore patriam amplectenti tantae rerum vices in mentem venire poterant. Itaque c. 1-3. in universum tantum de correctione ipsi destinata loquitur, et ubi dictiones occurrunt, quae posterius fatum attingunt, eae tantum in gratiam symbolici matrimonii suo modo compositae videntur. Eadem est reliquorum locorum p. 39. laudatorum ratio.

Multo apertius nostro loco pronuntiatur: *non manebunt in terrâ Iehovae: redibit Ephraim in Aegyptum et apud Assyrios immundis cibis vescentur.* Evenerant igitur multa, quae hoc exilium imminens promoverent. Assyrii a civibus Israeliticis invitati invaserant patriam, et tanta erat imbecillitas contumeliaque Israelitarum, ut rex Menahem magno argenti pondere soluto amicitiam regis Assyriae redimeret. Fortasse inde ab hoc tempore Assyrii Israelitas vexare non desierunt. Quid, si vates in tanto rerum periculo clarius vidit tempus instare, quo antiquum vaticinium Mosis Deut. 28, 15-68. eventu comprobaretur: *abducat vos Iehova, pariter atque regem, quem vobis creaveritis, in gentem et nobis et maioribus vestris ignotam, ubi Deos alienos ligneos et lapideos coletis?* v. 36. cf. p. 40. Verum eo vaticinio diserte monitum erat, fore

ut in Aegyptum abducerentur: *vosque in Aegyptum Iova classe reportabit, in servos servasque inimicis vestris sine ulla assertore vendendos.* v. 68. Quamquam igitur adhuc cum Aegyptiis pacati degebant, tamen vates praevio tanto vaticinio anceps haerebat, utrum ab Assyriis an ab Aegyptiis illa praedicta perniciēs ventura sit. Certe a partibus Assyriorum periculum propius aberat, de quibus adeo illa v. 36. verba valebant. Aegyptios autem vaticinium appellaverat. Hanc ambiguitatem vates sentiens utrumque Aegyptios et Assyrios coniunxit, ita tamen, ut fidem Mosi debitam servaturus magis Aegyptios timeret 8, 13. 9, 6.

Quibus omnibus animo perpensis hanc vatis orationem vel in posteriora tempora Menahemi vel in media Pekahi incidere putaverim, ubi res pacatiores fuerunt, ubi populus et praeteritarum calamitatum oblitus, et de abundantia messium laetus, et magnificis sacrificiis superbiens, palatiis arcibusque exstruendis libenter opem tulit. Tum occasio fuit Hoseae suos monendi, ne securitati se committerent; instare enim tempus, quo propter perpetuam improbitatem id perpessuri sint, quod Moses iam vaticinatus esset; Assyrios iam esse paratos ad perdendum populum; Aegyptios esse illum formidabilem inimicum, quem ad vexandum Iacobi prolem Iehova iam dudum excitaverit, quemque ad vindictam sumendam secundum illud vaticinium nisi resipiscant suo tempore evocaturus sit. Id unum praeterea moneam, vaticinium nostrum ante irruptionem Tiglath-Pileseris propterea prolatum videri, quoniam Aegyptii multo solenniori commemoratione quam Assyrii laudantur. Quodsi vates iam tot cives

superioris Galilaeae et tribuum Transiordanensium ab illo rege barbaro abductos vidisset 2 Reg. 15, 29., res non amplius anceps fuisset. Assyrii ipsi fuissent hostes maxime formidabiles et exilium Assyriacum eadem diligentia a vate certiore facto indicatum fuisset, qua a dubitante Aegyptiacum laudatur 9, 6.

Ceterum argumentum totius carminis egregia expositione tractatur. Gloriatierant Israelitae de florescente statu reipublicae, qui nostri aliorumque v. c. Amosi, Iesaeae vaticinia regno interitum minantia mendacii coarguere videbatur. Dixerant fortasse: non solum sacrificia Deo obtulimus, sed plura etiam quam olim, plura enim altaria extruximus 8, 11. 13., conspiciate palatia nostra arcesque Iudaeorum v. 14., degustate panem et vinum, quibus torcularia nostra areaeque abundant 9, 1. 2., num ea omnia signa sunt iratorum numinum? His respondet vates: et altaribus vestris contra Dei praeceptum utimini cf. Lev. 17, 4. 5. 9. Deut. 12, 5. 8. 11. 13., et leges pietatis benevolentiaeque illis sacrificiis multo praestantiores cf. 6, 6. tamquam alieni quid consideratis 8, 12. Itaque sacrificia vobis peccato sunt v. 11. a Deo punienda v. 13. Quod autem et ad palatia, et ad sulcorum vinearumque proventus pertinet, nec in illis secure sedebitis 8, 13., nec area torcularique pascemini 9, 3. Memores estote illius Mosis vaticinii exilium vobis minantis, cui obnoxios impietate vestra vos ipsos praestitistis. Inter barbaros cibum et potum inquinatum capietis, nec erit unde Iovae sacra faciatis 9, 4., palatia igne consumentur 8, 14., eorum loca urticae occupabunt spinaeque 9, 6., dies autem festos nece vestra celebrabitis 5. 6. Nolite igitur

vindictam Dei provocare, nam illius vaticinii tempus instat v. 7.

Iterum medio versu 7 — 9. aliud fragmentum sequitur, idque brevissimum, quod sensu et cum praecedenti et cum sequenti incommode (vid. commentar. ad 9, 7.), optime contra cum alia parte cohaeret. Itaque a 10, 9. avulsum ibique suo loco reponendum putamus.

Cohaerens et in se absoluta particula exhibetur 9, 10 — 17., cuius argumentum facillime cognoscitur, nimirum vehemens increpatio sceleratissimi cultus Baal-Peoris. Quoties Israelitae pietatem erga Iehovam strenuamque ei debitam reverentiam prae se tulerunt, toties facta ipsa contradixerunt. Quid enim Iehovae cum illis libidinis moribus ad cultum Baalis pertinentibus, de quibus iam 4, 11 — 14. vates locutus est, quid cum liberorum immolatione? Verum rudi genti institutionisque per prophetas impatienti ea potissimum placuerunt, quae cogitatione et verecundia non egentia sensus solidiore modo tangebant. In his et sacratae voluptates libidinibus iucundae, et immolationes liberorum e stupidissima ignorantia divinae iustitiae ortae. cf. p. 32 sq. Quorum sacrificiorum insaniam Iacobitae iam in deserto adamaverant Lev. 20, 2 — 5. Dent. 12, 31. 18, 10., vehementius etiam eandem amplexi, postquam Baalis cultus terram sacram intravit, vehementissime, postquam ille cultus ab impio rege Ahaso sacris publicis lege adnexus est. 2 Reg. 17, 17. 2 Chron. 28, 2. 3. Ez. 20, 31. 23, 37.

Quamquam post familiae Ahabī eiusque sacerdotum cruentam trucidationem 2 Reg. 10, 1–28. ab illo Baalitico cultu aliquantulum remissum erat, tamen iterato furore natio eius scelestissima sacrificia repetiit, postquam Ierobeam II. bellis feliciter gestis pristinisque suis occidentalibus et septentrionalibus provinciis receptis novum commercium cum urbe Tyro instituit. Inter Phoenices potissimum infantes immolari solitos fuisse ex historia constat (vid. ad 10, 13). Vates expectaverat, fore ut reges et principes meliora sentientes illam insaniam vi et auctoritate sua tollerent. Frustra! Principes omnes refractarii fuerunt v. 15. siquidem vel Iudaicos reges eiusdem furoris consortes fuisse legimus 2 Reg. 16, 3. Itaque nil relictum erat, quam ut vates accerrimis comminationibus populum coërceret, quibus id adiecit, quod tunc demum, ut supra pag. 79. vidimus, animo eius patuit, fore ut cives ob tanta flagitia patria et libertate indigni inter barbaros servi et captivi emitterentur v. 15. 17. Cum autem et in nostro loco illud fatum imminens nondum accuratius describatur, haec quoque prophetia ante tempora Tiglath-Pilese-
ris edita videtur.

Plerique interpretum de hoc scelestissimo sacrificiorum genere non cogitarunt, fortasse quoniam in aliis SSae locis non ad Baalis, sed ad Molochi cultum refertur. Sed ex historiae documentis effici potest utrumque sacratis ritibus et institutionibus non multum inter se dissimilem fuisse. Moloch idolum vocatur Ammonitarum 1 Reg. 11, 7., Baal Peor Midianitarum et Moabitaram Num. 25, 1. 3. 6. 17. 18. Paulo ante Ammonitas et Moabitas finitimas stirpes Canaa-

nem incoluisse legitur 21, 13. 23. 26. cf. Dent. 2, 18. 19. Ios. 13, 25. 32. ex quo eosdem ritus sacros ex altera terra in alteram transmigrasse et existimari potest, et exemplo Mesae regis Moabitarum confirmatur 2 Reg. 3, 27., qui ad Deos placandos filium immolavit. Unde etiam Oecumenius ad Act. 7, 43. Molochum *εἰδωλον Μοαβιτῶν* vocat. E pluribus locis V. T. idem apparet: Ps. 106, 28—39., ubi de Baal-Peore sermo est, una serie eiusdem immolationis scelus recensetur; 2 Reg. 17, 16. 17. itidem commemorationi Baalis adnectitur; Ier. 19, 5. et 52, 35. illa excelsa, in quibus liberi comburebantur, diserte excelsa, Baalis vocantur; adeo Ier. 52, 35. nomina Molochi et Baalis alternis vicibus leguntur, dum Iudaei sacella in valle Ben-Hinnom Baali construxisse ad natos natasque Molochi ibi traiciendos narrantur. Itaque idolum illud Ammonitarum proprie Moloch appellatum, cui profana sacra in valle Ben-Hinnom fiebant, quin nomine tantum a reliquis Baalium generibus, quae ab omnibus illis barbaris nationibus divino honore colebantur, diversum fuerit vix dubitari potest. Idem confirmat Selden de Diis Syris Synt. II, 1. p. 227. exemplo idoli Syrorum Alagabali s. Agli-Beli, quod idem puerorum immolationibus placabatur, cf. Synt. I, 6. p. 176.: „uti igitur Baal i. e. Dominus, ita et Melech s. Molech aut Moloch i. e. Rex Ammonitarum hoc numen denotabat, unde et is ipse, forsitan fuerit, qui rex Deorum βασιλεὺς Θεῶν titulo singulari vociferatur in Phoenicum vetustissima Theologia.“

Si autem ita de argumento carminis statuimus, ut abominabilem cultum Baal-Peoris in

maxima depravatione conspicuam vates descripserit, non possumus non elegantiam et castitatem admirari, qua propositum argumentum persecutus fuerit. De re horrenda ita caute et venuste locutus est, ut vix quisquam recentiorum. Fingit proavos Israelitas uvas et ficorum primitias v. 10., ex quarum praestanti semine arbor eorundem fructuum spe in amoenissima Canaanis terra plantata excreverit v. 13. At omnem eius gloriam pessima idololatria destruxit. Cultus Baal-Peoris debilitavit stipem; flaccescit flos, fructus decidit v. 12. Non digni sunt, qui liberorum summis gaudiis fruuntur v. 11. Insanus ille cultus vincula familiae dissolvit, libidinibus in utero et conceptu vitatur soboles v. 11., quae autem nascitur, a Deo perdetur v. 12. Vos liberos ad necem idolis educentes v. 13. ipsi his gaudere recusatis, Deus vobis dabit, quod ipsi vobis daturi estis v. 14. Ut patres vestri in deserto sparsi Deo erant dilectissimi, sic vos amoenis doniciliis considentes ab ipso estis repudiati. Itaque qui idem vos plantavit, e domo sua vos eiiciet v. 15., liberis privabit v. 16. Omnia poetice sunt capienda, et vehementer errant interpretes, qui quodvis praesagium vatum stricte intelligunt. Repugnant enim sibi prorsus hoc vaticinium et illud c. 2, 1.

Ventum est ad orationem capitis decimi, quae ultimis temporibus regni Israelitici scripta videtur. Praeterierant laeta et felicia istius regni tempora. Nil relictum erat, praeter memoriam impietatis Israeliticae, simulacra, altaria, flamines et errores idololatriae. Verum ita exhausti

erant viribus et opibus, ut quovis pretio a barbaris pacem emerent, utque ipsa aurea simulacra regi Assyriae muneri darent. Prior Salmanasseris impetus urbibus regni funestissimus fuerat v. 14. Nunc ab eodem crudelissimo rege imminabat regiae urbi Samariae interitus. Iam prope aberat tempus quo rege carituri erant, quippe qui ipse regnum incolumitatemque et dubiae clementiae, et avaritiae Salmanasseris debuisse videretur. Quae omnia de nullo alio tempore, nisi de illo regis Hoseae valent: quo regnante fortasse aliquo anno frumento, oleo et vino abundarunt, quod ipsis placuit: idque ab idolorum flaminibus omnipotentis eorum auxilii signum exhibitum est. Eodem spem converterant ad deastrorum vim v. 15., ad supersticiosam suorum pietatem v. 13., ad copiam heroum v. 13., ad arces munitas v. 14. Verum falso hos seductores populi locutos esse vates proponit, terrae ubertatem urticis et spinis brevi occupatum, idola cum flaminibus abductum, arces devastatum iri vaticinatur. Quae omnia ita sunt comparata, ut illud fragmentum 9, 7 — 9. inter 10, 8 et 9. aptissime suo loco poni videatur. Significat enim luculentius, unde spes et gaudium in tantis calamitatibus v. 2. 13 — 15. orta sint; magis proterviam flaminum, de quorum exultatione v. 5. sermo est, designat, et arctissime priorem cum posteriore capitis nostri coniungit partem.

Quibus versibus suo loco restitutis hic nexus orationis prodit: Felicissima conditione rerum tuarum usa es Israel v. 1., at, e quo eam non Iehovae sed idolis tuis debere arbitraris, poena digna facta es v. 2 — 4. Perge et frui paulisper superstitiosa tua securitate v. 5., tem-

pus instat, ubi idola tua abducentur, ubi erubescas propter perversa tua consilia v. 6., ubi excisa erit tua Samaria v. 7., ubi sub collibus et montibus tuis impietatis tuae testibus sepeliri optabis v. 8. Noli credere prophetis tuis futura gaudia tibi, ne fiducia tua in idolis posita irrita fiat, promittentibus. Et ipsi stulti sunt, et te decipiunt; nam tua flagitia omnem salutem a te removent 9, 7. 8. Memor esto contra sortis Gibeatidarum, qui pares tibi fuerunt peccando v. 9. Nunc par iis eris poenas luendo 10, 9. 10. Si etiam nunc felix reddi cupis, ne contemne leges Dei tibi impositas v. 11., semina virtutem v. 12., sin minus, nec crede perversis tuis moribus, neque tuis heroibus v. 13., neque tuis munitionibus, quibus bello orto hosti resistere non poteris 14., nec Betheli, cuius munus certum detrimentum est 14.

Eiecto illo brevissimo fragmento lacuna in ceteroquin integro poemate remanet. Certe comparatio Gibeatidarum cum Israelitis nullum coniunctionis membrum cum praecedentibus habet. Qua de causa etiam Kuinoelio iude a 10, 9. novam prophetiae partem constituere placuit. Verum finis capitis cum initio arcissime cohaerere videtur. Disertis enim verbis vates redit ad priora orationis momenta, commemoratione Bethelis, cuius promissa fallunt v. 15. ad v. 1 et 5., regis, cui proximum interitum indicat v. 15. ad v. 3. Itaque finem cum initio coniungere malim. Est praeterea subtilis et elegans nexus v. 12 et 13. cum 9, 7. 8. Vates enim in utroque loco diserte edicit: *non quae fatui prophetae promittunt, sed quae ipsi vobis praeparatis evenient.*

Ea quo autem factum sit, ut illud fragmen-
tum falso loco positum legatur, non expediverim.
Fortasse colligans Israelita sigillatim conscriptum
habuerat, quod semel in congerie vaticiniorum
Hoseae 9, 7—9. receptum, quamquam iterum
suo loco post 10, 8. repetitum invenit, denuo
exhibere nollet.

Cap. 11. unum poema efficit iterum tempus
suum prodens commemoratione Assyriorum
regiminis, quod Israelitae stolidi et ignava mente
ferebant. Tunc melior pars nationis fortasse de-
trimentum, in quod irrueret, sensit, quippe rex
ipse Hoseas superasse fertur pietate reliquos
reges Israelitarum 2 Reg. 17, 2. Propterea
vates misericordia commotus in his exhorta-
tionibus mitioribus verbis utitur quam hucusque
usus fuerat.

Postquam Hoseas regem Israelitarum Peka-
hum interfecerat 2 Reg. 15, 30., non statim ani-
mos suorum promptos expertus est ad imperium
sibi committendum. Procul dubio domestici tu-
multus orti sunt. Vidimus enim p. 9. octo an-
nos praeterlapsos fuisse antequam vere sceptro
potiretur. Narratio 2 Reg. 17, 3. suadet, ut tandem
id auxilio Assyriorum eum impetrasse existime-
mus ¹²⁾. Imperium solutione tributi inceptit, quo

12) Verba quidem 2 Reg. 17, 3. **עָלָה שְׁלֹמֹנָאֶסֶר**
Luth. et plerique interpretes verterunt: *contra*
eum ascendit Salm. Verum praep. **עַל** hostilem
superventum indicet minime necesse est. De accessu

regi Salmanasseri se subditum fecit. Nostro loco adeo v. 5. Assur rex patriae terrae, מלכו, vocatur. Assyrii tunc temporis armata manu fines Israelitarum transgressi gravissimo bello v. 6. Hoseam, qui ipsorum tutelae se subiecerat, regem agnoscere illos coegerunt. Quo bello sine dubio expugnatio urbis Beth-Arbelis evenit, de qua 10, 14. sermo fuit. Itaque Hoseas tam perverso modo ad dignitatem regiam evectus offendit Deum temeritate, qua perniciosa cum barbaris vincula iniit. Salus Israelitarum in eo posita fuerat ut una animum erigerent v. 7. et abiectis omnibus illis perversis consiliis מועצותיהם v. 6. Iehovae, regi et sacris Hierosolymitanis se adiungerent. Verum rebus talem in modum gestis non tempus erat querelarum nec dolores sanare poterant populum. Hoseas rex meliora sentire videbatur, nam melior erat antecessoribus. Iugum sibi a rege Assyriorum impositum exuere moliebatur. Quae eadem omnium piorum Israelitarum cura erat, siquidem postea Hiskias rex Iudaeorum consilia vatum secutus felicissimo successu in eadem re elaboravit. Una etiam via ad requirendam salutem patebat, quam vates regi et populo monstrare conatur: Ille Iehova, qui olim patrum pedes moverat, brachiis eos prehenderat cum ad-

familiari saepissime occurrit v. c. 2 Sam. 15, 4; 2 Reg. 25, 11. Ies. 54, 15. adeoque significat *pro v. c. Iud. 9, 17. Nehem. 4, 8.*; ita h. l.: *pro eo dimicaturus ascendit*. Quae significatio praeferenda mihi videtur, quoniam sequens וישב לו in verbis מנחה restitutionem s. solutionem impensarum praestiti auxilii diserte indicat.

huc impuberes essent et in summis periculis versarentur, cuiusque miraculorum testes proavi fuerant v. 1. 3. 4., eadem etiam nunc benevolentia animatus est v. 8., nec res ita sunt deperditae, quae pietate in Deum, fortitudine animi et obedientia restitui nequeant, non desperandum de futura salute, modo Iehovam quaerere discant v. 10., qui quidem Hierosolymae prae ceteris colendus, tamen non certa quadam urbe inclusus ut idola v. 9., sed ubique promptus paratusque est ad auxilium suis ferendum v. 10. 11.

Habemus igitur hoc nostro poemate praestantissimam significationem animi dignissime de Deo cogitantis. Exiit vates falsas Iudaeorum opiniones de sede Iehovae peculiari, dumque animos civium ad cognitionem Dei ubique efficacis et ubique propitii effert, vere Christianis modis Deum celebrat. cf. Ioh. 4, 20 — 23. Act. 17, 24 — 27. Proh dolor! quod et rex et cives monitis eius obsequium praestare recusarunt. Non enim patientia et pietate labefactatum rei-publicae fundamentum restituerunt, sed mendacissimo studio Aegyptiorum opem quaerendi interitum sibi accelerarunt. Vatis immortalis gloria manet, hac occasione et celsissimi argumenti, et suavissimae compositionis carmen edidisse, quod, quantum ad tempus adinet, iis quae exposuimus probe consideratis, ad prima regis Hoseae tempora, antequam de foedere Aegyptiaco ageretur, referendum est.

Multo severior increpatio capite duodecimo continetur. Quae quidem est difficillima pars totius prophetiarum Hoseae fasciculi. Difficile est vatem

sequi in modo, quo singula huius orationis membra inter se coniunxit, idque propter singulare eius studium fata et gesta proavi Iacobi symbolice proponendi eiusque exemplum posteris exhibendi. Aequè difficile est intelligere, quo sensu vates singula comparationis membra ceperit, v. c. ntrum, quae v. 4 et 5. dicuntur, in laudem an in contumeliam patriarchae dixerit. Denique difficile est significationem singulorum verborum et dictionum enucleare.

Unde multivariae habentur sententiae de huius capitis et *sensu* et *tempore*. Nonnulli enim cohaerere cum sequentibus putant; quorum Seb. Schmidt: „incipit,“ ait, „hic nova concio, in „qua duae partes, prima contra Iudam, altera a v. 12. ad c. 14, 1. contra Ephraimum; „ita quidem, ut in priori parte oppositione inter „Iudaeos et Israelitas facta 1) Iudam laudet de „praeterita constantia in fide et pietate v. 1. 2., „eundem vero 2) de praesenti corruptione arguat v. 3., 3) duabus rationibus (quarum prima a „iustissima retributione Dei v. 3. — id quod exemplo Iacobi probatur v. 4. 6. — altera a Dei „immutabilitate petita v. 6.) ad poenitentiam revocet v. 7., 4) opposito exemplo impii Ephraimi v. 8. 9, qui ideo deserendus nunc sit, doceat, se Iehudae praesertim sub N. T. Deum „futurum v. 10. 11. Unde demum transeat ad „alteram partem adversus Ephraimum.“ Alii contra interpretes secundum Michaelem ad h. l. „totum caput directe ad Ephraimum referunt, qui „cum Iuda comparatus deterior sit v. 1. 2. et „corruptionis illi etiam auctor v. 3., adeo degenet prorsus a Iacobi patriarchae pietate v. 4. 5., „cum contra Deus ex sua parte semper sit idem

„v. 6., ad quem ideo redeundum esse Ephraïmum
 „hortatur v. 7., frustra tamen, ob eius pertina-
 „ciam in admittendis et defendendis sceleribus v.
 „8. 9., unde Deus semper sibi constans ex mente
 „nonnullorum interpretum ipsis exilium minatur,
 „secundum alios vero ex mera misericordia pro-
 „missionem de instauratione ecclesiae Israeliticae
 „sub N. T. confirmat v. 10., ut qui non solum
 „adhuc officio suo non defuerit per prophetas
 „vario modo locutus, sed etiam sub N. T. Evan-
 „gelii doctores et prophetas abunde daturus sit.
 „v. 11. sqq.“ cf. Rosenmueller scholl. ad
 Hos. p. 358. Praeter hos sunt alii interpretes
 (inter quos referendus iam Luth. in commen-
 tario ad Hos. 12. et nuperius I. H. Meissner in
 progr.: *sistitur oeconomia c. 12. Hoseae*, Kuinoel
 ad h. l., Eichhorn Hebr. Proph. p. 152.), qui ora-
 tionem huius capitis ad utrumque regnum per-
 tinere contendunt, ita tamen ut non anxie quae-
 rendum sit, quid huic illive regno potissimum
 dicatur, sed omnis oratio prophetae sic ac-
 cipienda ac si prolata sit universae stirpi Ia-
 cobiticae. Eichhorn adeo totum caput in 3 vin-
 culo sine ullo consistentes partes discerpit, qua-
 rum prior v. 1-7. exhortationem in genere, al-
 tera 8-12. increpationem securitatis Israelitarum,
 tertia v. 11-15. comparisonem inter Iacobum
 eiusque posteros contineat. Hieronymus rem ita
 expedit ut a v. 2. Deum ita cum utraque stirpe
 collocutum esse contendat: „Ephraïm semel pa-
 „scente ventos et sequente mendacium, qui in
 „tantam venit amentiam, ut inter duas gentes ad-
 „versarias Aegyptios et Assyrios fluctuaret, nunc
 „mihi omne iudicium est cum Iuda et visitatio
 „super Iacob. — Visitationem,“ addit, „vocat fla-

„gella et supplicia, ut qui Ephraim reddidit, quod
 „merebatur, Iudae quoque reddat iuxta vias suas,
 „qui non tam fortuito errore deceptus de huma-
 „na concidit fragilitate, sed inquisivit et invenit
 „in quibus peccaret. — Itaque,“ pergit, „et tu, o
 „Iuda, imitare parentem tuum, plora et roga
 „dominum exercituum et ad eum convertere,
 „custodi misericordiam et iudicium, et cum
 „utrumque feceris spera in Deo“ etc.

Pariter dissentiunt interpretes de *tempore*,
 quo haec oratio habita sit. Hieronymus ad v. 2.
 dicit: „sacra historia narrat, Menahem regem Is-
 „rael pace facta cum Assur ab Aegyptiis postu-
 „lasse auxilium, et hoc est, quod nunc dicitur
 „pascere ventos, i. e. spe vana se decipere.“ Trans-
 fert igitur prophetiam ad illa Menahemi tempora.
 Lightfoot in Chronol. V. T. p. 105. sub initium
 regis Hiskiae editam esse censet. Luth. ad
 c. 12, 1. ulterius etiam excedit tempora regis His-
 kiae premens, cuius pium imperium vates re-
 spexerit. Kuinoel ad c. 12.: „Haec ipsa,“ in-
 quit, „vituperatio, qua reprehendit Hoseas Iu-
 „daeos, pertinet procul dubio ad tempora inter-
 „regni 11 annorum Amazia mortuo et ad initium
 „regni Usiae.“ Eichhorn l. l. p. 132. 134. fere eo-
 dem modo statuit, dum orationem nostram paullo
 post mortem Ierobeami II. compositam esse con-
 tendit. Verum Hieronymus nullum testimonium
 sententiae iam regem Menahemum foedus cum
 Aegyptiis iniisse profert. Nisi forte humani
 quid ipsi accidit, traditionem antiquam accuratius
 designare debebat, si fidem posteriorum tempo-
 rum verbis suis conciliare voluit. Lutheri sen-
 tentia nititur falsa explicatione verborum v. 3.
 יהוה — יריב ליהוה עם — יהוה darum wird der Herr die

Sache Juda führen, et admodum dubia interpretatione illorum v. 1. יהודה עד דר עם אל *Ju-
da hält noch fest an Gott*. Recentiores interpre-
tes nil Judaeis honorifici in omnibus hisce
verbis deprehendunt, contra increpationem vatis
in utrumque regnum valere conspectus totius ca-
pitis docet, cf. Commentar. ad v. 1 et 3. Itaque
tunc temporis pia et sapientia instituta, quibus
regnum Iudaicum Hiskia imperante reviviscebatur,
nondum promulgata fuisse apparet. Accedit quod
ita sine causa senectuti Hoseae anni adduntur,
cuius munus propheticum inde a primo Israeli-
tico interregno usque ad initium Hiskiae 55 an-
nos durasse utique sufficit. Omni autem proba-
bilitate destituta est S. V. Kuinoelii sententia
vatem hanc prophetiam temporibus interregni
sub initium regni Usiae edidisse. Ut id tacea-
mus interregnum 27 annos a morte Amaziae
abfuisse et Usiam iam 27 annos imperium et
solum et sub tutela tenuisse, cum Ierobeam II.
moreretur (vid. pag. 6. not.), unde tempora inter-
regni et initium regni Usiae non in idem tem-
poris momentum incidisse apparet, indoles to-
tius orationis in multo posteriora tempora nos
ablegat. Nec temporibus Jerobeami, nec sub
mortem eius contentio Jehovae cum Juda fuit
12, 3., sed tribus eius benigne fuerunt a Jova
excipiendae 1, 7., non puniturus irruit in uni-
versam familiam Iacobi 12, 3., sed tribus Iudae
salvas reddere promisit 1, 7. Tunc in histo-
ria sacra nondum mentio facta fuit Assyriorum,
nedum foederis cum iis pacti, neque munerum
ad Aegyptios missorum c. 12, 2. Tunc nondum
flagitia et fraudes Gileaditarum ita innotuerant,
ut postea 12, 12. cf. 6, 8. Tunc omnino

flagitia Ephraimitarum nondum a propheta nostro tam acerbe et vehementer notata sunt, ut 12, 1. 2. 12. 15. cf. cap. 1. 2. 3.

Propius accedamus ad Lightfooti de hoc capite sententiam. Editum fuit prioribus Hoseae regis Israelitarum temporibus, vel superstitute adhuc Ahaso rege Judaeorum, vel vix mortuo. Illo tempore foedere Assyriorum tutus Hoseas sceptrum tenuit, sed foederis iam impatiens Aegyptiorum amicitiam ambire coepit. Illo tempore pessimus Ahas rex Judaeorum mores populi aequè depravaverat, atque reges Israelitarum mores suorum. Illo tempore iam exilium initium ceperat, in quod rex Assyriorum Tiglath-Pileser cives Galilaeae superioris et regionum Trans-Jordanensium abduxit, unde securitas sedium turbata promissionibus versus 12. copiam dedisse videtur. Illo tempore arae in infinitum auctae 2 Reg. 17, 9—12. Illo denique tempore impietas Ephramitarum inter tot tumultus, bella, nefarias machinationes, errores a fautoribus idololatriae promulgatos maxime abominabilis facta 2 Reg. 17, 14. 15. Integra autem oratio in utriusque imperii, et Israelitici et Iudaici gratiam composita videtur. Utraquè enim gens pari impietate parique rerum dissolutione laboravit, siquidem vel Hiskias Hierosolymitanus optime de suis meritis adhuc decimo quarto regni anno nil habuit, quod impetui Assyriorum obiceret, nisi ut submississimis precibus solutoque magno pretio regem Sanheribum ab Hierosolymis secedere et pacem ipsi restituere commoveret 2 Reg. 18, 13—16.

Argumentum autem poematis ita constituerim. Postquam vates variis modis, sed frustra,

suos, ut resipiscerent, commonefecerat v. 1 — 3, ne in summis angustiis de emendatione sua et divini favoris restitutione desperent nunc Iacobi fata iis symbolico documento proponit dubia pietatis initia non esse negligenda, sed magis magisque purganda et emendanda, ut tandem vera erga Deum fides probataque pietas existat. Nam et ipse Iacobus olim dubius in probitate et anceps inter cultum Iehovae et deastrorum haerens luctatus est cum barbarorum deastris v. 4., numen arcanum nomine 𐤁𐤏𐤍𐤁 appellatum illicito honore ab eo aliquando cultum facto congressu superavit v. 5., quo facto effigies exstitit luctae gravissimae cum tanta superstitione conflictandae. Qua expugnata etiam exemplum fuit victoriae. Invenit verum Jehovam Bethele, eiusque pius cultor mansit v. 5. 6. Rependite, pergit, haec animis vestris et iidem ad Jehovam revertamini v. 7. At idem proavus typus vobis exstat in cavendis falsorum commodorum bonorumque illecebris. Insidiatus fratri eiusque primogeniturae inhians, odium eius exul fugere coactus est, mulieris amore correptus libertatem amisit Labanisque gregem per 14 annos pavit v. 13. En mercedem perversae avaritiae libidinumque! Quodsi tantum exemplum in abavo alias Deo probatissimo habetis, quid sperare poteritis, qui excitaveritis Dei acerbissimam iram? v. 15. Aliud praesto est vobis exemplum in memoria maiorum vestrorum. Verba enim mea per prophetas iis prolata servantes non exules fugerunt, sed ab exilio Aegyptiaco liberati sunt, non custodiverunt, sed custoditi sunt v. 14. Non itaque, ut facitis, avaritiam curate v. 8. 9., non fiduciam collocate in idolis v. 12., sed prophetas, quos vobis

misi, sequamini v. 11. si, ut olim patres vestri, iterum salvi esse vultis v. 10. Finit vates, quasi intelligens omnia iam esse irreparabili damno deperdita, orationem verbis ipsam suam desperationem indicantibus v. 15., ut aliquando Jesus Christus dolores de pernicië Hierosolymae significavit Luc. 19, 42.: „o si scires, quae tibi saluti forent! sed nunc oculos tuos latent.“

Quae restant capp. 13. et 14. arcissime inter se cohaerent. Collectione fragmentorum Hoseae facta, cum his duobus capitibus finis toti operi imponeretur, optime collectioni consultum est: quippe et forma, et argumentum monet, hanc vere fuisse ultimam animi eius significationem, qua peroraverit. Propheta senio iam confectus et finem vitae exspectans his verbis quasi testamentum obsignasse videtur. Repetit denuo omnia beneficia, quae Deus posteris Jacobi praestiterit, inde ab Aegyptiacis temporibus. Ut luculentissima autem fuerunt divini favoris signa, ita turpissima fuit negligentia et impietas, cui a prioribus usque ad postrema tempora illi inhaeserunt. Itaque commemorationi divinorum beneficiorum 13, 4—6. 10. 14. descriptionem impietatis annectit, qua et patres v. 6. 10. 11., et posterii v. 1. 2. 9. 12. 13. Dei poenas provocaverint, et quemadmodum patres iustam peccatorum mulctam passi sint v. 7. 8. 11., ita vates iterum iterumque monet posteros non impune esse evasuros e divino iudicio v. 9. 12. 13. 14. c. 14, 1. eamque poenam sic adventuram esse, ut praeter opinionem perfidiae nefarioque idolorum cul-

tui incumbentes prosternantur v. 5. 15. Sed non sine spe infelices cives patriamque dimittit. Una salus restabat in auxilio Dei et in restitutione pristinae pietatis, qua solâ illius auxilio digni forent 14, 2 — 4. Hoc fretis, ait, res ita restituentur, ut omnes sub umbra emendati et Deo accepti imperii felicissima sorte fruantur 5 — 9. Denique finem facit exhortando, ut tandem sapientes evadant et cogitent de viis Jehovae, quibus probi tuto ingrediantur, improbi lapsuri sint v. 10.

Quae omnia cum prorsus in universum dicta sint, cum gravitas orationis subinde mitigata sit commemoratione divinae benignitatis, cum spes et cura patriae solennioribus et loquacioribus formulis quam in ulla priorum orationum exponatur, cum denique ratio temporis nos propius ad mortem prophetae adducat: hic sermo prae ceteris verba pii senis exhibere videtur, qui opus suum absolvens ultima animi desideria votaue posteris ponderanda relinquit. Quod autem ad temporis signa attinet, Kuinoelii conjectura, editam esse hanc prophetiam post trucidationem Pekahi, ubi imperium per octo annos rege caruerit, nititur dubia interpretatione vocis *וְנָא* v. 10., quam cum nonnullis interpretibus pro *וְנָא* positam esse putat, ut sensus sit: *ubi nunc est rex tuus?* Verum cum haec interpretatio toti orationis nexui repugnet, certe admodum et dubia et incommoda sit, nil inde de tempore effici potest. Contra 14, 1. interitus urbis Samariae praedicitur, quae quidem post mortem Pekahi nondum in summo periculo versabatur. Illo enim tempore pace cum Assyriis restituta reliqua Israelitarum munimenta adhuc integra

stabant, quae omnia evertenda erant, antequam excidium Samariae eveniret. Deinde ibidem vates iisdem formulis utitur, quibus 10, 14., unde eum eversionem Betharbelis priore Salmanasseri expeditione dirutae in mente habuisse probabiliter censetur. Denique 14, 4. diserte auxilium Aegyptiacum innuit, quod non nisi ab Hosea rege pronunciato quaesitum est. Ex iisdem causis multo minus sententia Eichhornii placet, qui c. 13. temporibus Pekahi, c. 14. autem adeo temporibus primi interregni confectum esse statuit.

V.

De modo scribendi vatis observationes philologicae.

Qui a lectione Ezechielis ad lectionem vatis nostri processerit, dulci admiratione praestantiae orationis abripietur, qua hoc antiquitatis monumentum e primis cultae vitae literisque et scriptis formati ingenii incunabulis ortum, temporum autem vicibus ereptum seriora illa poemata antecellit. Quamquam enim non omnia tam plane et distincte scripta et exposita legantur, ut in operibus posteriorum temporum, contra brevitas sint et concisa mentique magnam cogitandi copiam committant: tamen linguae nondum criticis regulis obtemporanti fulgura et tonitrua animi fervidi eximio veritatis amore pioque mentis candore divinitus repleti insunt. Abest vanus superfluum verborum ornatus, abest nimium copiosa sententiarum expositio, abest acuta tenuitas.

Quae autem ad antiquae simplicitatis venustatem faciunt, pingentia verba, vis et pondus liberioris compositionis, gravis rerum e communi vita petitarum significatio, ellipses vocum per se cogitatu necessariorum, ea ubique reperiuntur. Infirminus autem et saepe dubius modorum, grammaticarum formularum et constructionum usus magis via rhetorica quam grammatica requiri debet, verum nonnunquam irreparabiles difficultates relinquit.

Notas characteristicas poeticae V. T. dictionis exposuit Herder Geist d. Hebr. Poesie ed. Iusti I, p. 1—28. Hoseas, fortasse primus prophetarum, qui chartis mandata reliquit, dialectum gentis suae fere eodem modo comparatum habuit, ut ante 3 saecula culta et in scholis poetarum a Davide institutis adhibita fuerat. Eorum exemplo modum scribendi formavit suaque contulit, ut post magis magisque excoleretur facilliorque et certior cogitationum significatio scriptis exhibenda existeret. Quaestio autem, qua ratione linguam tractaverit, ad intelligendum sensum singularum prophetiarum magni ponderis esse videtur. Ego quidem non is sum, qui omni Orientalium literarum apparatu instructus hanc dissertationis materiam expediam. Verum quae strenua poetae contemplatione mihi maxime notatu digna visa sunt, licet suo loco sigillatim recenseantur, in universum exponam.

Sunt momenta et *grammatica* et *rhetorica*, de quibus dicendum est, ut quasi conspectus operis existat. Non ita quidem, ut singula quaeque, sed ut tantummodo gravissima, quae ad sensum vatis recte percipiendum faciant, commemorem.

Quod ad *grammaticam* attinet, observan-

dus est usus particularum, pronominum, temporum, praepositionum, constructio etiam nominum et verborum. Atque

1. in particulis *copulativae* respiciendae sunt. Occurrunt **וְ** usitato modo, nonnunquam **וְכֵן** modo adversativo, prae ceteris autem **וְ** eodem vario modo, quo apud reliquos sacros scriptores. Quae copula **וְ**, quoniam quodcunque genus relationis duarum enunciationum erga se, et coniunctivam, et adversativam, et causalem amplectitur, saepe rem difficilem reddit. In coniungenda autem oratione vates longe liberius ea usus est, quam antiquiorum temporum scriptores. Omittitur enim saepius, prouti augetur fervoris vehementia, v. c. cap. 4. inde a v. 16. maxime v. 18. 19. Eodem modo 5, 8. 11. 7, 7. 8. 11. 12. 15. 16. 8, 4. 7. 9. 11—15. 9, 3., ubi pluribus simplicibus membris sine copula coniunctis semel positum **וְ** significationem adversativam habet, 10, 1. 2. 4. 11. 12, 3. 13, 2. etc. Ex quo fit, ut etiam crebro iis locis desit, ubi secundum grammaticorum regulam **וְ** conversivum futuri expectavissemus v. c. 7, 1. **וְיָבֹא**, 8, 12. **וְאֶתְּמוּר**, 11, 4. 5. idque potissimum 13, 8. 10. 11. 14. Vi adversativa occurrit v. c. 2, 1. 7, 1. 8, 14. 10, 11. 11, 3. 5. 11. 13, 4. etc. Significatione causali v. c. 4, 4. 6. 11. 10, 11. Repetitum quoque ut Lat. *et* — *et* legitur v. c. 7, 1. 11, 1. 12, 5.

Vim *comparativam* in omnibus vatis nostri imaginibus habet eaque de causa centies obvium est praefixum **כִּ** et **כַּמֶּן** 7, 4. 13, 7. etc. In oratione continua occurrit copula **כִּן** et **כַּכָּה**. Ubi autem comparisonis momenta invicem subsequuntur, ut Lat. *quemadmodum* — *ita*, inte-

gra formula כֵּן — כֵּן semel modo legitur 4, 7: כֵּן כֵּן חֲטָאוֹתֵי. Praeterea tum כ, tum כֵּן omittitur, 11, 2.: כֵּן הִלְכִי in priore, 10, 1. et 13, 1. omisso כֵּן in posteriore membro. Duplex כ eodem sensu habetur 4, 9: כֵּן כֵּן אֲשֶׁר — וְהָיָה כַּעַם בְּכֶהֱנָה, eademque in re 9, 13: אֲפָרִים כֵּן אֲשֶׁר רָאִיתִי שְׂתוּלָה וְאֲפָרִים. Idem כ similitudinis ita par est prae positioni כ, ut ex ea ortum videatur 7, 1., certe particulae כֵּן adaequatum est. Alio loco 12, 9. relativum אֲשֶׁר positum est pro כֵּן; particula comparisonis autem omnino deest 13, 8. ante הִיתָ הַשָּׂדֶה, et 14, 8. ante דָּגָן.

Maxima difficultas inesse videtur particulae *causali* כִּי, quae multifariis modis adhibetur. Extra dubitationem formula apud Hebraeos fuit coniungendi orationis partes, quarum altera alterius conditionem continet, nulli nostrarum linguarum voci accurate respondens, quam ipse V. Ill. Gesenius in lex. ad h. v. saepe paullo laxiore coniunctione quasi nostrum *denn* et *weil* occurrere censet. Primaria eius vis fuit pronominis relativi, ut אֲשֶׁר, *ὅτι*, *quod*, et Gallicum *c'est que*. In nostris linguis cultior oratio formulas causales accuratius seiunxit, et unicuique sententiae aliam vocem assignavit, ut Latinorum *nam*, *quoniam*, *itaque*, *quod*, *dum*, *cum*, *siquidem*, *pro eo quod*. Quae omnes significationes eidem particulae כִּי apud vatem nostrum, vel nudae vel cum aliis compositae (ut cum אִם, אֲדָמָה, וְהָיָה) inhaerent: 1) significatio *nam* ubique obvia est; 2) *quoniam* 2, 4. 7. 5, 11. etc.; 3) *itaque* 5, 7. 6, 9. 8, 6. etc.; 4) *quod* 2, 10. 4, 14.

5, 1. 6, 6. etc.; 5) *dum* 7, 6. 11, 1.; 6) *cum* 9, 6. 16.; 7) *siquidem* 8, 10. 10, 3. 5. 13. 13, 15.; 8) *pro eo quod* s. *prout* 4, 6. 8, 11. Notanda est huius particulae repetitio, ubi loco repetitae alias copula ו occursit 2, 4. 7. 8, 6. 7. Magis adhuc notanda est eius significatio quam secundum Gesenium Lehrgeb. d. Hebr. Sprache p. 771. tum modo obtinet cum futuro apponitur, ut nempe indicet *ut* c. 1, 6.

In *affirmationibus* vates utitur copulativa particula ו v. c. 12, 9. 12. Posteriore loco diserte commutatur cum alia particula אם eadem significatione. Est praeterea alia אפיא quae itidem affirmare videtur c. 13, 10.

2. Pronomina et *demonstrativa*, et *relativa* a vate nostro multifario modo adhibentur. Illud *demonstrativum* nonnunquam singulari vi, δεικτικῶς, ponitur, v. c. 2, 6. 4, 14. 5, 10. 8, 9. 9, 10. 12. 14. 13, 2. 13. 15. etc. In omnibus hisce locis diligenter ad orationis nexum respiciamus necesse est, ne in eo erremus, de quo pronomen valeat. Semel modo inusitatus ו occursit 7, 16. Peculiari vi dativus commodi לו 8, 9. 10, 11. ponitur, quae constructio etiam legitur v. c. 2, 17. 21. 25. 10, 12. 11, 1. 4. etc. Nonnunquam pronomen plane omittitur, v. c. 4, 12. רוח זנונים התעה. scil. אותם; 9, 9. יפקוד השאותם scil. עליהם; 9, 14. מה-תמן scil. לה s. להם; 14, 9. אני עניתי scil. אתו. — Tum pronomen primae personae ponitur, ubi subiectum in tertia persona expectavissemus, v. c. 7, 2. זכר יהוה pro זכרתי, quae quidem est oratio directa loco obliquae

etiam Graecis scriptoribus usitatissima, tum nomen pro pronomine, v. c. 1, 7. בִּיהוּה אֱלֹהֵיהֶם pro בִּי, 4, 1. 5, 6. — Pronomen suffixum significatione pronominis separati legitur v. c. 2, 7. נָתַנִּי לִי לָהֶם pro נָתַנִּי לַחֲמִי. 9, 15. אִיסָף לָהֶם אֶהְבֵּתָה etc. — Accusativus pronominis apud passivum legitur 10, 6. הוּא אוֹתוֹ pro הוּא. — In toto pronominum usu mira potissimum personarum, numerorum et generum commixtio interpretes offendit, quae etiam in praecipuis causis est, cur vatem sequi, saepe difficillimum sit. Duplex est momentum ea in re observandum. 1) In symbolicis et allegoricis descriptionibus vates non satis diligenter rem in mente retinet, ut caute prodatur, utrum de figura an de re figurata sermo sit. Propterea e metaphora excidit amplioresque comparationes ei omnino displicuisse videntur. Quae observatio posissimum valet de colloquio c. 2. quod cum liberis incipit, mox dirigitur ad uxorem, mox denique ita exponitur, quasi ad gentem Israeliticam conversum sit, promiscue positae suffixis הָ, הֶ, הִ, et pronomine הֵם. 2) Vates ubi de gente Israelitica loquitur in eo sibi constans fuisse videtur, ut regnum in universum eiusque institutiones et sacra attingens nominibus יִשְׂרָאֵל et אֶמְרֵים iisque modo genere masculino, modo foeminino, semper autem numero singulari utatur, verum de civibus in specie agens pluralem masculinum adhibeat. Haec valent v. c. de 4, 1 — 6. ubi, ut sensus aptus expediatur בְּנֵי-יִשְׂרָאֵל v. 1., עַמֶּךָ v. 4. et בְּנֵיךָ v. 6. probe a יִשְׂרָאֵל et אֶמְרָךָ v. 5. discernendi sunt. Verum

in his iterum offendit, quod, ubi de posteriore sermo est, v. 6. non pronomen et suffixum foemininum, sed **אתה** et **ך** simul cum masculino verbi occurrunt. Cap. 8, 12. singularis **לו** valet de gente Iacobitica in universum, quae sequuntur pluralia de eius civibus. Cap. 9, 13. Ephraim i. e. gens Israelitica in universum vocatur **שתולה**, eodem versu autem suffixum masculinum **ן** de eadem ponitur, tum legitur initio v. 14. **להם** scil. *civibus eius*, mox redit ad Ephraimum ipsum in gen. foemin. **מה-תתן** quod datura est scil. **לה** s. **להם**, qui paullo post aperte vocantur **משביל**. Cap. 11, 3. sermo est de Ephraimo in singulari, iam transit ad eius cives pronomine **ם**, **ם** et **להם**, at v. 5. rursus adest singularis verbi et pronomen **ו**, sed in eodem versu pluralis redit, v. 6. iterum singulari **ן** incipit, sed finit plurali **יהם**, v. 7. 8. 9. denuo in singulari de Ephraimo loquitur, v. 11. inopinato ad cives eius sermonem dirigit **והושבתים על-בתיהם**. Cap. 14, 1. loquitur de Samaria in foeminino; mox adduntur **עליהם** tam mirifico modo, ut aliud substantivum suppleatur necesse sit, statim autem adsunt **הריותי**. Eiusdem transitus ab alio genere et numero ad alia plura occurrunt exempla v. c. cap. 1, 7.

Relativum pro scriptorum sacrorum more vel indicatur pronomine ipso **אשר**, vel copula **ו** et sequente et absente demonstrativo, vel, licet raro, particula interrogativa, vel plane omittitur, ut ex orationis serie substituendum sit. Ubi pronomen ipsum adest, id ex usu Hebraeorum in omnes declinationum casus quadrare oportet. Rarius ad significandum casum aliud pronomen ad-

ditur v. c. 2, 15. **אֲשֶׁר לָהֶם**, 14, 4. **אֲשֶׁר בָּךְ**.
 Loci ubi relativum copula 1 sequente demonstra-
 tivo exhibetur sunt v. c. 6, 4. **וְחִסְדֵּכֶם** pro **לָכֶם**
אֲשֶׁר הִזְכֵּר pro **וַיְהִי זָכָר**, 12, 6. **אֲשֶׁר חִסְדֵּךְ**
יְהוָה. Nonnunquam copula 1 eandem vim habet,
 quamquam demonstrativum desit, v. c. 8, 14.
וַיֵּאשֶׁם pro **אֲשֶׁר אָכְלָה**, 13, 1. **אֲשֶׁר יֹשִׁיעַךְ** pro
וַיִּשְׁעֶךָ, v. 10. **אֲשֶׁר יֹשִׁיעַךְ**, 14, 3.
אֲשֶׁר נִשְׁלַמָּה pro **וַנִּשְׁלַמָּה**. Plures praeterea loci
 occurrunt, ubi omnis nota relativi deest, v. c.
 2, 10. **וְהָב עָשׂוּ לַבַּעַל** pro **אֲשֶׁר עָשׂוּ**, 4, 14.
בָּצַר לָהֶם יִשְׁחַרְגְּנִי, 5, 15. **אֲשֶׁר לֹא יָבִין עִם לֹא יָבִין**
 pro **בָּצַר אֲשֶׁר בּוֹ לָהֶם יֵשׁ**, 11, 10. **בָּצַר אֲשֶׁר בּוֹ לָהֶם יֵשׁ**
 pro **אֲשֶׁר בָּאֲרִיָּה יֵשׁ** cf. 7, 11. 10, 14. 12, 12. 15,
 6. etc. Sic sine 1 nudum demonstrativum desi-
 gnat relativum, v. c. cap. 6, 3. **בְּשַׁחַר נָכוֹן מִצָּאֻ**
 pro **אֲשֶׁר לוֹ מִצָּא נָכוֹן בְּשַׁחַר**, cap. 8, 8. **אֲשֶׁר בּוֹ אֵין חֶפֶץ**
 pro **אֲשֶׁר בִּידֹ בִּידֹ**, 12, 8. **אֲשֶׁר בּוֹ אֵין חֶפֶץ**.
 Usus formulae interrogationis pro relativo, se-
 rioribus scriptoribus usitator, Arabibus et Ara-
 maeis propinquior (cf. Gesen. in Lex. sub voc. **מָה**),
 qui quidem apud alios quoque antiquiores scri-
 ptorum sacrorum occurrit, vatem nostrum non
 fugit. Exempla sunt 8, 5. **עַד-אֲשֶׁר עַד-מָתַי** pro
 9, 14. **אֲשֶׁר תֵּתֵן מָה-תֵּתֵן** pro **אֲשֶׁר תֵּתֵן**, 14, 10. **מִי** pro
אֲשֶׁר.

3. *Usus temporum* in verbis Hebraicis,
 quamquam in universum librorum sacrorum le-
 ctione comprobatur eorum vim et significatio-
 nem subtili quodam discrimine fuisse distinctam,
 de quo Ill. Gesen. vollständ. Lehrgeb. d. Hebr.
 Spr. §. 204 sq. doctissime disseruit, tamen li-
 beriore quodam modo, maxime in libris poetarum

observatus est, ita ut grammaticorum regulae non semper sufficiant. Sunt etiam in nostro vate plures loci, in quibus praeteritum et futurum alternis legantur, licet utrumque eandem vim habere appareat, v. c. futurum vim *praeteriti*, 2, 15. 4, 3. 7, 1. 8. 13. 14. 15. 8, 12. 13. 11, 2. 4. 12, 5. 11., praeteritum vim *futuri*, 1, 7. 2, 1. 11. 13. 4, 9. 14, 9. Regula quidem in his omnibus locis valere videtur, praeteritum, ubi significatione *futuri* occurrat, prophetico impetu sic tractari, quasi futura eventu expleta iam ad sint atque tum plerumque ope copulae cum aliis futuris coniungi, quae propterea et conversivum praeteriti appellatur; futurum autem, ubi vi *praeteriti* occurrat, vere esse *tempus historicum*. Cum quidem, maxime quod futurum attinet, loci reperiantur, qui ab hac regula declinent, nimirum in quibus futurum non modo in narratione, sed etiam in descriptionibus et commemorationibus absolute perfecti temporis praeteritum indicet, multi interpretes utrumque tempus Hebraicum pro aoristo habuerunt. Id certum est, immo certius etiam, quam idem Vir Ill. Gesenius l. I. §. 205. p. 763. concedere videtur, ad tempus praesens significandum praeteritum et futurum promiscue esse adhibitum. Plurima exemplorum supra laudatorum pars, quae multis insuper augeri possunt, idem confirmant. Ubi autem significatione *praeteriti* futurum occurrit, ea omnia ad formam narrationis reduci posse putaverim, si non ex ingenio recentiorum linguae tractandae peritiorum, tamen ex ingenio illorum temporum. Vel pingere vel narrare soliti discrimen imperfecti et perfecti non curarunt. Sic vates noster in locis,

ubi nos *perfecto* utimur, formam narrationis, nimirum tempus *futurum* habet v. c. 2, 15. 12, 11. etc. Quod autem ad usum futuri in *narrationibus* attinet, notissimum est scriptores sacros 1 conversivo futuri usos esse idque praecipue hanc futurorum vim indicare. Verum id non ex grammatica sed ex rhetorica causa. Homines naturae impetum in oratione secuturi v. c. infantes, loquaces ex inferiore plebe narrare nequeunt nisi singulis momentis aliqua copulandi forma coniunctis. Quae formulae in nostris dialectis multifariae, in Hebraica uno fere 1 in omnes significationes aptando efficiuntur. Itaque semper in narrationibus, nec unquam saepius reddit. Ne autem nudum futurum nos offendat, copula subinde repetita signo est, nos in narrationibus versari. Ubi scriptor elegantioris orationis studiosus, quemadmodum vatem nostrum habemus, narrat, perpetuae copulae pertaesus eam omittit, sed tempus, quo narratur, futurum manet. Accedit quod illud 1 extra omnem dubitationem ex aliqua contractione vel e contracto הָיָה (cf. Simonis introd. grammat. crit. in ling. Hebr. p. 220.) vel ex abbreviato הָיָה in הָיָה (cf. Gesen. vollständ. Lehrgeb. p. 292.) ortum est. Quaecunque coniectura veritati accedat¹³⁾, id certum est, hanc compositionem praeteriti cum futuro

13) Ill. Gesenius l. l. illam coniecturam de contractione הָיָה improbat propterea, quod iusto violentior sit. Verum nemo ignorat communi vitae, praesertim quibusdam patriae tractibus multo violentiores contractiones usitatissimas esse, idque potissimum in literis gutturalibus, quorum halitus facile 3 sibi similes in unam confundere potest. Quod autem ad eiusdem Viri Ill. coniecturam attinet, ea pro-

adhiberi non potuisse, nisi antea futurum per se *vim narrativam* habuisset. Quod enim V. III. Gesenius contendit, futuro *modum subiunctivum* subesse, ut v. c. וַיִּקְטֹל sit: *fuit ut interficeret*, id locum habere non potest. Hebraei enim istius subiunctivi nullam certam notam habent: est iis iterum copula ו sequente et praeterito, et futuro. cf. Gesenii Lex. ad voc. ו n. 3. Glassii Phil. S. p. 602. Certe si Gesenii coniectura valeret, integra forma sonare debuisset וַיִּהָיֶה s. וַיִּהָיֶה וַיִּקְטֹל, quae violentior etiam contractio foret illa ab eo vituperata. Unde autem illa narrativa vis Hebraici temporis a primaria eius significatione futuri alienissima orta sit vix unquam effici poterit ¹⁴⁾; in eo modo subsi-

pterea in dubium vocari posse videtur, quod et formam וַיִּהָיֶה libri sacri prorsus ignorant, et sic, v. c. in integra formula וַיִּהָיֶה וַיִּקְטֹל *fuit ut interficeret*, copula deest, quae quidem in narrationibus Hebraicis maximi momenti est.

- 14) Nuperrime D. Geo. Henr. Aug. Ewald Gottin-
gensis in libro: Kritische Grammatik d. Hebräischen
Sprache Leipz. 1827. hanc difficultatem ita tollere
tentavit, ut p. 524. contenderet Hebraicum *praete-*
ritum et *futurum* non vere esse tempora, sed tan-
tum modos, illum significatione *indicativi*, hunc *con-*
iunctivi. Verum dubito, an eius sententiā probatā
facilior et simplicior de illis Hebraicis formis cogi-
tandi ratio existat. Certe omnis Viri Doctiss. dis-
sertatio artificiosam et nimium subtilem rem
tractari demonstrat. Nec intelligi potest, quomo-
do in lingua nondum exculpta distinctio modi in-
dicativi et coniunctivi prior existere potuerit, quam
illa temporis praeteriti et futuri, cum certe infan-
tibus magna exercitatione opus sit, ut utriusque
modi discrimen sentiant et discant, usus autem

stamus, futurum cum et sine γ conversivo apud nostrum vatem *significatione historica* iterum iterumque occurrere. Loci iam laudati sunt, quorum plurimae parti interpretes *significationem praeteriti concesserunt* Restat c. 13., cuius ora-

coniunctivi vere ad elegantiam linguae faciat. Huc accedunt complures V. T. loci, in quibus orationis sensus non melius inveniri potest, quam ope *significationis coniunctivi* temporis praeterito adscriptae (vid. Gesenius Ausführliches Lehrgeb. p. 768. 769). Loci Hoseae huc pertinentes sunt 4, 10, 18. 16, 14. praesertim 2, 5. ubi vel post particulam פִּי *ne* cum futuro signif. coniunct. אֶפְשִׁיטָהּ praeterita וְהִצַּגְתִּיהָ , וְשָׁמַתִּיהָ , וְהִמִּיתִיהָ coniunguntur. Praeterea eodem iure, quo Ewald p. 539. not. 1. cum Gesenio l. l. p. 293. *significationem γ convers. futuri* e vi huius temporis coniunctiva derivat, praeterito significatio coniunctivi in simillimis compositionibus suppetit v. c. Hos. 1, 4. $\text{עוֹד מְעַט וּפָקַדְתִּי}$ *parum abest ut animadvertam*, v. 5. $\text{וְהָיָה בַּיּוֹם הַהוּא וְשִׁבַּרְתִּי}$ *erit illo die ut frangam*, 2, 11. $\text{וְלָקַחְתִּי אֶשׁוּב}$ *redibo ut summam* cf. 3, 5. 7, 7. etc. Quod autem ad futurum attinet, in innumeris locis eventus futurorum temporum tam diserte et indicative enunciantur, ut scriptoribus aliquod dubium de iis exstitisse (cf. Ewald p. 527.) omnis oratio repugnet. Itaque eorum sententia multo magis mihi probanda videtur, qui praeteritum et futurum semper aliquod tempus indicasse, verum eorum *significationem* non ita distinctam, ut in senioribus linguis fuisse statuunt. cf. Lowth de sacra poesi p. 160. 165. 166. et Michaelis not. p. 524. Herder Geist d. Hebr. Poesie p. 16. Posterioribus autem temporibus e libera vulgi consuetudine utrique temporis aliqua praecipua et primaria significatio annexa esse videtur, quae ingenio et studio scriptorum accedente magis magisque culta et confirmata est.

tio simplicissima est, modo versibus 8. 10. 11. 13. 14. id concedamus, quod aliis locis concedere cogimur, scil. propter futura argumentationem vatis historicam, quae usque ad. v. 7. praeter omnem dubitationem exhibita est, non interpellari.

Est praeterea usus praeteriti et futuri in sermonibus vatis nostri obviis *usus concessivus*, qui non negligendus est, ut gravitatem et elegantiam dictionis sentiamus. Designat enim nonnunquam sarcastico modo, quasi fatis suis commissam turpitudinem scelerum Israeliticorum. Praeteritum habemus 4, 10. 18. 10, 14., futurum 5, 13. 10, 5. His adscribo verbum פָּרִיא 13, 15.

4. In usu *praepositionum* iterum inopes et ambigui sunt Hebraei. Ex earum penuria multas difficultates vati nostro existere diligens lectio confirmat; sensu autem orationis accuratius ponderato fugiunt. Cap. 12, 13. 14. primo adspectu vis pronominis ב in בְּאִשָּׁה longe alia esse videtur, quam in בְּנָבִיא. Attamen diserte sibi opponuntur. Itaque alterum alterius causa vatem attulisse patet. Vates scilicet in eo elaboravit, ut ostenderet, quae בְּאִשָּׁה Iacobo contigerint, longe alia fuisse, quam quae בְּנָבִיא Israelitis. Vati utrobique eandem praepositionem idem voluisse constat, nobis eius significatio duplex est, *propter* et *per*. Cap. 10, 9. quaestio orta est utrum praep. מן indicet *prae* i. e. *priusquam*, an *a* i. e. *inde a*. Verum attentior consideratio docet prius ad veritatem propius accedere. Cap. 11, 3. dubitarunt, utrum praep. עַל *subter* an *supra* significet. Verum illud omni linguae ingenio repugnat. Pari modo de significatione praep. כ *contra* maxime ad 13, 9. dubitatum est. Verum 6, 7. 7, 13.

14. 8, 5. eam confirmant. Res eodem modo se habet cum praep. עם, quae proprie cum significat, verum adiuncta verbis dimicandi v. c. לִיב sensu semper contrario: contra, occurrit, v. c. cap. 4, 4., unde etiam 12, 1. lectio רב ut praeferatur suadet. Accedit usus peculiaris scriptorum sacrorum praepositionem כ post particulas comparationis omittendi cf. 2, 5. Quae observatio ad 7, 4. 7. translata, nimirum ut כמו תנור sit i. q. כמו בתנור et כבתנור i. q. כבתנור, sermonem vatis tantopere vituperatum ab omni vituperatione liberat. Verum eadem praepositio כ non solum post comparationis particulam, sed etiam ante nomina propria regionum et locorum deest, v. c. 2, 16. 7, 11. 8, 9. 9, 4. 12, 13. unde neminem offendere potest 6, 8. et 12, 12. בגלעד esse i. q. בגלעד. Est quoque forma vati familiaris, etiam ab aliis scriptoribus sacris non aliena (cf. Gesenius Lehrgeb. p. 631.), praepositiones accessum quemcunque ad aliquam et rem et personam indicantes cum praep. מן coniungendi, ut sensus contrarius exeat v. c. מאחרי 1, 2., מִבֵּין 2, 4., מִתְּחַת 4, 12., מֵעַל 9, 1. Ex eadem causa significatio substantivi מְשׁוּבָּה defectio existit, 11, 7. 14, 5. Gravis est porro significatio praepositionis ל et ipsi respondentis לִי 10, 12. ad, ut consilium indicet cur aliquid fiat. Eadem praep. 6, 11. significationem haud ignotam propter, causā habere videtur. Denique praep. כ iuxta aliorum SSae locorum analogiam 4, 3. vim habet praepositionis עם et 10, 15. particulae כ.

5. Constructio nominum et verborum omnino simplex est. Ubi vis verborum nos non fugit, raro difficultate compositionis offendimur.

In *nominibus* penuria adiectivorum efficit, ut substantiva componantur, quorum alterum alteri adiectivi loco inservit. Sic v. c. 1, 2. אִשֶּׁת זְנוּנִים mulier libidinibus dedita; 1, 2. יְלָדֵי זְנוּנִים et 2, 6. בְּנֵי זְנוּנִים liberi spurii, in scortatu geniti; 6, 9. אִישׁ גִּדּוּדִים vir militaris; 9, 6. מַחְמֵר לְבִסְפָּם desiderandae aedes argenteae; 9, 7. אִישׁ הָרוּחַ vir divinitus inspiratus; 9, 16. מַחְמֵרֵי בָטָן carissimae soboles; 10, 9. עֲוִלָּה בְנֵי עֲוִלָּה homines impii; 11, 10. בָּנִים מִיָּם homines occidentales. Nonnunquam etiam loco adverbii substantiva ponuntur v. c. 5, 11. 12, 15. 13, 13. 14, 5. In usu casuum eadem simplicitas inest. *Nominativi absoluti* prophetae maxime familiares leguntur v. c. 6, 8. 7, 8. 8, 13. 9, 6. 11. 13. 14, 9. Idem locos difficiliore illustrant 7, 5. 9, 8. 12, 8. In *verbis* activum significatione intransitiva legitur, בָּעַר ardere 7, 4., שָׁרַף spargi 7, 9., שָׁחַת se perdere 9, 9., בָּקַק se evacuare 10, 1. *Constructio asyndeta* saepius occurrit, vel ita ut duo verba finita sine copula coniungantur, v. c. 1, 2. 6. 3, 1. 5, 11. 14. 15. 6, 3. 9, 9., vel ut infinitivus cum tempore finito componatur, quorum hoc significationem adverbii accipit, ut 4, 10. 9, 15. 13, 2. — Defectus verbi copulativi הָיָה aequè usitatissimus est, v. c. 2, 2. 3, 4. 5, 2. 11. 12. 14., quo defectu loci difficiliore illustrantur 7, 5., חֶמֶת מִיָּן pro חֶמֶת מִיָּן חָיָה בְּמַרְעֵיתָם pro חָיָה בְּמַרְעֵיתָם, scil. אֲשֶׁר s. pronomen eius הָאָרֶץ. — Cum brevitatís studio vatis, eiusque concinnitate cohaerent multae aliae *ellipses vocum*, vel e praecedentibus, vel e serie orationis facile supplendarum, v. c. 9, 4. לָחֵם, 9, 13. רָאִיתִי e v. 10. Item 10, 4. ante שָׁאָא supplendum est דִּבְרוּ e priore membro;

11, 6. ad וְאֵכָלָה deest subiectum, quod e praecedentibus facile addi potest, nimirum עָרִי; 13, 1. desideratur in altero membro iterum subiectum e praecedentibus supplendum, nimirum נִשָּׂא הוּא רַתָּת. Omnino ex ingenio suppleri oportet 2, 20. וְהִסְרֹתִי ad אֲשַׁבֵּר, 12, 15. יְהִיָּה ad verba הִכְעִים אֶפְרַיִם; nec melius 14, 1. orationi consulere possumus, quam addito ad יִפְלוּ part. יוֹשְׁבֵיהָ. Dictiones denique reperiantur vel rariore, vel peculiari compositione formatae, v. c. 1, 6. דְּמִים. וְעָלוּ מִן־הָאָרֶץ. 2, 2. נִשָּׂא אִשָּׁא לָהֶם. 5, 2. בְּדָמִים נָגְעוּ. 5, 11. שִׁחְמָה שִׁטִּים הָעֵמִיקוּ. 7, 14. יָשׁוּבוּ לֹא עַל. 7, 16. הִלֵּךְ אַחֲרֵי צִו. 8, 5. וְתִירוֹשׁ יִתְגַּדְּרוּ. 9, 1. לֹא יִכְלוּ נִקְיוֹן. 10, 4. אֶל גִּיל. 11, 8. דִּבְרוּ דְּבָרִים. 14, 3. אֲעֵשֶׂה חֶרוֹן. 11, 9. עָלֵי לְבִי. In compositione orationis nonnunquam etiam offendit mixtus usus singularis et pluralis, cuius causam semper intelligere non possumus, v. c. 7, 10. 11. 8, 5. 10, 13. 11, 5. 11. 12, 2. Vere difficillimae intellectu sunt illae 6, 9. et 12, 12. constructiones.

Quod autem ad *observationes rhetoricas* attinet, videndum est: 1) quomodo vates in tractandis historicis momentis se gesserit, 2) quomodo in iis, quae ingenio debuit, vim et elegantiam orationis cum brevitate coniunxerit, 3) quomodo de eius parallelismo, poeseos antiquae ornatu, statuendum sit.

1. *Historicae commemorationis* nullum aliud consilium in vate nostro quaerendum est, quam ut poetice eam tractet atque symbolice, et ad confirmandam sententiam, et ad imagines inde rependendas. Itaque levi significatione res tetigisse vati suffecit, tactas poemati subtili modo innexuit, plura e memoria supplenda lectori reliquit. Momenta

autem historiae sacrae omnibus Israelitis aequae erant notissima, ac lectoribus Graecis Latinisque patriae fata, quae a poetis ipsorum celebrata sunt. Nobis non eadem rerum cognitio contigit, quin plura sunt, quae prorsus nos fugiant. Huc pertinet crimen sacerdotum 6, 9., eversio Betharbelis 10, 14. 14, 1., sanguis quo Ephraim contaminatus erat 12, 15. Alia ab historicis eadem brevitate narrantur, qua vates ea commemorat, v. c. caedes Iisreëlis 1, 4., trucidatio Pekahi 6, 8. 7, 3 — 7., fata regis Usiae 5, 10 etc., modus quo Hoseas regis Pekahi parricida Assyriis se subiecerit 11, 5. Quae autem scimus non negligenda sunt. Siquidem omnis oratio gravior et consilio animum suorum commovendi aptior existit, ubi a notionibus et sententiis universalibus recedimus ad ea, quae in regno inter cives gesta sunt. Ea enim fuit peculiaris nostri et omnium prophetarum sacrorum cura, ut publicae res cum morali civium conditione corripere et si fieri posset emendarentur, quoniam depravatio e perditio regiminis et institutionum publicarum statu orta esset.

Ut autem suorum temporum fata et conditionem semper in animo habuit, ita etiam fata et gesta maiorum memoria repetit. Gravior erit oratio, cum 2, 5. ad historiam Hagaris, v. 16. ad commorationem Israelitarum in deserto, v. 17. ad responsum in deserto Mosi datum Exod. 24, 3. 7. etc., 5, 6. ad pacta Mosi cum Pharaone de exitu Iacobitici populi Exod. 10, 9., 6, 7. ad primam foederis divini ab Adamo in paradiso commissam violationem, 11, 5. ad reditum peregrinantis populi in Aegyptum saepe desideratum nunquam vero effectum,

15, 15. ad verba atavi Iacobi faustum ex nepotis nomine omen trahentis respeximus. Qui respectus ut ad sentiendam vatis peculiarem vim et gravitatem, ita etiam ad intelligendos locos obscuriores plurimum faciet. Habebimus quid 8, 6. 7. de שָׂרָיָה et de seminante vel de seminato vento statuendum sit, ubi ad historiam elisionis aurei vituli in deserto recesserimus. Cadent dubia 13, 10. et 14. de vexata voce אָהִי et de omni nexu orationis, ubi historica commemoratione vatem et pristinam theocratiam Iacobicam et necem primogenitorum Aegyptiacorum spectavisse censuerimus. Patebit significatio 13, 1., ubi Ierobeami filii Nebati perversissimas de sacris leges in voce רָחֵם invenerimus. Nec melius orationem c. 12. intelligemus, nisi fata patriarchae Iacobi h. l. Israelitis symbolico exemplo prolata diligenter ponderaverimus. Historici momenti sunt etiam illi loci, ubi vates dicta virorum sacrorum antiquissimorum, quamquam non recitando, tamen ad sensum exhibendo repetit, v. c. 6, 5., praecepta morum Exod. 20, 3—17. Lev. 19, 2. 3. coll. Ps. 40, 7—9. 50, 8—23.; 14, 3; dum שְׁפָתַי פִּי suis commendat, Ps. 69, 31. 32. Haec valent potissimum de comminationibus futurarum poenarum, quarum commemoratio 8, 15—9, 7. omnis e Deut. 28, 46—68. desumpta est. Item 7, 16. locum Deut. 28, 37., 13, 15. vero locum Deut. 32, 22. in memoriam revocant. Cap. 9, 17. diserte minae Deut. 4, 27. Lev. 26, 33., nec non 9, 15. illae Deut. 4, 26. 29, 28. recapitulantur. Cap. 11, 8. verba Deut. 29, 23. releguntur. Promissa felicia saecula iterum repetita sunt ex illis antiquis vaticiniis, v. c. 2, 20, e Lev. 26, 6., v. 23. 24. e Deut. 11. 14.,

12, 10. e Deut. 12, 10., 14, 8. e Deut. 30, 5. Eodem modo saepius dicta antiqua virorum sacerorum commemorari admonemur, v. c. 7, 1. **בְּשׁוּבִי שְׁבוּת עִמִּי** coll. Deut. 30, 3.; 13, 4 sq. coll. Deut. 8, 14 sq. ¹⁵⁾).

2. Eadem autem concinnitas, quae in dictis et factis a vate historice laudatis conspicitur, inest *descriptionibus* et *verbis ex ingenio depromptis*. De imaginibus iam supra pag. 17. egimus, et quae de iis in universum valent, ea huc non pertinent, ubi dictionem in specie tractamus. Verum etiam in imaginibus vis verborum magni ponderis est nec omnino negligenda, ut dictionis elegantiam intelligamus. Cap. 4. ubi imperium et instituta Israelitica cum matre, cives cum liberis comparantur, de quibus in quovis membro sermo sit probe observandum est. Initio sermonem direxerat ad liberos, ut eorum attentionem sibi pararet, mox de terra **הָאָרֶץ** loquitur, quae eadem est civium mater. Hanc alloquitur voce **וְעַמִּי**, missa tamen subito matre et voce ad liberos s. **עַם** directa: versus enim 5. totus colloquium cum liberis s. **עַם** exhibet. Versu autem 6. iterum ad matrem verba facit: **אִמִּי** enim, quamquam genere masculino legitur, matrem necessario significat, nam eius liberi **בְּנֵי**

15) „Ich möchte einem Jünglinge, der die Psalmen „und Propheten genetisch verstehen will, statt aller „andern die Hauptregel geben: lies Mosen, lies die „Mosaische Geschichte! Oft giebt ein Wort das „darinne vorkommt zur schönsten poetischen Entwicklung im ganzen Kapitel Anlass. Was bei den „Griechen Homer ist, ist bei den Hebräern Moses.“ Herder Geist d. Hebr. Poes. Tom. II, p. 75.

vocantur. Masculinum autem fortasse propterea adest, quoniam vates v. 6. de sacerdotio loquitur, quo foemina fungi non poterat. Maxima diligentia in symbolica expositione 5, 10 — 14. omnia ita enarrantur, ut ne verbum quidem alium sensum praeter comparationem utriusque gentis cum foetido regis Usiae morbo innuat. Cap. 6, 1. gradus restituendae deperditae gentis sollerter pingit. Primum ligabit lacerata corpora, porro vitam restituet, tum eriget sanatos ad vitam coram Deo agendam. Cap. 7, 16. verba se invicem illustrant. Quid sit **יָשׁוּבוּ לֹא עָל** imagine addita **הָיִי בְקֶשֶׁת רִמְיָה** explicatur, scil. non sursum redeunt, manent in humili statu, quo senio confecti v. 9., a Deo ex aere deieci v. 12., vitam degebant. Imago ipsa autem **קֶשֶׁת רִמְיָה** sequenti **יָפְלוּ בַחֲרֵב** lucem debet: cadent enim, quemadmodum nervus in arcu relaxatus recidit. In elegantissima descriptione 9, 10 — 16. omnia conveniunt ad imaginem arboris de stirpe Israelitica exhibendam. Vidit Iehova maiores Israelitarum quasi fructus praecoces et delicatos in deserto sparsos v. 10., ex quorum semine arbor existat late et amoenissime se expandens. Excrevit stirps, quam Iehova iterum videt non amplius in deserto quasi casu disiectam, sed plantatam, **שְׁתוּלָה**, in pulchris domiciliis v. 13. Quanta elegantia oppositionis inest in verbis v. 10. **רָאִיתִי בַמִּדְבָּר** et v. 13. **רָאִיתִי שְׁתוּלָה בְּנוֹה** et quam apte ad destructionem sololis, veluti rami et frondes, e quondam laetissima stirpe pullulantis vel adhuc pullulaturae lectorem ducunt; denique v. 16. exstirpatio sponte et bene praeparata sententia sequitur. Maxima concinnitate imago 10, 10 — 12. composita est.

A iumentis incipit, ut omnem rem agrariam descriptione correctionis populum insipientem manentis complectatur. Sic omnia simplicissimo modo intelliguntur. Iehova coniungit, אֶפְרַם, par impiorum ad idem iugum subeundum, בְּאֶסְרָם. Subacti iugo a Iehova non levi operi destinabuntur, sed graviori. Non trititando, sed arando, occando ministrabunt; non quidem Iehovae, sed sibi, לוֹ, ut tandem laboris fructus capiant. Quae omnia ita describuntur, ut non videam, quomodo paucissimis verbis sublimior sententiarum copia subesse possit. Cap. 13, 12. verba צָרוּר עֵין צְפוּנָה חֲמָאָתוֹ illustrantur sequenti imagine mulieris dolores puerperii sentientis. Intelligitur vatem peccata Israelitarum descripsisse colligata et abscondita, usque dum tempore instantis poenae proditura essent. Quod tam gravibus doloribus, ut partus mulieri, eveniet. Unum modo addam locum 12, 13. 14., ubi quidem verborum vis altius abscondita latet, nunquam autem comparisonis momentum invenietur, nisi illam sedulo eruamus. Vis inest in oppositione verborum וַיִּבְרַח et הָעֵלָה, שָׁמַר et נִשְׁמַר maximeque verborum בְּאִשָּׁה et בְּנָבִיא, ut, quae Iacobo per mulierem, Israelitis per prophetam contigerint, indicentur.

Nec alio modo res se habet, ubi sine imagine in continua oratione vatis versamur. Subtilem orationis sensum tum modo inveniemus, cum verba accurate perpensa habebimus. De nullo alio matrimonio c. 3. sermonem esse posse, quam de eo, quod c. 1. et 2. commemoratur, oppositio verborum לֹא-אֶתָּה לָכֶם 1, 9. et וְגַם-אֲנִי אֵלֶיךָ 3, 3. docet, quam profecto non

casu ortam esse in verba diligenter ponderante propheta magnopere est, quod existimemus. Cap. 4, 10. verbum וְאֶכְלֵי diserte respicit ad idem וְאֶכְלֵי v. 8, et cum eo arcissime cohaeret. Cap. 4, 16 — 19. eadem accurata verborum existimatione efficitur, qua de re sermo sit, et quomodo versus illi difficiles capiendi sint. In omnibus inest notio dimissionis a Iehova, quem ipsi non reveriti essent. Haec imagine iuvencae e tuto stabulo dimissae praeparatur v. 16., diserte pronuntiatur v. 17. הִנֵּה לוֹ, verbis v. 18 et 19 confirmatur, quae curam Dei ab iis prorsus remotam significant: *indulgeant sine pudore pravis libidinibus, eos non curo.* Gravior fit oratio, quoniam v. 18 et 19. ad singula membra praecedentium versuum respicit: מִן וְתִירוֹשׁ אֶרֶץ סִבְאָה ad v. 11., הִנֵּה הָיָה הָיָה ad וְנוֹגִים et גִּאֲפוּפִים v. 11. 15. 14., אֲהָבֵי קָלֹן מִגֶּנֶה ad עֵצֵי וּמִקְלָיו omnemque impietatem qua יְהוָה מִתְּחַת אֱלֹהֵיהֶם v. 12., רוּחַ צָרָר ad בָּנִים v. 12 coll. 5, 4. Cap. 5, 7. בָּנִים cum symbolica illa expositione c. 1 — 5. et cum eo dicendi modo cohaerent, quo de idololatria verbis נִאֲפָק et בָּנֵר agitur. Cum enim Israel sanctum matrimonii cum Iehova vinculum solvit, cives Deo patre gaudere nequeunt, ipsi peregrini sunt liberi, i. e. nihil ad eum pertinere possunt. Cap. 8, 5. et 5. vis radicis נָח non melius capi potest, quam ita, ut utramque strictissime sibi oppositam cogitemus: *abiicit Israel felicitatem suam — abiicit vitulus Samariam.* Cap. 9, 14. in his repetito verbo נָח brevissima et aptissima significatio sortis inest, quam ipsi Israelitae sibi paraverint. Cap. 10, 5.

aeque gravissima significatio est vocis עַמִּי. Qui enim olim fuerat populus Dei, עַמִּי 2, 25. 4, 6., ingravescente impietate עַמִּי לֹא 1, 9., nunc adeo *populus idolorum* vocatur. Cap. 13, 10. sensus interpretes propterea fugisse videtur, quod peculiarem vim vocum כָּל-עַרְךָ neglexerunt. Aptissime enim respiciunt ad כְּמִדְּבָר v. 5. et sic verba, quae omissa oppositione frigide dicta essent et quae interpretes vexarunt, ad id nos ducunt, quod vates voluit: nimirum voluit Israelitarum fata deinceps recensere eosque, quemadmodum in deserto, ita in urbibus, i. e. in patria culta praesidio Dei tectos pingere. Cap. 14, 1. verbum תֵּאֲשֵׁם ad idem וַיֵּאֲשֵׁם 13, 1. spectat, quae ita invicem cohaerere videntur, ut non solum una oratio utriusque capitis fuisse appareat, sed etiam significatio utriusque verbi clare elucescat.

Ad formas rhetoricas, quarum consideratio potissimum vatis nostri interpretationem adiuvat, pertinet *lusus verborum*, παρωνομασία, cuius plura exempla occurrunt. Praecipue memorandum illud 10, 5. videtur, ubi fere in quavis voce vatem eas omnes in favorem soni coniunxisse monemur. Neque enim עֲגִלוֹת, אֶבֶל et גִּלָּה et גִּלְדִּי iuxta se posita sunt, neque verba יִגְדִּי et יִגִּל sine soni relatione: quae quidem omnia ad similitudinem nominis עֲגִלָּה alludunt; v. 7 et 8. eadem similitudo verborum קִצֵּף et קוֹץ redit. Aliud est exemplum 12, 12. ubi גִּלְעָד, גִּלְגָּל et גִּלִּים euphoniae causa coniuncta videntur. Cap. 8, 7. verba similiter sonantia קָמָה, צִמָּה et קָמָה eodem modo alternis scribuntur. Cap. 9, 15. verba שְׂרִיָּהֶם סוֹרְרִים כָּל- similitudinem soni produnt

pariter ac 14, 1. verba תַּאשֵׁם שְׁמִרוֹן. Cap. 10, 8. 9. nil nisi similitudo soni commemorationem Gibeatarum attulisse videtur; sponte enim in vocibus לִגְבֻעוֹת *colles* et הַגְּבֻעָה *Gibea* in aures incurrit. Eodem modo res se habet in quibusdam aliis nominibus propriis. Sic c. 1 et 2. nomen filii יִרְעָאֵל in gratiam cognati יִשְׂרָאֵל legitur. Nomen autem אֶפְרַיִם subinde alludit ad vocem פֶּרֶה et פִּרִי *fructus* et *fructus ferre* v. c. 9, 16. 15, 15. 14, 9., ad vocem autem פֶּרָא *onager* 8, 9. In omnibus hisce locis significatio verborum non nimium premenda est. Primum momentum euphonia erat, quam significatio sponte sequebatur. Est etiam forma dicendi illi cognata, quae *ant-anaclassis* vocatur, cum eadem vox diversa significatione repetitur. Eam habemus praecipue in voce רוּחַ 4, 19. Cum enim v. 12 et c. 5, 4. significet *libidinum impetum*, qui etiam 4, 19. tanquam primaria vocis notio vati in mente fuisse videtur, simul transfertur ad *ventum*, ut sic indicet interitum in quem abrepturus sit impios בְּכַנְפֶּיהָ. Eadem inest nomini בָּעַל 2, 10. 18. 19., nomini יָרֵב 5, 13. 10, 6. et verbo שׁוּב 11, 5., quo loco lusus poetae cum verbo שׁוּב adiecto מְשׁוּבָה clarissime in oculos incurrit. Huc etiam referri potest ambiguitas praepositionis ב 12, 13. 14.

Nec desunt *parentheses*, quamquam ista orationis forma rarior in libris sacris occurrit cf. Gesen. ausführl. Lehrgeb. p. 854. Huc pertinent, quae 2, 4. a verbis וְתִסֵּר וְנִנְיָה usque ad finem v. 6. leguntur. Repetita enim particula כִּי v. 7. series orationis iterum cum initio v. 4. coniungitur. S. V. Kuinoel contra in parentheses po-

suit verba כִּי הִיא לֹא אִשְׁתִּי וְאַנְכִי לֹא אִשָּׁה, quod mihi secus videtur. Sunt enim vere litigationis liberorum cum muliere momenta, quibuscum sequentia v. 7. verba, et propter particulam כִּי, et propter argumentum orationis optime cohaerent. Est porro parenthesis, quae 4, 4. leguntur וְעַמָּךְ בְּמִרְיָ כֹהֵן. Hoc enim loco tantum ὡς ἐν παρο-
όδῳ commemorat, quae postea v. 9. recipit, ut tum demum de sacerdotibus peculiariter loqui incipiat. Item parenthesis habemus 7, 4. ver-
bis וְיִשׁוּבוּת מֵעִיר מְלוּשׁ בִּצְקָ עַד — חֲמִצָּתוֹ וְלֹא — יִדְעוּ, aliam-
que c. 11. versus 2 totus et 3 verba וְלֹא — יִדְעוּ בִּי רַפְּאֵתִים efficiunt. Nec aliud quid nisi paren-
thesis est, cum c. 13. commemorationem fato-
rum gentis antiquae recensione malorum morum
gentis tunc viventis interrumpit v. 9. et 12. 13.

In iudicanda vatis oratione *significatio me-
tonymica* eorum verborum non negligenda est,
quibus abstractum pro concreto ponitur. Quae
ut omnino forma est poetica, ita imprimis illis
antiquis hominibus, quorum abstractarum et con-
cretarum rerum sensus nec satis certus, nec cul-
tiore lingua definitus erat. Ita ponitur 2, 4. זְנוּנִים et
נְאֻפִּים pro consuetudine impudica et adultera,
v. 11. עֶרְוָה pro nudo corpore, 4, 18. קָלוֹן et
מְגִנָּה insania pro pudenda et insana idolola-
tria, 5, 5. et 7, 10. נֶאֱוָן — יִשְׂרָאֵל pro simula-
cris quibus superbiunt, 5, 7. חֶלְקִיהֶם sors pro
terra sortita, i. e. patria, 9, 6. מַחְמַד לְבַסָּפִים
pro desiderandis aedibus argenteis, 9, 10. בִּשֵׁת
pro pudendo simulacro, שְׂקִינִים pro abomi-
nabilibus, אֲהָבָם pro iis quae amant, 9, 16.

מחמדי במגם pro carissima sobole. Huc pertinet etiam metonymia עץ et מקל pro simulacris ligneis 4, 12.

Restant voces vel prorsus novae vel peculiari significatione obviae. Novae sunt נבלות 2, 12., מנגה 4, 16., מרחב 3, 1., אשישי ענבים 4, 18., שטים 5, 2., שבבים 8, 6., הבבים 8, 13., ילבט 12, 15., תמרורים 11, 4., אוכל 9, 8., משיטמה 4, 14., תרגלתי 13, 5., תלאכות 5, 13., יגה 5, 14., אמון 11, 8. Voces vel nudae vel compositae peculiari vi occurrunt אחרית הימים *finis dierum statutorum* 3, 5., סבא *compotatio* 4, 16., מסיגי *terminos imperii removens* 5, 10., קרית *civitas vestigiis sanguinolentis conculcata* 6, 8., זעם לשונם *proterve et mendaciter enunciata* 7, 16., להם אונים *panis inter luctum et lacrymas suntus* 9, 4., אדם *homo adultus* 9, 12., נזה *pulchra et amoenae domicilia* 9, 15., גפן בוקק *vitis late se expandens* 10, 1., שמרון מלכה *regia Samaria et spuma* 10, 7., רעת רעתכם *extrema vestra impietas* 10, 15., ברים *vectes portarum* 11, 6., פרים שפתינו *os matricis* 13, 13., פחד *de anxio et festinante accessu ad Iehovam* 3, 5., פרץ *de effugiendo damno* 4, 10., העמיק *de pessimis sceleribus committendis* 5, 2. 9, 9., חצב הרג *et de prophetis animum suorum confringentibus* 6, 5., משיך יד *de porrigenda manu ad consortium ineundum* 7, 5., בלל *de commixtione cum gentilibus, voce a subigenda massa coquenda petita*, 7, 8., עבר *de miscendis sacrificiis* 9, 4., דמה *de*

modo prophetias parabolis edendi 12, 11, רשע רשע de colenda improbitate 10, 13. Huc pertinet significatio usitata verborum דרש דרש et יהוה, adire sacra Iehovae Hierosolymis unice recte celebranda 3, 5. 5, 15. 7, 10. 10, 12., קבץ et אסף, colligere ad interitum 4, 3. 8, 10. 9, 6., ידע et ידעת אלהים de ea Dei cognitione, quae pietatem in animis hominum gignit 4, 1. 5, 4. 6, 6. 15, 4. etc., שוב redire ad meliorem frugem 11, 5.

5. Poetarum sacrorum diligentissime observandus est parallelismus, et quoniam rhyth- mum poeticum format ¹⁶⁾, et quoniam ad illu- stranda loca per se obscura et intellectu diffici- lia gravissimi momenti est. Omnes interpretes recentiores maximi eum faciunt vid. Herder Geist d. Hebr. Poesie I, 19., qui idem improbationes adversus eum excitatas egregie refellit. Vates

16) „Der Rhythmus der Hebr. Poesie ist nicht wie bei „den Griechen in Sylben-Messung auch nicht wie „bei den Neuern im Reim, sondern in einem durch „den Inhalt bestimmten Ebenmaass der einzelnen „Sätze der Rede, dem bekannten Parallelismus der „Glieder, wozu noch ein gewisser Wohlklang der „Rede und feierlicher Tonfall kommt. Die begeisterte „Rede des Hebräers bewegt sich in einem feierlichen „gleichschwebenden Gange. Viele haben diesem un- „metrischen und reimlosen Rhythmus keinen Ge- „schmack abgewonnen oder ihm den Nahmen Rhyth- „mus abgesprochen. Ist aber Rhythmus im allge- „meinen harmonische Bewegung der Rede, so muss „auch dieser Parallelismus als eine solche harmoni- „Bewegung seine Stelle unter d. Rhythmischen For- „men behaupten.“ Bernstein im N. theol. Journ. v. Winer und Engelhardt. B. 2. 1824. p. 45.

noster eundem rhythmicum modum elegantissime servavit, nec exigua est eius poematum vis, quoniam magna sententiarum copia parallelismo illo membrorum facili et dulci arte connexa est. Iam quomodo ad intelligendum vatis sensum observari et tractari debeat expouam. Eius adminiculo oratio universi c. 2. facilius fluit. Nec alius latet in aliis locis. Cap. 4, 4. verbum parallelum יִכַּח illustrat praecedens יָרַב; v. 8. nulla dubitatio reliqua est de significatione verborum אֶל-עֵינֶיךָ, quia cum altero membro הִטֵּאת יְאֵכְלוּ אֶל-עֵינֶיךָ compouuntur, scil. *avide peccata committunt*; v. 12. מִקֵּץ et עַץ cum rhythmo tum sensu sibi respondent. Omne dubium de significatione v. 16. cadit, cum versum 17. praecipue verba הִנֵּה-לִי quasi reflexionem praecedentis esse putamus; nam fere idem de Ephraïmo, quod antea de Israele dicitur. Cap. 5. ratione prorsus parallela v. 2. 5. 7. iuxta se positi sunt; quae v. 2. de victimis, ea v. 5. de simulacrorum generibus, v. 7. de festis, mutatis tantum verbis dicuntur; v. 12 — 14. quodque sequens membrum praecedens et illustrat et amplificat. Cap. 6, 1. 2. aptissime gradus sanationis iuxta se ponuntur; v. 5. בְּנִי־אִם et בִּי-אִם idem significant; v. 6. verbum מַעֲלֹת, quod interpretes offendit, non ultra offendere potest, cum e parallelismo nil aliud significare quam antea לֹא-יָכַח intelligamus; v. 8. 9. post historicam commemorationem rhythmica causa v. 8. עֲקָבָה מִדָּם et v. 9. בִּי זִמָּה עָשׂוֹ adposita videntur. Cap. 7, 8. elegans parallelismus isque utrobique sensum evolvens in verbis הִנֵּה עֵינֶיךָ בְּלִי הַפֹּכֶה et בְּעֵינֶיךָ יִתְבַּלֵּל

et v. 9. in verbis **שִׁיבָה זִרְקָה** et **זָרִים אָכְלוּ כֶחָו** deprehenditur. Rhythmus initio v. 15. tantus est, ut verba **אִי — בִּי** fere velut cantus in aures sonent. Eodem modo finis v. 15. cum initio v. 14. cohaeret. Quae autem significatio sit verbi **יִתְגַּדְּרוּ** v. 14. in dubium vocari non posse videtur, ubi ad **יִסֹּרוּ בִּי** attendis, scil. *ad vinum et triticum peregrinantur — a me recedunt*; v. 16. imago arcus elegantissimum parallelismum praecedentis **עַל יְשׁוּבוֹ לֹא** efficit. Iterum in eodem versu **לְעֵינֵם** i. e. *ut illi quaevis proterve loquuntur, ita proterve a barbaris deridentur*. Cap. 8, 3. et 5. in tanta brevitate quanta vis est oppositorum parallelorum **אֲזַיֵּב יִרְדְּפוּ**, porro **זָנַח עֵינָיָהּ שְׁמֶרֶן** et **זָנַח יִשְׂרָאֵל טוֹב** et v. 7. non melius coniunctionem sententiarum vatis intelligemus quam parallelismo consulto, scil. **רוּחַ יִדְּעוּ** et **יִקְצֹרוּ** *ventus dissipabit, turbo conglomerabit eum tanquam in messe*. Cap. 9, 1—6. iterum omnia membra parallela sunt, v. 4. difficile verbum **יַעֲרֹבוּ** illustratur praecedenti **יִסְכּוּ**; sequentia verba ita legenda sunt: **לָהֶם כָּלֶחֶם אֲוִיִּים לָהֶם — כָּל אֲכָלוּ** **יִטְמְאוּ**. A subsequentibus huius capitis partibus quamquam nusquam parallelismus deest, alio modo difficultates removeri debent. Cap. 10. statim v. 1. elegantissime cohaerent **כָּרֵב לִפְרִי** et **הִרְבָּה** et **כָּטֹב לְאֶרְצוֹ הִטִּיבוּ**; v. 4. parallelismus monet, ut in altero membro **דִּבְרוּ** e priori repetamus; v. 5. prius membrum usque ad **עַמּוֹ** porrigitur, tum alterum quasi prius resonat et rhythmus vere musicus utrique inest; v. 8. similis est versui 7. iterum cognatis verbis **קִיץ** et **קִצָּף**

adhibitis; qui autem fieri potuerit, ut aliquis huic similitudini attentus in nomine מלכה de rege cogitaverit, cum tantum utrobique de excindendis locis civibus sacris et venerabilibus sermo sit, non video; v. 12. 13. parallelismus orationis sponte in oculos incurrit. Cap. 11. omnia parallela sunt, v. 1. in altero membro amplificata amoris illius, quem prius membrum indicat, descriptio exhibetur; v. 4. חבלי אדם et עבדות אהבה eodem sensu iuxta se ponuntur; v. 7. posterioris membri sententia illam prioris illustrat, sensus enim hic existit: *vellent si possent sursum se efferre ad Iehovam, adeo ad eum clamant, verum sunt infixi defectui ab eo*; v. 8. נהפך עלי לבי et יחד נקמרו נחומי eandem sententiam pronunciant. Cap. 12, 2. tria paria sententiarum duplici modo pronunciata exhibentur: v. 4. באוני ובבטן et באוני sibi opponuntur et se illustrant; v. 5. adeo dictionis parallelismus suadet ut post אל ימצאנו בית — וישם ידבר עמנו; v. 11. singula membra idem significant, itaque אדמה nil aliud est nisi modus prophetiam edendi; v. 13 et 14. egregia est membrorum oppositio de qua iam supra p. 119. exposuimus. Cap. 13, 2. iterum idem significantia membra, quorum parallelismus non video quomodo interpretes fugerit: עשו להם עגלים; זכה אדם; להם הם אמרים; מסכה ועצבים; unumquodque enim membrum idololatriae insipientiam gradatim amplificat. Haud difficilis est parallelismus v. 3. 4. 7. 8. Una sententia v. 14. quadruplici modo exhibetur, nimirum: *a morte eos liberavi*. Cap. 14. in comparisonibus quae sortem felicem Israelitas man-

suram pingunt, parallelismus parallelismum excipit; v. 8. sequentia וַיִּפְרְדּוּ בְּנֵי וְזָכְרוּ בִּי in prioribus etiam וְחַי בְּרֵיךְ pro vulgari בְּרֵךְ si non legi tamen intelligi iubent; v. 9. iterum propter recensioem felicitatis in tribus posterioribus membris quantum prius אֲנִי עֲנִיתִי significationem calamitatis continere non potest, sed, ut vulgaris lectio עֲנִיתִי monet, explicari debet: *eum exaudiam.*

VI.

De historia vaticiniorum Hoseae.

Hoseas vaticinia sua in utroque regno dispersa reliquit. Licet enim peculiari modo ad Israelitas directa essent, tamen multa, quae Iudaeos monerent, continuerunt. Conditio utriusque imperii ad civium mores imprimis regnante Ahaso fere eadem fuit et eadem utriusque politica dissolutio. Ex quo factum est, ut curae vatis Israelitis significatae non minori gravitate et pondere ad duas reliquas tribus transferri possent. Vir Ill. Eichhorn quidem Hoseam ipsum omnia in unum fasciculum collegisse statuit Einl. ins A. T. tom. IV. §. 554. p. 274. Verum causa, quam adfert, epiphonema 14, 10. non sufficit. Non minus enim suo loco est, ubi capp. 13 et 14. ultimas animi vatis significationes, quibus munus propheticum finiverit, contineri existimamus. Sunt contra causae, quarum consideratio operis compositionem in seriora tempora ablegandam esse monet. Vidimus in uberione expositione p. 45 sqq. singulas eius partes non ratione

temporis in ordinem redactas esse: 7, 7—16. seriora tempora indicare, quam caput undecimum, 8, 1—10. post 5, 9. esse ponendum; adeo particulam c. 9, a v. 7. medio — v. 9. quasi casu in locum plane alienum esse delectam. Ut autem aliae partes suo loco dimotae reperiuntur, sic aliae plane deperditae esse videntur; idque probabile fit hac quidem causa gravissima. Cum enim neminem fugiat, vatem nostrum memoratu dignissima, quae ex historia novimus, imperii Israelitici et Iudaici fata cecinisse, scil. interregnum et spem, quae eo durante a piis Iacobi posteris alebatur, fore, ut id restituta coniunctione utriusque regni finiretur c. 1—3., implorationem auxilii Assyriorum temporibus Menahemi 8, 1—10., proterviam et morbum Usiae 5, 10—15., trucidationem Pekahi 7, 1—7., eandem cum aliis illo tempore commissis facinoribus 6, 4—11., perniciosum vinculum Hoseae regis cum Assyriis c. 11., mendax eiusdem regis studium ope Aegyptiorum ab Assyriacae amicitiae mole se redimendi 7, 7—16. c. 12.: qui factum fuerit, ut de alio quodam eventu publico eoque inter omnes gravissimo tacuerit, vel, si non tacuerit, eum in collectione omiserit, non liquet. Insanum dico et nefarium regis Pekahi cum Rezino Syrorum rege foedus et inde motum bellum Israelitarum cum civibus duarum tribuum, de quo vid. 2 Reg. 16, 5 sqq. 2 Chron. 28, 7 sqq. et Ies. 7 sqq. Syrorum ne verbulo quidem mentio fit, cum tamen subinde Aegyptii et Assyrii commemorentur, neque exilii civium superioris Galilaeae et regionum Transiordanensium; nam quae 12, 10. leguntur tantum occasionis causa calamo excidisce videntur. Qui eventus rebus Israeliticis Iudaicisque

perniciosissimus et mortis regis Pekahi, et regiminis Assyriorum, et subsequenter Israelitarum interitus causa fuit; quippe turbæ sedari non poterant, nisi regis Pekahi parricidio tributoque magno soluto Assyriorum gratia Hoseae parricidae conciliaretur. Cum igitur de tam gravi momento apud poetam nostrum fata publica canendi studiosum nil legatur, desideramus, quod frustra quaerimus, et lacunam operis aegre ferimus ¹⁶). Ut autem hæc lacuna in promptu est, ita pluræ vaticinia temporum vi interire potuerunt. Hinc ortam dubitationem iam S. V. Rosenmuelleri sententia sustulit Schol. in V. T. prooem. in Hos. p. 26 sq. fuisse „hominem quendam Judæum, qui oracula dispersa sacrorum scriptorum syntagmati inserenda unum in volumen colligere aggrediretur.“

Videamus quomodo ex nostra sententia rem exponamus. Hoseas et reliqui antiqui prophetae oracula minime eo consilio scripserunt, ut posterorum memoriae traderentur (omnia enim ad cives suos spectarunt), sed ut in patria divulgarentur utque eos etiam commoverent, quorum aures attingere oris effata nequirent. Tali modo etiam in regnum Iudaeorum venerunt, fortasse ad Iudaeos consulto missa. Regnum cum viris Israeliticis interiit. At memoria tantorum virorum alta mente reposita mansit; immo eorum auctoritas in dies aucta est, cum natio sorte sua edocta probitatem et veritatem eorum magis co-

16) Quae S. V. Kuinoel tentavit, ut foedus Israelitarum cum Assyris in 5, 13. insereret, nec sufficiunt, nec doctrinā ingenioque eius digna sunt; cf. infra commentar. ad illum locum.

gnosceret, et sera poenitentia intelligeret, quam male animo ab eorum monitis averso egissent. Sic calamitate temporum studium quae adhuc superessent eorum monumenta colligendi ortum est, et ut illos viros olim neglectos omni qua par erat pietate revererentur, et ut Iudaei adhuc superstites commonefierent.

Ante exilium Assyriacum, in quod Israelitae agebantur, eiusmodi collectionis nullum certum documentum exstat, quamquam tot divinitus inspiratorum nomina ad nos pervenerunt. Utrum enim illa Ionae vaticinia, quae iam temporibus Ierobeami II. enunciata fuisse legimus 2 Reg. 14, 25, uti nunc ea quidem habemus ab auctore ipso profecta habenda sint necne, id admodum in dubium vocari posse videtur. Omnino. speciem mythicae traditionis diu post eius mortem, cum scripta eius interiissent, literis mandatae prae se ferunt. Simulac autem regnum Israeliticum eversum erat, plura prophetarum monumenta exstiterunt Hoseae, Ioelis, Amosi, Iesaias, Ionae, quorum collectio uberior et facilior fuit, ubi auctores Iudaeos complectebatur; ex quo etiam factum est, ut sermones Hoseae et Amosi (Israelitarum) multo imperfectiores et potius in forma fragmentorum ad nos venerint, quam Ioelis, Iesaias, Michae, qui in regno Iudaico floruerunt.

Post imperii Israelitici excidium plures adhuc vivebant, qui Hoseam et Amosum vaticinantem cognoverant, deque Iona audiverant. Horum et profugi, et ab Hiskia rege Hierosolymitano arcessiti, et ad domicilia in tribubus Iudae collocanda invitati 2 Chron. 30, 1. 7. 11. 25. 31, 6., fragmenta orationum sacrarum et secum portarunt, et inter Beniaminitas sparsa invene-

runt. Erant, quae ex unoquoque horum virorum audivisse meminissent. Haec inter Iudaeos inventa illaque secum portata, de quorum utrorumque origine dubium iis existere non potuit, congesserunt et congesta inscriptione instruxerunt. Sic nostri Hoseae quoque inscriptio ingenio vatis maxime conveniens orta est. Quod enim offendit, unius tantum Israelitici regis mentionem fieri, cum tamen propheta plurium regum fata tetigerit, id optime eius et omnium piorum Israelitarum de regibus illis sentiendi modo respondet. Nam post Ierobeamum II, fortasse excepto filio Sacharia paucissimos menses regnante, omnes a Deo non vocati, ergo nomine regio indigni erant. Ionaе fata et sermones e memoria scriptis composuerunt. Sic quasi sacrum pristini Israelitici aevi monumentum e temporum ruina conservatum sibi recondiderunt et statu regni Iudaici post cladem Sanheribi placato sacris Hierosolymitanis addiderunt, quod, post Manassis et Ammonis tempora iterum maxime calamitosa regnante Iosia rursus inventum, fortasse priori parte oraculorum Iesaeae sicuti et reliquiis Ioelis et Michae auctum est. Qua sententia probata etiam commodissime de illa vatis nostri lacuna statuere licet. Colligentes pii Israelitae partium desideratarum vestigium inter Iudaeos non invenerunt. Cum enim illud nefarium bellum conflatum esset, commercium utriusque regni sublatum fuisse videtur, ita ut vatis sermones Iudaeos attingere non potuerint. Quae autem vel secum tulerunt vel in memoria habuerunt, ita comparata fuerunt, ut aliquid certi collectioni inserere non liceret. Fortasse consulto de iis tacuerunt, ne rem tangerent regi et omnino populo Iudaico infensam.

Rationem, qua scripta illa sacra Hierosolymis et templo destructis conservata fuerint, nescimus. Antiqua traditio fert: Ieremiam scripta Mosis et reliquorum sanctorum virorum incendio templi erepta secum in Babyloniam detulisse (cf. Eichhorn. Einleit. ins A. T. I, c. 1. §. 3.). Nec est, quod huic narrationi contradicamus. Non enim copiosus fasciculus fuit. Quae in templo recondita fuerant non tam publica cura tecta fuisse, ut semper usui paterent utque ab interitu vindicarentur, historia Iosiae docet, ubi inventae leges Mosis tanti sunt factae. 2 Chron. 14—50. 2 Reg. 22, 8 sqq. Itaque praeter scripta Mosis, praeter cantica sacra et genealogias librorum historicorum fundamenta, denique praeter laudatos prophetas nil deportandum fuit. Horum autem sacrorum monumentorum fasciculum non modo in templo sed etiam prophetis ubique sparsis notissimum fuisse, Eichhorn l. l. docuit, et vatis nostri lectio confirmat, quippe qui inter Israelitas degens subinde huc respexerit, cf. pag. 116. Fac ea, quae in templo et quae privata piorum virorum cura conservata fuerunt, Ieremiam vel alios de patriae institutione bene sentientes secum in exilium portasse, id certum est, Iudaeos exules ea semper devotissimo studio fovisse. Idem scriptis Hoseae contigit, quae exilio reportata et post templi patriaeque restitutionem sacrorum librorum catalogo adscripta reperimus. Nec ipsi *nunc* demum adscripta legimus, sed ibidem nunquam defuisse sat vestigiorum habemus. Continentur versione Alexandrina. A Philone singula eorum loca diserte commemorantur, cf. Eichhorn l. l. §. 30. Iosephi testimonium dubium est. Refert enim Antiqq. lib. 10, c. 3. non

tantum Esaiam, sed reliquos prophetas, quorum 12 numero essent, vaticinia reliquisse, ut eventu comprobata esse intelligerentur; quamquam autem eodem loco se de unoquoque sigillatim locuturum esse promisit, tamen promissis omnino non stetit, neque omnes duodecim neque Hoseam nominavit. Itaque incertum est, utrum verbis δώδεκα τὸν ἀριθμὸν tantum nostros 12 prophetas minores, an omnes praeter Esaiam reliquos 15 in animo habuerit, et qui fuerint illi 3 ab eo omissi. Melitò praeter reliquos nostros maiores prophetas δώδεκα ἐν μονοβιβλῳ commemoravit. Quid de Origenis omissione 12 prophetarum minorum statuendum sit Eichhorn l. I. §. 54. adfert. Ceterum Targum Ionathanis, Hieronymus, Talmud omnesque seriores versiones Hoseam nostrum habent.

Quod ad historiam textus pertinet, eum cum textu omnium sacrorum scriptorum, certe postquam in catalogum τῶν ἀγιογράφων receptus erat, diligentissima cura observatum fuisse ne depravatione laederetur constat. Attamen tanto temporum intervallo omnis depravatio evitari non potuit. Nam et in interpretatione LXX., et in paraphrasi Ionathanis, et in versione Hieronymi, et in reliquis antiquissimis versionibus lectiones a nostro textu recedentes reperiuntur. Longius in usu punctuationis recedunt, quod neminem interpretum offendere potest, cum textum sacrorum librorum non ante quintum saeculum nostris vocalibus et accentibus instructum esse certissimis documentis demonstratum sit, cf. Capelli arcanum punctuationis revelatum, libri 2. Eichhorn l. I. tom. I. cap. 11. §. 68 — 72.

Antiquarum versionum maximam auctorita-

tem in ecclesia quoque Christiana nactae sunt Graeca Alexandrina, Chaldaicae nomine Targumim insignitae, quarum auctor versionis sive potius paraphraseos Prophetarum Ionathan adeo temporibus Haggai, Zachariae et Malachiae vixisse a Iudaeis fertur, Latina Hieronymi. Qui omnes interpretes quamquam in intelligendis prophetis non negligendi sunt, tamen probe cavendum est, ne eorum erroribus abripiamur. Quam difficile autem sit eorum vinculis auctoritate et usu tot temporum quasi sacratis prorsus non adstrictum teneri omnis interpretationis historia docet, nec nostris temporibus ea plane rupta sunt. Versio Alexandrina maximis erroribus laborat. Sunt loca, quae vatis nostri sententiam nonnunquam tam absurdo modo vitiant, ut omnino non intelligatur, quomodo error ortus sit, v. c. 1, 4. 2, 4. 14. 17. 5, 2. 14. 7, 2. 4. 13. 16. 8, 1. 3. 4. 10. 12. 9, 6. 13. 10, 5. 6. 8. 11, 3. 4. 7. 12, 5. 9. 12. 13, 2. 3. 13. 14, 3. 5. 6. Nihilominus eius auctoritas usque ad Hieronymum tanta fuit, ut adeo Hieronymus ipse falsissimis eius interpretationibus sublimiorem sensum substruendo diligentem operam navaverit. In adhibenda igitur hac versione probe cavendum est, ne eius causa aliquid in textu Hebraico mutemus, neve vatis sententiam bene cepisse existimemus. Ipsa nil nisi cumulum aliis verum vatis sensum inveniendi gravibus causis addere potest. Paraphrasis Chaldaica, Ionathanis praecipue, interpretibus Hebraicis dux et fax fuit. Sal. Iarchi, Ebn Esra, Dav. Kimchi, primates inter Rabbinos, in eo negotium impendunt, ut eam defendant et confirment. Sed quamquam eam longe versioni LXX. praestare non inficie-

mur, tamen tantum abest, ut sanio-rem de sensu vatis cogitandi rationem excludat, ut diligentissimum eam Hebraicarum literarum eruditione examinandi studium provocet. Emicat Hieronymus, qui primus in ecclesia Occidentali grave negotium suscepit ab auctoritate LXX. liberam et textui Hebraico consentaneam interpretationem introducendi, gravius etiam, quoniam antiquiorum Christianorum auxilio destitutus cum Alexandrinorum patronis v. c. cum Augustino et Rufino luctari inivit. Quae enim Aquilae, Symmacho, Theodotioni, et ad Hoseam nostrum Apollinario Laodicensi, Origeni, Pierio, Eusebio Caesareensi, Didymo, Hebraeorumque magistris (vid. Prooem. in Hoseam ad Pamphilum) debuit, non magni momenti fuisse ipse fatetur. Egregiam vati nostro interpretando viam aperuit. Utinam posteriores pii Christiani eam viam doctrina et ingenio instructi ingressi fuissent. Verum in verba eius iurare maluerunt. Versio eius quasi canonicam auctoritatem adepta est. Quae autem in posteriori Vulgata aliter leguntur, non emendationis, sed depravationis nomine notanda sunt plurimaeque praeterierunt saecula usque dum liberior sacra monumenta tractandi ratio nostro quoque vati facem accendit.

Lutherus primus nostrae ecclesiae interpres et commentator tractationem vatis aggressus annotationes in Hoseam prophetam Vitebergae 1526 edidit. Quamquam prophetae nostri expositionem magis in usum dogmaticum et moralem scripserit, tamen haud exigua eruditione et illa ingenii vi, quae ex omnibus eius operibus elucet, eam ita confecit, ut studium omnem auctoritatis et antiquitatis opinionem prae-

iudicatam deponendi significet. Qui eum secuti sunt doctissimi, et nostrae, et aliarum ecclesiarum interpretes, copiosissime et omni, qua par est eruditione literaria atque critica recensuit Ill. noster Ern. Friedr. Car. Rosenmueller (in *Scholiis* in V. Test. Tomi tertii vol. primo Hoseam et Ioelam continente Lipsiae 1817.), cui ex meo certe penu literario nil addere habeo. Ipse illis interpretibus doctissimo suo commentario se adiunxit, qui, quicquid antiquitus et recentius de Hosea scriptum est, brevi sed eleganti conspectu exhibet, in quo id unum dolendum est, quod de suis tam pauca addidit, siquidem et in singulorum poematum argumenti recensione et in modo, quo eorum seriem connectit, raro se ipsum; plerumque notas marginales Ioh. Henr. Michaelis ad editionem V. T. Halae 1720. nuncupat. Aliud opus post istius voluminis editionem in lucem prodit Illustrissimi et de interpretatione V. T. Meritissimi I. G. Eichhornii: *die Hebraeischen Propheten* Gottingae 1816., in quorum primo volumine Hoseam ita tractavit, ut vernaculam versionem addito sententiarum vatis earumque inter se connexionis conspectu cum historicis animadversionibus ederet. Opus maxima elegantia et eruditione confectum, cui in eo tantum non assenserim, quod argumentum vaticiniorum nimium in locis communibus et in notionibus universalibus quaerit, et sic vatem semper in gyrum agit, cum tamen in peculiari ad historiam ipsius aevi et ad statum regni politicum respectu maxima vatis et vis, et copia, et elegantia mihi inesse videatur. Ex quo etiam fit, ut subtile eius poeseos vinculum tollat, et suum Hoseam vere fragmentarium s. (secundum Hie-

ronymum) commaticum faciat. Ad interpretes recentissimos Hoseae accedit etiam V. Ill. de Wette, in *Versione SSorum: Die Schriften des A. und N. T. übersetzt von I. Ch. W. Augusti und. W. Mt. Lbr. de Wette*, Heidelberg, B. IV. 1810., qui linguae vernaculae aequè potens atque eruditione excellens copiam interpretationum egregio ornamento locupletavit. His recentioribus V. Ill. E. G. A. Boeckelii nunc Hamburgensis *Versio Hoseae Germanica* Regiomont. 1803. non obscurata est, quae, quamquam linguae vernaculae poetico usu non omnibus satisfaciat, tamen et ingeniosa est, et docta vatis tractatione praestat.

Vaticinia Hoseae.

I.

Inscriptio operis.

I, 1. Monita Iehovae, quae contigerunt Hoseae filio Beéri temporibus Usiae, Iothami, Ahasi et Hiskiae regum Iudae et temporibus Ierobeami filii Iohasi regis Israelis ¹⁷⁾).

הַדְבָרִים: הַדְבָרִים pr. *verbum Dei*. Quemcunque modum, quo Deus vim suam patefacit, hoc nomen complectitur. Repetitus est huius nominis usus e primis humani generis monumentis Gen. 1, 3. 6. 9. etc. Ad eum probe diiudicandum in primordia culturae humanae ascendantus. Quemadmodum maiestas regis in eo ponebatur, ut verbum eius sufficeret ad quaelibet perficienda, ita Deus cogitabatur stipatus numinibus, simplicibus elementis et auxiliis, quae iussu eius quocunque moveren-

17) Id ante omnia moneri debet, in toto vatis nostri poemate discrimen inter Indaeos et Israelitas probe esse observandum. Illi sunt cives regni tribuum Indae et Beniaminis, hi cives reliquarum decem tribuum. Unde etiam in omni nostra commentatione nomina *Iudaeorum* et *Israelitarum* hoc peculiari sensu leguntur. Ubi de posteris Abrahami in universum sermo est, plerumque *Iacobitae* appellantur.

I, 1.

tur (Ps. 33, 6. 9. 104, 4. cf. Matth. 8, 8. 9.), et uti hominis voluntas verbis significatur, ita prioris aevi homines, qui non nisi anthropopathice de Deo cogitare et loqui poterant, omnem manifestationem voluntatis Dei דְּבַר-יְהוָה appellabant. Ita vates antiqui, simulac aliquodammodo se excitari sentiebant ad gravia et vulgares res excedentia cogitandum et proferendum, id Deo tribuebant verbis: יְהוָה דְּבַר-יְהוָה אֵלַי Ier. 1, 4. 11. Ez. 3, 16. al. Ex quo factum est, ut paulatim in posteriore res philosophice tractandi ratione illud דְּבַר, quod antea populari modo adhibitum erat, tanquam essenziale quid cogitaretur et in ipsa voce arcana quaedam institutio de divini numinis interna relatione quaereretur. Unde et h. l. Hieronymus ad illum philosophicum verbi sensum mystice respiciens: *Verbum, ait, Domini, quod in principio erat apud Deum patrem et Deus erat, factum est ad Hoseam filium Beer.* In hac nostra inscriptione, quemadmodum Ier. 1, 1. Mich. 1, 1., indicat complexum admonitionum divinitus in animo Hoseae excitatarum. אֲשֶׁר דִּבֶּר quod factum est. Non singulari quovis loco premendus est modus, quo exhibita sint vaticis divina monita, num somnio 1 Reg. 3, 5. Dan. 7, 1. Ier. 3, 1. al., an visionibus Num. 12, 6. Ez. 40, 2. Am. 7, 1. al., an inusitata quadam et vehementi animi exultatione Ez. 8, 1. 2. Apoc. 1, 10., an inopinatis eventibus naturae 1 Reg. 19, 11—13., an rebus communis vitae Ier. 18, 2—4. 24, 2. 3. Ez. 37, 1—3., an, ubi talia non commemorantur, inventionibus strenuarum cogitationum Ies. 50, 4. 5. fervoreque piorum animi sensuum Ies. 26, 9., inspiratione adeo poetica et musica 2 Reg. 3, 15. 1 Chron. 26, 1—3. Sufficit haec illis contigisse et grato animo ea colere, quae ad emendationem generis humani Deo gubernante per prophetas gesta sunt, cf. Herder Geist der Hebr. Poesie ed. Iusti T. 2. p. 69. 70.

וְהוֹשִׁיעַ. De significatione huius nominis Hieronymus disserit: *in lingua nostra sonare salvatorem.* Est imp. s. inf. Hiph. salvando scil. salvavit nos. Apud LXX. legitur Ὁσῳε, in nonnullis Graecis exemplaribus Ἀσῳε, quod Hieron. reprehendit ac si nihil omnino intelligatur. Verum idem est atque Ὁσῳε. Varietas in-

est in pronuntiatione $\tau\omicron\upsilon \gamma$, quod Graeca litera υ significatur, $\gamma\eta$, $\alpha\upsilon$, Hieron. ω , cf. Drusius ad h. l. Huic nomini iam aliquid symbolici inesse contendit Lightfoot Chronol. p. 92.: *quemadmodum sub Hosea, i. e. Iosua, quondam intravit Israel in terram Canaanis et sub quodam Hosea inde educti fuerunt in captivitatem, ita suscitavit dominus Hoseam primum horum prophetarum, qui ingratam eorum mentem perstringeret ratione introitus et terribilia denunciaret, quoad captivitatem.* בן - בִּיאֵרִי .

De patre isto prophetae nil constat. Commenta antiquiorum interpretum vid. in introd. p. 4. De regibus sub quorum imperio Hoseas prophetias suas edidit, monumenta supersunt 2 Reg. 14—18, et 2 Chron. 25—29., vid. introd. p. 5 sqq. Inscriptionem autem non a vate ipso, sed post eius decessum collectione fragmentorum eius facta adiectam esse, in eo omnes recentiores interpretes consentiunt, cf. introd. p. 131 sq.

II.

Cap. I, 2 — II, 3.

I, 2. Incepit Iehova divinitus Hoseam mōnere, cum ei diceret: abi, matrimonio adiungē tibi mulierem meretricem et liberos e scorto prodituros, nam impios populus sequitur amores aversus a Iehova. 3. Abiit propheta et duxit Gomeram filiam Diblaimi, quae gravida facta filium ei peperit. 4. Iehova vero ita eum allocutus est: Voca nomen eius Isreel; brevi enim animadvertam ob caedēs Isreele perpetratas in familiam Iehu, et prorsus evanescere faciam imperium domus Israelis. 5. Eo tempore frangam vim Israelis in planitie Isreele. 6. Iterum gravida facta mulier prophetae filiam peperit, quam Iehova nomine Loruechamae appellari iussit. Non enim,

1, 2.

inquit, diutius miserebor domus Israelis quin ab iis poenas repetam. 7. Sed domum Iudae benigne excipiam ipsosque salvos faciam per me Iehovam, eorum Deum. Non autem saluti eorum consulam arcu, nec gladio, nec armis, nec equis, nec equitibus. 8. Quum vero mater a mammis removisset filiam Loruechamam, denuo concepit peperitque filium, 9. quem Deus iussit vocari Loammi. Nam, inquit, non estis meus populus, propterea ego quoque non vester ero. II, 1. Attamen erit numerus filiorum Israelis ut arena maris immensus et innumerabilis, quibus eveniet, ut in loco, ubi alias dictum erat: „Vos non estis meus populus;“ rursus audiant filii viventis Dei. 2. Una simul enim filii Iudae et filii Israelis reconciliabuntur. Tum constituent sibi unum principem et emergent e miseria sua, nam magnus est dies Isreel. 5. Appellate igitur fratres vestros Ammi et sorores vestras Ruechamah.

De tempore et sensu oraculorum Hoseae, quae c. 1 — 3. continentur, vid. introd. p. 46 sqq. Id omnino tenendum est, fatum aliquod domesticum vaticinia canendi Hoseae occasionem prae buisse eumque illa occasione lyrico modo usum esse ad disserendum de moribus et fatis Israelitarum Iudaeorumque. Prima autem haec particula profert poetice, quae evenerint, quomodo ipse datum sibi Dei monitum intellexerit et quomodo se ipse divinae patientiae atque fiducia erga gentem iam ita deperditam exemplum populo exhibuerit. Opera, qua haec tria capita sigillatim exposuerunt, vid. ap. Rosenmuellerum in Schol. ad h. l. p. 42 sqq.

2. הַחֵלֶת דָּבָר. Puncta vocis דָּבָר vexarunt interpretes. Nimirum si, quae forma in usu est, דָּבָר esset praet, Piel, tum legendum esset הַחֵלֶת: initio locutus

est. Unde **הַרְחֵק** vel adverbiascere, ut **רָחֵק** Ps. 120, 6. 129, 2., vel subintelligendum esse relativum **אֲשֶׁר** (cf. Exod. 6, 28. al.) putarunt, ut nimirum sit: *initium, quo locutus est*. Verum LXX. verterunt ἀρχὴ λόγου Κυρίου et Chald. **שְׂרִירַת פְּתִיחָא**. Habuerunt igitur nostrum **דְּבַר** substantivum. Quod offendere non potest, cum plures eiusmodi Hebraicas formas habeamus in **שְׁלֹם**, **אֵלִים**, **כֶּסֶף**, et substantivum **דְּבַר** eodem modo punctatum expresse legatur Ier. 5, 13. Praeterea lineola Mappik antiquos interpretes substantivo **דְּבַר** artissimam coniunctionem cum sequenti **יְהוָה** dedisse indicat. Non igitur est, quod legatur **דְּבַר**, ut Lillienthal in comment. crit. ex quodam antiquo codice et Kuinoel ad h. l. contendunt. Hieron. vertit: *principium loquendi Domini*, ac si infinitivus **דְּבַר** legeretur. Utrum nostra, an Hieronymi, an Lillienthalii puncta vera sint, effici nunquam poterit. Punctuationem ipsam multo senioris originis esse eamque non ante quintum saeculum p. Ch. n. a Masorethis factam Capellus in arcano punctuationis revelato gravissimis argumentis demonstravit. Unde non mirum est LXX., Chaldaicum et Hieronymum in lectione punctorum saepissime inter se differre. Ceterum illud initium divinatorum monitorum tantum de Hosea valet, nec Lightfooto in Chronol. V. T. p. 93. indulgendum est, qui inde Hoseam omnino primum consiliorum Dei interpretem fuisse coniectat. Nam inde ab Abrahamo, qui primus propheta in V. T. vocatur Gen. 20, 7., multi iam ante Hoseam divinitus inspirati verba fecerant. Quod autem ad formam vaticinii attinet, ea profecto nova fuit. Quamquam enim similitudo idololatriae et perfidiae uxoris in matrimonio omnibus nota erat, nemo tamen vatium hanc similitudinem ita pinxerat, ut et mores, et poenae, et rationes perfidiae reparandae exemplo ipsius matrimonii exhiberentur. Hoseas autem, ut primum se interpretem divini consilii constitutum esse intellexerat, fato suo domestico illud exemplum civibus ante oculos posuit. Praepositio **בְּ** in sequenti verbo **בְּהִיטֵי** itidem indicat fuisse internam revelationem, quae vati et cogitando, et orando divinitus contigerit. Nam h. l. nullum mandatum reperitur, ut per eum populo ali-

1, 2.

quid dicatur. Mandatum soli fiebat Hoseae. Itaque illa praepositio non, ut 12, 13, 14. Num. 12, 2. Gen. 48, 20., est *per pro* quo usitatus בְּרַךְ, sed *in*, nimirum *in piis animi eius sensibus*. Sic 2 Sam. 23, 2. Habac. 2, 11., ad quem locum Hieron.: *hoc, ait, notandum est: prophetiam, visionem et eloquium Dei non extrinsecus ad Prophetas fieri, sed intrinsecus et interiori homini respondere*, et Eucherius de Quaest. V. et N. T.: *loqui in aliquo dicitur Deus, cum ea, quae agunt, eius cordi ut agantur inspiret*. Drusius ad h. l.

וַיֹּאמֶר יְהוָה אֵל־הוֹשֵׁעַ לָהּ. Ea quae nunc egisse narrat, divino se afflatu egisse vati persuasum fuit, sed fortasse post factum, cum plures graves cogitationes et inspirationes accederent, demum intellexit, quae vis divina talem uxorem ducere se commoverit. Hunc autem Dei impetum illis verbis significat. לָהּ est asyndeton emphaticum, cf. 3, 1., ut Lat. *i quaeso*. לָקַח formula de matrimonio ineundo admodum usitata Gen. 4, 19. 24, 3. 7. 34, 4., h. l. sensu praegnanti ponitur. Quod enim Hebraei uno verbo pronunciant, id a nobis in duo resolvi debet. Drusius h. l. vertit: *accipe uxorem et suscipe ex illa liberos*. Nicol. de Lyra: *adopta*. Fac esse ambiguitatem in eo verbo, ut non certum sit utrum spurii, an genuini fuerint liberi, fortasse vates consulto eam verbis significavit, cum in animo ipsius esset. Certe si ambiguitatem fugere voluisset, posuisset וְלָהּ יֻלְּדוּ יְלָדִים sive וְהָיָה לָהּ יֻלְּדוּ יְלָדִים. Id unum constat prophetam hac enunciatione indicare, *se liberos illos ut suos recepissee*. אִשָּׁת זְנוּנִים compositio verborum omnibus scriptoribus Hebraicis usitatissima, qua defectum adiectivorum suppleverunt. Vim igitur habet adiectiva significandi cf. pag. 113. Cf. v. c. אִשָּׁת מַלְחָמָה 1 Chron. 18, 10., אִשָּׁת דְּבָרִים Exod. 4, 10., אִשָּׁת בְּעָלִי הָצִים Gen. 49, 23., אִשָּׁת מַכְאֹבֹת Ies. 53, 3., et ap. nostr. 6, 9. אִשָּׁת גְּדֻדִּים, 9, 7. אִשָּׁת דְּרוֹחַ. H. l. *uxor stuprum faciens sive voluptatibus venereis dedita*. Non solum substantivum אִשָּׁת, sed omnis nexus orationis, praecipue 3, 1. indicat, non meretricem (quae זֹנֶה fuisset), sed uxorem legitimo matrimonio a

vate suntam idque vanissimum esse; quod Seb. Schmidt ad h. l. contendit: *mulierem scortationum nil aliud esse, quam pellicem sine pactis dotalibus et sponsalibus ductam*. Quod additur יְלִדֵי זְנוּנִים, id paullo exquisitiori modo dicitur, neglecta quidem in gratiam parallelismi verborum diligentia. Sunt autem, ut plurimi interpretes consentiunt, *liberi in fornicatione nati*. Luth. non male vertit: *Hurenkinder*. Quod vero Hieron. monet: *intelligendos esse et priores fornicariae mulieris de fornicatione susceptos, et liberos quos ipse vates ex meretrice generaverit*, id ex arbitrio textui immiscetur, quoniam et de illis prioribus infantibus omnino non sermo est, et vates nusquam dicit liberos, quos illa genuerit, sibi genuinos fuisse. Denique quod alii dicunt, esse *liberos aequae ac matrem libidinibus deditos*, quamquam proprie verbis insit, id etiam locum habere non potest. Nam infantes erant, de quorum moribus nihil nec statui poterat, nec a vate in omnibus tribus capitibus statutum est. Sermo tantum de matre est.

בִּי-זָנָה זְנוּנָה זָאֵרָא. Iam venit ad momentum huius symbolicae significationis. Pia prophetae meditatio, si fas est eam sequi, hoc ordine processisse videtur: *Omnis natio Israelitica, quam tantis amoris documentis Iehova sibi iunxit, quantis probus vir cum uxore sua coniunctus est, fidem solvit ei debitam eique promissam; quid tu ad negotia prophetica vocatus meliora adspirasti? Subiice te Deo et exemplo tuo prophetam te praesta. Nam omnia a Iehova ita instituta erant, ut per te populo coram oculis poneretur, quam nefanda esset eius impietas, eiusque hinc oritura perniciēs*. מֵאַחֲרֵי יְהוָה. Cum אַחֲרֵי hoc nexu semper indicet *in tergo aliquem sequi* (cf. Exod. 34, 15. ubi est זָנַב אַחֲרֵי אֱלֹהֵיהֶם). מֵאַחֲרֵי notionem habet a tergo aliquis recedentis, v. c. 2 Sam. 7, 3. 20, 2. Ps. 78, 71. Zeph. 1, 6. LXX: ἀποσπασθεν τοῦ Κυσίου. Chald.: *errando errabunt a cultu domini*. Hieron.: *a Domino*. זָאֵרָא autem est natio Israelitica, ut totus nexus docet.

3. Cum igitur matrimonium iniisset, iussum Iehovae exsecutus erat, נָמַר בְּתִרְבֻּלִים. Interpretes al-

I, 3.

legoriam s. parabolam in hac parte vaticiniorum quæ-
rentes multum operæ impenderunt, ut extorquerent
symbolicam horum nominum significationem. Nomen
uxoris Gomerae originem habuit a verbo Hebr. גָּמַר
perfecit Ps. 138, 8., cf. 57, 3., ubi Deus dicitur גָּמַר עָלַי
perficiens pro me. Ita nomen Gomer h. l. interpretan-
tur: *perficiens et non perfecta*, τετελεσμένη, uti Hieron.
vult. Sunt, addit, qui mensuram גָּמַר sive amaritudinem
גָּמַר suspicentur, quod recte dicerent, si ג litteram non
haberet. Nomen Diblaim putant non fuisse nomen
patris, sed nomen oppidi, unde nata fuerit, sicut fre-
quenter in SSis dicuntur: *filiae Hierosolymae, mulieres
inde natae*. Ita v. c. Nicol. de Lyra vid. Drus. ad h. l.
qui addit: *dubito an bene, aut potius non dubito, quin
male, nam filia Hierusalem non quæ nata ex ea urbe,
sed ecclesia s. respublica Hierosolymorum*. Fuit Diblah
Ez. 6, 14. et Diblathaim Ier. 48, 22. urbs Moabitarum
unde, qui hanc interpretationem sequuntur, docu-
mentum petunt אֲשֶׁת וְגַמְיִים fuisse *paganam*. Hierony-
mus contra ducit nomen patris Diblaimi a דִּבְלַית *massa
ficuum*, quam Iesaias propheta ulceri Ezechiae regis ius-
sus fuerit imponere, cf. 2 Reg. 20, 7. Ies. 38, 21.
Hinc Iarchi: *doctores nostri dixerunt, hoc esse nomen
mulieris propter scortationem eius, quia omnes potiun-
tur eā (גָּמַרִים בָּהּ), absumunt eam vel perficiunt in eā
(scil. optatum) et conculcant eam sicut massam ficuum*.
Chald. secundum Kimchium exposuit גָּמַר e *significatu
גְּמִירָא consumptionis*, q. d. *consumet super eos eorum
scelera et iniquitatem illis remittet*. Omnis paraphra-
sis ita sonat: *et abiit et prophetavit super eos; quod si
conversi fuerint, remittetur iis, sin minus, sicut deflu-
unt folia ficulneae defluent; at addiderunt et fecerunt
mala opera*. Quæ tantum propterea commemoravi, ut
ostenderem, quam vana sint studia symbolicam signifi-
cationem ex illis verbis extorquendi et quam bene S.
V. Eichhorn Einleitg ins A. T. Tom. IV. §. 558. p. 295.
ed. 4. monuerit, nemini adhuc contigisse probabilem
et nexui prophetiæ aptam illorum nominum explica-
tionem edere. Nos, qui in facto historico subsistimus,

talia non curamus, sumimus nomina ut sunt, nomina nimirum hominum civibus Hoseae satis notorum.

וְהָיָה בְּנִי לְךָ בֵּן. His verbis non indicat vates se filium ex uxore procreasse, sed consulto iterum, ut antea, verbis ambiguis utitur, quibus nil definitur nisi: eum filium ex illa natum suscepisse. Praeterea pronomen לְךָ deest in quibusdam Codicibus ap. de Rossium ad h. l.

4. Cognoverat vates consilium Dei, ut fata sua domestica exemplo essent et symbolo fatorum Israeliticorum. Itaque se liberis nomina ad rem pertinentia dedisse et sic monitui Iehovae obsequium praestitisse poetice narrat. Quod verbis expressit: וְיִאמְרֵי יְהוָה אֵלַי. Sufficit haec dixisse: nam eum obsecutum fuisse Deo omnibus notum fuit. Nomen maioris filii fuit יִרְמְיָהוּ. Verbum duplicis significationis. Poterat enim et bono et malo sensu accipi. Radix יָרַע est *seminare*, scil. *semen ut augescat*. Eadem vero est *dispergere*. Hoc loco malo sensu esse intelligendum, memoria et infelicissimi regis cruore Nabothi contaminati, qui in urbe lisreele nefaria sua facinora patraverat 1 Reg. 21., et cladis in valle lisreele Saulo a Philistaeis illatae 1 Sam. 29, 11., item c. 31., et cruentae vindictae a familia Ahabi in eadem valle lisreele sumtae 2 Reg. 9. suasit. Post tot tamque infelices casus nomen lisreel non nisi malo omine ab Israelitis audiri potuit. Id voluit vates: postea autem remota acerbitate orationis, ne parvula quidem literarum mutatione, qua in reliquis duobus nominibus infantium opus erat, adhibita, transiit ad faustam significationem. Praeterea illud nomen infaustum simul urbi primariae Israelitarum iuxta Samariam¹⁸⁾ inhaerebat et levi inflexione vocis nomen honorificum Israelis cum illo commutari poterat. Ad quod probe attendisse videtur vates, nam et urbis lisreelis et domus Israelis in nostro versu ita meminit, ut infaustum omen huic portentum esse luculenter appareat. Hiero-

18) vid. Hieron. ad h. l. qui eam vocat *metropolin regni Samariae prope quam sunt campi latissimi et valles nimiae vastitatis*.

I, 4.

nymus alium etiam typum vocis *Iisreel* addit. Quod enim, inquit, propter sanguinem Naboth, qui effusus est in *Iisreel*, deleta est domus Achab, sic propter sanguinem veri *Iisreel* h. e. seminis Dei destructum est regnum Iudaeorum. Eichhorn significationem rad. ירע neglexit, dum nomen *Iisreelis* ita solvit: „es züchtigt Gott,“ et postea vallem *Iisreelem*: „im Thal der Strafe Gottes.“

Sequitur nunc quod infausto illo nomine significari voluerit vates, nimirum *interitum familiae Iehu*, quae eatenus quatuor reges imperio Israelitico dederat, et omnino *finem imperii Israelitici*. Illud prius indicatur verbis יְהוָה אֶת-דָּמֵי יִרְעָאֵל עַל-בֵּית יְהוָה. Quod praecedit עַד מָוֶט est: *brevi, propediem*. Erat enim vaticinium; fore ut *Iehu trinepotes in Israelitarum soleo sedeant* 2 Reg. 10, 30. Quod ubi ita intelligitur, ut quartus post Iehum ultimus ex eius posteris rex sit, tempore Ierobeami vel brevi post eius obitum, qui tertius erat, unus modo restabat Sacharias, isque a magna civium parte recusatus, propterea etiam interitus huius familiae non procul aberat. יִרְעָאֵל pr. *invisere*, quod vel malo vel bono sensu fieri poterat. H. l. ut in multifariis V. T. locis: *invisere peccata ad ea punienda*, respondet Latino: *animadvertere*. v. Gesen. Lexic. ad h. v. Non clarum est, quid intellexerit vates sub דָּמֵי יִרְעָאֵל. Puto: *omnia malefacta a regibus Israeliticis, quorum pars in urbe Iisreele sederat, commissa*. De posteris Iehu sigillatim sermo esse non potest, quippe qui potissimum in nova urbe regia Samaria commorati fuerint, nec de Iehu ipso, nam sanguis ab eo in urbe Iisreele profusus iussu Dei fluxerat. Verum qui factum est, ut posteris Iehu poenas flagitiorum a se non commissorum luerent? Primum non anxie premenda est significatio *sanguinis Iisreelis*, ac si cruenta tantum facinora in urbe vel in valle Iisreele patrata punienda fuissent. In favorem nominis, quod infanti erat, vates h. l. omnia flagitia regum Israeliticorum isto nomine complectitur. Etsi enim plures regiae sedes in regno Israelitico commemorantur, Sichem 1 Reg. 12, 25., Thirza 1 Reg. 15, 33. 16, 23., imprimis Samaria ab Amri exstructa 1 Reg. 16, 24; 29., tamen urbem Iisreelem, ubi palatium re-

gium erat, saepius invisisse videntur reges Israelitarum, quod certe de illis e familia Ahabi constat, cf. 1 Reg. 21, 1. 2 Reg. 8, 29. 9, 30. 10, 11. Ex qua regia sede, per synecdochen partis pro toto vates epitheton characteristicum regum Israeliticorum in universum formavit, ut caedes Isreeliticae sint eae, quae ab illis, quorum palatium Isreele erat, patratae sunt. Eodem modo dicuntur 7, 5. רצוח שִׁמְרֹן. Quae forma loquendi nostro usitatissima est. Habemus enim semper Ephraim. pro regno Israelitico, Samariam pro eodem 14, 1., Bethel pro omni cultu imaginum 10, 15. (cf. Ioseph pro Israelitis Am. 5, 15. 6, 6. cf. Glass, Phil. S. p. 1273 sqq.). — Deinde reges e familia Iehu non insontes erant, verum meritis poenis afficiendi; favebant enim idololatriae iisdemque flagitiis, quibus Ierobeam filius Nebati iram Iehovae commoverat 2 Reg. 10, 31. 13, 2. 10. 11. 14, 24. Propterea meliora sperare haud licuit, quam quae prioribus familiis regiis contigerant. Extincta erat familia Ierobeam, extincta Baesae, extincta Simri. Nunc idem interitus manebat familiam Iehu ob eadem facinora. Ergo poetica forma remota sensus hic est: *brevi ego Iehova familiam Iehu evertam ut priores familiae regiae eversae sunt, quoniam particeps facta est scelerum, quae illis interitum paraverunt.* Eodem fere sensu, ut videtur, de Wette: „noch wenige Zeit, so ahne ich die Blutschuld von Isreel am Hause Iehu.“ Alii interpretes veram significationem verborum quaerentes sanguinem Isreelis putant esse: *nefariam caedem Nabothi ab Iesabele praeparatam*; alii improprie acceperunt pro cultu idolorum, imprimis vitulorum a Ierobeamō Dana et Bethelē instituto, a Iehu autē non extirpato. Al. de caede spirituali, quam induxerit Iehu domui Israelis et Dei populo cum idololatriam stabiliret, cf. Ier. 2, 34. Ez. 3, 18. 20. Al. dicunt intelligi: *ipsas caedes a Iehu perpetratas Isreele, quando Achabum cum suis interficiebat quidem, verum intus in corde longe aliud spectabat, cum non tantum multa crudelius quam decebat ageret, sed etiam alteram partem mandati divini, nempe exstirpationem idololatriae, prorsus negligeret, praedae tantum inhians, non pietatem curans* cf. Tarnovii comment. ad h. l. LXX. pro Iehu habent ἐπὶ τὸν οἶκον τοῦδα, quod scriptorum inscientia irrepsisse Hieronymus suspicatur.

I, 4. 5.

וְהִשְׁבֵּתִי מִמְלַכּוֹת בֵּית יִשְׂרָאֵל: *Non solum in familiam Iehu puniturus inveham, sed omnino tollam separatum illud mihi semper infestum imperium Israelis.* His verbis propheta non interitum regni per Assyrios vaticinari videtur, sed finem illius nefariae separationis tribuum Iacobiticarum et coniunctionem omnium duodecim restituendam. Id enim 2, 2. luculentissime commemoratur. Quamquam hoc modo regiae potissimum familiae triste fatum portenderetur, tamen haec eversio rerum, cum inter bella civilia tunc temporis iam accensa (vid. introduct. p. 47.) eventura esset, non sine maximis damnis et calamitatibus ab universo populo ferendis fieri poterat, quod v. 5. innuit.

5. Formula Hebraica וְיָדִיד בֵּינִים הָיָא וְשִׁבְרָתִי anget gravitatem vaticinii et retinere debet attentionem lectoris in ea re, ut apud LXX. καὶ ἑσται et de praeterito facto formula usitata וְיָדִיד, καὶ ἐγέvero. בֵּינִים הָיָא: tunc temporis scil. ubi illa eversio imperii Israelitici eveniet. *Frangam arcum i. e. vim militarem, arma et praesidia, quibus freti sunt.* Hieron.: *robur exercitus.* cf. Ier. 49, 35. Ps. 76, 4. In verbis קָשָׁת יִשְׂרָאֵל בְּעֵמֶק יִזְרְעֵאל videtur esse lusus verborum s. paronomasia. Utrum id evenerit quod vates praedixit, in valle Iisreele futuram esse stragem Israelitarum, nec ne, de eo nihil memoriae proditum est. Hieronymus quidem narrat: *in hoc commisso certamine ab Assyriis caesus est Israel.* Utrum vero hoc hauserit ex certis monumentis historicis, an in honorem vaticinii contenderit, incertum est. Unde alii בְּעֵמֶק יִזְרְעֵאל vertere maluerunt *propter vallem Iisreelem i. e. propter caedes ibi factas* cf. Drusius ad h. I. S. V. Kuinoel a nostra sententia de significatione verborum admodum recedit, cum contendit: *Iisreele esse imaginem victoriae.* Victoria quidem fere illis in regionibus a Gideone de Midianitis reportata est Iud. 6, 33 sq. Verum illius victoriae memoria obscurata fuit tristibus eventis recentioribus, vid. ad v. 4. Ergo ista vox imago non victoriae sed infortunii erat. Vate omnino indicare voluit *magna clade perditum iri imperium decem tribuum.* Ut autem nomine designaret locum cladis, id ei suavit et situs illius vallis ad

gium erat, saepius invisisse videntur reges Israelitarum, quod certe de illis e familia Ahabii constat, cf. 1 Reg. 21, 1. 2 Reg. 8, 29. 9, 30. 10, 11. Ex qua regia sede per synecdochen partis pro toto vates epitheton characteristicum regum Israeliticorum in universum formavit, ut caedes Iisreeliticae sint *cae, quae ab illis, quorum palatium Iisreele erat, patratae sunt*. Eodem modo dicuntur 7, 5. רָעוּת שְׁמִרֹן. Quae forma loquendi nostro usitatissima est. Habemus enim semper *Ephraim* pro regno Israelitico, *Samariam* pro eodem 14, 1., *Bethalem* pro omni cultu imaginum 10, 15. (cf. *Ioseph* pro Israelitis Am. 5, 15. 6, 6. cf. Glass. Phil. S. p. 1273 sqq.). — Deinde reges e familia Iehu non insontes erant, verum meritis poenis afficiendi; favebant enim idololatriae iisdemque flagitiis, quibus Ierobeam filius Nebati iram Iehovae commoverat 2 Reg. 10, 31. 13, 2. 10. 11. 14, 24. Propterea meliora sperare haud licuit, quam quae prioribus familiis regiis contigerant. Extincta erat familia Ierobeamii, extincta Baesae, extincta Simri. Nunc idem interitus manebat familiam Iehu ob eadem facinora. Ergo poetica forma remota sensus hic est: *brevi ego Iehova familiam Iehu evertam ut priores familiae regiae eversae sunt, quoniam particeps facta est scelerum, quae illis interitum paraverunt*. Eodem fere sensu, ut videtur, de Wette: „noch wenige Zeit, so ahne ich die Blutschuld von Iisreel am Hause Iehu.“ Alii interpretes veram significationem verborum quaerentes sanguinem Iisreelis putant esse: *nefariam caedem Nabothi ab Iesabele praeparatam*; alii improprie acceperunt pro cultu idolorum, imprimis vitulorum a Ierobeamio Dana et Bethale instituto, a Iehu autem non exstirpato. Al. de caede spirituali, quam induxerit Iehu domui Israelis et Dei populo cum idololatriam stabiliret, cf. Ier. 2, 34. Ez. 3, 18. 20. Al. dicunt intelligi: *ipsas caedes a Iehu perpetratas Iisreele, quando Achabum cum suis interficiebat quidem, verum intus in corde aliud spectabat, cum non tantum multa crudelius quam debebat ageret, sed etiam alteram partem mandati divini, nempe exstirpationem idololatriae, prorsus negligeret, praedae tantum inhians, non pietatem curans* cf. Tarnovii comment. ad h. l. LXX. pro Iehu habent ἐπὶ τὸν οἶκον τοῦδε, quod scriptorum inscientia irrepsisse Hieronymus suspicatur.

I, 4. 5.

וְהִשְׁבַּתִּי מִמְּלִכּוֹת בֵּית יִשְׂרָאֵל: *Non solum in familiam Iehu puniturus inveham, sed omnino tollam separatum illud mihi semper infestum imperium Israelis.* His verbis propheta non interitum regni per Assyrios vaticinari videtur, sed finem illius nefariae separationis tribuum Iacobiticarum et coniunctionem omnium duodecim restituendam. Id enim 2, 2. luculentissime commemoratur. Quamquam hoc modo regiae potissimum familiae triste fatum portenderetur, tamen haec eversio rerum, cum inter bella civilia tunc temporis iam accensa (vid. introduct. p. 47.) eventura esset, non sine maximis damnis et calamitatibus ab universo populo ferendis fieri poterat, quod v. 5. innuit.

5. Formula Hebraica וְהָיָה בַּיּוֹם הַהוּא וְשִׁבַּרְתִּי anget gravitatem vaticinii et retinere debet attentionem lectoris in ea re, ut apud LXX. καὶ ἐστὶν et de praeterito facto formula usitata וַיְהִי, καὶ ἐγένετο. בַּיּוֹם הַהוּא: tunc temporis scil. ubi illa eversio imperii Israelitici eveniet. Frangam arcum i. e. vim militarem, arma et praesidia, quibus freti sunt. Hieron.: robur exercitus. cf. Ier. 49, 35. Ps. 76, 4. In verbis קָשֶׁת יִשְׂרָאֵל בַּעֲמֶק יִרְדֵּנָה videtur esse lusus verborum s. paronomasia. Utrum id evenierit quod vates praedixit, in valle Iisreele futuram esse stragem Israelitarum, nec ne, de eo nihil memoriae proditum est. Hieronymus quidem narrat: in hoc commisso certamine ab Assyriis caesus est Israel. Utrum vero hoc hauserit ex certis monumentis historicis, an in honorem vaticinii contenderit, incertum est. Unde alii בַּעֲמֶק יִרְדֵּנָה vertere maluerunt propter vallem Iisreelem i. e. propter caedes ibi factas cf. Drusius ad h. l. S. V. Kuinoel a nostra sententia de significatione verborum admodum recedit, cum contendit: Iisreel esse imaginem victoriae. Victoria quidem fere illis in regionibus a Gideone de Midianitis reportata est Iud. 6, 33 sq. Verum illius victoriae memoria obscurata fuit tristibus eventis recentioribus, vid. ad v. 4. Ergo ista vox imago non victoriae sed infortunii erat. Vate-omnino indicare voluit magna clade perditum iri imperium decem tribuum. Ut autem nomine designaret locum cladis, id ei suasit et situs illius vallis ad

pugnam inter omnes regni regiones fortasse aptissimae, tot cruentis proeliis notatae, et symbolica significatio huius vocis, quae universalem hanc notionem exhiberet: *in valle ubi Deus dissipabit populum*.

6. **וְהָיָה עוֹד וְהָיָה בָּתָּא**. Iterum res ambigua relinquitur, utrum e marito, an ex amasio conceperit. Quod filiam peperit, id interpretibus ponderi est. Schmidtio v. c. videtur *respicere ad sexus miserabilitatem*. Sexus enim muliebris prae virili misericordiam consequi solet, at hic ne illi quidem Deus parcere voluit. Drusius: *ut, ait, per filios populum, ita per filiam innuit Synagogam*; al. scribunt: *per filiam accisas regni vires denotari*. Vates autem non in eo, quod uxor filiam pepererit, significationem symbolicam reperisse videtur, sed satis habuit, filiae symbolicum nomen dedisse. Nomen autem a Iehova sibi suggestum esse vates pingit verbis **וְהָיָה עוֹד וְהָיָה בָּתָּא**. Nomen erat **לֹא רַחֲמִים**, LXX. *οὐκ ἔλεημένη*. Chald.: *non misericordiam consecuti sunt in operibus suis*. Hieron.: *absque misericordia*. Varians lectio in vett. Codd. LXX. est: *οὐκ ἠγαπημένη*, quam secutus est Paulus in recitando hoc loco Rom. 9, 25. Petrus vero nostram usitatiorem lectionem adfert 1 Petr. 2, 10. Licet prima Coniunctio ex Arabica et Syriaca analogia magis indicat *diligere*, tamen usitatius Piel *misereri* et h. l. 3 Pual: *misericiordiam consecuta est* cf. 14, 4. Formula **לֹא עוֹד** alias quidem, secundum Glassium, certum aliquod temporis spatium indicat. Verum h. l., ubi **עוֹד** post **אִסְרָהּ** positum est, redundare, certe nil nisi significationem augere videtur. Id quidem probe tenendum, Deum non in universum populo misericordiam denegare (contrarium enim indicat 2, 1—3.), sed in eo tantum misericordiam defuturam, quod nunquam restitutus sit regnum Israelitarum i. e. 10 tribuum. **בֵּית יִשְׂרָאֵל**, ut antea v. 4. ita saepius occurrit in vate nostro, v. c. 5, 1. 12, 1 cet. pro stirpibus imperii Israelitici separatis ab imperio Iudaico. **כִּי נָשָׂא אִשָּׁה לָהּ**. Multifariae sunt interpretationes horum verborum, quarum recensionem vid. ap. Rosenmueller, ad h. l. Afferam eas tantum, quae in ecclesia auctoritatem nactae sunt, LXX. *ἀντιτασσόμενος ἀντιτάξομαι αὐτοῖς* i. e. *adver-*

I, 6.

sabor iis, ut נָשָׂא sit *efferre se contra aliquem*, quae significatio verbi in Niphal quidem occurrit verum in prima coniugatione argumentis confirmari vix poterit. Hieronymus: *oblivioni oblipiscar eorum*, ex commutatione radicis נָשָׂא tulit, cum נָשָׂא s. נָשָׂא *oblitus est*, quae commutatio e defectu accentuum temporibus Hieronymi nondum in textum receptorum facile nasci poterat. Luth.: *sed prorsus abiiciam eum*, addita hac explicatione: נָשָׂא *est abiicere, disseminare. Quod si quid dispergitur, antea tolli debet; unde primaria significatio in lucem prodit. Proprie igitur verba audirent: auferam eam, ut abiiciam. Verum ut haec explicatio admodum arbitraria est, ita usui pronominis לָהּ non convenit. Chald.: veruntamen si conversi fuerint dimittendo dimittam iis. Praeterea interpretes verba elliptice intellexerunt et quisque ex arbitrio aliquid addiderunt ad sententiam supplendam. Maxime provulgata est sententia Ebn Esrae, qui contendit his exponi exilium decem tribuum, ut nempe verbo נָשָׂא tribuatur usitatissima significatio: *penitus auferam eos*, cui addit Kuinoel notionem *abigendi s. abducendi* scil. in captivitatem, a voce Arab. نَدَا. Verum de abductione in captivitatem in omnibus tribus capitibus nondum sermo est (v. introd. p. 39.) et pronomini לָהּ, quocunque tandem modo hac explicatione torqueatur, nimia vis infertur. Facillima et naturalis maximeque usui loquendi V. T. conveniens est explicatio: *ut iis ignoscam*, probata etiam viris doctissimis, Tremellio, Iunio, Drusio et V. Ill. Gesenio in Lex. ad h. v. נָשָׂא cum dat. personae saepissime ita occurrit, ut sit *tollere s. remove ab aliquo peccatorum poenas* scil. suppleta voce עָוֹן, v. c. Gen. 18, 24. 26. Num. 14, 59 cet. cf. Ps. 25, 18. ubi formula plenius audit נָשָׂא לְכָל-חַטֹּאתַי *remove culpam ab omnibus peccatis meis*. כִּי autem, si ante futurum ponitur, est coniunctio, consilium aliquod indicans, quemadmodum Latinum *ut*, ex analogia Arabica كَيْ, v. c. Gen. 38, 16. Deut. 14, 24 cet. vid. introd. p. 103. Quam sententiam versio nostra exhibet: *mi-se-rebor domus Israel, quin ab iis poenas repetam.**

7. **בְּיָמֵי יְהוֹשֻׁעַ** *imperium duarum tribuum* quod *Iudaicum* dicebatur, oppositum stirpibus Israeliticis, quae nomine **יִשְׂרָאֵל** et **אֶפְרַיִם** in toto vaticiniorum Hoseae fasciculo leguntur. In Iuda spes erat posita; ibi enim purior Iehovae cultus etiam nunc superstes erat. Regnabant posteri Davidis magis pie Deum reverentes, erant denique instituta ad cultum Iehovae pertinentia, templum Hierosolymitanum, lex Mosis, promissiones Iehovae illis locis illisque posteris Abrahami adnexae. Regnum contra Israeliticum inde ab initio Deo non placuerat, quia eo constituto vinculum familiae et religionis, quo ex singulari divino iussu inter se et cum Iehova coniuncti intacti et invicti a barbarorum impetu essent, prorsus dissolutum erat; quia inde ab hoc tempore pars posterorum Iacobi irruptionibus barbarorum minus defensa patebat: quia inde perniciose bella utriusque gentis oriebantur: quia denique deficientibus sacris religiosis genti peculiaribus Israelitae ad cultum superstitiosum simulacrorum avidissime proruebant. Iam si Israel periret Iuda servanda erat ad salutem ipsam illorum refractariorum. Nulla igitur Deo erat clementia erga Israelitas, dum separatim regnum effecerunt. Misericordia autem eos manebat quippe posteros Abrahamae rursus cum Iuda coniungendos ut restituerent rem a Deo initiatam. Sic intelligitur, quomodo eadem Lo Ruechama et Ruechama, idem Loammi et Ammi appellari potuerint, sic quoque sensus horum et sequentium verborum, eorumque nexus cum 2, 1. 2. restituendus est, cf. Herder Geist der Hebr. Poesie, II, 404.

In columbes servabo eos scil. cives regni Iudaici, **בְּיָמֵי אֱלֹהֵי** est emphatica circumscriptio pronomini primae personae scriptoribus V. T. usitatissima, neque aliud quid nisi *per me* significans, cuius plura exempla laudavit Glassius in Phil. S. p. 150. 152. Exod. 30, 16. Lev. 10, 11. Ps. 50, 14. Chald. vertit **בְּיָמֵי דֵי** *per verbum Dei*, et plurimi antiquiorum interpretum e talibus locis arcanum trinitatis extorserunt. Hieron. vertit: *in domino deo suo h. e. in se ipso qui loquitur, vel pater in filio, secundum illud, quod scriptum est: pluit dominus a domino Gen. 19, 24.* cf. Ge-

I, 7.

sen. im Ausführl. Lehrgeb. p. 740. Inest autem his verbis aptissima oppositio eorum, quae sequuntur בקשר, בחרב etc. qua vates significare vult: nullis viribus et artibus humanis sed Deo soli Iuda salutem suam debet. ולא אשיעם בקשר. His verbis inest vaticinium peculiari modo eventu comprobatum eoque dignius quod ponderetur, cum les. 31, 8. fere idem praedictum sit, nimirum: *cadet Assyrius non virorum gladio nec humano confectus ense, fugae se mandabit non ob gladium.* Nec bene egisse videtur S. V. Rosenmueller, quod hoc vaticinium iusto brevius absolvit. Non enim negari potest prodigiosam cladem Assyriaco exercitui illatam, qua tempore Hiskiae Iudaeorum respublica ab interitu servata est 2 Reg. 19, 35—37. et les. 37, 36—38., vaticinio nostro fuisse simillimam. Cum autem factum habeamus duplici loco duorum prophetarum tam consentaneum, nil restare videtur, nisi ut existimemus: aut illa vaticinia divinitus inspirata, aut post eventum addita, aut illam inauditam stragem Assyriorum, ubi in una nocte 185 millia hominum per Iehovae angelum occisa feruntur, in gratiam nostrorum vaticiniorum si non excogitatam; tamen adornatam fuisse. Cum autem posteriores sententiae cum sana SSae loca interpretandi ratione convenire vix possint, restat divina inspiratio. Quae quidem ita vatibus contigisse videtur. Vati nostro ex historia Iacobiticae gentis divini auxilii exempla in promptu fuerunt, ubi vires Iudaeorum admodum impares fuerant immensis hostium viribus et ubi Deus ipse pro populo dimicasse traditus fuerat, v. c. Exod. 14, 23—31. Ios. 6, 2—20. 10, 8—13. Iud. 5, 7. 8. 7, 15—22. 1 Sam. 7, 10., ut ex iis spem repetendi divini praesidii rebus pari modo desperatis excipere et ardore pietatis plenus populo infigere posset. Praeterea autem punctum comparationis inter utrumque regnum, et Iudaicum et Israeliticum, bene observari debet, ut intelligamus, quam simplex quaque e re ipsa petita sit nostrum vaticinium. Regnum Israeliticum pingit vates ita confectum iri bello civili, ut tandem viribus exhaustum ad primum foedus cum reliquis 2 tribubus v. 5. 4. 2, 2. 3, 4. 5. refugiat; Iudaicum vero florens et validum sub felici

I, 7. 8.

sceptro Usiae eiusque magistri Sachariae, ut illa pericula quae regno Israelitarum immineant (nempe neces belli civilis omnes vires absorbentes) illi non metuenda sint. Itaque sensus verborum, occasione qua vates scripsit diligenter ponderata, non alius esse potest nisi hic: *eos servabo sine bello et cladibus civium i. e. ita ut tranquillam maneat pace interna minime turbata, nec opus sit arcu, gladio, armis etc.*; quae vere temporibus Usiae et Iothami eventu comprobata sunt. Si autem oraculum nostrum de fatiis regni in universum valere censeamus, historia eventui repugnat. Utique enim Deus arma Iudaeorum iuvit, ut in bellis exteris Philistaeos, Arabes, Mennitas et Ammonitas vincerent 2 Chron. 26, 7. 8. 27, 5. Quae quidem vates h. l. ita praedicavit, ut ratione sui temporis habita de prorsus alia re valerent, iis Dei providentia mutatis temporum vicibus alio modo eventum adiecit, quamquam non miraculosum (pestis enim fuit, qua trucidabantur Assyrii, non miraculum) inauditum tamen illi vaticinio consentaneum. Hoseae vero oraculum fortasse instante ab Assyriis periculo a Iesaja, quem illud optime novisse nemo infitias ibit, tanquam eventu proxime comprobandum suo modo repetitum est. Verba nostri versus *arcus, gladium, arma, equi et equites*, instrumenta militaria, quibus tunc temporis utebantur, indicant. מִלְחָמָה i. q. כְּלֵי מִלְחָמָה: per metonymiam *arma*, ut Ps. 76, 4. cf. Gesen. ad h. v.

8. מַלְאֵל pr. *ad maturitatem perducere*, de fructibus Num. 17, 23. Ies. 18, 5.; porro *educare ut maturus fias*, de hominibus 1 Reg. 11, 20.; hinc *ut maturum tractare*, et conferendo, quod ad accipiendum maturus est, imprimis iterum perdendo id, quod quis meritis est, unde significatione *retribuere* in omnibus lexicis occurrit atque cum praep. לְ construitur, et ablactando maturum infantem, unde *ablactare* h. l. et Ies. 11, 8. Gen. 21, 8. 1 Sam. 1, 22. In narratione tertii puerperii rursus nil inest, quod ambiguitatem de filii origine tollat. Chald. qui parabolam in toto loco deprehendit, uberius explicat verbum nostrum ita: *habitatores autem eorum, qui exules transportati sunt inter populos, inventi sunt misericordia indigni in ope-*

I, 8. 9.

ribus suis, sed addiderunt perpetrare mala opera. Sunt interpretes, qui filiae ablactionem typum esse ablati usus divini verbi s. ademtorum reliquorum, quibus hucusque in patria sua frui fuerant, commodorum augmentum, cf. Hieron.: qui ablactatur recedit a matre, parentis lacte non vescitur, alimentis sustentatur externis. Ita et Israel proiectus a Domino et captivitatis circumdatus angustiis, atque in Babylone cibis sustentatus immundis vocatur etc. Quibus contradixit Manger ap. Rosenm. ad h. 1.: *ablactatio per se nihil mali infert, praesertim apud Hebraeos, qui diem, quo ad illam aetatem puer pervenerat, festum et genitalem habebant* Gen. 21, 8.

9. Vates iterum filium Deo monente לֹא עִמִּי appellatum fuisse refert. Redit ad Israelitas, de quibus solis typus noster valet. Nam ubi Iudaeorum mentio fit, id tantum quasi in parenthesi fit ad amplificandum et definiendum monitum Israelitis destinatum. *Israelitae, ut nunc se gerunt, non populus meus sunt. At ubi mutata sorte mutatisque moribus cum Iudaeis coniuncti erunt, rursus populus meus erunt* cf. 2, 1. 2. Nimirum sub Vetere Testamento tota gens Iacobitica populus Dei erat cf. Lev. 20, 26 cet. idque non solum spiritualiter, sed etiam politice, siquidem reipublicae gubernatio, omnes eius institutiones, victoriae, duces etc. a singulari divina providentia pendebant. Ex ista peculiari Dei tutela exciderant Israeliticae stirpes inde ab infausta separatione flagitiis et idololatria, propterea *non amplius populus Dei erant.* לֹא-אֶהְיֶה לָכֶם: Hieron.: *non ero*, LXX: καὶ ἐγὼ οὐκ ἔμι ὑμῶν. Ellipsis s. reticentia, ut Drusus eam vocat, his verbis inest, ut Ps. 56, 10. 118, 6. Suppleri debet sive אֶלְהִים, ut Lev. 26, 12. Ier. 11, 4. cf. 2. Cor. 6. 16., sive יְשׁוּעָה respectu ad v. 7., ut Hebr. 13, 6. βοηθός μου. In sola edit. Aldina LXX. expressum legitur: ἐγὼ οὐκ ἔμι θεός ὑμῶν. Chald.: *verbum meum non erit in adiutorium vestrum.*

II, 1. In nonnullis Hebraicis et Graecis Latinisque libris hi 3 versus priori capiti accensentur. Certe arctissime inter se cohaerent. Quod enim de flagitioso et refractario populo Israelitico dictum erat, id amplius locum habere non poterat, simulac, id quod va-

tes sperabat, cives ad meliorem frugem redierant. Ex vatis sententia tempus haud procul aberat, quo illa felix mutatio eventura esset. Domus Iehu erat peritura, nec intelligere poterat vates, quidni populus denique resipisceret et sublata illa nefasta separatione ad coniunctionem cum reliquis stirpibus verumque Dei cultum recurreret. Quomodo hic versus cohaereat cum praecedentibus, id non ex nostra dicendi cogitandique ratione explicari debet, sed ex ingenio auctoris nostri, qui saltu nonnunquam ad res plane alienas transilit, quas tamen copulativo, coniungit. Nec opus est, ut cum nonnullis putemus, in nostro loco aliquam partem excidisse, nec cum Eichhornio (die Hebräischen Propheten ad h. l. Tom. I. p. 75.) e seriori additamento in textum receptam esse. Quam quidem sententiam idem V. III. dimisit Einleit. ins A. T. 4. Aufl. Tom IV. p. 277., statuens: his tribus versibus vatem praeproperam spem reconciliationis Israelitarum cum Iudaeis exhibuisse, cuius spei vanitatem postea ipse intellexerit, magis sobriam futurorum eventuum expectationem 2, 4 — 25. meliori poemate suis proponens. Hebraei, imprimis noster, particulam γ latissima significatione in quolibet genere copulationis verborum adhibent. Ita saepe vim habet sermonem corrigendi, quemadmodum Latinum *imo*, *quin*. Promittit autem vates loco calamitatum c. 1. uno tenore feliciora tempora. Quae cum reipublicae Israeliticae non contigerint, plerique interpretes hoc vaticinium referendum putarunt ad tempora Messiae. Quod quidem verum est, quatenus omnis laeta spes, qua exhilaraverant prophetae animos suorum, spirituali modo per Messiam impleta est. Si autem vatem h. l. expresse de Messia cogitasse statueremus, nimiam orationi vim inferremus. Praeterea res eadem est: ut tribus laeobiticae nunquam politice sub uno rege reconciliatae sunt, ita ne per Christum quidem spiritualiter illam restitutionem in unam familiam fieri passae sunt. Substituunt veteres interpretes renitentibus Israelitis gentiles eorum loco ad regnum Dei per Christum institutum venturos, v. c. Hieron.: *Beatus Hoseae prophetae assumens testimonium et exponens illud super vocatione gentium et eorum fide, qui e Iudaeis credere voluerunt! Omnem nobis difficultatem abscondit asserens: [Christi*

II, 1.

temporibus esse completum, ut scil. in Israel eligantur 12 tribus, h. e. omnis populus Iudaeorum, et in Iuda hi, qui ex gentibus dominum confitentur. Si quis autem de numero circumcisionis responderit: sonare filios Iuda et filios Israel, et in hoc dantes manus nihil fidei nostrae nocere monstrabimus. Sed postquam fuerit numerus filiorum Israel quasi arena maris in orbe dispersus, tunc habebit licentiam Israel, qui hodie quoque captivus est, cum 2 tribubus, quarum magna pars in Christum credidit, inire concordiam, ut corporibus separatos iungat fides, et unum sibi caput ponant et principem. Vides autem tam arbitraria explicatione quaecunque in libros sacros inferri posse. Nos in eo subsistamus, ut statuamus: prophetam intimo amore erga populum suum commotum id sperasse, quod omnibus bene de rebus Israeliticis sentientibus cordi erat, fore ut restituatur una natio sub uno rege e familia Davidis orto, quae quidem Deo suo semper fidelis omnibus bonis ab eo abunde exornaretur. Neque in eo haerendum est, quando et quomodo, imprimis per Christum, eventu hoc comprobatum sit, dummodo id teneamus, Deum nunquam spem piorum hominum fefellisse, et quae civilia et terrestria bona non assecuti sint, ea multo uberius spirituali modo iis compensata esse felicitate per Christum assequenda, non autem solis Israelitis, sed omnibus gentibus. Ita etiam dissertatio Pauli hunc locum allegantis Rom. 9, 22—26. est intelligenda cf. 1 Petr. 2, 10. vid. introd. p. 41.

Vates, imaginem futurae emendationis rerum Israeliticarum ex sua re domestica hausit. Amavit uxorem 13, 1., liberos eius, de quorum origine in dubio erat, nec educare nec ut suos tractare recusavit, spe fretus fidem et pietatem domi suae restitutum iri. Idem de populo suo speravit. Itaque factorum suorum significationem iterum ad Israelitas retulit. Orditur nunc promissionibus v. 1., et quae v. 2. adiungit, conditionem continent sine qua illae promissiones non valeant, de quibus tamen ita agit, ac si de iis nullo modo dubitari possit. Promittit suis primum *immensam posteritatem*: וְהָיָה מִסְפָּר בְּנֵי-יִשְׂרָאֵל כְּחֹל הַיָּם, secundum promissa iam Abrahamo facta Gen. 13, 16. et Iacobo repetita Gen. 32, 13. Quae vaticinia eum pia

mente respexisse Lutherus ad h. l. bene monuit. Descriptio est poetica maximam multitudinem indicans, omnibus scriptoribus sacris et profanis usitatissima. vid. 1 Reg. 4, 20. 5, 9. Ier. 33, 22. Ies. 10, 22. Ps. 139, 18. Theocrit. idyll. 15. Ovid. Trist. 4, 55. Promittit porro: *qui antea dicti fuerunt non meus populus postea dicentur filii viventis Dei*. Idque בְּמִקְוֵם אֲשֶׁר i. e. in patria Palaestina. Nam ibi degebant, quibus vates nomine filii Loammi emissionem e patrio amore portenderat. Iacobi posteris nulla felicitas optanda erat neque exspectanda, nisi in illis terris Abrahamo promissis, quas patres tantis laboribus occupaverant quasque per tot annos victores et fortunati possederant. Non igitur extrinsecus felicitas ab iis quaerenda erat, quemadmodum olim ex Aegypto alias sedes quaesituri migraverant. Haec non solum mea, sed interpretatio est Hieronymi, Chald. LXX. Pauli Rom. 9, 26., a qua recesserunt Tremellius, Grotius alique, qui verba בְּמִקְוֵם אֲשֶׁר vertunt: *pro eo quod — dicebantur*. Verum vix demonstrari poterit בְּמִקְוֵם eo significato legi. Certe Ies. 33, 21. simplex substant: מִקְוֵם legitur: Mutatio nominis בְּנֵי אֱלֹהִים in בְּנֵי אֱלֹהִים typum illius nominis 1, 9. clarius indicasse videtur. Inde etiam intelligitur vatem in primo versus membro ad nomen יְיָ אֱלֹהֵינוּ respexisse, idque fausto sensu, *ut Deo adnuente posteris Israelis ceu arena maris seminando i. e. propagando augescant*. בְּנֵי אֱלֹהִים epitheton solenne veri Dei, cf. Ies. 37, 4. Ps. 42, 3. ut in N. T. ὁ Θεὸς ζῶν 2 Cor. 3, 3. 1 Thess. 1, 9., oppositi idolis, quae appellantur מִקְוֵם Ps. 106, 28. Sens.: *Mutatis moribus mutabitur quoque populi sors, et patria, quae nunc videt nationem a Deo derelictam et fere oppressam, videbit eam a Deo rursus singulari cura tectam beneficiisque insignitam.*

2. Causa restituti Dei favoris simul tanquam signum eiusdem favoris exhibetur. Etenim sublata illa nefaria stirpium Iacobitarum separatio cum mentis resipiscentis erat initium, fratribus scilicet se adiungentibus fratribus, tum Dei beneficium, quippe pristinam Davidicam vim et gloriam recuperari sumentis. יִקְבְּצוּ

II, 2.

congregabuntur scil. ad reconciliationem. Niphal, ut Lat. passivum, habet vim reciprocam, quae diserte exprimitur altero membro וְשָׁמַיִךְ לָהֶם; LXX. συναθροῦνται καὶ θύσουται ἑαυτοῖς. Qui h. l. vaticinium temporum Messiae volunt, v. c. Drusius, est, contendunt, *Synecdoche: non enim omnes intelligit, sed tantum fideles inter eos. Quibus accensendi, qui e gentibus Christo nomen dederunt.* וְשָׁמַיִךְ לָהֶם רִאשׁוֹן אֶרֶץ: constituent sibi unum principem. LXX. e nimia fide verterunt: ἀρχὴ πλὴν. Hoc principe, ut Rosenmuell. recte monet, et noster vates, et Ezechiel 37, 22., et Micha 2, 13. non Serubabelem, ut quidam (v. c. Drusius) nugantur sed regem, eumque longe potentissimum sapientissimumque a Davidica stirpe oriundum (reges enim tribuum Iudaicarum a Davide originem ducebant) innuere non est quod dubitemus. Hanc esse sententiam 3, 5. diserte declarat. Chald. hanc explicationem iam exceperat: constituent sibi caput unum de domo Davidis. Modo ne putemus Hoseam h. l. iam regem spiritualis regni divini i. e. Christum, in mente habuisse. וְעָלֵינוּ מִן־הָאָרֶץ. Interpretes haec verba de restitutione e Babylonica captivitate intelligunt. Allegant loca Ier. 23, 8, Zach. 14, 17, Esr. 2, 1. Nehem. 7, 6., quibus עָלָה de redeuntibus exilibus adhibeatur. Verum הָאָרֶץ sine ulla rem magis illustrante nota terram Assyriacam, Babylonicam vel aliam quamcunque terram praeter Canaanem significare e nullis V. T. locis elici potest; de quibus terris barbaris contra formula הָאָרֶץ in seriis libris usitata est, cf. Ez. 20, 32. 2 Chron. 17, 19. 32, 13. 17. al.; הָאָרֶץ autem, si nude ponitur, terram Canaaniticam s. patriam vatis indicat, v. c. 1, 2. 2, 20. 25. 4, 1. 4. cf. Ioel 1, 2. 14. 2, 1. etc. Itaque nostro loco, ubi vates nulla notula nec instans exilium, nec loca terrasque exilii designaverat, nemo verba וְעָלֵינוּ מִן־הָאָרֶץ vel legens vel audiens de restitutione ex illo exilio cogitare poterat. Accedit quod עָלָה apud nostrum quidem dicitur de migratione in Assyriam v. c. 8, 9., nunquam autem de transitu ex Assyria in Canaanem. Verum enim vero substantivum הָאָרֶץ saepius de statu humili et depresso occurrit, cf. Ps. 44, 26. Ies.

26, 4. 5. 47, 1. Ier. 17, 13. Job. 7, 21. Est adeo haec primaria significatio nominis אֶרֶץ analoga Arab. rad.

أَرْضٌ *humilis fuit*, unde أَرْضٌ *quicquid depressum et humile est*. עָלָה autem non solum indicat ascensum proprie sic dictum, sed omnino tropice *augeri, crescere, sursum efferri*, v. c. Dent. 28, 43. 1 Reg. 22, 35. Sic h. l. sensus est: *evehentur e miseria sua ad meliorem rationem*. Studium hunc locum spiritualiter interpretandi alias progeniit explicationes, v. c. Lutheri: *ascendent ad coelestem patriam et ad meliorem vitam ex hac peregrinationis terra*, et Schmidti: *ascendent Apostoli et Evangelistae doctores e terra Israelis in universum mundum et exhibunt ad oppugnandum regnum Diaboli inter gentes*.

בִּי יוֹמֵי יִרְמְיָהוּ *magnus dies i. e. memorabilis, notatu dignus*. Sic occurrit apud Latīnos, vid. Rosenmüll. ad h. l., et apud Hebraeos Joel 2, 11. Mat. 3, 23 al. Nomen *Isreel*, quod c. 1, 4. infaustum omen habuit, nunc feliciorē sortem portendit. Unde etiam Chald. qui antea verterat *dispersos*, h. l. exponit: *Nam magnus erit dies congregationis eorum*. Rectius: *dies i. e. tempus illud felicissimum, quo seminabit Deus populum, ut magna incrementa capiat et ad meliorem conditionem evehatur*. Ita sensus utriusque versus simul cum nomine constituitur.

3. Formula *fratribus et sororibus* nil aliud indicare videtur nisi: *vocate vos invicem s. alter alteri*, v. Drus. ad h. l. Facta enim illa reconciliatio non amplius discrimen erit: *Omnes una simul Israelitae et Iudaei fratres et sorores eritis, omnium Deus miserebitur omnesque populus Dei eritis*. His indicatur simul omne odium omnemque invidiam inter utramque gentem finitum iri, quae olim tanta fuerant ut bella acerbissima his stimulis gererentur, cf. 1 Reg. 14, 30. 15, 7. 16. 32. 2 Reg. 9, 27. 13, 12. 14, 11 — 15. 16, 5. Non enim *vos* peculiari modo, ac si altera pars posteriorum Iacobi Deo acceptior esset altera, sed *fratres sororesque* et regni, quod nunc Israel, et quod Iuda vocatur, *cuncti appellabimini populus Dei*. Loco illorum nominum Israelis et Iudae quae separationem vestram indicant, simul nomen

II, 3.

geretis Ammi et Ruechama. Commemoratio fratrum et sororum sine dubio fit in gratiam utriusque sexus liberorum vatis. Quod autem ad symbolica illa nomina adinet, ea ita comparata fuisse ex nostris verbis intelligitur, ut mutatis moribus populi faustum omen illius *Isreelis* ultro emicaret, inque his duobus parvula tantum mutatione *Loruechama* in *Ruechama* et *Lo-ammi* in *Ammi* opus esset, ut eorum quoque infastum omen averteretur. LXX. τῶ ἀδελφῶ ὑμῶν καὶ τῇ ἀδελφῇ ὑμῶν. Qua de causa singularem adhibuerint, non liquet. Fortasse ut parallelismus maneret cum singulari צמ et צמיה. Chald. sorores iu paraphrasi sua omisit.

III.

Cap. II, 4—25.

4. Litigate cum matre vestra! cum ea litigate! Videlicet cum illa uxor mea esse noluerit equidem maritus eius non ero. (Verum removeat consuetudinem illicitam ab osculis et adulteram ab amplexu suo; 5. ne vestimenta ei detrahā eamque nudam prostituam, uti cum nasceretur, fuit; ne exponam eam in desertum aut colloce in terram exsiccātam, ubi morti eam tradam prae siti obaeundae, 6. et liberorum eius me non misereat, qui scilicet ex illegitimo concubitu nati sint.) 7. Quippe in stupro vixit eorum mater, pudenda commisit eorum genitrix, dicere solita: prosequar amatores meos dotantes me pane, aqua, lana, lino, oleo et potu. 8. Quamobrem repente obsepīam eius viam spinis et circumducā macerīam, ut semitas suas nunquam inveniat, 9. ut amatores prosequatur, verum non assequatur, ut quaerat eos, verum non reperiat; usque dum dicet: revertar ad maritum meum pristinum, nam meliori tunc,

quam nunc, sorte fruebar. 10. Nondum ipsa novit quantum proventum ei dederim frumenti, musti et olei, et quomodo eam locupletaverim argento et auro, quae quidem omnia impenderunt in Baalem. 11. Propterea recipiam frumentum meum tempore suo et mustum meum die sua, auferam lanam linumque, quibus nudum corpus tegit. 12. Tunc quoque relegam eius turpitudinem coram amatoribus eius, nec ullus eam e manu mea liberabit. 13. Finem faciam omnium eius gaudiorum, festorum, noviluniorum, sabbathorum et omnium solennium eius conventuum. 14. Devastabo vites et ficus eius, quas gloriata est amorum esse mercedem ab amasiis sibi datam; easque omnes convertam in silvam, ubi ferae pabulum quaerant. 15. Sic poenas immittam ei propter dies festos Baalibus institutos, quibus suffita fecit ornata annulis et monilibus suis hosce amasios studiose quaerens, mei vero prorsus oblita; inquit Iehova. 16. Atqui blandis modis eam commovebo, in locum solitarium eam ducam et loquar ad cor eius. 17. Exinde ei vineas restituum et vallem Achor ei reddam ostium bonae spei. Ibi monitis meis respondebit, ut temporibus pueritiae, vel quo tempore egressa est e terra Aegyptiaca. 18. Tandem, inquit Iehova, me vocatura eris: mi marite! nec amplius me nomine Baalis appellabis. 19. Diluam penitus nomina Baalium e lingua eius, ita ut non amplius recordentur eorum nominis. 20. Tunc temporis pangam quoque iis foedus cum bestiis camporum, cum avibus aëris, cum reptilibus terrae, et arcus, et gladios, et castra fracta ejiciam e terra ista, secure eos recubare sinam. 21. Te autem mihi despondebo usque ad remotissim tempora: te, inquam, mihi despondebo pretio iuris

H, 4.

iustitiae, benevolentiae et misericordiae. 22. Omni-
no te mihi despondebo pretio fidelitatis. Tum au-
tem cognosces Iehovam. 23. Illo tempore eveniet,
ut exaudiam, inquit Iehova, exaudiam coelos, coeli
exaudient terram, 24. terra exaudiet frumentum,
mustum et oleum, haec autem exaudient Israelem.
25. Semina eius mihi spargam per istam terram,
miserebor filiae Loruechamae, dicam filio Loam-
mi: populus meus es! et iste me Deum suum
vocabit.

Aliam poematis formam nunc vates excipit. Fin-
git se cum liberis et cum uxore colloquium instituisse,
quo symbolico illo matrimonii sui exemplo curas de
Israelitica gente, querelas et consolationes ad eam per-
tinentes exhibet. Pingit se in eo fuisse, ut eiiceret
uxorem e domo sua animumque prorsus ab ea averte-
ret. Quid profuit liberorum eiulatus, quid anxiae cu-
rae nonnullorum civium bene de republica sentientium?
Mater ad meliorem frugem redire recusavit, cum matre
liberi sunt eiiciendi, cum republica cives perdendi. At
amor vatis intimus in infelicem familiam ut in patriam
idem manebat. Nunc poetico sermone haec omnia de
ratione, quae intercedat inter Deum et impium popu-
lum, ita exposuit, ut elegantissimum idyllion prodeat,
quod iuxta Graecos et Latinos poetas non erubescat.

4. רִיבִי בְּאֶמְכָּם. Iam in mediam rem rapit audi-
tores et lectores. Dolorem domesticum sibi verba de-
disse fingit, quibus liberos allocutus sit. Verum ora-
tione progrediente multo maior anxietas supervenit ami-
co patriae et dolor domesticus solvitur in amorem pa-
triae. Tropo remoto sensus hic exit: *Non accusate
Deum, qui semper tam benigno erga vos animo fuit.
Quodsi vobis adhuc deest felicitas, accusate statim,
perversissimum imperii, qui, ut omnis quasi super ido-
latria fundatus est, ita cives profert abiectos et ipsos
meliora sentientes communè miseriae implicitos.* Itaque

id tenendum est: *matris typo* intelligi *republicam Israeliticam et complexum civium in universum; typo liberorum, cives in concreto, homines tunc viventes miseriam et mala sua sentientes*. LXX. passive vertunt: *ἐπιβλέψατε πρὸς τὴν μητέρα ὑμῶν*, quod Hieron. verbis: *iudicamini cum matre vestra reddidit*, quam quidem interpretationem Hebraico dicendi modo non consentaneam omnes missam fecerunt interpretes et ipse Hieronymus, qui habet: *iudicate matrem vestram*. Ex tota orationis serie constat, *ריב* (quod nonnunquam in bonam partem dictum est: *defendere*, cf. Ies. 1, 17. Ps. 43, 1.) h. l. esse i. q. *הוֹכַחְתִּי*: *litigate cum matre, obiurgate* (12, 3.) *matrem vestram*. Sic Chald.: *arguite coetum Israelis*. Verba *כִּי-אִשָּׁה* nonnulli recentiorum v. c. Kuinoel. ad h. l. in parenthesis posita legunt, ut verba sic cohaereant: *contendite cum matre ut recedat a scortatu (nam nec mea uxor est, nec etc.)*. Alii duce Chaldaeo, qui inserit: *et dicite ei*, *כִּי* particulam orationem alterius indicantem esse putant, ut Ps. 148, 13. Ies. 30, 5. Alii particula *כִּי* causalis est ad utrumque sequens comma pertinens, ut Graec. *ὅτι*, quod LXX. habent, cf. Hieron.: *quoniam ipsa non uxor mea et ego non vir eius*. Mihi quoque copula *כִּי* causam litis indicare videtur, sed una simul respectu habito alterius membri *לֹא אִשָּׁה*: Sens.: *quoniam enim non mea uxor est* i. e. *esse vult*, erat quidem uxor, sed uxorem castam et piam se gerere nolebat: *ego quoque eius maritus non ero*. Sic avertit causam reprobationis simul a se ipso et a Deo viamque parat declarando animo semper proclivi ad reconciliationem cum uxore resipiscente. Exinde apparet, parenthesis quidem adesse sed non in iisdem ipsis, sed in sequentibus verbis *וְהָסֵר* usque ad finem versus 6.

Sequens *ו* in: *וְהָסֵר* vim habet adversativam: *sed, verum*. Radix *הָסֵר*: *remove*, quod notissimum est. Voces *וְהָסֵר* et *נִאֲסִיפָהּ* metonymice intelligenda sunt pro consuetudine impudica et adultera s. sociis libidinum suarum, uti v. c. *אֲמִינִים* *veritates* pro *fidelibus hominibus* Ps. 12, 2. 31, 24., *יְלִדָתָךְ* *nativitates tuas*

II, 4.

pro natis tuis Ps. 110, 3, מָרִי *rebellio* pro populo *rebelli* Ez. 44, 6. Hanc consuetudinem suadet vates uxori remove a facie i. e. ab osculis et a mammis i. e. ab impudico amplexu. Particula מִבֵּין pr. *ab inter* id probare videtur. Vates, apud quem singulae voces vim suam habent, coniungit praepositionem, quae quoddam intimum commercium amantum inter se innuit, cum praep. מִן ut contrarium efficiatur, quemadmodum מֵאַחֲרֵי 1, 2., מִתַּחַת 4, 12., מֵעַל 9, 1. cf. Ewald kritische Gr. d. H. Spr. p. 615 — 617. In amplexu amasii inter utera שְׁדֵי בֵין iacent, hinc, מִבֵּין, removeantur. Poetice vates notat aliquas impudicitiae actiones, ut alias tacere possit. Quae magna cum elegantia et castitate orientali, nostris quidem verecundiae regulis non recensenda, hoc modo describit, multo lascivioribus coloribus pingit Ezech. 23, 3—21., qui si non offenderunt lectores castitatis studiosos, non video, quomodo h. l. cauta et modesta commemoratio impudicae rei aliquem offendere potuerit. Inde a Kimchio plures fuere interpretes, qui locum nostrum ita explicarent ut Ez. 23, 1., nimirum de tactu uberum v. c. Schmidt ad h. l. Alii vere offensi aliter verterunt, v. c. Drusius, qui vult prohiberi meretricem, colore peregrino faciem inficiat ad alliciendos amatores et ne ubera comprimat ad occultandam graviditatem. Rosenmueller simplicius, inquit, est dictionibus זָנִינִי et נֶאֱפִינִי gestus lascivos et blandimenta meretricia intelligere: quae vultui et uberibus tribuuntur, ut sistatur mulier toto habitu libidini addicta atque ad eam excitandam et exercendam unice composita. (Iarchi quidem monet, fuisse morem adulterarum, ut se ornarent inter mammās suas.) Luth.: ne oculis et uberibus; quae longe alia causa iis a Deo data sunt, nimirum oculi ad intuendum Deum et ubera ad nutriendum et fovendum infantes, ad per-versas libidines abutantur. LXX.: καὶ ἐξαγῶ τὴν πορνείαν αὐτῆς ἐκ προσώπου μου, καὶ τὴν μοιχείαν αὐτῆς ἐκ μέσου μαστῶν αὐτῆς. Chald. sine tropo: verbum meum non suscipiet orationem eius donec auferat opera sua mala e vultu meo et cultum idolorum suorum de medio civitatis suae.

5. Monet vates quo in periculo versetur libidinosa mulier, si libidinibus porro indulgeat: quae omnia tropice in nationem Israeliticam transferuntur. Hoc versu triplex poena ei indicatur, ignominiosa prostitutio, emissio e domo, inopia. Designat his simul promptum ad reconciliationem cum uxore animum, quae, licet revera propter infidelitatem uxor eius non erat, tamen redire poterat in pristinum amorem, modo ne insisteret suis flagitiis. **פִּן אֶשְׂרִימָה עֲרֻמָּה** *ne spoliem eam ita, ut nuda fiat.* Loci sunt, ubi similis poena prostibulis inferenda describitur, Ier. 13, 26. 27. Ez. 16, 39. 23, 29. Nah. 3, 4. 5. vid. Michael. ad h. l. **וְהַצַּגְתִּיהָ בְּיוֹם הַיְלָדָהּ** *prostituiam eam ut sit, uti die nativitatis suae.* Quod uno verbo **עֲרֻמָּה** expresserat, his verbis alio modo describit: tempore enim nativitatis nudi in lucem prod-eunt. Verum in tropo de Israelis verba **בְּיוֹם הַיְלָדָהּ** singulare pondus habere videntur. Nimirum: *Deus hunc populum aequae inopem et contemptum reddet, ac fuit, dum commorabatur in Aegypto.* Sic Hieron. quoque interpretatur. Ez. 16, 4—6. uberius describitur, qualis gens fuerit a principio. Fortasse Ezechiel nostrum locum in mente habuit. **וְשָׂמַתִּיהָ כַּמְדָּבָר** LXX. ad verbum: *ἡσὼ αὐτὴν ἔρημον*, pro quo al. codd. *ὡς ἔρημον*. Verum bene monet Rosenmueller **בְּיוֹם**, **כַּמְדָּבָר** et **כַּאֲרָץ** plane sibi respondere. Ut enim neminem fugiet illud positum esse pro **כַּבְּיּוֹם**, ita hoc nostrum et sequentia eodem modo explicanda erunt: scil. *ceu in desertum et, ceu in terram.* Ceteram praefixum **כ** similitudinis monet, vatem nostro loco imaginem in mente habuisse, quae quidem facile a lectoribus intelligi possit. Ad uxorem quidem imago Hagaris, quae pariter Abrahami uxor non erat, ut illa non amplius Hoseae, ei obversabatur v. 4., ad Israelitas vero desertum Arabicum, in quo 40 annos commorati sunt. Hagar cum filio in deserto fame et siti fere opprimebatur Gen. 21, 15. 16., Israelitae autem pari modo in calamitosa peregrinatione omnis generis molestias perpassi erant. Talibus imaginibus summam miseriam ante oculos ponere animosque terrore percellere voluit, ut tandem resipiscerent, Eichhorn alio modo rem excepit: „sonst muss

II, 6. 7:

ich ihre Heimath in eine Wüste wandeln und sie zum dürren Erdreich machen.“ Verum de uxore, non de eius patria sermo est.

6. Hoc commate vates pergit in sermone, quem v. 5. verbo בָּרַךְ inchoaverat. Ut animus matris misericordiae erga liberos commovendus erat, ita natio Israelitica et demagogi debebant intelligere, quam turpe quamque perniciosum sibi foret, si cives flagitiis impliciti culpa sua pereant. בְּנֵי זְנוּנִים *liberi in scortatu matris procreati*, ut Ies. 57, 4. יִלְדֵי-פֶשַׁע וְרַע שָׁקֵר, υἱοὶ τοῦ αἵματος τούτου, υἱοὶ τοῦ φωτός Luc. 16, 8. Cum h. l. nulla alia explicatio verborum cogitari possit, eam etiam 1, 2. eodem modo quaerendam esse apparet. Simulatque autem mater non vera uxor a marito agnoscebatur, liberi patre destituti participes fiebant sortis miserimae, quae matrem manebat. Iam parenthesis finem habet.

7. Hoc comma iterum copula causali כִּי repetita ad initium versus quarti pertinet. Repetit matris improbitatem, quemadmodum aliquis diras et acerbis castigationes aegre immissurus causam, cur immittendae sint, iterum iterumque sibi repetit, ut ita reprimantur sensus doloris et misericordiae. הַמָּתָר de matre: *scortata est*, de natione Israelitica: *idololatriae se dedit* 1, 2. Ier. 3, 8. הַיְבוּשָׁה Hiph. intransitive dicitur: *ignominiam sibi contrahere, pudenda committere*, cf. Prov. 10, 5. 12, 4. LXX. κατὰσχυνε primaria significatione usi; pro quo varians lectio κατὰσχύσθη, quam secutus est Hieron.: *confusa est*, quod apud Patres eccles. idem est atque: *pudore suffundi*. הַמָּתָר LXX. ad sensum: ἡ τεκοῦσα αὐτὰ, *genetrix eorum*. Hieron. proprie: *quae concepit eos*. Cuius in sequentibus vates exemplum impudicitiae exhibet. Hieronymus: *annon est hoc durae frontis et meretriciae impudicitiae, ut in suo scelere glorietur et dicat: sequar amatores meos?* אֵלֶכָה אַחֲרֵי *sequar*, cf. 1, 2. מֵאַחֲרֵי dicuntur, qui alias אַחֲרֵיבִים appellantur, fortasse quod alienas mulieres in sui amorem pelliciunt donis et muneribus. Nam par-

ticipium illud idem valet ac si dicatur: amare facientes me. Drusius. Tropo remoto intelliguntur *idola*, quorum cultui se quaevis dona debere *deceptus populus opinabatur*. Alii interpretes intelligunt *nationes barbaras*, Assyrios, Aegyptios, Syros etc., quatenus ea fiducia iis habeatur quae soli Deo habenda sit, vid. Schmidt. Verum, quamquam coniunctionem cum iis aegerrimè ferebat vates noster, tamen de ea nondum h. l. sermo est. Agitur tantum de flagitiosa propensione Israelitarum ad cultum simulacrorum et de insanis rationibus, quibus illam propensionem excusabant. Loquens fingitur mulier: *quid est, quod maritum meum curem, cum omnibus abundem, quae non tantum ad victum et amictum, sed ad voluptatem faciant?* Pari modo impia gens de Iehova cogitabat: *gavisi sumus fertilitate terrae, triumphos reportavit Ierobeam, florent urbes, laute viximus: quid igitur est, quod redituri ad severum cultum Iehovae dulcia nostra idola deseramus?* cf. Ier. 44, 17. 18. נְתַתִּים לִי לָחֶם נְתַתִּי לָחֶם Hebraismus pro נְתַתִּים לִי לָחֶם. His et sequentibus verbis recensentur bona, quae non tantum ad vitam, sed ad delicatam et voluptariam vitam necessaria putabantur. Oleo unguenti loco utebantur. *Potus*, postquam aquae mentionem fecerat, indicat *vinum et siceram*, quae non tantum ad bibendum ut libidines inde excitarentur, sed etiam ad corporis lotiones et purgationes adhibebantur. Drusius.

8. Iam nova periodus sequitur. לָכֵן: *propterea*, quoniam et tam impudica cupidines suas prodit, et tam obcoecata est fiducia ergo amatores. Deus autem impedimenta obicit populo infideli, primum ut eum in pudorem coniiciat, deinde ut ostendat bona illa non ab amatoribus profecta esse, postremo ut pristini status desiderio captus praesentem spernat atque ita sapere discat suo malo edoctus cf. Tarnov. ad h. l. הִנֵּנִי innuit inopinatum interventum Iehovae, quasi iam adsit populum puniturus, procul dubio aptissime habito respectu ad bellum civile tunc temporis iam inflammatum. שֶׁן אֶת־הָרֶבֶה LXX. τὴν ὁδὸν αὐτῆς. Syrus et Arabs eodem modo, monente Kuinoelio. Eorum lectionem הָרֶבֶה commendat concinnitas orationis. Nam in omnibus ce-

II, 8. 9.

teris commatibus vates de tertia persona loquitur. Verum num LXX. textum mutaverint, an, ut vertunt, legerint omnibus in locis, dubium est. Quamquam autem a vate transitus ab altera ad alteram personam non alienus sit, tamen in versione totius versus octavi concinitatis causa tertiam personam retinendam esse censui. **בְּסִרְיִם** spinis circumdaturus est eius viam ut impediatur quominus cum amatoribus conveniat. **גִּדְרָהּ** i. q. **גִּדֵּר**, quaevis munitio — Germ. Befriedigung — qua locus circumdatur ut accedentes arceantur, v. c. muri urbis Ps. 89, 41., caulae gregum, Schaafhürden Num. 32, 16. 24. 1 Sam. 24, 4., sepes circum hortos aut campos 1 Chron. 4, 23, eaque virens Nah. 3, 17. **וְגִדְרֵי** **אֶת-גִּדְרָהּ**: circumducam maceriam, ex noto Hebraismo, ubi verbum sufficeret, adiecto nomine significatio augeatur. Suffixum **הּ** non pronominis nota sed foeminini est, itaque ne **גִּדְרָהּ** legatur. Non enim maceriam, sed semitam eius impedimentis obstruere voluit. LXX. sensum, non verba, exhibent: ἀνοικοδομήσω τὰς ὁδοὺς. **בְּתִיבוֹתֶיהָ**: semitas suas i. e. quibus incedere solebat ad amores suos illicitos.

9. Porro causam uberius exponit, cur semitas mulieris impedimentis obstructurus sit: ut amatores suos prosequatur verum non assequatur. **וְרָדָהּ**, Piel forma poetica significationem primae coniugationis augens: ut studiose prosequatur. Gr. διώκειν, LXX. καταδιώξεται. Sequens comma **וְלֹא תִבְקֶשְׁתָּם וְלֹא תִמָּצֵא** fere idem significat: quaerat, quos prosecuta est, scil. amatores, sed frustra, eos non inveniet. Quodsi tropo remoto minae de Israelitis valent, sensus v. 8. et 9. hic est: Iehova ita fata vestra ducet, ut vanitas spei vobis in oculos incurrat. Venietis in tantas rerum angustias, ut vos derelictos ab idolis vestris praedilectis sentiat et omne eorum auxilium frustra a vobis quaeratur. Ex quo intelligitur, addit Hieronymus, quod providentiâ Dei saepe nobis accidant mala, ne habeamus ea, quae cupimus, et variis calamitatibus huius saeculi ac miseriis ad Dei servitutem redire cogamur. Nec in his adhuc de exilio Israelitarum aliquid invenio. Non enim de

ticipium illud idem valet ac si dicatur: amare facientes me. Drusius. Tropo remoto intelliguntur *idola*, quorum cultui se quaevis dona debere deceptus populus opinabatur. Alii interpretes intelligunt nationes barbaras, Assyrios, Aegyptios, Syros etc., quatenus ea fiducia iis habeatur quae soli Deo habenda sit, vid. Schmidt. Verum, quamquam coniunctionem cum iis aegerrimè ferebat vates noster, tamen de ea nondum h. l. sermo est. Agitur tantum de flagitiosa propensione Israelitarum ad cultum simulacrorum et de insanis rationibus, quibus illam propensionem excusabant. Loquens fingitur mulier: *quid est, quod maritum meum curem, cum omnibus abundem, quae non tantum ad victum et amictum, sed ad voluptatem faciant?* Pari modo impia gens de Iehova cogitabat: *gavisi sumus fertilitate terrae, triumphos reportavit Ierobeam, florent urbes, laute viximus: quid igitur est, quod redituri ad severum cultum Iehovae dulcia nostra idola deseramus?* cf. Ier. 44, 17. 18. נִתְּנִים לִי לָחֶם נִתְּנִי לַחֲמִי Hebraismus pro נִתְּנִים לִי לָחֶם. His et sequentibus verbis recensentur bona, quae non tantum ad vitam, sed ad delicatam et voluptariam vitam necessaria putabantur. Oleo unguenti loco utebantur. *Potus*, postquam aquae mentionem fecerat, indicat vinum et siceram, quae non tantum ad bibendum ut libidines inde excitarentur, sed etiam ad corporis lotiones et purgationes adhibebantur. Drusius.

8. Iam nova periodus sequitur. לָכֵן: propterea, quoniam et tam impudica cupidines suas prodit, et tam obcoecata est fiducia ergo amatores. Deus autem impedimenta obicit populo infideli, primum ut eum in pudorem coniiciat, deinde ut ostendat bona illa non ab amatoribus profecta esse, postremo ut pristini status desiderio captus praesentem spernat atque ita sapere discat suo malo edoctus cf. Tarnov. ad h. l. הִנֵּנִי innuit inopinatum interventum Iehovae, quasi iam adsit populum puniturus, procul dubio aptissime habito respectu ad bellum civile tunc temporis iam inflammatum. שֶׁן אֶת־הָרִבָּה LXX. τὴν ἐδὲν αὐτῆς. Syrus et Arabs eodem modo, monente Kuinoelio. Eorum lectionem הִנֵּנִי commendat concinnitas orationis. Nam in omnibus ce-

II, 8. 9.

teris commatibus vates de tertia persona loquitur. Verum num LXX. textum mutaverint, an, ut vertunt, legerint omnibus in locis, dubium est. Quamquam autem a vate transitus ab altera ad alteram personam non alienus sit, tamen in versione totius versus octavi concinitatis causa tertiam personam retinendam esse censui. **בְּסִירִים** spinis circumdaturus est eius viam ut impediatur quominus cum amatoribus conveniat. **גִּדְרָה** i. q. **גִּדָּר**, quaevis munitio — Germ. Befriedigung — qua locus circumdatur ut accedentes arceantur, v. c. muri urbis Ps. 89, 41., caulae gregum, Schaafhürden Num. 32, 16. 24. 1 Sam. 24, 4., sepes circum hortos aut campos 1 Chron. 4, 23, eaque virens Nah. 3, 17. **יִגְדְּלֶנָּה** : circumducam maceriam, ex noto Hebraismo, ubi verbum sufficeret, adiecto nomine significatio augeatur. Suffixum **נָה** non pronominis nota sed foeminini est, itaque ne **גִּדְרָה** legatur. Non enim maceriam, sed semitam eius impedimentis obstruere voluit. LXX. sensum, non verba, exhibent: ἀνοικοδομήσω τὰς ὁδοὺς. **נְתִיבוֹתֶיהָ** : semitas suas i. e. quibus incedere solebat ad amores suos illicitos.

9. Porro causam uberius exponit, cur semitas mulieris impedimentis obstructurus sit: *ut amatores suos prosequatur verum non assequatur*. **רָדְפָה**, Piel forma poetica significationem primae coniugationis augens: *ut studiose prosequatur*. Gr. διώκειν, LXX. καταδιώξεαι. Sequens comma **וְלֹא תִמְצָא וּבְקִשְׁתָּם** fere idem significat: *quaerat, quos prosecuta est, scil. amatores, sed frustra, eos non inveniet*. Quodsi tropo remoto minae de Israelitis valent, sensus v. 8. et 9. hic est: *Iehova ita fata vestra ducet, ut vanitas spei vobis in oculos incurrat*. Venietis in tantas rerum angustias, ut vos derelictos ab idolis vestris praedilectis sentiat et omne eorum auxilium frustra a vobis quaeratur. *Ex quo intelligitur*, addit Hieronymus, *quod providentiā Dei saepe nobis accidant mala, ne habeamus ea, quae cupimus, et variis calamitatibus huius saeculi ac miseriis ad Dei servitutem redire cogamur*. Nec in his adhuc de exilio Israelitarum aliquid invenio. Non enim de

frustra quaerendis idolis ipsis, quae in terris paganorum aequae, vel facilius etiam, atque in regno patrio, reperiri possent, sed de frustra quaerendo eorum auxilio sermo est.

Experientiâ edocta intelliget mulier non melius sibi consultum iri ac si redeat ad maritum. וְאִמְרָה i. e. *ut constituat apud se*, cf. 2 Sam. 21, 16. 2 Chron. 13, 8. Ps. 10, 6. Hominibus enim incultis potissimum alacri phantasia praeditis cogitare et loqui res eadem est, ita quidem, ut ipsas Dei cogitationes sermonem esse opinentur, quod voce הָבֵר notant (cf. 1, 1), quemadmodum φημι apud Homerum, Iliad. 14, 265. ἢ φῆς, ὧς Τρώεσσιν ἀρηξέμεν εὐρύσπα Ζῆν', 374 sq. οὐδ' ἔτι φημι Ἑκτορα Πριαμίδην μενέειν, 20, 348. ἀτάρ μιν ἔφην μὰψ αὐτῶς εὐχεταισθαι. אֶלְכָּה וְאִשְׁתִּיבָה: primum verbum quidem redundat, verum respectu v. 7. elegans est oppositio. Vox הָרָאשִׁינִי iuxta אִשְׁתִּי redundat, nam illi amasii, non autem mariti eius erant. אֲנִי: *tunc i. e. cum adhuc iuncta essem coniugi meo*. מֵעַתָּה: *quam nunc, i. e. ubi derelicta ab eo bona ex illicito commercio cum illis amatoribus exspecto*. Verba בִּי טוֹב לִי אֲנִי מֵעַתָּה, prius enim *meliori sorte quam nunc fruebar*, Graeci interpretes ad maritum referunt quasi antehac melius animatus fuisset cf. Drusius: *quam falso, res ipsa docet*.

10. *Tunc demum, ubi a me derelicta erit, intelliget non suis amatoribus, sed mihi deberi, quae bona fausta quaeque sibi contigerint; hucusque enim inexcusabili animi levitate non indigere meo auxilio et munificentia amatorum freta satis se habituram commodorum vitae opinata est*. לֹא יִדְעָה: *non intelligit*, v. lud. 13, 21. 1 Chron. 12, 32. Verba sequentia הִדְגִּן וְהִרְדִּישׁ cet. *quamvis aliter sonantia respondent versui 7. et designant itidem quaevis bona, quae ad amoenitatem et necessitatem vitae faciunt*. Verum id non sufficit. *Tantum abfuit, ut ea omnia deberet amasiiis ut ipse eam praestantissimis donis locupletarem*. וְהָיָה עָשִׂי לְבָעַל: *pr. multiplicavi ei argentum*. הָרָבִיתִי לָהּ: *subintelligendum est iterum הָרָבִיתִי לָהּ, post וְהָיָה au-*

II, 10.

tem suppleendum **אָנער**, v. Gesen. ausführl. Lehrgeb. p. 747 sqq. *Quod impenderunt in Baalem.* Verbum **עָשָׂה** cum praep. **ל**: *impendere in aliq.* 2 Chron. 24, 7. Vox ista, ut Latinum *facere*, pro materia subiecti varias induit significationes. Interdum est *praeparare* Gen. 18, 7., interdum *ornare, componere* Exod. 25, 39. 2 Sam. 19, 28. Hoc loco latissimo sensu sumitur, quod omnis generis res ad cultum Baalis pertinentes, instrumenta et ornamenta, auro illo confecerint, cf. Exod. 38, 24. Al. locum Ies. 37, 15. consulentes, ubi legitur: *domum Ionathanis fecerunt* i. e. mutarunt in carcerem, h. l. putant esse: *simulacra Baalis ex illo auro fabricarunt*, cf. Chald.: *ex quo confecerunt idola.* Verum illud simplicius est, et 8, 4., quem locum allegant, alia est constructio. Vates noster h. l. e. metaphora lapsus est, dum rem signatam pro signo, mutato numero subiecti expressit. Cum enim in toto capite de uxore locutus fuerit, nunc fervore dicendi abreptus pro singulari pluralem adhibet, ita luculentissime demonstrans se Israelitas semper in mente habuisse. Cuius quidem negligentiae culpa LXX. cum liberare voluisse videntur: αὐτῇ δὲ ἀργυρᾷ καὶ χρυσῷ ἐποίησε τῇ Βάαλ, ac si scriptum existisset **עָשָׂה** vel **עָשָׂה** Lev. 25, 21. Elegantia est h. l. et in v. 18. in usu vocis **בַּעַל**, quod nomen, nimirum a Babyloniis ortum, ubi *Bel* erat dominus et secundum Seldenum dei Dis Syris Syntagm. II. 1. p. 196. 201. sq. *verus Deus, Deus Optimus Maximus, summus rerum gubernator*, in linguam Hebraicam fortasse iam ante cultum idoli hoc nomine obvijs irrepperat. Latissimo sensu adhibebatur: *qui alicuius rei compos in eaque versatus est*, quemadmodum **בַּעַל הַחַלְמוֹת** Gen. 37, 19., **בַּעַל הַצִּיִּים** 49, 23., **בַּעַל הַבְּרִיִּים** Exod. 24, 14., **בַּעַל הַמָּה** Prov. 29, 22. cet.; unde sigillatim, qui cura et reverentia colitur, uti dominus Exod. 21, 29. Ies. 1, 3., heros Ies. 16, 8., maritus 2 Sam. 11, 26., vir amatus Joel 1, 8. Ita duplici sensu h. l. exhibetur, ut innuat et *Baalem* illud idolum proprie sic dictum, et eos, quos curis cupidinibusque amplectitur uxor. Cum enim v. 18. maritum non amplius nomine illo vago et ambiguo **בַּעַל** appellatum iri affirmetur, id fuisse ap-

pellativum nomen eorum, quibus quocunque modo mulieres se subiicerent, intelligitur. Secundum Hieronymum ad v. 18. e Syriaca et Hebraica lingua בַּעַל fuit *ἑξων*, quod cum sensu illorum laudatorum locorum optime convenit. Quod autem ad idolum attinet, cui nomen בַּעַל erat, id non tantum apud nostrum, sed ubique in V. T. occurrit. Idolum fuit origine Babylonica, quod indicare videtur nomen Baal s. Bel, qui fuit primus regum Babyloniorum, a filio Nino in numerum Deorum relatus, cf. Hieron. ad v. 18. Transiit eius cultus ad nationes Babylonii cognatione et vicinitate coniunctas, potissimum ad Assyrios, qui cultum eius cum cultu Saturni confuderunt, cf. Enseb. in Chron. praef. et de praeparat. l. 9. c. 4. Inter incolae Canaanis temporibus peregrinationis Iacobiticae gentis usitatissimus fuit, pro varietate gentium peculiaribus nominibus appellatus, v. c. Baal Peor apud Moabitas et Midianitas Num. 22, 41. 25, 3., apud Aethonitas Baal Sebnub 2 Reg. 1, 2., apud Sichemitas Baal Berith Iud. 9, 4., apud Philistaeos Baal Dagon Iud. 16, 23. 1 Sam. 5, 2., apud Syros Baal Rimmon 2 Reg. 5, 18. Cultiores quoque harum nationum Phoenices et Carthaginenses cultui Baalis s. Beli incubuerunt, unde, inquit Hieron. l. 1., *et Dido Sidonia regii generis, cum Aeneam suscepisset hospitio, hac patera Iovi vina delibat, qua Belus et omnes a Belo soliti* Aeneid. 1, 729. Hebraeis autem iam tempore Mosis placuit Num. 22, 41. 25, 3., multo magis temporibus iudicum Iud. 2, 11. 13. Altaria et lucos ei sacrarunt Iud. 6, 25. 28. Inde ab hoc tempore inter cultum Apidis s. vitulorum, quem ex Aegypto retinuerant, et Baalis ita pependerunt, ut utrique idolo sacra facerent. Ierobeam vitulis loca sacra constituit Dan et Bethel 1 Reg. 12, 28. 29., Ahab vero altaria et lucum Baali Samariae 1 Reg. 16, 32. 33. Cum Iehu familiam Ahabi deleteret, hunc turpissimum et obscenum cultum (Hos. 4, 13. 14.) evellere constituit, cuius quidem rei initium fecit destruendo altari Samaritano et interficiendis eius sacerdotibus 2 Reg. 10, 25-30. Verum brevi vel ipsius vel successorum fervor in purgandis moribus et religioso cultu Israelitarum refixit. Israelitae denique impune indulserunt amoris erga illum

II, 10. 11.

nefarium cultum et circa finem regni omnia rursus plena fuerunt istius idololatriae 2 Reg. 17, 16. Nec stirpes Indaeorum maculam non concepisse ex eodem nefario cultu vid. Hieronymum: *quod autem, aientem, auro et argento et cunctis opibus abundaverit Hierusalem et fecerit idola Baal daemoni Sidoniorum, sive ut alii rectius arbitrantur Babylonio, ex quo et Bel dicitur, Ezechiel plenius in suo ponit volumine et omnis Prophetarum narrat chorus.* cf. Selden de Dis Syris Synt. II, c. 1.

II. Non sufficit impedimenta obtulisse quominus uxor ultra auxilio amatorum frui posset; vates adeo apud se decrevit omnia illa bona quibus eam locupletavisset ei demere, quod idem tropo remoto de natione Israelitica valet. לָכֵן: propterea, quoniam nec noverit nec nosse voluerit, quantum boni marito suo deberet, nec dignam illis bonis se gesserit, impendendo ea in tam nefarios usus. אֲשֶׁר יִלְקָחָהּ. Ex Hebraismo notissimo, ubi duorum verborum coniunctim positorum unum adverbialiter accipiendum est (Gesen. Lehrgeb. p. 823), h. l. *rursus auferam, recipiam* cf. Michaelis ad h. l. הָגְנִי: *frumentum a me datum.* בְּתֵת: *tempus frumenti* est tempus, quo frumentum metitur, et *tempus musti* est tempus vindemiae, quemadmodum עֵת-הָעֵץ Job. 5, 26. et עֵת-עֵץ Ps. 1, 3. Minae illae, quatenus ad gentem Israeliticam pertinebant, eventu comprobatae videntur illis infelicibus temporibus, quae describuntur Joel 1, 11: 16. Sed non solum defectu victus et potus punietur, sed etiam vestimentorum privatione. לְבָשׁוֹת LXX. τοῦ μὴ καλύπτειν τὴν αἰσχυροσύνην αὐτῆς, ac si legeretur מְבָשׁוֹת, quos Dathe, Kuinoel al. secuti sunt. Verum iam notum est LXX. non semper verba accurate sequi. Nostro loco adeo consecutio orationis praeferendam esse vulgarem lectionem monet: quod enim privationem vestium excipit, id versui 12. reservatur. Porro verba אֶת-עֲרֹתָהּ לְבָשׁוֹת אֶת-עֲרֹתָהּ faciunt circumscriptionem vestium: *lana et linum ad tegendam nuditatem* i. e. *ad se vestiendum.* Simplex בָּשָׂה iam habet notionem vestiendi, v. c. Deut. 22, 12.

Ion. 3, 6. Ies. 58, 7., multo magis h. l. ubi phrasis plenius exprimitur. עֶרְוָה: *nuditas eius*, abstractum pro concreto: *nudum corpus*. Ceterum *lana mea* et *linum meum* secundum ordinem orationis nil esse possunt nisi: *lana et linum a me uxori data*. Hieron.: *quae operiebant ignominiam eius*.

12. Nunc suo ordine sequitur, quod frustra iam in praecedente versu quaesiverunt, scilicet ut retegatur uxoris turpitude. *Ereptis enim vestibibus nuda prostituetur conspectui amatorum*. Intelligitur maxime denudatio partium genitalium, quae ita turpis habebatur, ut adeo amatoribus spurcissima videretur, cf. Ies. 47, 3. Ier. 13, 26. Ez. 16, 37. נִבְלָה אֶפֶס λεγόμενον derivandum a נָבַל *concidere*, pr. de foliis marcidis Ps. 37, 2, hinc *marcescere, flaccescere* Ps. 1, 3. Ies. 1, 30. Unde substantivum nostrum interpretati sunt de membris marcidis scil. fame et inopia, quibus uxor a marito afficienda erat. Sic Eichhorn: *und ihren welken Leib entblößen*. Hieron. vertit: *stultitiam*, quoniam נָבַל significationem habet *stulte agendi* Prov. 30, 32. et nomen נָבַל saepius est *stultus*. LXX. τὴν ἀνεπαγγελίαν αὐτῆς, *immunditiam*. Putamus ortum esse a coniugatione Piel: *contumeliose tractare, dehonestare* Deut. 32, 15. Nah. 3, 6. et ita *turpitudinem, obscenitatem* indicare. Sic et contextui et castitati vatis optime respondet, cf. Chald. קִלְיָה *ignominiam eius*. Vates addit: idque fiet non in occulto sed *coram amantibus suis*, לְעֵינֵי מְאַהֲבֶיהָ, *qui si viribus valerent ipsi auxilio esse possent*. Verum אִישׁ לֹא-יִצְלִיחַ מִיָּדִי. Sens.: *eos erga me nihil valere eo in lucem prodibit, quod ita poenis a me mulctatam nullo modo mihi eripere nec e miseria liberare poterunt*. Tropo remoto: *aperiam civitatis et morum depravationem Israelitarum omnibus gentibus eosque contumeliae tradam, auxilium vero idolorum procul aberit*.

13. Quemadmodum hucusque uxor omnibus bonis dotata laute et splendide vixit, ita nunc finis erit eius gaudiorum, festorum et solennitatum. הַשְׁבֵּתִי *finire faciam*, ut 1, 4. מִשֹּׁדֵךְ non causas tantum

II, 13, 14.

gaudii, verum *gaudia ipsa* Ps. 48, 3. Ies. 62, 5. Remota enim felicitate gaudia cessant, et lacrymae in eorum locum succedunt. *יָמֵינוּ*: *festum quodvis eius anniversarium*: si de uxore valet v. c. *dies nativitatis*, si de populo, *festum ex ordine annorum idolis instituta*, quemadmodum in religioso cultu Iehovae instituta erant festa paschatos, pentecostes, tabernaculorum, quod posterius expressis nomine *יָמֵינוּ* legitur 2 Chron. 5, 3. I Reg. 8, 2. *יָמֵינוּ*: *festum menstrua eius*, nimirum initium cuiusque mensis a Latinis voce *Kalendarum* celebratum, Hebraeis quoque sacrum, vid. Num. 10, 10. Ies. 1, 13. 14. Amos. 8, 5. *שַׁבְּתֵיהֶם*: *sabbatha eius, dies festivi singularum hebdomadum* lege Hebraeorum Lev. 23. *מִיּוֹעֵד*: LXX. *πάσας τὰς πρυγυγείας* i. e. *conventus publicos et festivos, ludis, sacrificiis, nundinis immo omnis generis laetitiam celebrari solitos*, cf. Wahl in clavi N. T. ad h. v. Cum non solum h. l. sed etiam alias v. c. Ez. 46, 11. voc. *מִיּוֹעֵד* eodem modo vertatur, dubitari non potest, quin haec usitata eius significatio fuerit, quamquam 12, 10. alio sensu occurrat. Quodsi maritus de uxore loquitur, minatur: *se finem facturum esse omnium gaudiorum, ludorum, festorum et luxuriosorum conventuum cum amasiis*. Ubi autem Deus de gente Israelitica verba facit, indicat: *se aboliturum esse vi calamitatum publicarum omnes festos, splendidas solennitates et lautos conventus, quibus cultum idolorum ornaverint et ubi ipsis bene fuerit*.

14. Augentur poenae. Versu 11. messes tantum et vindemias deletum iri significatum erat, nunc vero hortos etiam vineasque penitus destructum iri promittitur. *בְּיָמֵינוּ* saepius pro *complexu dulcissimarum frugum* componuntur, cf. Ies. 36, 16. Ier. 5, 17. Joel. 2, 22. *אֲשֶׁר אֶמְצֵא*: nota relativi, quae in omnes casus quadrat, h. l. *de quibus dixit i. e. gloriata est*, ut v. 7. *אֶתְּנָה* et *אֶתְּנָה* a *תָּנָה*: *mercede conduxit* c. 8, 9. 10., unde *merces*, ob quam res vel homo alteri traditur, Graec. *μισθωσις*, quo verbo LXX. h. l. utuntur. In V. T. potissimum occurrit de pretio, quo conducuntur meretrices, ut se libidinibus aliorum prostituunt, idque

II, 14. 15. vel proprie Ez. 16, 31. 34. Deut. 23, 19., vel tropice de favore deastrorum 9, 1. Is. 23, 17. 18. Chald. יָקָר res pretiosas. לִיעָר: LXX. θήσονται αὐτά, i. e. faciam, ut fiant silva, nimirum loca, ubi vites et ficus creverant. Sens.: pro fertilitate et amoenitate, qua olim floruerunt illa loca, in posterum solitudines et pabula ferarum erunt. Ferae enim non silvam ipsam comedent, sed in ea pabulum quaerent. Indicatur vastitas. Ubi enim terra antea culta et fructibus repleta, tam deserta et solitaria erit, ut ferae secure degere possint. Pro לִיעָר LXX. legisse videntur, ut Hieron. notat, לָעַר. Vertunt enim: εἰς μαρτύριον. Deinde in fine addunt: καὶ τὰ πετεινὰ τοῦ οὐρανοῦ καὶ τὰ ἐρπετὰ τῆς γῆς, mere ficta, memoriter recitantes locum Gen. 1, 30.

15. פָּקַד, praesertim si apponitur praep. עַל: punivit, animadvertit in aliquem 1, 4. Nunc non amplius inhibere potest vates fervorem animi et quod hucusque tropice indicaverat, expressis verbis nominat servata tantum tertia foemini. Ego quidem, inquit Iehova, poenas immittam עַל־יִשְׂרָאֵל i. e. in Israellem s. Ephraimum, qui saepissime apud nostrum genere foeminino leguntur. אֶת־יָמֵי הַבְּעָלִים: tempora, quae in cultum Baalis impendit. Cultus ille superstitiosus tantò dignior erat poenis, quanto diutius iam universa natio ei dedita fuerat, cf. v. 10. Pluralis הַבְּעָלִים adhibetur nimirum ad designanda varia genera idolorum, quae eodem nomine scriptores sacri complectuntur cf. Iud. 2, 11. Ier. 2, 23., ubi Iudaeorum idololatria cultus Baalium vocatur, et postea v. 28. additur: quot urbes iis sunt, tot etiam deastri. vid. ad v. 10. Ut enim initium idololatriae in certam aliquam formam redactae apud Babylonios a Belo s. Baale erat factum, ita ab hoc primo idolo ad omnes nationes Asiae anterioris propagabatur, adiectis tantum nominibus et modis pro singularem superstitione et cogitatione effectis. Ceterum h. l. quoque ad elegantiam facit ambiguitas illius vocis, de qua v. 10. Postquam enim sermo fuerat de uxore omni tropo ab ea desumpto, ipsius perversi amores ex usu loquendi optime voce הַבְּעָלִים designari poterant,

II, 15.

quae quidem vox ad Israelitarum idololatriam diserte notandam satis valebat.

Relativum h. l. plenius exprimitur: אֲשֶׁר לָהֶם quam v. 14., ubi nude אֲשֶׁר positum erat: quibus scil. Baalibus. Sic Hieron., Dathe, Kuinoel etc. Al. ad יָמֵי referunt, ut LXX. ἐν αἷς ἐπέδυνεν αὐτοῖς et Chald.: et animadvertam in eam dies, quibus serviebat idolis et adolebat iis aromata. Verum et usus relativi cf. Gesen. Lehrgeb. p. 743. et naturalis ordo verborum interpretationem nostram retineri iubent. תְּקַטִּיר suffita faciebat, notissimum genus cultus divini. Usus istius verbi pro omni cultu religioso est elegantissimus. Victimae enim immolare non licuit foeminis, et quoniam tropus omnino desumptus erat a muliere, vates aptissimum hac in re verbum adhibuit. Verum ad hunc religiosum cultum perficiendum decoravit se ornamentis. עָדָה pr. ordinare, unde עָר, עָרִי, עָדָה, עָדָה etc. hinc de ornamentis: in ordinem collocare, hinc intransitive: se ornare. תְּקַטִּיר ornamentum pendens ab aliqua corporis parte eique infixum, v. c. naribus, auri. Sic apud Arabes verbum similiter audiens: *figere, fibulare* v. Kuinoel ad h. l. Nonnunquam apponitur אָהָה, v. c. Gen. 24, 47. Ies. 3, 21., nonnunquam אָהָה Gen. 35, 4. Quodsi nomen deest ornamentum accuratius designans, nobis quoque in nomine universalis notionis subsistendum est, nimirum: *annulus*. תְּקַטִּיר larchio monente est vox Arabica. Respondet verbo حَلِي: quodvis ornamentum, vel

e metallis excusum, vel e lapidibus pretiosis confectum. Eodem nomine Arabico interpret Arabes 1 Petr. 3, 3. expressit Graecum περιδεδυμένος χρυσίων, v. Rosenmueller ad h. l. LXX. vertunt illud: τὰ ἐνώτια, hoc: τὰ καδόμενα, Chald. בְּקֶדְשָׁהּ: inauribus et בְּחֶלְמֵיהָ מִתְּקַטִּירָהּ: monilibus margaritarum suarum, Hieron.: in aure sua et monili suo. Pronomen הָ in utraque voce vim suam habere videtur. Nimirum ornamenta sunt ipsius mulieris, quae a marito accepit, cf. v. 10., quibus vero tam perverso modo usa est. Indicatur ita ingratus eius animus, quod ab eo locupletata non eius favorem, sed il-

licitos amores quaerit, idque auro, gemmis, vestibus ornata. Mulier enim amorem sibi comparandi studiosissima, corporis venustatem splendidis ornamentis augeat. Ut igitur ornata mulierum animus earum et studium placendi cognoscitur, ita Israelitae ubicunque fervorem idolis magis quam Deo placendi prae se ferunt. Sic omnia eleganter faciunt ad amplificandam symbolicam et poeticam descriptionem. *Sequitur amasios* (cf. 1, 2.) *et mei obliviscitur*: scil. Israel, ut illa libidinosa mulier, quae amores suos nefarios prosecuta virum suum prorsus neglexerat. יְהוָה—יִזְכֹּר: quod igitur vates de muliere, id tropo remoto Iehova de Israelitis dicit.

16. At benevolus animus vatis in comminationibus subsistere non valet. Memor est divinae benignitatis, quae, inde a primis temporibus gentis Israeliticae, toleraverit peccata, refractarium populum bonis impleverit, periculaque gravissima averterit, dummodo pia mente redirent ad quaerendam Dei gratiam. Nec poterat non sperare, fore, ut tandem Israelitae resipiscant, quo facto Iehovam rursus habituri essent sibi propitium. Significatio particulae לָכֵן pr. *propterea* interpretes movit, ut varias huius versus explicationes excogitarent. Schmidt putat indicari nova mala ab Israelitis suscipienda. Scil. *quoniam ingratissima Dei oblita sit Israel, eam per Assyrios iterum velut in novum desertum esse abducendam, donec experientia damnorum tractabilior et attentior facta fuerit*. Grotius eodem fere sensu explicat, sed Deo etiam indignius, ac si ambiguis verbis ut moechi foeminas decipiat; quemadmodum fere nostrum: „ich will dich schon locken wie du es verdienst.“ Sic LXX. qui ita vertunt: διὰ τοῦτο ἰδοὺ ἐγὼ πλανῶ αὐτήν, secutus esse videtur. Hieron.: *quia daemonibus Baalim thura succenderat et nequaquam de cineribus et favillis putaverit posse consurgere, tunc, hoc est in adventu Christi filii aperiet spem salutis et dabit locum poenitentiae et blandietur ei*. Tarnovius: *idcirco, quia calamitatibus tantis non corrigitur, alia et mitiori via ex mera benignitate rem aggrediar*: quae etiam Drusii est sententia. Sensus non est inventu difficilis, modo ne לָכֵן conclusive, sed adversative sumamus, uti Ier. 16, 14. 30, 16. Ez. 39,

II, 16.

25. Zach. II, 7., imprimis Gen. 4, 15., ubi LXX. idem verbum vertunt οὐτως, unde Gesen. in Lex. ad h. l. לָכֵן quoties hoc significatu legatur contractum esse contendit e לֹא כֵן, ut Arab. لَا كَيْن pro كَيْن: *atqui, at-*

tamen. הִנֵּה אֲנִי מִפְּתִיחָהּ. Hac loquendi formula indicat instans tempus, ac si dicat: *non diu esse duraturam miseriam.* Familia enim Iehu in dies propius ad interitum tendebat et in eius interitu vatem spem posuisse melioris sortis Israelitarum vidimus 1, 4. 2, 1. 2. Voce הִנֵּה vates etiam inusitatum modum se gerendi innuere potest, quod enim nemo ita provocatus, contemptus et spretus faceret, ego Deus, cuius benignitas infinita est, pellecturus sum eam, cf. Tarnov. ad h. l. בְּחַדָּהּ blandis modis commovere. Cum omnis ratio agendi, qua Deus utitur, via elocutionis prodire in libris V. T. designetur, non mirum est, et h. l. et postea verba adhiberi sermonem scil. blandum indicantia, cf. Ier. 20, 7. Prov. 1, 10. 24, 28. Non igitur phrases huius versus solum de persuasionibus per prophetas factis intelligendae sunt, uti Chald. addit: בְּחַדָּהּ עֲבָדִי נִבְּיָהּ, sed de omnibus modis animum commovendi. Lutherus ab hoc verbo derivat similia significantia Graeca πείθω et ἀπαράω, et dicit: esse verbum medium *blandis modis aliquem alloqui*, ut vel bona faciat vel mala. Plerumque tamen bono sensu occurrit. Latinum verbum est *pellicere*, v. c. pellicere mulierem ad se. Cic. Flacc. 30., in amorem Sueton. Claud. 26., militem donis Tac. Ann. 1, 2. Ceterum nunquam non meminisse quis debet: vatem in mente habuisse tropum de uxore et ad Israelitas loqui, quasi sermo sit cum muliere. וְהִלַּכְתִּי הַמִּדְבָּרָה: *ducam eam in desertum* i. e. *solitudinem.* הַמִּדְבָּרָה positum est pro הַמִּדְבָּרָה, ut Amos. 4, 3. הַחֲרָמִיתָהּ. Nota enim loci ה saepius deest v. c. 1 Reg. 3, 15. 19, 3. Mulierum animis commovendis aptissima est solitudo, cuius silentium et simplicitas persuasionibus copiam dat earum cor tangendi. Elegans est metaphora, per quam vates naturae plane conveniente modo ad fata illa populi Iacobitici pervenit, ubi Deus olim in deserto mirificis et multifariis modis ani-

mis eius commovendis et foederi cum eo sanciendo operam navaverat. Eodem modo nunc Israelitas ad se pelliciendi, pro fracto novum idque arctissimum foedus tanquam cum sacrilega uxore pangendi et ad id obsig-nandum nova felicioraque tempora iis reddendi periculum facturum erat. Liveleius egregie locum e Virgilio addidit, ubi idem allegorice praeterita memorabilia tempora reditura promittit Aeneid. 4, 35 sq. Plerique interpretes sub *deserto* intelligendum esse *exilium Assyriacum* putarunt, ubi Kuinoel tunc temporis loca inculta et desolata fuisse e loco Herodoti monuit, cf. Nicol. de Lyra, Grotius, Clarius, Michaelis ad h. l. Verum h. l. vates metaphoram suam potius quam conditionem Assyriacarum regionum in animo habuit, nec probabile est eum iam tum, cum haec scriberet, de illo exilio ita cogitasse, ut nos, qui illum finem Israeliticarum rerum ex historia novimus. Hieron.: *ducam eam, inquit, in solitudinem, i. e. educam ex malis, sic ut et prius de Aegyptiaca eduxeram servitute*. Luth. sub *deserto* intelligit *ecclesiam Christianam quae ab adversariis pro deserto habeatur*. Chald. propius ad nostram sententiam accedit: *et faciam ei signa et miracula, qualia edidi illi in deserto*.

דְּבַרְתִּי עַל-לִבָּהּ: *ad cor eius loquar*. Haec phrasis dulces sermones indicat, quibus animus movetur et ad consolationem Gen. 34, 3. 50, 21., et ad fiduciam 2 Chron. 30, 22., et ad animum 2 Chron. 32, 6. capiendum. Ita h. l. *blande tangam cor eius, ut mihi reddat et amorem et fiduciam*. cf. Horat. de arte poet. 98. *si curat cor spectantis tetigisse querela*.

17. **מִשָּׁם**: *exinde, inde ab hoc tempore*, LXX. **ἐκεῖθεν**, pr. particula loci, quae de tempore adhibetur, uti **שָׁם** 10, 9. Ps. 14, 5. Iud. 5, 11. **וְנָתַתִּי**: *dabo*. In primo membro huius versus est: *restituam*, nam v. 15. vineas destruendas esse portenderat. **כְּרָמֶיהָ**: *vineas eius*. LXX. non vertunt, sed describunt *κτῆματα*, ac si vineae pars essent pro toto nimirum omnium possessionum Iudaicarum. Hieronymus autem vertit mutata punctatione **כְּרָמֶיהָ** in **כְּרָמֶיהָ**: *vinitores* et putat esse *principes*

II, 17.

vineae tropice sic dictae, nimirum domus Israel, exeuntes de gentibus et de captivitate hostium s. vitiorum, quos hic prophetalis sermo promittit fore de ipsa gente Iudaeorum, quemadmodum olim Moses et Aaron de eadem gente Iudaeorum principes exstiterint. Eodem modo Chald.: gubernatores eius. In altero membro, וְנָחֵם עַמְּךָ כְּפָתַח הַקָּהָל, repetendum est נָחֵם verum alio sensu, scil. constituam s. efficiam, cf. Gen. 17, 20. וְנָחֵם לְגוֹי גָּדוֹל et Gen. 48, 4. וְנָחֵם לְקָהָל. Quod Hebraei uno verbo נָחֵם significant, id Latinis quoque licet, verbo reddere. Germ.: „und ihr Thal des Betrübnißes will ich zur Pforte der Hoffnung machen,“ i. e. patria eius, ubi tot aerumnas totque contumelias patitur, ut merito vallis Achor appelletur, ipsi eodem modo felicissimorum temporum spem aperiet, ut olim vallis Achor Israelitis introitum in Palaestinam. Haec imago annexa est tropo praecedentis versus de deserto. Postquam enim abductio in solitudinem vatem monuerat recordari peregrinationis Israelitarum per desertum Arabicum semper memorabilis propter miracula et prophetias, quibus ibidem Iehova cor eorum tetigit, iam prope aberat ab historia exitus ex illo deserto, et ultimae cladis, nomine loci sempiternae memoriae mandatae. Israelitae Iordanem transgressi occupaverant amoenissimam huius fluvii vallem cum urbe Iericho, initium promissae terrae Canaaniticae. Iam disponunt agmina ad expugnandam novam patriam. At venit hostis ex urbe Ai et licet inferior numero cladem infert Israelitis. Aninus deficit, et desperantes omnia deperdita esse existimant. Tum Deus Iosuae significat, furem esse inter Israelitas, qui contra iussum a se exhibitum nummos et vasa aurea ex urbe capta sibi servaverit, cui propterea inhaereat culpa calamitatis publicae. Fur nomine Achan sorte deprehensus morte in eadem valle plectitur. Quo facto valli ob utramque calamitatem, et cladem populi, et necem hominis, nomen Achor i. e. vallis perturbationis s. aerumnae tribuitur, vid. Ios. 7, 3—26. Verum natio inde ab hoc tempore victrix incessit in omnes Canaanis partes. Sic vates populo iterum spem facit, fore ut ea loca, in quibus adhuc animi miseriis et flagitiis

perturbentur, loca novorum gaudiorum fiant. Non autem video cur ad sentiendam huius imaginis elegantiam confugerint interpretes ad captivitatem Assyriacam s. Babylonicam, cum res planissima sit. *Loca nunc plena flagitiorum et miseriarum, quales profecto tunc temporis inter tumultus et bella civilia erant provinciae regni Israelitici, brevi vobis erunt plena gaudiorum.* Chald.: *constituam vallem Achor ad delicias animae.* Hieron.: *Simulque in hoc intelligimus quod in principio terrae sanctae — moeror in gaudium commutatus sit. Ibiq̄ue aperta est spes, uti fuerat desperatio, ut punitis his, qui peccavere in Christo et commisere sacrilegium, salventur ex iis, qui blasphemantes Iudaeos fuerint detestati et, quantum in se est, interfecerint.* LXX. plane contra sensum vatis: δάσω — τὴν κοιλάδα Ἀχώρ διανοῖξαι σύνεσιν αὐτῆς, ac si lectum fuisset, ut Drusius ait: *לפתח תפחה* ad aperiendam intelligentiam. Lutherus magis etiam exornat tropum istum, statuens: *per vallem Achor indicari conditionem miseram et multis malis huius terrae conturbatam fidelium Christianorum, quae tandem finem nactura sit felicitate aeterna.* וַעֲתֵּה שָׁמָּה respondebit ibi scil. meis monitis. Respicit enim ad praeterita tempora: *quemadmodum respondit temporibus infantiae suae, illis temporibus, ubi egressa fuit e terra Aegyptiaca.* Quae autem fuerit haec responsio diserte legitur Exod. 24, 3. 7. Deut. 5, 27.: *quaecunque Iehova nos iussit, ea faciemus et obtemperabimus,* כָּל אֲשֶׁר-יִצְוֶה יְהוָה נַעֲשֶׂה וְנִשְׁמָע. Ita sensum Chald. excepit: *et dedit sese ibi verbo meo.* LXX. plane contra sensum, ut 14, 9. καὶ ταπεινώσεται ἐκεῖ, ex alio verbo עָנָה cuius Piel est *humiliare*, ac si legeretur עָנָה cf. Drusius, quamquam etiam prima coniugatio eodem sensu occurrit: *humiliari, deprimi,* cf. Ps. 116, 10. 119, 67. Hieronymus auctor est interpretationis *canet*: quem recentiores secuti sunt Kuinoel, Boeckel, Rosenmueller (*et canet alterno choro, ut Exod. 15, 21.*), Michaelis ad h. l. Verum quamquam עָנָה nonnunquam notionem canendi, nimirum alternis vicibus, involvit, v. c. Esr. 3, 11. Ps. 147, 7., tamen h. l. est nimis artificiosa interpretatio naturali et facili seriei nostri loci minime accommodata. Dathe verbum עָנָה non vertit

II, 17. 18.

sensum omnino ita exhibens: *non aliam se quam a prima iuventa geret*. Eichhorn: „dort wird sie mir aufs neue folgsam werden.“ Verum עָנָה nunquam est *obedire*, contra *litigare cum Deo* Iob. 16, 3. 9, 14. 15. 32. שָׁמָּה ut in priori membro huius versus non locum, sed tempus indicat, vid. v. 18. נִעְרִיָּה: elegans imago priorum temporum populi Iacobitici vati nostro usitata (cf. II, 1.), qua vita publica istius gentis comparatur cum vita hominis, et primordia reipublicae nomine *pueritiae* designantur. Eadem imago, quamquam non tam casta occurrit Ier. 2, 2. Ez. 23, 19. 16, 7. 8.

18. יִהְיֶה fere superfluum est. Additur si novi aliquid memoratu dignissimum adicitur, ad incitandam attentionem lectoris s. auditoris, cf. v. 1. 23. et saepius apud prophetas, v. c. Ies. 65, 24. Ubi antea scripserat מִשָּׁה וּשְׁמִיהּ, nunc scribit בְּיָמֵי יְהוֹיָכִים quod idem est. תִּקְרָא אִישִׁי et postea וְלֹא תִקְרָא לִי לֵיד בְּעַלִּי. In his verbis sine dubio est corruptio textus. Nam utrobique לִי vel abesse, ut verbum sit 3. pers. cum suffixo 1. pers. *vocabit me* et *non vocabit me*, vel adesse debet, ut verbum sit 2. pers. sine suffixo, sed cum pronomine personali: *vocabis me* et *non vocabis me*. Abierunt etiam in utramque partem Codd. ap. de Rossium. Redite legantissimus usus praegnantis illius nominis בְּעַל vid. v. 10., quod ex usu vulgari est: *qui vim exercet in aliqua re s. in aliquem*, ex usu religioso: *idolum proprie sic dictum*. Vates igitur haec dicere vult; *quemadmodum uxor tandem intelliget me esse verum ipsum maritum qui in modum benevoli coniugis me erga ipsam gesserim, nec amplius teneram illam coniunctionem matrimonialem amare et pie servare recusabit, cum antea me quasi consortem libidinum cui se subiiceret, בְּבַעְלָהּ tractaverit*: ita populus Israeliticus relicta omni nefaria idololatria ad foedus cum Deo redibit seque cum eo arctissime coniunget. Simul arguit vates hypocrisin Israelitarum cuius vestigia saepius obvia erunt, v. c. 4, 15. 8, 2. 11, 7. cet. qui postquam cultum vitulorum et Baalis adoptaverunt, nihilominus se Iehovam nomine Baalis colere nec un-

II, 19. 20.
quam eum deservisse iactabant cf. introd. p. 35 sqq.
Alii secundum Iarchium אִישׁ censent esse nomen amoris,
בְּעַלִי autem timoris, ac si significet *maritum quidem sed*
difficilem et imperiosum, qualis fuerit Baal cultori-
bus suis, quem populus elegerat pro piissimo Deo coeli,
cf. Muensterus, Tarnovius al. ad h. l.

19. *Delenda sunt vel nomina Baalium e lingua eo-*
rum, quippe quae ambiguitate sua deceperint Israelitas.
Putaverant nimirum, etiam Iehovam appellari posse
בְּעַלִי i. e. *mi domine*, verum a nomine appellativo
transierant ad idolum proprie sic dictum. Sub quo
lusu verborum defectionem a vero Deo occultaverant,
tanto magis ab eo aberrantes, quanto diligentius ambi-
guo illi nomini adhaerebant. Sed non sufficit e lin-
gua deleri, nomen vel e memoria tollatur opus est:
וְלֹא-יִקְרָא עוֹד בְּשֵׁמֹם Exod. 23, 13. Zach. 13, 2. No-
tandus est h. l. saltus ab altera persona et ab altero
numero ad alterum. Postquam enim v. 18. gentem
Israeliticam allocutus fuerat secunda persona, nunc in
prima parte versus nostri redit ad tertiam, in altera
adeo tertiam pluralis scribit. Hanc tertiam pluralis etiam
sequenti versu retinet, v. 21. autem rursus secundam
singularis adhibet. Quae negligentia, ut apud omnes
poetas V. T., maxime apud prophetas, occurrit (vid.
Gesen. Lehrgeb. p. 742. 802 al.), ita potissimum apud
Hoseam nostrum, cuius animus diu in eadem metaphora
morari recusat. cf. introd. p. 104. Excusari debet et
alacritate ingenii hominum orientalium et lingua e pue-
ritia nondum egressa.

20. Addit vates descriptionem aurei seculi, ita ut in
modum poetarum non solum spiritualia bona sed etiam
vitam omni periculo, calamitate et vexatione destitutam
figat, quemadmodum e profanis Kuinoel ad h. l. plura
exempla adscripsit. Securitas vitae incipiet a bestiis,
quae omnem ferociam et rapacitatem deponent, cf. Ies.
II, 6—8. בְּרִיתִי לָכֶם est dativus commodi. Respicit
vates in hoc foedere pangendo nimirum v. 14., ubi mi-
natus fuerat vineas et hortos habitacula fore bestiarum.
בְּרִיתִי עִם-חַיֵּית הַשָּׂדֶה i. e. *ita tutos eos faciam a be-*

II, 20. 21.

stiis agri, ac si foedere eas obligassem, ut nullo modo ulla illis noceat, cf. Schmidt ad h. l. Quae promissio illis regionibus incundissima fuit, cum ab animalibus cuiusque generis iterum iterumque vexarentur. Exemplo est, ut unum tantum afferam, tristes descriptiones locustarum apud Iosephum, quacum omnes recentiores descriptiones illarum regionum consentiunt, cf. Roehr Palaestina p. 90. Rosenmueller Altes u. Neues Morgenland B. 1. pag. 290.

אֶשְׁבֹּר קֶשֶׁת: *frangam arcum etc. Non solum tuti erunt a bestiis, verum etiam ab hostibus, ita ut bella non amplius gerantur.* **מִן הָאֲרָץ** gravius est, quam si dixisset **בָּאֲרָץ**, quemadmodum Am. 2, 3. **מִקְרָבָהּ**; non enim in patria vis hostium frangenda erat, sed omnino e terra, nimirum patria, bellum eiiciendum. Nam omnia instrumenta belli destruentur, deficientibus igitur armis etiam bella cessabunt. Est quidem forma inusitata, in qua supplendum est **וְהִסִּידָתִי**. Simili modo Ps. 22, 22. **מִקְרָנִי רִמִּים עֲנִיָּהֶנִּי** ubi supplendum est **וְהִשִּׁיעֵנִי**. LXX. *καὶ τὸ ξὸν καὶ βομφαίαν καὶ πόλεμον συντρέψω ἀπὸ τῆς γῆς.* **מִלְחָמָה**: h. l. uti 1, 7. *arma s. instrumenta militaria.* Similis descriptio legitur Ies. 2, 4. Mich. 4, 3.

21. Nunc redit ad imaginem matrimonii. Vult enim Deus arctissimam coniunctionem cum populo **לְעוֹלָם**: *semper duraturam.* **אִשָּׁה** in coniug. Piel pr. *uxorem sibi pretio emere* Deut. 28, 30., omnino: *uxorem sibi despondere.* Adiecta praepositio **בְּ** indicat pretium sponsaliorum 2 Sam. 3, 14. Itaque h. l. **בְּצֶדֶק וּבְמִשְׁפָּט** est pretium, quo sibi despondebit gentem Israeliticam. Uxores enim pretio a maritis redemptas fuisse satis notum est ex historia Isaaci, Iacobi, Davidis cf. Sam. 1, 1. et Michaelis Mos. Recht, 2, §. 85. In hoc quoque tropo insistit vates indicaturus, quibus modis Deus efficiat, ut fidem et probitatem sibi servant. Sequentium verborum sensus non anxie premedandus est: vates enim non philosophice, sed populari modo loquitur. Omnino id tenendum est: in duobus

prioribus verbis inesse notionem *iustitiae*, *benevolentiae* in posterioribus. Vatis enim pius animus de Deo loqui non potest, nisi utramque simul ei tribuat. Repellit ita simul illorum falsam superstitionem, qui ab idolis nil nisi commoda et gaudia impetrare, iustae autem remunerationis metu supersedere velint. צדק alias צדקה et מִשְׁפָּט saepius ita componuntur, ut idem significant les. 22, 15. 23, 5. 9, 23. Sens.: *pretium, quo fidem tuam mihi reconciliaturus sum, est propensio mea ita te tractandi, ut mores tui merentur*, cf. Lev. 26. Dent. 4, 23. 24. 29. 40. II, 26—28. בְּחֶסֶד וּבְרַחֲמִים: utrumque de Deo dictum indicat *summam benevolentiam*. Similiter חֶסֶד Exod. 20, 6. Dent. 5, 10., quae quidem de hominibus erga Deum alio sensu adhibetur, cf. 6, 4. 6. 10, 12. רַחֲמִים *misericordia, lenitas*, cf. Ps. 25, 6. 40, 12., de hominibus erga se invicem idem significat, de iisdem erga Deum non occurrit. LXX. ad verbum verterunt: *μνηστεύσομαι σε ἐμαυτῷ ἐν δικαιοσύνη καὶ ἐν ἐλέει καὶ ἐν clemencijs*. Hieronymus putat indicari omnes gradus coniunctionis Dei cum hominibus: *primo despondit eam in Abraham s. in Aegypto, ut uxorem habeat sempiternam* בְּקִיּוֹלָה, *secundo in monte Sinai dans ei pro sponsalibus legis iustitiam* צדק, *atque iudicium* מִשְׁפָּט, *et iunctam legi misericordiam* רַחֲמִים, *ut ubi peccaverit tradatur captivitati, cum egerit poenitentiam in patriam revocetur et misericordiam consequatur*. Novissime venit Dei filius dominus Iesus in fide et gratia evangelica חֶסֶד וְאֱמֻנָה, *ut cum cognoverit filium unigenitum cognoscat et patrem*, יִרְדֶּה אֶת-יְהוָה, cf. v. 22. Plures recentiores non observata significatione praepositionis ב, cf. supra, putaverunt nominibus illis indicari adfectus animi quos postulet Deus ab hominibus, ut sensus sit: *despondebo te mihi eo, quod tu gens Israelitica mihi in posterum praestabis quod par et aequum est cet.* cf. Tarnov., Drusius. Liveleius autem in omnibus illis nominibus *sinceri, benevoli et in fide constantis animi affectiones* deprehendit quas quidem Deus pro sua parte praestiterit dum populus perfide defecerit, in novo autem foedere utrinque servandas.

II, 22. 23.

Eichhorn quoque sententiam vatis non omni ex numero reddidisse videtur: „Ewig werd' ich dich mit mir vermählen rechtskräftig und gerichtlich, durch Zärtlichkeit und Liebe.“

22. Novum sponsaliorum pretium addit vates בְּאֵמֶתָּה nimirum *fidem*. Elegans additamentum: nam sine fide, quam coniuges sibi praestare debent, nulla matrimonii felicitas consistere potest. De Deo autem, tropo remoto est *fides in praestandis omnibus promissionibus*. Hoc quoque loco recedere videtur Eichhornii versio a vatis sententia: „Vermählen willich dich mit mir aufs festeste.“ יִדְעֶתָ אֶת-יְהוָה: et cognosces Iehovam. Respicit his verbis ad v. 10.: cum antea non cognoverit quam bene erga eam animatus sim, nunc tandem id intelliget. Intelliget enim me erga eam egisse et acturum esse non ut sui impotentem et effoeminatum amatorem, qui quibuscunque uxoris libidinibus servit, sed ut bonum maritum, qui uxorem fideliter amat beneficiisque exornat, modo proba et bona esse velit. Idem de Deo erga Israelitas valet. Plures Codd. apud de Rossium habent יִדְעֶתָ כִּי אֲנִי יְהוָה: et intelliges me solum esse Iehovam. Pariter Hieron.: scies, quia ego sum dominus. Chald.: sciētis timere dominum.

23. Denuo alio poetico modo describit Dei benevolentiam in tribuendis omnibus bonis, quae ad salutem patriae faciant, nimirum vel in restituenda, vel in servanda fertilitate terrae et ubertate frugum. E singulari gravitate imaginis conicere fere possumus, tunc temporis revera messem defuisse et ita iam eventu probatum fuisse, quod v. 11 et 14. legimus. Est elegans prosopopoeia. Finguntur enim omnia, coelum, terra et frumentum convenisse ad precandum pro Israelitis, ut Deus tandem eorum inopiae misereretur. עֲנֵה h. l. exaudire, praesertim de Deo dicitur, quando *benefaciendo respondet precibus hominum*, cf. Ps. 3, 5. 4, 2. 1 Reg. 18, 37. Et in hoc intelligitur usus loquendi Hebraeorum, qui amant omnes modos divinae providentiae verbis describere elocutionem innuentibus, cf. v. 16. Exaudiam וְשָׁמַיִם i. e. nubibus impleatur. Similes locos

laudaverunt Drusius et Grotius Tibulli L. I. Eleg. 7, 25. et Euripidis ap. Aristot. Eth. l. 8, c. 1. quem posteriorum ita vertit Io. Schmidius:

Pandit terra sinus, pluviasque a nubibus optat,
Cum macer ablato campus ab imbre sitit:
Nec minus a pluviis quae turget in aëre nubes
Optat in expansos larga venire sinus.

Hieronymus alique eum secuti mystice intelligunt haec verba de tempore et donis evangelii: *exaudiam*, ait, *coelos*, qui enarrant, *Dei gloriam et coeli exaudient terram*, ut eam *coelesti pluvia irrigent*, et terra, de qua orta est veritas et in cuius agrum paterfamilias egreditur, ut seminet semen suum, *exaudiet triticum et oleum et vinum et haec omnia exaudient Iesreel* i. e. *semen Dei*, ut intelligatur omnium rerum abundantia et felicitas ob Dei semen, qui Christus est, condonari.

24. *Terra exaudiet frumentum, mustum et oleum*, i. e. *ut ea remanere non sinat in suo gremio, sed uberior et laete proferat. Illa vero exaudient יִרְעָאֵל ut carpi ab eo patiantur eumque delectent.* At vulgaris lectio, quamquam omnibus codicibus et versionibus probata, mihi ita non apta omni orationi videtur, ut non possim ab ea non recedere, vid. v. 25.

25. Finit vates poema suum, ut typica illa infantum nomina fausto omine repetat eaque omnia de Israelitis dicta esse clarissime ostendat. יִרְעָאֵל: *seminabo eam* Si lectio vulgaris יִרְעָאֵל retinenda esset, haberemus miram commixtionem generis. Loqueretur de Iisreele filio et uteretur pronomine foeminino! Vatem in hoc commate respectum generis non neglexisse apparet e posterioribus verbis, ubi filius לֹא עָמִי recte ut masculinum tractatur. Nullo modo hic error grammaticus excusari potest, nec fervore dicendi, nec duplici sensu vocis יִרְעָאֵל. Omnia bene se haberent si legeretur יִשְׂרָאֵל. Hoc nomen saepius in foeminino et apud vatem nostrum et apud alios legitur, cf. Ies. 17, 10. 54, 1. Ier. 3, 11—13., imprimis hoc loco, ubi gens Israelitica imagine uxoris designatur. Sensus quo-

II, 25.

que istam lectionem postulat. Postquam enim vates in toto capite ad Israelitas sub imagine mulieris locutus eos v. 21 et 22. in secunda persona pronominiis apertius compellaverat, exspectavisse eum eadem forma orationis servata in fine v. 24. scripturum fuisse, **אֶת-יִשְׂרָאֵל יְעַנֵּה אֲתָךְ** vel si maluisset, expresse eos commemorare, ad quos locutus erat, nimirum **אֶת-יִשְׂרָאֵל**. Quomodo ea, quae omnino matri et de matre dixerat, nunc inopinato de filio dicere potuerit, omnino non video, cum in posterioribus v. 25. vates aperte id curet, ut felicitas matri promissa in eo etiam cernatur, quod liberi eius augeantur, misericordiam adipiscantur et rursus fiant populus Dei. Non est quod moneant eius consilium fuisse, ut repetat nomina symbolica liberorum. Num etiam nunc fas est de consilio vatis loqui? Sufficit intelligere eum nominum illorum fausta omnia commemorasse. Ad hanc faustam commemorationem valet verbum **וַיִּרְעִתֶּיהָ**. Ut enim Deus foecunditatem terrae omnino promiserat, ita semini Israelitico auctus et incrementa promissa erant 2, 1. **וַיֵּרֶךְ** igitur non amplius *dispersionem*, sed *sationem ut augeantur posteri* indicat. Quibus animo perpensis nil restare videtur, nisi: vel veram a vate ortam sed cito depravatam lectionem esse **יִשְׂרָאֵל**, vel elapsum vatis calamo errorem in scribendo, vel eum contra elegantiam et bonum sensum consulto peccavisse. Quod posterius de tam eleganti propheta non dixerim: utrumque prius autem genuinam et simplicissimam lectionem restituere monet. Ceterum miror istam inexcusabilem commixtionem generis non omnes interpretes offendisse. Dathan v. 24. vertit: *ista omnia Israeli exorabuntur*; de lectione nil commemorat. Io. Schmidius quidem in comment. ad h. l. p. 129. ita disserit: *Mirum est, quod ecclesia non potius vocetur Israel post conversionem. Nam nomen Isreel impositum primo filio Hoseae, ut designaret dispersionem populi Israelis in gentibus. Quidam volunt, id nomen usurpatum hic fuisse a Propheta, ut perstringeret oblique Israelitas et revocaret iis in memoriam, quam sint indigni Dei beneficiis, deinde ut dei bonitas magis elucesceret, qui tot bona*

II, 25.

*Israelitis quamvis per se indignis pro sua tamen bonitate promittit se daturum ubi fuerint reconciliati; ac proinde non ita vocari a Deo ut exprobraret praeterita scelera et miserum statum, in quem sua impietate prolapsi erant, sed potius ut gratiam suam amplificaret. Alii censent hic mutari significationem nominis et fieri allusionem ad verbum זָרַע seminavit, ac vocari coetum piorum Iesreel i. e. seminationem vel semen Dei, 1) quoniam ecclesia per verbum tanquam semen mysticum colligitur 1 Petr. 1, 23.; 2) quia instar seminis per mundum dispergitur; 3) quia eius semen fructus fert uberrimos in coelestia colligendos horrea. Kuinoel plane contra vulgarem textum a se receptum: ista vos Israelitas exaudient, inseram te huic terrae, ac etc. Boeckel monet Iisreel esse i. q. Iisrael. Eichhorn. subsistit in verbo Iisreel quod h. l. vertit: *das neu gepflanzte Volk*, verum quemadmodum malo sensu זָרַע 1, 4. non erat castigare, punire, sic h. l. bono sensu non est plantare, sed seminare, s. efficere ut augeatur et latius feliciusque propagetur cf. v. 1. De Wette: *Derselbe soll Israel erhören*. Hieronymus ad verba sed contra grammaticam: *haec exaudient Iesrael, et seminabo eam mihi*. LXX. eodem modo καὶ στείψω αὐτὴν ἐμὰ σπέρμα, בְּזֵרְי, ut bene monet Rosenmueller, non universus terrarum orbis, sed terra Canaanitica, quam olim populo Israelitico Deus adscripsit, probante articulo. Est enim בְּזֵרְי i. q. בְּזֵרְיָי, in quo inest ה notificationis cf. Glass. phil. S. p. 557. יְהוָה יֵאמֶר אֱלֹהֵי. Nunc omnis tropus remotus est. *Populus Deum suum nec sub imagine, nec sub idolo cognosceat, nec mi marite, nec mi Baal appellabit, sed mi Deus!**

Interpretes fluctuant in interpretatione huius capitis: nam intelligunt et de restitutione e captivitate Assyriaca, et de salute per Christum exspectanda. Illi quidem ipsi sentiunt nostris metaphoris et similitudinibus plus indicari, quam factum sit impletumve. Propterea autumant descriptionem rerum magis respondere laetitiae et gaudio, quo fideles accepturi sint promissionem futurorum eventuum, quam eventui ipsi. *Huius sententiae rationes*, inquit Io. Schmidius, *tanti momenti non*

II, 25.

sunt, ut apud aliquem saltem mediocriter singulas textus circumstantias considerantem locum inventurae videantur, principium enim petunt, et, quod operose probandum erat, pro concessio sumunt. Propterea alii sentiunt posteriorem partem huius capituli ad statum Novi Testam. et negotium Evangelicum pertinere et de eo ad literam explicari debere, et, si terminis figuratis utatur Propheta, scopum eius esse, praedicere restitutionem verae ecclesiae per Christum, in qua ipsi Israelitae dispersi, qui nunquam redierunt in terram, ex qua deportati fuerant, colligendi fuerunt in reliquiis suis, ut Israeli secundum spiritum adnumerarentur, et miseriam consecuti iterum Dei populus cum aliis gentibus antea misericordiam non consecutis appellarentur. Nam promissiones patris tantae sunt maiestatis tantique splendoris, ut eas tempus liberationis e Babylonia et res quae in eo gestae sint complere nullo modo possint. Verum et huius sententiae rationes eadem petitione principii laborant, cuius antea Io. Schmidius accusaverat alios interpretes. Nos contra nihil aliud deprehendimus, nisi descriptionem temporum felicum in universum, quae quilibet populus oppressus et ad incitas redactus exspectavit.

IV.

Cap. III, 1 — 5.

1. Iussit me iterum Iehova reverti et amorem restituere uxori, quamvis adulterae, tamen amatae a socio thori; proinde atque Iehova amore vinctus sit populo Israelitico, qui tamen respicere malit ad deos externos et praeferre vina iis consecrata. 2. Quapropter favorem eius mihi reconciliavi pretio quindecim nummorum argenteorum et sesquichomeri hordei; 3. hoc pacto ei proposito: contine te mihi per aliquod tempus, noli interea libidinibus tuis indulgere, nec omnino

cum unoquoque viro rem habere. Tum ego quoque rursus tuus ero. 4. Sic per aliquod tempus Israelitae vitam degent destituti et rege, et principe, remotique ab ulloquoquam sacrificio, altari, amictu sacerdotali et simulacris. 5. Tandem vero redibunt Israelitae ad quaerendum Iehovam Deum suum et Davidem regem suum, trepidabuntque ad suum Iehovam et ad veram suam felicitatem; quo facto illud tempus destitutionis finietur.

Uxor ad meliorem frugem rediit, et se subiecit speciminibus, quibus probaret se esse adhuc dignam tali marito. Qua de causa maritus ei rursus pristinam suam benevolentiam offert, spe fretus, fore ut salus domestica restituatur. Forma poeseos est iterum historica, annexa ratione, qua effigies de gente Israelitica valeat.

1. Iam vates pingit se denique sensisse uxorem per omnes illas angustias, ubi destituta a marito solis amatoribus non eius salutis sed potius suis libidinibus prospicientibus commissa esset, tandem meliora esse edoctam, atque propterea periculum fecisse, utrumne sibi fidem et probitatem redderet. Quem animi sensum iterum divino adflatui tribuit: **וַיֹּאמֶר יְהוָה אֵלַי**, ut 1, 2. 4. 6. **עוֹד לִי**: *iterum abi, redi*. Ut Deus iam antea 1, 2. eum ire iusserat nunc redire iubet ad eandem uxorem, de qua 2, 4. diserte dixerat: *cum illa mea uxor non esse velit, equidem maritus eius non ero*. Pessime statuunt, qui dicunt vatem aliud matrimonium iniisse v. c. Eichhorn, Boeckel atque etiam Kuinoel. Ut enim Dei amor semper idem erat erga eandem gentem Israeliticam, ita mariti amor semper uni uxori servabatur. **אַהֲבָה**: *restituere amoris signa*; nam de amore ipso sermo esse non poterat, quippe qui nunquam in animo mariti cessaverit, quod indicant sequentia **אַהֲבַת רַע**: *amatam socio*. **רַע** pr. *socius*, saepius de socio thori i. e. marito occurrit, cf. Ier. 3, 20. **בְּגֵדֵי אִשָּׁה**, Cant. 5, 16. **זֶה רַעִי**. Alii, ut Liveleius putant

III, 1;

intelligi: *aliū quem amatorum*, uti Ier. 3, 1.; eodem modo Eichhorn: „ein Weib, das einen andern liebte.“ Quod omnino non modo textui repugnat, sed etiam sequenti imaginis explicationi, ubi et Deus pari modo amasse populum et populus impie egisse dicitur. Itaque nostra explicatio, quae est plurimorum interpretum, unice convenit imagini. Vates amore erga improbam uxorem simillimus erat Deo impium populum semper amanti. LXX. verterunt: *ἀγαπᾶσαν πορνῆν*, ac si legissent: *אהבה נע*. Melius Chald.: *uxor marito suo carissima*. Vates momentum comparationis suae cum Deo expressis verbis indicat, *כְּאַהֲבַת יְהוָה*: *ad exemplum amoris Iehovae erga Israelitas*. — *וְהָם פָּנִים אֵל* — *הַלֵּלִים אֲחֵרֵי מֵאַהֲבִיהָ* idem quod antea *אֵלֵהִים אֲחֵרִים* 2, 7. et *רִדְפִים אֶת־מֵאַהֲבִיהָ* 2, 9. Verbum *פָּנָה* primariam habet significationem *respiciendi*, unde: *vertere se* potissimum ubi cum praepos. *אֵל* componitur Exod. 16, 10., trop. ad idola Lev. 19, 4., et ad Deum Ies. 45, 22.

וְאַהֲבֵי אֲשֵׁשִׁי עֲנָבִים: nimirum pars sacrificiorum pro toto cultu deastrorum. Verum in quo constiterit illud sacrificium, de eo disceptant interpretes. LXX. verterunt *πέμματα μετὰ σταφίδας*, de qua versione Hieron.: *pro pemmatibus*, scribit, *quae LXX. transtulerunt et comeduntur cum uvis passis s. vinaceis*, Latine possumus dicere *placentas vel crustulas*, quae idolis offeruntur et Graece dicuntur *πέπανα*. Interpres vetus ap. Drusium: *πέμματα*, ait, *sunt coctiones*; dicitur enim *πέμματα, πᾶν τὸ πεπτόμενον*, tamquam *אֲשֵׁשִׁי* ab *אֵשׁ*: *ignis*, nam igne coquimus. Hac interpretatione nituntur recentiores interpretes v. c. Kuinoel, Boeckel, Rosenmueller, qui vertunt: *placentas ex uvis passis factas*. Gesenius eodem modo de significatione verbi statuens deducit *אֲשֵׁשִׁי* a radice inusitata *אָשַׁשׁ* secundum Arab.

אָשַׁשׁ *sternere*. Tales aliorumque generum placentas usitatas fuisse in sacris gentilium Rosenmueller e Porphyrio de abstinentia laudat cf. Ier. 7, 18. Ab hac interpretatione recesserunt Hebraei interpretes, qui no-

men **אֲשֵׁי־שֶׁה** hoc et in tribus aliis locis reddiderunt *lagenam*, ita tamen, ut Cant. 2, 5. 2 Sam. 6, 19. 1 Chron. 16, 3. *lagenam vini* indicet. Derivant enim a **שֶׁה** *sex*, ac si pr. esset: *vas sex modios continens*, deinde quodvis aliud *vas*, vel adeo olla s. *poculum*, unde Kimchi: **אֲשֵׁי־שֶׁה** i. e. **יַיִן עֲנָבִים** *vini uvarum*. Verum loco Cantic. de alia quadam re sermonem esse apparet et hoc nostro loco additur **עֲנָבִים**, quod superfluum esset, si illud iam indicaret *lagenam* s. *calicem vini*. Hinc Schmidt coniecit *lagenas uvarum* esse *lagenas intus vino plenas*, foris autem uvis optimis ornatas, quae *lagenis vel impositae s. circumpositae fuerint*, Baccho in honorem a *vinosis Ephraimitis adductae*, de quorum *vinolentia queritur vates* 4, 11. 18. 7, 5. cf. Ies. 28, 1. Inde alii omnino de ebrietate et vinolentia intellexerunt, uti Tremellius, Brentius, Clarius, Vatablus etc. Alii tropice interpretati sunt duce Hieronymo ita disserente: *typus Dei est, qui filios Israel pessimos diligit, qui, cum diligantur a Domino, ad Deos alienos idolaque respiciunt et diligunt vinacia uvarum* (Weintrester), quae *vina non habent et pristinam gratiam perdiderunt, sicut daemones delapsi de propria dignitate et nihil antiquae gratiae possidentes aridi sunt et veteri siccitate marcentes*. Ita etiam Aquila vertit: **παλαιά**, ac si legeretur **יִשְׁרָאֵל** et Symmachus: **ἀναγροίς**, cf. Kuinoel ad h. l. Sufficit varietatem interpretationum commemorasse. Ad veritatem proxime accedere videtur eorum sententia, qui sub **אֲשֵׁי־שֶׁה** s. **אֲשֵׁי־שֶׁה** *cibum lautiozem* intelligunt, cf. imprimis Cant. 2, 5., h. l. addito **עֲנָבִים**: *ex uvis s. mero confectum* (cf. illud Virgilii Georg. I, 9. *poculaque inventis Acheloia miscuit uvis*, et Horat. Carm. 1, 20. *praelo domitam Catena tu bibes uvam*), quo usi fuerint in luxuriosis et nefariis suis sacrificiis, cf. Iud. 9, 27. Amos 2, 8. 1 Cor. 10, 21., vid. Liveleius ad h. l. Mira est et in recensione interpretationum non omittenda commentatio Chald.: *verum si convertantur, remittetur iis eruntque similes viro qui erravit dixitque verbum contra socium suum*.

2. Amoris et divini iussus impetum vates secutus cum uxore egit, ut eam rursus uxorem suam agnosce-

II, 2.

ret. Uxores enim emebantur, vid. 2, 21. Quod ibi dicebatur אֶרֶשׁ, h. l. est כָּרָה, ut Deut. 2, 6. LXX. ἐμύστωσαν αὐτὰς ἐμαυτῶν Hieron. Insit cum verbis, interpretatus אָכַרָה *fodi*, ut v. c. Gen. 26, 25. Ps. 7, 16. et ita disserens: *quando dicit: fodi, ostendit vineam, quae a Deo plantata est, et in multis locis ponitur significans populum Iudaicum. Sin autem legerim: conduxi, adulterae pretium est non ut cum propheta dormiat, sed ut contenta mercede sua adulterare desinat.* Dagesch in verbo אָכַרָה esse euphonicum, nec propterea esse derivandum a נָכַר: *notitiam contraxit* vid. Michaelis et Rosenmueller ad h. l. בַּחֲמִשָּׁה עָשָׂר כֶּסֶף scil. ex frequenti ellipsi שְׁקָלִים: *quindecim argenteis nummis.* Quale genus nummorum intelligendum sit, de eo interpretes dissentiunt. Proprie שָׁקֶל pondus erat, quo antiquitus pendebant aurum et argentum, continens 20 Geras Exod. 30, 13., quae 16 grana hordeacea pependisse putatur. Iosephus Antiqq. 3, 12. adfert *siclum pependisse 4 drachmas*, cf. Hieron. ad Ez. 4, 10. Drachmae autem 8 Latinam unciam efficiunt, ergo *siclus* esset *semituncia* s. *semithalerus*. Quae quidem de temporibus post captivitatem Babylonicam valent. Temporibus enim Maccabaeorum moneta argentea erat, cuius Beyer de nummis Hebraeo-Samaritanis p. 5 sqq. plura exempla nobis adhuc superstidia adfert, quae circiter $2\frac{1}{2}$ — 3 Drachmas s. 184 — 242 grana pendunt. הָמָר: *cor*, erat mensura aridorum, continens 10 Ephas vel 30 Seas s. Sata. Sea autem secundum Kimchium continebat 6 Cabos, s. 96 quadrantos, s. 144 ova. Minima enim mensura fertur fuisse רְבִיעִית *quadrans*, s. *quartarius logis*, continens sesquiovum. cf. Buxtorf. lex. Hebr. ad vocem קָב. LXX. vertunt γομογ, ac si scriptum esset עָמָר, ut Exod. 16, 16., translata litera ע in γ. Cur autem dederit hordeum neque aliud frumenti genus, id interpretes variis commentis enucleare studuerunt. Alii putarunt id factum esse in usum sacrificii, quod in ineundis nuptiis ferebatur, al. vulgare pretium abiectae et impurae mulierculae hordeum fuisse e nostro loco iudicarunt, al. respici censuerunt ad oblatio-

nem illam expiatoriam mulieris de adulterio suspectae Num. 5, 12 sqq. al. sensum mysticum quaesiverunt, uti Hieron.: *quia virum non habet, non vescitur cibo hominum frumento et legumine, sed hordeo irrationabilium iumentorum, ruminans utilitatem literae, quae interficit et non habens spiritum vivificantem. Sedet itaque populus Iudaeorum qui quondam 15 nummis et 45 modis hordei est conductus post adventum servatoris et expectat viri sui adventum.* Nunc in numero quoque nummorum et modiorum Hieronymus mysticum sensum deprehendit. Numerum nummorum putat indicare 15. mensis Nisan, ubi primogenitura Aegyptiorum trucidata sit, et numerum sesquichomeri i. e. 45 Searum, quadragesimum quintum diem, quo venerint Iacobitae ad montem Sinai. Sufficit meminisse usum hordei apud Hebraeos antiquissimum et maxime communem fuisse Deut. 8, 8. Ez. 13, 19. Ruth. 3, 15. Ioh. 6, 9. Merces haec adulterae mulieris procul dubio haud fuit exigua. In fine versus *לְתֵדָה שְׁעִירִים*: *semicorum s. semichomerum* LXX. habent *νέβελ ὀλvou*, nescio e qua mutatione literarum. Apparet exinde hunc locum antiquitus admodum fuisse corruptum.

3. Verum non solum donis sibi conducere adulteram mulierem, sed explorare vult eius animum. Itaque *pactum ei proponit*: *יָאֲמַר אֵלֶיהָ*. Pactum in eo positum erat, ut mulier per aliquod tempus se contineret ab omni commercio cum aliquo viro, amatore et marito. *יָמִים רַבִּים תֵּשְׁבִי לִי*. Quot fuerint illi dies non definit: quoniam nihil ad rem faciunt. Interpretes addiderunt: tot per quot frumentum ei datum suffecit ad vitam sustentandam. *At si centesima pars Chomeri vel edacissimo homini in diem suffecit, plures omnino dies ex data mercede colligendi videntur*, vid. Michael. ad h. l. *תֵּשְׁבִי* habet omnino significationem *quietae et solitariae mansionis*, ut Gen. 25, 27. 29, 19. Exod. 24, 14., non tantum *expectationis*, uti Hieron. vult. LXX. *κατασκήνηται ἐπ' ἐμοί*. *לִי* est dativus commodi, uti 2, 20. *contine te mihi*. Recitantur nunc modi eius continentiae. Primum: *ne indulgeat illegitimis libidinibus, verum remota maneat a moechis*, *לֹא תִהְיֶה*; deinde: *ne rem ha-*

III, 3.

*beat cum 'quoquam viro, וְלֹא תִהְיֶה לְאִישׁ. LXX. male vertunt οὐδέ μὴ γένῃ ἀνδρὶ ἐτέρῳ, ac si lectum esset לְאִישׁ וְלֹא, hoc enim iam inest in verbis praecedentibus. Cum enim iam nupta esset marito neque ab eo dimissa, alii viro nubere non poterat. Ergo commercium cum alio viro itidem fuisset illicitus amor, et haberemus inutilissimam tautologiam. Melius sensum assecutus est Hieronymus ita explicans: *nec aliis amatoribus turpiter te prostituas, nec mihi viro, a quo conductus es, legitime coniungeris.* וְלֹא תִהְיֶה לְאִישׁ saepe occurrit eo sensu ut sit: *viro se committere*, v. c. Ez. 16, 8. Ruth. 1, 12. Ita etiam Drusius: *quando absolute dicitur: non eris viro, intelligimus, quod nulli iungatur omnino et absque coitu matrimoniali sit.* Alii ita accipiunt verba, ut nil aliud indicent nisi: *mihi adhaereto mihiq[ue] cohabitato soli, vitans amasios, in quorum amplexum hactenus ruere solita eras.* Sed vati id curae esse non poterat, ut statutis tantum diebus, יָמִים רְבִירִים, sed per omnem vitam sibi constans et fidelis esset. Exploratio igitur in alia quadam re peculiari constitit, nimirum in abstinentia a coitu matrimoniali per aliquod tempus statutum observanda. De Wette: „und hure nicht und ergieb dich keinem Manne.“*

Mulieri hoc pactum probe servaturae addit vates promissionem וְגַם אֲנִי אֶלֶנָּה scil. אֶתְּנָה prorsus eodem modo uti 1, 9. אֶלֶנָּה בִּי אֶתֶּם לֹא עָמִי scil. תִּתֶּנְנִי. אֶלֶנָּה est nota dativi pro לָהּ, nimirum propter euphoniā. Ut enim verbis 1, 9. לֹא-אֶתְּנָה לְכֶם dixerat: *non ego vester ero*, sic nunc dicit: *ego quoque tuus ero.* Haec explicatio et verbis, et sensui est accommodatissima. Symbolice hucusque v. 1 — 3. de se fatisque suis domesticis locutus erat, propósuerat uxori conditionem reconciliandae suae benevolentiae eo pacto, ut per aliquod tempus caste et solitarie vitam degeret. Sic periculum facere constituerat, utrum resipisceret nec ne. Nisi probitatem suam ostenderet patientia et morum integritate, prorsus dimittenda erat. Si contra pactum servaret, tum ei pristinus amor restituendus erat et favoris nondum extincti signa largiter exhibenda. Ita

modus agendi erga uxorem vere similis erat ei, quo Deus hucusque tractaverat populum Israeliticum eumque porro tractare constituerat. Non enim sermonem esse tantum de tempore explorationis, sed de iis, quae illud tempus secutura sint, apparet ex translatione imaginis ad populum Israeliticum. Quid omnino ponderis habuissent promissa, *esse se observaturum eandem temperantiam erga uxorem, quam ipsi imperaverit?* Vatis probitas omnis dubii expers erat; cur igitur de ea amplius verba faceret? Se autem cum uxore rem habere nolle, id in abstinence ab omni concubitu uxori proposita continebatur. Mittamus igitur frigidissimam illam atque a plerisque interpretibus receptam verborum nostrorum explicationem: *eundem quoque erga te me praebebo*, quam Eichhorn adeo ita constituit, ac si part. 1^o verbis inesset: „auch ich will mich nicht zu dir halten.“ Promissionem vatis optime convenire cum versu quinto verba docent, et suo loco videbimus. Nostra sententia plane congruit cum explicatione Chald.: *applicabitis vos cultui meo, non fornicabimini neque famulabimini idolis, ego quoque miseraturus sum vestri*, et Boeckelii: „dann will auch ich der Deine seyn.“ Praeterea haec posteriora vatis nostri verba, verbis 1, 9. quamquam contrario sensu simillima, praeter omnem dubitationem vatem voluisse, ut h. l. de nullo alio matrimonio cogitetur quam de eo, quod c. 1. pinxerat, luculentissime monent, cf. introd. pag. 119.

4. Nunc transit propheta ad translationem suorum factorum ad fata Israelitica. Quemadmodum uxori tempus explorationis proposuerat, ita populo idem imminabat. De quo sermo sit, status imperii Israelitici et omnes poeticae descriptiones horum trium capitum docent. Israelitae tumultibus, bellis civilibus et contentione principum ita ad incitas erant redacti, ut paene sibi desperarent. Ultima stirps regiae familiae lehu interitura erat, cf. 2 Reg. 10, 30., duces contentionis studiosissimi non publicam salutem sed suam modo avaritiam curabant. Iis igitur fides non habenda erat. Sacrificia legitima evanuerant iam inde a temporibus Ierobeami, ubi templum Hierosolymitanum deseruerant, in quo

III, 4.

soio sacrificia facienda erant. Iis substitutae erant staturae et arae, quibus victimas mactabant et suffita incendebant. Eodem modo illa magnifica tunica sacerdotum Ephod, cum Urim et Thummim oracula edentibus, relicta erat Hierosolymae, quibus destituti oracula suorum penatum consulebant. Tempus instabat, quo et horum, et statuarum, et falsorum sacrificiorum vanitatem intellecturi essent et missa illa insana fiducia daemoniacarum artium consuetudinumque ancipites haesituri essent, quid facerent. Talis ambiguitas et anxietas de propria sorte est revera tempus explorationis, quae convenit illi explorationi mulieris. Observanda est in his elegantissima oppositio earum rerum, quibus vere destituti erant et earum, quas quidem adhuc habebant, verum abiecta fiducia aequae tractaturi erant ac si iis non essent: *rex—principes, sacrificia—idola, Ephod—oracula penatum.* — Diversa est sententia eorum, qui omnia ad exilium Assyriacum referunt. Verum, ut id taceam, nos hucusque nondum illius exilii vestigia reperire, verba ipsa huic interpretationi repugnant. Ut deessent legitima sacrificia carentque Ephodo, tamen non in exilium abeundum erat. His iam inde a Ierobeamo I. orbatu erant. Quo autem abierunt, non defuerunt iis idola et penates, quin in ipsam omnis superstitionis patriam venerunt. Melius pii interpretes statuerunt, qui de desiderio evangelii tempus illud explorationis explicaverunt, quamquam vates nondum de eo cogitaverit. Sunt sensus praesentis status calamitosi et praesagia futurorum feliciorum temporum, quae a vate de reditu suorum post interitum familiae Iehu ad familiam Davidis Hierosolymiae regnantem frustra exspectata, tandem longe alio modo piis Iudaeis contingebant, cum regnum spirituale Davidis, quod Christianis Dei est, per Iesum Christum institueretur. Iudaei interpretes huic loco innituntur miseram suam dispersionem inter gentes sentientes et adhuc adventum Messiae praestolantes et ipse Hieronymus eum explicat de abiectioe Iudaeorum deque insigni eorum conversione, *qui hordeo pascantur, et sedeant contracti quia cum Deo stare non potuerint.*

יָמִים רַבִּים respiciunt ad illos mulieri statutos dies. Iam anxii et ancipites erant Israelitae, tempus poenitentiae eorum ob commissa flagitia advenerat, nondum autem completum erat, יָמִים רַבִּים יָשָׁבוּ *sedebunt adhuc multum temporis*: certe donec omnes in versu descriptos explorationis gradus perfecissent. אֵין מֶלֶךְ. Iam interregnum vires reipublicae consumserat bellis civilibus. *Nullus iis rex erat.* Restabat quidem abnepos regis Iehu Sacharias. Verum eo mortuo successio in domo Iehu finem nactura erat, neque spes aderat alium regem a Deo in thronum Ierobeami suffectum iri: quod probe sciebant vates, quippe qui soli divinorum mandatorum interpretes essent. Nec quisquam posteriorum regnum usurpantium a Deo vocatus est. Omnes inter flagitia et caedes ad solium regium adscenderunt. Cum autem Sacharias ipse, postquam imperio potitus erat, tantum anni dimidium viveret: apparet primum explorationis statum iam cum interregno initium cepisse, et postea exceptis sex mensibus Sachariae serie continua duravisse. Eodem modo Israelitarum querelae commemorantur 10, 3., cum regem falso modo sic dictum habeant, et causa adferatur cur non vere rex sit: לֹא יֵרָאֵנוּ אֶת-יְהוָה: *rex, quem habemus, nil nobis prodesse potest, quoniam adversante Deo eum elegimus.* אֵין שָׂר: *nullus dux.* Erat quidem magnus demagogorum numerus, sed ne unus quidem, qui reliquias virium et virtutum in populo colligere iisque in Dei atque nationis honorem uti et potuisset, et voluisset. Ludebant populum, dum sibi bella gerebant caedesque committebant, non autem populo consulebant. אֵין זָבַח: *nullum sacrificium.* Sacrificia, quae deastris offerebantur, eo nomine non erant appellanda. Genti Iacobiticae iam ante extructionem templi unum modo erat sacrificium idque ad arcam foederis et in tabernaculo sancto offerendum Lev. 17, 3. 4. Dent. 12, 13. 14. 14, 23. Templo aedificato expressis verbis hunc unum locum sacrificiorum offerendorum Deus constituerat, vid. 2 Chron. 7, 12. *istumque locum mihi sacrificii domicilium dedi.* Quod Dei mandatum ab omnibus religiosis Iudaeis

III, 4.

tam pia mente observatum est, ut sacrificia omittere; quam illegitima offerre mallerent, v. Lund. Iüd. Heiligtümer p. 555 al. Itaque iam inde a temporibus Ierobeami I. exules Israelitae ex urbe sacra sacrificiis vere sic dictis et Deo placentibus carebant. Eorum loco florebant quidem tempore Hoseae illegitima sacrificia, quae a Ierobeamo instituta in aris et lucis offerebantur. Habebant pro templo Hierosolymitano מַצְבֹּת: *idola* 2 Reg. 10, 26. 18, 4. et *aras* Exod. 24, 4., ubi suo more sacra faciebant. Verum vates pio animo praevidit tempora, ubi cives fastidio illius cultus impii, qui nec singulorum, nec reipublicae salutem restitueret, caperentur. Hinc novus explorationis gradus: אֵין מַצְבֹּת. Ephod erat amictus splendidissimus et sacerdotalis, quo pontifices maximi intrantes in sanctum sanctorum et praestantissimam partem religiosi cultus administrantes vestiti erant Exod. 28, 6. Huic pontificio indumento infixum erat pectorale, אֲדָרִים וְחֹמֶם, quo oracula divina a pontifice e sancto sanctorum petita legebantur, vid. Num. 27, 21. cf. Lund. l. I. III, 5. p. 423. Ephodo destituti non sacerdotio tantum carebant, verum et omni Iehovam consultandi facultate. Defectus autem Ephodi non exspectandus erat, sed inde a temporibus Ierobeami I. iam locum habuerat. Quippe qui, derelicto templo Hierosolymitano et omnibus sacris ad eum pertinentibus, decem tribus re sacerrima nulla arte compensanda privaverit. Legitur quidem Iud. 8, 27. 17, 5. quosdam falsa Ephoda sibi confecisse, nec dubium est Ierobeannum in instituendo cultu supersticioso illum amictum sacerdotalem imitatum esse. Verum eiusmodi figmenta pio postero Iacobi satisfacere non poterant. At Ephodo eiusque oraculo substituerant Israelitae aliud quid, nimirum תַּרְפִּים: *simulacra domestica, penates* Gen. 31, 19. 30. Iud. 17, 4. 18, 14. 1 Sam. 19, 13., quibus ad petenda oracula utebantur Ez. 21, 26. Zach. 10, 1. Quin et his tandem privandi erant, actu aliquo si non vehementi, voluntario tamen, ut mulier sponte abiicit amores illicitos, intellecturi nec veritatem nec salutem ex iis esse expetendam, cf. 9, 7. Ita autem postrema pars explorationis erat subeunda.

Notanda est varians explicatio LXX. et Hieronymi, Aquilae et antiquissimorum Graecorum interpretum, qui omnes מִצְבָּה et תְּרָפִים pro aris et instrumentis sacerdotalis habitus accipiunt. LXX. illud θυσιαστήριον, hoc δῆλous: manifestationes, i. e. Urim et Thummim, vertunt, Hieron. quidem תְּרָפִים propr. appellari μορφώματα i. e. figuras et simulacra h. l. autem dici posse Cherubim et Seraphim vel alia, quae ad templi ornamenta fieri iussa sint, concedit, verum LXX. et Aquilam, qui vertit: φωτισμούς, sequi mavult ita, ut rem sic intelligat: in pectore et corde pontificis ἀληθείαν καὶ φωτισμούς, i. e. veritatem esse debere et doctrinam, ut non solum sciāt rectum, sed quod noverit possit ore referre. Multi recentiorum hos secuti sunt. Verum eorum explicatio et admodum voluntaria, et verbis et sensui contraria videtur. Ut enim similitudo inter mulierem et populum explorandum maneret, quemadmodum illa et marito, et amatoribus per tempus orbata, sic gens non tantum a vero, sed etiam a superstitioso Dei cultu derelicta fingenda erat. Huc pertinet varians lectio apud de Rossium pro מִצְבָּה, מִנְחָה, i. e. vel quaevis oblatio, vel speciatim foriasse certum sacrificiorum genus Lev. 2, 1., fertum, Speisopfer: orta, ut opinor, e studio antiquorum interpretum in toto nostro loco non nisi partes pii cultus Iacobitici inveniendi, ut eo certius haberent praesagium de captivitate Assyriaca.

5. At populus Israeliticus ex illo tempore explorationis melior et probatus emerget. יָשֻׁבוּ בְּנֵי יִשְׂרָאֵל: revertentur omnino ab errore ad rectam viam, hinc convertentur cf. 11, 5. LXX. ἐπιστρέψουσιν, cf. 6, 1. וּבִקְשֵׁה אֱתֵיָהּ i. e. quaerent verum cultum Iehovae quemadmodum a Mose institutus in urbe regia Hierosolyma celebratur, cum antea dediti fuerint superstitiosae idololatriae. Desiderium quo pii ferebantur ad Deum sacpiissime in libris V. T. est desiderium cultus Dei in sancto illo templo, cf. Ps. 42, 3. 5. 63, 2. 9, 11. 1 Chron. 16, 10. 11, in quo Deus habitare dicebatur Exod. 25, 8. Ies. 66, 1. Ps. 74, 2. יָאֵת דָּוִיד מִלְכָּם. His verbis clarius designat, quid 2, 2. voluerit, scil. ut

III, 5.

Israelitae simul cum Iudaeis sibi unum regem e familia Davidis constituerent. David maximus regum Iudaicorum tanto honore inter Israelitas erat, quanto Iacobus pater totius gentis. Ut igitur Iacobus יַעֲקֹב pater suae gentis pro gente ipsa e lumbis ipsius orta, ita David princeps omnium regum ab ipso oriundorum appellabatur pro familia ipsius regia Ez. 37, 24. 25. et pro regibus ipsius posteris Ier. 30, 9. Postquam enim per prophetam Nathanem Davidi data erat promissio 2 Sam. 7, 16.: *tibi firmabo domum et regnum, et stabile solium permanebit in sempiternum*, cf. v. 25—29. et 1 Chron. 17, 23—27, extincta ultima regia familia, nimirum Iehu, iis aliquamdiu in solio regio propter causas gravissimas a Deo substituta, pii Israelitae non poterant agnoscere regem et lege constitutum, et benevolentia Dei tectum, nisi e familia Davidis ortum et in solio eius Hierosolymae sedentem. Posteris eius inesse putabant et spiritum atavi, i. e. eius virtutem sapientiamque, et patri factam promissionem. Si igitur vates meliora tempora Israelitis divinabat, non aliunde venire poterant, nisi a rege e familia Davidis orto et Hierosolymae sedente. Ita infelix dissidium Israelitarum et Iudaeorum ut finiretur futurum erat et promissio Davidi facta omni stirpi Iacobiticae salutem latura, cf. Herder Geist der Hebr. Poesie II, 405. Hunc sensum probe intellexerunt interpretes, etsi vario modo de prole Davidis quaerenda statuerent, v. c. esse *Zerubabelem*, ut Grotius, *Messiam Iesum Christum*, ut Lutherus. Alii ut omnes Hebraei omnia ad futurum tempus deferunt, et *ad Messiam adhuc venturum, omnes Iacobi posteros reconciliaturum*. Quibus accessit Hieron. qui quidem regem illum Davidem iam adesse in Iesu Christo, sed tempus accessus ad eum adhuc futurum putavit. Nam, inquit, *cum eum viderint filii Israelis, qui a suis fratribus denegatus est, in patris et sua maiestate regnantem, pavebunt et stupebunt ad dominum et ad bonum eius.*

Illo tempore, cum Israelitae venerint ad hanc meliorem Dei cultum observandi et civitati consulendi rationem, iis bene erit: nam *ad Dei favorem propius accedent invenientque salutem.* In verbo יִשְׁמְחוּ est elegantissima

metonymia. **פָּחַד** pr. est *trepidare*. Hinc quemvis animi vehementem affectum indicat, et timoris Ies. 12, 2, et laetitiae Ies. 60, 5. Ier. 33, 9. Hoc nostro loco simul indicat eius effectum: *intima animi commotione vehi ad Deum*, eodem modo quo **רָגַז** Ies. 14, 9. Sic Latinorum *trepidare* Liv. 23, 16.: *moxque dum sua quisque ministeria discursu trepidat ad prima signa*, cf. Virg. Aen. 9, 114. 12, 403. Horat. Od. II, 4, 23. Ita conversio eorum nec erit ficta, nec hypocritica, invenienteque simul *bona a Iova promissa*, i. e. **בְּיָמָיו**. Facit haec vox **בְּיָמָיו** elegantissimam oppositionem libidinum illicitarum **זְנוּתָם** 1, 2. quibus gens Israelitica dedita erat. Sensus est: *ita restituti in unam nationem, subiecti uni regi e familia Davidis colentes Deum e more patrum in loco eius gloriae, i. e. in templo Hierosolymitano pie et integerrime, habebunt Deum propitium et omnibus ab eo promissis donis abundabunt.*

בְּאַחֲרֵית הַיָּמִים in fine dierum illorum scil. antea designatorum **יָמֵי רַבִּים**. Nam ה' articuli habet vim demonstrativi. Sens.: *ita finis erit illorum temporum explorationis*. Bene monet Rosenmueller e quodam loco Kimchii: *hanc formulam ubicunque indicare tempora Messiae*. Finem enim omnis prophetiae antiqui foederis fuisse Iesum Christum pia mente credimus. Verum significatio etymologica et primaria cuiuscunque dictio- nis ad Messiam tendentis ut ex oratione et idearum serie scriptoris quaeratur, non omitti debet. Quod autem ad hunc locum attinet, non video, quomodo ex ullo quodam loco vatis nostri demonstrari possit, eundem postremo termino dierum s. de ultima mundi aetate, qua Christus victurus sit, cogitasse. Sunt multi loci Latinorum poetarum fabulosum aevum quasi ultimum rerum finem indicantium. Verum dubito an par ratio sit eorum et praedictionum sacrorum vatum. **אַחֲרֵית** ab **אַחֲרֵי** est: *quod post aliquem s. aliquid est*, hinc: *termini locorum* Ps. 139, 9., *finis* Deut. II, 22., *posteri* Amos 4, 2. 9, 1., *futurum tempus*, maxime addito verbo **יָמֵי** Ies. 2, 2. Ier. 23, 20. 48, 47. Mich. 4, 1. Ita etiam Lutherus plerumque vertit: „in der künftigen

II, 5.

Zeit.“. Hoc loco, uti in toto nostro capite definitum aliquod tempus voce יָמַי indicatur, יְהוָה יָמַי sinem illius temporis indicari, contextui orationis accommodatissimum est. Quibus placuit saepius occurrentem et vere vulgarem eandemque generalem significationem praeferre, ii verterunt: *tum; in posterioribus temporibus trepidabunt ad Iehovam et ad eius felicitatem.* Sic Eichhorn: „Sie werden sich künftig ehrfurchtsvoll an Iehova und seine Güte halten.“

Ut, quae de miraculosa congregatione Iudaeorum ad Christianam religionem ad h. l. confabulati sunt interpretes, brevissimis comprehendam, sufficiant verba Io. Schmidii comment. in Hos. p. 169. *Certum est, ait, Iudaeos ante novissimum diem insigniori quam hactenus factum est numero ad Christum conversum iri. Ubi tamen id diligenter observandum: 1) talem Iudaeorum conversionem, qualem Chiliastae somniant, sperandam non esse, 2) nec talem, qualem exspectant Pontificii, futuram nimirum per praedicationem Eliae et Henochi, nec 3) simpliciter universalem omnium omnino Iudaeorum. Ut enim plenitudo gentium Rom. 11, 25. non notat singulas et universas gentes et singula earum individua, sed ingentem numerum e gentilium populo, sic etiam per Israellem omnem non figuratur universus populus Iudaicus, sed insignis quaedam Iudaicae gentis multitudo. 4) Qualis et quanta praecise futura sit Iudaeorum conversio ante oraculi huius complementum apodictice sciri nequit, quemadmodum Origenes fatetur ad Rom. 11. quis iste fuerit omnis Israel, qui salvus, et quae ista plenitudo gentium, unus solus novit Deus et unigenitus eius etc.*

V.

Cap. IV, 1 — 14.

1. Audite effatum Iehovae, vos liberi Israelis! Est enim contentio Iehovae cum incolis huius ter-

rae; propterea quod nulla fides, nulla benevolentia, nulla pietas inter eos reperitur. 2. Tanto plures execrationes, mendacia, homicidia, furta et adulteria. Irruunt alter in alterum et caedes ad caedem tangit. Ideo terra luget et languescunt omnes in ea habitatores unâ cum bestiis camporum et avibus aëre volantibus; immo etiam pisces aquarum deficiunt. 4. Verum ubi est, qui eos increpet vel reprehendat? quippe et populus tuus et sacerdos pari contentione contra Iehovam deprehenduntur. 5. Corruet igitur diu noctuque, corruet tecum vates tui, exscindam matrem tuam. 6. Exscindetur populus meus eo, quod sapere non vult. Tu enim, qui omnem sapientiam contempsisti, ita contemnim a me tractaberis, ut dignus non mihi sis qui sacerdotio fungaris, et quoniam legis Dei tui oblitus es, ego quoque liberorum tuorum obliviscar. 7. Prouti aucti sunt a me, ita contra me peccaverunt. Magnificentiam eorum in ignominiam immutabo. 8. Avidè ad se rapit populus meus peccata, ad mala facinora animus eius fertur. 9. Plebem aequat sacerdos. Sed in eum quoque immittam poenas actionum eius et facinora eius ei rependam. 10. Arripiant, verum non saturabuntur, libidinibus indulgeant, verum non incolumes evadent, nam Iehovam prorsus non amplius colunt. 11. Venereae libidines, vinum et mustum animum eorum occuparunt. 12. Populus meus lignum suum consulit, ut truncus ei oracula edat. Impetus pravarum libidinum ita eos aberrare fecit, ut amoribus suis satisfaciant subtrahentes se Deo suo. 15. In verticibus montium sacrificia offerunt, accendunt thura in collibus sub ilicibus, populis et thierebinthis; nam umbra earum dulcis iis videtur. Idcirco ibi prostituunt se filiae vestrae et nurus

IV, 1.

vestrae sacrum matrimonii vinculum violant. 14. Nonne puniturus invehar in filias vestras, quod scortantur et in nurus vestras, quod adulterae sunt? quod illi cum meretricibus se subducunt et cum sacratis prostibulis sacrificia faciunt? At plebs, quae non sapit, stupens ruit.

Sequitur nova pars prophetiarum Hoseae sensu a praecedente plane diversa, sed tempore proxima. Quod antea mulieris effigie Israelitis proposuerat nunc diserte iis inculcat; nominat eorum flagitia et severissime in eos invehitur. Intelligitur ex toto orationis habitu vatem tum certissime persuasum fuisse se esse vocatum a Deo interpretem eius mandatorum, nec amplius opus fuisse, ut plura de vocatione ipsa moneret. Praeterea intelligitur vatem, quo accuratius observaverit suorum civium mores, eo magis iratum fuisse insano populo eoque aegrius animadvertisse eum non ita prope abesse a reditu in melius, ut antea opinatus fuisset. De tempore huius partis vid. introduct. p. 63 sq. Nimirum edita videtur postremis interregni temporibus, postquam Israelitae praeter calamitates bellorum civilium insuper infertilitate et aliis plagis camporum adficiebantur atque Iesaias Amosque vaticinia edere inceperant.

1. In tota hac parte loquitur vates tantum ad Israelitas, cives decem tribuum, quos aggreditur: בְּנֵי יִשְׂרָאֵל, iisque verbis utitur respectu ad imaginem de matrimonio habito. Priori enim parti orationis nostrae v. 1-5. subest notio imaginis cap. 1-3. exhibitae, nimirum rempublicam Israeliticam esse matrem, cives autem imperii ipsius liberos. שְׁמֵיךְ דָּבָר יְהוָה בְּנֵי יִשְׂרָאֵל: brevius graviusque prooemium illo c. 1, 2., ex quo vates intelligitur docendo et monendo sibi etiamnunc maiorem dictorum suorum fidem, quam prius adscivisse, ut Israelitae crederent, Deo esse ob ipsorum mores indignationem, quam hoc novo carmine iis proponeret. Particula בְּנֵי nota est ubi oratio Dei ad populum initium capiat,

simul quidem causam innuit, cur a Deo monendus sit. רִיב pr. *lis*, h. l. autem potius causa litis scil. *dissensus Dei et populi*, cf. Gen. 13, 7. Pax enim cum Deo desiit, et foedus violatum est, quod Deus cum posteris Iacobi sanxerat Lev. 26. Deut. 28. לִיְהוָה i. q. לִי, ut postea הָיָה אֱלֹהִים pro הָיָה v. 6. יוֹשְׁבֵי הָאָרֶץ: *incolae terrae* scil. *Israeliticae*, cf. 1, 2., i. q. antea בְּנֵי יִשְׂרָאֵל quae 2, 21. de Deo erga homines, nunc dicitur de hominibus erga se invicem eadem significatione: *benevolentia*. LXX. ἔλεος. הָיָה אֱלֹהִים: pr. *cognitio Dei*. LXX. ἐπιγνώσις θεοῦ. Chald.: *nec sunt qui ambulēt in timore Dei*. Grotius: *pietas*; nam *Hebraei saepe virtutes scientias vocant*. Melius per metonymiam causae pro effectu הָיָה esse potest: *pietas*. Qui enim vere cognoscit Deum, pius et probus erit, vid. Ier. 9, 23. 22, 16. cf. Ies. 53, 11. Ex his et aliis locis, ubi הָיָה יְהוָה et יִרְאַת יְהוָה alternis leguntur Ies. 11, 2. Prov. 2, 5., intelligitur hoc nostro verbo non tantum indicari affectionem intellectus, sed animi, qui cognitione vera Dei ad eum reverendum moveatur, ut nostrum *Religion*.

2. Contraria illis virtutibus recensentur flagitia, cf. quae de Israelitarum moribus narrat Amos 2, 6—8. Infinitivi ut substantiva verbalia tractantur. *Eiusmodi infinitivi hoc volunt, quod continui quasi actus semper frequententur*, Schmidt ad h. l. Al. ut LXX. et Hieron. hos infinitivos ad verbum פָּרַצוּ referunt: Illi ἀρεὴ καὶ ψεῦδος καὶ φόβος καὶ κλοπὴ καὶ μοιχεία κέχρηται ἐπὶ τῆς γῆς. Hieron.: *mendacium, homicidium, furtum et adulterium inundaverunt*. Melius suppletur ad haec et ad substantiva v. 1. usitata ellipsis הָיָה אֱלֹהִים s. אֱלֹהִים est radix primitiva, qua nomina Dei אֱלֹהִים et אֱלֹהִים

orta sunt. Arab. اَلْو and اَلْو: *obstupescere, imprecari*.

Omnino nostra radix pr. significasse videtur: *nomine Dei aliisque sacratis formulis uti*, quod fiebat in iuramentis, execrationibus et lamentationibus, unde omnibus his modis occurrit: *iurare* 1 Reg. 8, 31., *execrari*

IV, 2. 3.

Ind. 17, 2., *eiulare* 10, 4. Hoc l. quoniam nomini **אָמַת** opponitur, et cum **פָּרַשׁ** componitur, plerique interpretati sunt: *peierare*, quae interpretatio idoneis documentis comprobari non potest. Verum et usui verbi et orationi magis consentaneum videtur h. l. esse: *exsecrare*. Eodem modo LXX. **ἐξέ** et Hieron.: *maledictum*. **פָּרַצַּה**: Hieron.: *inundaverunt, ceu unda eruperunt*, multo simplicius et verae significationi verbi accommodatius vertitur: *irruunt alter in alterum*, cf. Iob. 16, 14. 1 Chron. 15, 13., unde **פָּרִיעַ**: *violentus* Ies. 35, 9. Ps. 17, 4. **דָּמִיִּים**: pr. *sanguines*, hinc *caedes cruentae*, ut 1, 4. LXX. καὶ αἱμάτων ἐφ' αἱμάτων μίσγους. Quae scelerum descriptiones optime illa tempora pingunt, cum inter bella civilia leges silent et ius fasque impune violatur. Ita tempus interregni nobis in memoriam revocant.

3. **עַל-כֵּן**: *propterea*, scil. *quod poenis tantorum scelerum adficienda est*. **הָאָרֶץ**, quae h. l., quemadmodum v. 1., est: *terra Israelitica*, **תִּחְאָבֵל**: *luget*. Omnibus his et sequentibus verbis inest poetica descriptio miseriae, quam universa natio sentit. **אֶמְלֵל** Pyl. ab inusitato **אָמַל**: *languescere*, *arescieri* dicitur de plantis et frugibus. Hinc apparet elegans metaphora utriusque verbi **אָמַל** et **אֶמְלֵל**, dum illud, de hominibus usitatum, ad terram inanimatam, hoc de rebus inanimatis ad homines, **כָּל-יְהוֹשֵׁב בָּהּ**, transfertur. De usu praepositionis **ב** in vocibus **בְּחַיָּה** et **בְּעוֹף**, ut significet *tam* — quam vid. Glass. Philol. S. p. 584.; cui quidem id repugnare videtur, quod voci **בְּעוֹף** copula **ו** annexa est, ex Glassii interpretatione prorsus superflua. Itaque rectius fortasse putatur posita pro **עִם**: *cum*, vid. Am. 1, 14. cf. Gesen. Lehrgeb. p. 815. **אָסַת** pariter ac **קָבַץ** 9, 6. colligere ad sepulcrum Ier. 8, 2. 9. 21. Ex eadem significatione dicuntur Ios. 2, 6. **פָּנִים קָבְצוּ פָּאדָר**: *vultus sepeliunt* i. e. *deponunt nitorem* et Ios. 2, 10. 4, 15. **לְכָבִיד אָסַת נֹגַהּ**: *stellae sepeliunt* i. e. *deponunt splendorem*. Hoc l. Niph.: *interire, perire*, cf. Ies. 16,

10. 60, 20. Illa animalia **יָגַם יָגַי יָהִם** i. e. *una cum piscibus peribunt*. Eichhorn sine dubio **אָסַף** colligere ad communem sortem interpretatus est, ita locum nostrum vertens: „bis zum Fisch im Meere schmachtet alles,“ scil. ut verbo **יָאסַף** sententia praecedentis **אֲמַלֵּל** repeteretur. Dubito an recte. Ista significatione potius verbum **יָסַף** occurrit. Hieronymus ita rem capit, ac si terra luceat abductionem Israelitarum in Assyriam, et *Illyricum*, ait, *Thracias, Macedoniam atque Pannonias probare, cum hominibus*, scil. *Israelitis, et animalia cuncta deficere, quae in usus hominum a creatore prius alebantur*. Quae est magis pia, quam vera explicatio. De abductione Israelitarum multo serius sermo fit. Hoc nostro loco vates de ea nondum cogitavit.

4. Non mirum est talia accidere populo, cum nemo sit, qui eum increpet et emendare studeat. Particula **אֵין** est vel asseverantis: *sane*, vel accumulantis: *quin*, v. Glass. Phil. S. p. 400., vel expletiva: *verum* v. Gesen. ad h. v. LXX. bene *ἴσως*, *siquidem*, *adeo ut*, v. Wahl in clavi N. T. ad h. v. **אֵין אִישׁ אֶל** i. e. *nemo* 2, 12. Parallelum **יִזְכֶּה** h. l. explicat verbum **יִרֶב**: *contentiose invehi, redarguere*, quod posterius de quovis genere contentionis usurpatur, vid. 2, 4. 41. et postea in hoc ipso nostro versu, cum illud **וְזִכְרָהּ** potissimum de actionibus forensibus adhibeatur, v. c. lob. 5, 17. 6, 25. 19, 5. Pronomen **הָ** in **וְזִמְרָהּ** pertinet ad **יִשְׂרָאֵל** quod quidem vates reticet, verum in mente eum habuisse ex omni orationis serie apparet. Verba autem *populus tuus* illis respondere, quibus versu primo **בְּנֵי יִשְׂרָאֵל** appellantur, docet versus 5. ubi de matre sermo est quamquam illud nomen **יִשְׂרָאֵל** alternis vicibus modo genere masculino modo foeminino adhibeatur. Pertinet hoc ad infirmum usum metaphorae de quo vid. introd. p. 104. Interpretes intelligi putant *populum Hoseae*, quasi Deus his verbis vatem allocutus sit. Verum sequens versus, ubi in secunda persona loqui pergit, et ubi procul dubio de vate minime sermo esse

IV, 4. 5.

potest, huic opinioni contradicit. Omnino est circumscriptio pronomini **אֲנִי** scil. **בְּנֵי יִשְׂרָאֵל**, quod vates ponere debuisset, si accuratus in servando et genere, et numero, et persona subie ti fuisset. Hoc in causis est, cur saepius et inprimis h. l. nimium difficilis sit intellectu. LXX. *ὁ λαός μου*. **וְעִמָּךְ בְּמִרְיָי כִּהֵן** *populus tuus aequae dissentiens est*, scil. contra Deum, ac diffidentes sacerdotes. LXX. *ὡς ἀντιλεγόμενος ἱερεὺς*. Pari modo Syrus et Arabs interpres. Ita sensus simplicissimus, nec opus est, ut confugiamus ad emendationem verborum Aurivillii apud Rosenmuellerum, qui legi vult **מִרְיָי**: *mecum contendens*. Vates enim saepius nominibus collectivis in singulari addit pluralem, v. c. v. 6. **נִדְמָה עִמִּי**. Hieronymus et Chald. vertunt: *populus contradicit sacerdoti*, eosque plurimi interpretum secuti sunt, v. c. de Wette in vers. h. l.: „denn das Volk rechtet selbst mit dem Priester.“ Verum, ut taceam ita et supplendam esse ante **כִּהֵן** praepositionem **עִם**, quod vim verbis inferat vatique non conveniat, et **כ** redundare, quae duplex est in uno commate vis, omnis sensus orationis huic explicationi repugnat. Demonstrare enim vates vult: populum impietate erga Deum non dissentire sed consentire cum sacerdotibus illis perperam sic dictis. Id in sequentibus copiosius exponit, additis expressis verbis v. 9. **וְהָיָה כָעֵם בְּפִיָּךְ**. Itaque oratio sic procedere mihi videtur: *Populus Iudaicus omnibus libidinibus et flagitiis sine ullo adiutore et correctore commissus est, quoniam ii, quibus eum ducere fas esset et copia, sacerdotes ipsi vero Deo adversantur, pari modo ut populus libidinibus deperditi*. Qui significationem particulae **כ** in hoc commate servare, sed Hieronymi sententiae adhaerere malunt, v. c. Lutherus, Tarnovius etc. recurrunt ad Deut. 17, 9 — 12. ut sensus sit: *illi sunt quasi ii, quos Moses ob contumaciam erga sacerdotes supplicio afficere decrevit*. Contra Schmidt ad h. l. **כ** non est, ait simpliciter veritatis nec similitudinis cuiuscunque, sed adaequationis, quod *populus tam malus sit, quam sacerdotes*.

5. **וְכִשְׁלֵףָהּ**: *corrues, peribis* Ps. 27, 2. Ies. 3, 8. et ap. nostrum 5, 5. 14, 2. In persona secunda, quam

vates s. Deus nunc alloquitur, iterum transitus ad aliud subiectum esse videtur. Proprie idem quod vates v. 4. pronomine **ה** allocutus erat esse debebat, nimirum **ישראל** *universum regnum Israeliticum*. Verum hoc esse nequit, quoniam postea sigillatim designatur **אמה** *mater tua*, quae eadem est Israel, et secundum imaginem capp. 1—3. et secundum v. 1., ubi populus vocatur **בני ישראל**. Vates igitur missa matre nunc verba ad liberos facere videtur, quos v. 4. **עמך** vocaverat, ita ut vox ista idem sit atque **בניך** s. vel rectius etiam **בנך** *tu — populus, quem ישראל appellavi, corrues*. **היום — לילה**: *diu noctuque*, omne tempus in universum indicat. Poetica descriptio vehementissimi interitus, qui nullo temporis spatio intermittetur, quamque nemo effugere poterit, quoniam nox ipsa non teget impios, quominus inveniri possint. Boeckel an locus sit dubitat ubi **היום** significatione *interdiu* legatur. Verum iam Michaelis in favorem huius significationis locum Nehem. 4, 16. attulit. Eichhorn nomina **היום** et **לילה** ita coniungit ut sint: „an einem Tage.“ Idem V. III. subiectum secundae personae versus nostri *sacerdotem* esse putat: „du Priester wirst daher, und der Prophet mit dir an einem Tage stürzen.“ Verum ad sacerdotes oratio demum v. 9. dirigitur et prorsus incommode h. l. *mater prophetae* eius patriam indicare posse videtur. Alternis contra leguntur vicibus h. l. et v. 4. verba **כהן** et **נביא**, non ac si idem sint ad speciem, sed ad genus. Proximum sibi profecto utrumque genus procerum civitatis erat. Utrique enim cura divini cultus et morum castigandorum commissa erat, uterque etiam par sibi erat honore, quo interpretes divinae voluntatis colebantur. Discrimen tantum in eo spectabatur, quod sacerdotum munus a Deo institutum erat, prophetarum autem ob singulorum virtutis et ingenii praestantiam a Deo e quacunque tribu populi eligebantur, tum imprimis, cum probitas sacerdotum et tribu Levi magis magisque depravaretur. Porro prophetarum quidem non victimas mactabant, verum sacerdotes futura praedicebant, idque non e visionibus, signis et ex-

IV, 5.

sultantibus animi affectionibus, ut prophetae, verum ex Urim et Thummim sicuti e singulari divina benevolentia eorum muneri inhaerente, vid. Philo de orat. prin. p. 728. cf. Ioh. 11, 51. Apud nostrum vatem discrimen inter utrumque non anxie premendum est. Sufficit ei utrumque esse falsum doctorem, quorum alter non sacerdotio veri Dei, sed deastrorum fungeretur, alter autem vana hominum excogitata pro Dei mandatis ederet cf. 9, 7.

דְּמִיתִי: LXX. *καὶ ὁμοιωσα τὴν μητέρα σου*, ut sensus sit: *matrem tuam similem feci nocti, ut* (secundum Hieronymum) *aeterno noctis silentio conticesceret, scil. propter tenebras et moerorem captivitatis.* Simili fere modo Hieronymus, quamquam ex alia significatione verbi דְּמִיתִי: *nocte tacere feci matrem tuam, ut nempe in nocte s. tenebris illius captivitatis omnibus angustiis traderetur, ubi Deus prorsus obliviscetur eius et filiorum eius.* (עַמִּי v. 6.). Est enim monente Gesenio in Lex. ad h. v. duplex verbum דְּמִיתִי, unum e dialecto Aramaea quod habet significationem, uti ediderunt LXX., alterum mere Hebraicum, quod est pr. *silere* et significatione coniugationi Piel propria, verum etiam primae non aliena, *silere facere, perdere.* Nos etiam cum plerisque interpretibus hanc significationem retinemus, ita tamen ut vocem לֵילָה duce accentuatione Hebraica ad priora transferamus et significationem verbi דְּמִיתִי generalem esse statuamus, notione captivitatis Assyriacae non limitatam, *excindam matrem tuam*, cf. 10, 7. 15. Ies. 6, 5. Ier. 6, 2. 47, 5. אִמָּה. Mirum esset, quid sibi vellet vates, nisi praecessissent v. 1. בְּנֵי יִשְׂרָאֵל et imago de muliere c. 1-3. Ex utroque autem intelligitur versu 4. בְּנֵי a vate mutatos esse in עַם et cum h. l. sermo sit de matre populi, eam esse matrem filiorum Israelis, i. e. *Israelem ipsam, omne regnum decem tribuum*, quo sensu יִשְׂרָאֵל saepissime genere foeminino apud nostrum ponitur. Hieron.: *mater vocatur populi frequentia et omnis turba nationis Hebraeae, filii autem, vel singuli e populo vel per oppida villasque dispersi.* Chald.: כְּנֶשְׁתְּכֹן congregationem vestram.

6. נִדְמִי eadem significatione, qua v. 5., praeteritum pro futuro et pluralis iuxta nomen collectivum, uti v. 4.: *exscindetur, interibit עַמִּי* qui v. 4. erat עַמִּיךָ. LXX. *ἐμοὶ ὡς δ λαός μου. מִבְּלִי הָיְתָה* propter defectum sapientiae i. e. *eo quod sapere non vult*. Eodem modo occurrit Ies. 5, 13. הָיְתָה autem omnino est *intellectus, sapientia*, i. q. הִכְמִיחָה Prov. 1, 4. 2, 6. Iob. 36, 12. 42, 3. Accipiant interpretes de cognitione Dei et pietate, ut v. 1. Verum cum v. 1. aperte addatur אֱלֹהִים quod fieri solet, ubi de illa singulari sapientia sermo est, vid. ad v. 1., h. l. ubi illud adiectum deest, de sapientia in genere ponitur, quod sensui maxime convenit. Defectus enim sapientiae cernebatur in omni agendi et cogitandi modo. Vates ex hoc sapientiae defectu causam petit, cur prorsus abiiciendus sit populus: *quoniam non sapere vis, contemnim te tractabo, ut insipientia tua tractari mereatur*. Nec video, cur ex omnibus depravationis Israeliticae speciebus v. 1. notatis unum modo sigillatim exhibuisset, nisi h. l. הָיְתָה aliud quid, idque latioris significationis esset, quam modo אֱלֹהִים הָיְתָה. Putarunt interpretes h. l. novam orationem initium capere, eamque ad sacerdotes directam, v. c. Drusius, Grotius, Rosenmueller. Verum series orationis ita est comparata, ut tota increpatio adhuc de Israelitis in universum valeat. Hoc versu nominantur liberi, v. 7. describuntur divitiae et gloria populi, v. 8. iterum vox עַמִּי occurrit. Increpationem sacerdotum non ante verbum nonum quaeramus.

Alloquitur nunc vates subiectum orationis אִמִּי, quod nisi vim inferamus textui, nil aliud esse potest quam יִשְׂרָאֵל, cf. v. 4. Offendit nos quidem saltus semper rediens a liberis ad matrem et a matre ad liberos: offendit praeterea, quod Israel, qui v. 5. mater erat, nunc genere masculino occurrit. Verum non est, quod inde impediamur verborum significationem probe intelligere. Verba אִמִּי בְּיָדָה irreparabili modo pronomen אִמִּי non ad *liberos s. populum* sed ad *parentem s. universam civitatem Israeliticam* referri iubent, cf. introd.

IV, 6.

p. 19 et 104. Fortasse dimisit vates matrem et genus foemininum, quoniam ineptum sibi visum fuit de foemina loqui, ubi sermo fit de sacerdotio fungendo. Particula כִּי non facit transitum ad novam orationem sed vere est causalis. Contemptus, quem Deus nationi Israeliticae nuntiat, in eo positus erat, ut eam non dignam haberet, quae munere sacerdotali fungeretur. Sens. verborum est: *prout tu omnem sapientiam contempsisti, contemnā te*, cf. introduct. p. 103. מִכֶּהֱן לִי. De etymologia et usu verbi כֶּהֱן Pi. כִּהֵן vid. Gesen. ad h. v. Saepius occurrit, ut sit: *sacerdotio fungi*, cf. Exod. 28, 41. 40, 13. 15., i. q. מִקְדִּישׁ כֶּהֱן 1 Reg. 2, 27. Notum enim est ex historia 1 Reg. 12, 31. coll. 2 Chron. 11, 13 — 16., dissecto per Ierobeamum regno cum rex iste impius cultum vitulorum institueret, Levitas, qui erant in omnibus finibus Israelitarum, relictis suis pomœriis et possessionibus in Iudam et Hierosolymam se recepisse, Ierobeamum vero sacerdotes sacellanos creavisse ex omni vulgo, non a Levi ortos. Hinc exstitit genus sacerdotum ab institutis Iehovae per Mosen editis et stirpe Num. 3, 6 — 12. et moribus Lev. 21. plane alienum. Mandatum vero Dei de sanctitate muneris sacerdotii tam acre fuit, ut qui alius e plebe non Levita adveheretur ad munus illud, morte plectendus esset Num. 3, 10. 38. 18, 7. Praeaeuntibus his divinis mandatis non poterat Deus non, aequae atque pii eius cultores, abhorrere a tam nefaria institutione Ierobeami, quae propter flagitia sacerdotum postea inde a v. 9. commémoranda abiectissima facta erat. Itaque Iehova hoc nostro loco non tantum significare vult: sacerdotes sibi esse odiosissimos et abominabiles, sed omnino: *omne genus sacerdotum, seque populum Levitis destitutum non dignum habere, qui sacerdotes e vulgo suo edat*, idque non tantum propterea, quoniam isti non de stirpe Levitica orti sint, sed etiam *quoniam omnes insipientissime agant*. cf. oratio simillima 1 Sam. 15, 23. 26. In verbo כִּהֵן postremum & epentheticum redundat, quod de Rossi in multis codicibus et editionibus abesse vidit. Alii codd. ut idem monet, & redundare notant. Pauci ita legendum esse appposito Kri sua-

dent. LXX. ὡς οὐκ ἔχων γνῶσιν· ὅτι σὺ ἐπὶ λυγρῶσιν ἀπώσω, καὶ γὰρ ἀπώσωμαι σε τοῦ μὴ ἱερατεύειν μοι. Quod Hieron. ita reddit: *quasi non habens scientiam. Quia tu scientiam repulisti, ego te repellam, ne sacerdotio fungaris mihi.* וְהִשְׁפַּח תּוֹרַת אֱלֹהִים: *oblitus es legis Iehovae, i. q.* תּוֹרַת ex notissimo Hebraismo, cf. Gesen. Lehrgeb. p. 741. Antiquiores interpretes h. l. innui putant mysterium trinitatis magis pie, quam vere, v. c. Schmidt: *loquitur filius de patre, non quidem exclusive, sed inclusive.* אֲשֶׁכַּח est ratio loquendi anthropopathica de Deo, v. c. Ps. 13, 2. 77, 10. cet., indicans: *Deum nullam amplius eorum rationem habiturum esse, verum eos commissurum perniciiei, quam ipsi sibi paraverint.* בְּנֵיךָ filii, monente Hieronymo singuli ex populo, non quasi alia sit mater et alii filii. Non enim modo Iehova deleturus erat regnum Israeliticum sed etiam cives eius puniturus. Videmus vati in dies magis persuasum fuisse de depravatione suorum. Capp. 1–3. tantum matrem, regnum Israeliticum increpuerat, cuius perversis institutionibus sublatis speraverat fore, ut rursus cum populo bene actum esset. Nunc autem populum ipsum, liberos Israelis, misericordia divina indignum esse existimat. Interpretes omnia ad verbum ponderantes iustitiam divinam excusare studuerunt, quoniam h. l. non tantum populo viventi sed etiam posteris poenas minatus sit, cum tamen ipse dixerit Ez. 18, 20.: *filius non portabit patris iniquitatem*, cf. 2 Chron. 25, 4. *Est, aiunt, discrimen inter poenas temporales et poenas aeternas. Illae inferendae sunt nonnunquam liberis, hae nunquam*, cf. Io. Schmidt ad h. l. Verum sacri scriptores V. T. de tali distinctione nihil sciunt, nec opus est, ut ad eam confugiamus, modo usum nominum illorum *Israel, populus; mater, liberi*; probe teneamus.

7. Nova additur causa divinae erga populum indignationis ex improbo animo eius desumta. Plurimi interpretes huius versus dissertationem iterum de populo valere senserunt. Verum vides, quam inepte poeta egisset si priora de sacerdotibus, haec de plebe locutus esset. Melius ordini orationis consuluit v. c. Kimichi, qui et hunc versum de sacerdotibus intelligit

IV, 7. 8.

ita: *in ore Aaronis patris fuit lex vera: nunc autem, cum multiplicati sint et propagati eius filii in me peccaverunt. Alii intellexerunt copiam proventus et divitiarum, quibus sacerdotes e divino decreto aucti fuerint. Dummodo ne Levitae sacerdotes remansissent Hierosolymae et Israelitarum falsi sacerdotes nullo modo a Deo essent nec numero aucti nec opibus donati. Nos quidem hunc versum non modo de Israelitica plebe intelligimus, sed orationem vatis ad eam nondum intermissam esse contendimus. Duplex est particula similitudinis כִּן — כִּן, quemadmodum — ita. רַב: multitudo, cf. 8, 12., hinc magnitudo, amplitudo, ut רַב Ies. 19, 20. 63, 1. Ps. 145, 7. רַבָּה Gen. 43, 34. 1 Chron. 4, 10. et Chald. רַבָּה Dan. 1, 27. 4, 19., aucti sunt vel numero vel opibus ac dignitate, cf. Drus. ad h. l. LXX. κατὰ τὸ πλεονος αὐτῶν. Sensus subsequentium verborum est: Nil iis proderit eorum magnificentia, peccata eorum efficiant, ut in ignominiam immutetur. Observanda est elegans brevitās in sententia exprimenda. E verbo parallelo כְּבוֹד, quod respondet priori רַב, apparet utrumque idem valere, nec sermonem esse posse de sacerdotibus, verum de populo. De populo enim כְּבוֹד splendor, magnificentia, scil. quam sub Ioaso et Ierobeamō II. recuperaverant, suo loco est, non autem de sacerdotibus. בְּקֶלֶן אֲמִיר in ignominiam mutabo, formula saepe obvia, cf. Ier. 2, 11. Ps. 106, 20., cf. Rom. 1, 23. Michaelis ad h. l.*

8. Qui versum praecedentem ad populum, iidem hunc rursus ad sacerdotes referunt, quamquam nulla notula mutatio subiecti designetur. Verum vides quomodo ita propheta laceretur. Volunt חֲטָאתָה esse sacrificia pro populi peccatis prolata, premunt porco statum constructum huius nominis, quo indicetur genitivus adiectae vocis עֲמִיר ita: *vescuntur victimis populi mei*. Verum quod victimas comederint iis non potuit vitio verti, cum manifestum Dei mandatum esset, ut sacerdotes iis vescerentur Lev. 6, 26 — 29. Legimus ipsum Moſen iis admodum iratum fuisse, qui talibus victimis vesci nollent Lev. 10, 17. 18. Kimchi rem ita expe-

dit, ut vertat: *non sunt sacerdotes, nisi ad comedendas victimas pro peccatis, quas offert populus, non ad docendam legem et rectam viam.* Alii, v. c. Lutherus et Grotius: *ideo non reprehendunt serio peccata, ut plures accipiant victimas, quibus pascantur.* Quae quidem admodum arbitrariae sunt explicationes. Simplicissimum est sic vertere: *populus meus ad se rapit peccata.* Status constructus in voce **הַטָּמֵא** pro absoluto **הַטָּמֵא** profecto neminem coget **עַמִּי** vertere *populi mei*, cum usus istius status nec necessario nec semper ad genitivum spectet (vid. Glass. Phil. S. p. 124.), et accentus statum constructum indicans ab Hebraeis in favorem LXX. qui habent: ἀμαρτίας λαοῦ μου φάγονται adhibitus esse potuerit, **עַמִּי** autem nomen collectivum cum plurali construatur, ut v. 6. **אֵכָל**: *avide ad se rapere* Ps. 27, 2. Jer. 15, 16. Hinc Hieron.: *peccata devorant, scil. consentientes sceleribus delinquentium, quia, cum eos peccare perspexerint, non solum non arguunt, sed laudant et sustollunt.* In verbis **וְהָיָה לָהֶם נֶפֶשׁ** mira est commixtio numeri, quam plures codices lectione **נֶפְשָׁם** explanare studuerunt, vid. de Rossi ad h. l. Hac lectione verba facilius explicantur, verum facilitate non commendatur lectio. Nos ipsi in communi vita dicimus: „sie richteten ihr Herz zu etc. — sie stimmten ihre Seele zu etc.“ — Ceterum nomen **עֵוֹן** iterum monet **הַטָּמֵא** esse peccata, nam parallelismus utriusque commatis huius versus coram oculis positus est. *Ad iniquitatem suam attollunt animos, i. e. impietatibus suis delectantur.* Tertia oratio parallela est v. 11. **וְהָיָה לָהֶם נֶפֶשׁ** — **וְהָיָה לָהֶם נֶפֶשׁ**. Ponitur **נֶפֶשׁ** de eo quod aliquis vehementer cupit, ut inde delectetur Ps. 86, 4. 143, 8. Jer. 22, 27. Eichhorn ingeniosius quam verius: „Von Sünden meines Volkes nähren sich die Priester, nach seinen Missethaten hungern sie.“

9. Nunc demum venit vates, resumens ea quae v. 4. *ὡς ἐν παρῶν* monnerat, ad sacerdotes, et sic sanus ordo totius orationis reperitur. *Plebem aequat sacerdotes, et in flagitiis, quae committunt, et in poenis, quas*

IV, 9. 10.

dabunt. De sacerdotibus loqui vatem cum antea de populo verba fecerit, praeter alia singulari quoque numero indicatur, quem in hoc versu adhibet, quamquam brevi post v. 10. pluralem repetat. **וְיָרָה**: *vita, agendi ratio, mores*, quia vitam cum itinere comparare scriptores sacri amant, cf. Ps. 1, 1. 139, 3. 2 Chron. 6, 30. Ies. 35, 15. **מַעֲלִים** a rad. **עָלָה**: *agere* Iob. 16, 15., de gravibus et ponderosis actionibus Thren. 1, 22. 2, 20., item significat *facta* in utroque sensu, et *bona*, et *mala*, saepius ap. nostr. 5, 4. 7, 2. cet., cf. Zach. 1, 6. Ier. 35, 15. **אָשִׁיב לָהּ**: *redire faciam in eum* i. e. *ei rependam*, cf. 12, 3., construitur cum accus. Exod. 22, 25. Ios. 4, 4. inde non opus est, ut suppleamus כ, uti Ps. 18, 21. et alibi.

10. **וְאָכְלוּ**: *arripiant* scil. *peccata*, **וְהָטְאוּ** vid. v. 8. ad quem nimirum respexit propheta, ita tamen, ut nunc illud verbum metaphorice adhibeatur, quasi de vera commissatione. *A peccatis enim nunquam saturabuntur. verum in dies maiore aviditate torquebuntur.* Tropo remoto: *non bene iis erit, tanquam saturis, verum animus tanto inquietior erit et vi pravarum cupidinum vexatior, quanto plura vitia committent.* Vates h. l. fortasse rursus numero plurali utitur, quoniam nunc una cum sacerdotibus populum oratione carpit. Quae sententia verbis praecedentis versus confirmatur **וְהָיָה כָעָם כַּכֹּהֵן**: *plebem aequat sacerdos*. In quo enim uterque sibi similis sit nunc describit vates. Hieron.: *voluptas insatiabilis est, et quanto magis capitur, tanto plus utentibus famem creat.* Alii verba de cibo proprie sic dicto accipiunt, ita: *comedent, sed ob annonae penuriam et maledictionem iis eveniet, ut homines quamlibet voraces nunquam tamen exsatiarentur*, v. Drusius et Bochart. in Hieroz. 1, 404. cf. Michael. ad h. l. Schmidt ita: *comedebant sacerdotes cum populo et convivabantur Baccho, eum in finem, ut illum propitium haberent, et ipsis omnia daret et semper et ad satietatem et abundantiam. Deus autem comminatur se facturum ut bonis quaesitis non saturentur, sed fame potius et siti premantur.*

IV, 10.

הִפְּחִי Hiphil non multum differre videtur a prima Coniug. LXX. ἐπόρνευσαν. Hieron.: *scortati sunt*, vid. v. 18, 5, 3. Verum aucta quadam significationis vi verendum esse videtur: *se invicem ad scortationem seducunt, exercent invicem venereas libidines*. יָרִיבָהּ יָרִיבָהּ. De significatione verbi פָּרַץ disceptant interpretes. LXX. οὐ μὴ κατεσθύνωσιν, quod Hieron. vertit: *dirigentur*. Idem Hebraica verba vertit: *non cessaverunt*, utrumque sic explicans: *vires in fornicatione deficiunt et fornicandi desiderium non quiescit*. Lutherus: *et non continget iis*. Chald.: *accipient uxores sed non generabunt filios*: quod plerisque recentiorum placuit, minus quidem eleganter ab Eichhornio ita repetitum: „bei Weibern schlafen und sich nicht vermehren.“ Verum פָּרַץ tantummodo de voluptatibus venereis et impudicis nusquam de concubitu legitur, qui procreandorum liberorum causa exercetur. Quod si metaphora verbi פָּרַץ ab aquis per aggerem perrumpentibus sumpta est (cf. Rosenmueller ad h. l.), multo simplicior explicatio mihi videtur: *non erumpent e pernicie, non incolumes evadent*. Legitur enim illa radix *erumpere* „herausbrechen“ de alveo Iob. 28, 4., de homine effrenato Iob. 16, 14., de heroe per portas erumpente Mich. 2, 13. Unde הִפְּחִי: *se vi rumpere*, scil. a dominis 1 Sam. 25, 10. De liberis procreandis non occurrit, tantum de augenda sobole: cuius utriusque cogitatio inter illas res venereas existere non poterat. Contra suo loco erat cura, ut voluptatibus gauderent immunes ab omni periculo amitteudi honorem et vitam. Haec vates dicere vult: *iis non continget ut erumpant e manibus ultoris* scil. Iehovae. Accedimus ita ad Lutheri sententiam. Sequens particula כִּי hanc interpretationem probare videtur, nam causam indicat cur non incolumes evasuri sint. Nam Iehovam reliquerunt, qui eos tueri posset, nunc autem ultor scelerum erit. לִשְׁמֹר לִשְׁמֹר pro לִשְׁמֹר acceperunt Hieron.: *in non custodiendo* et LXX. in nonnullis codicibus τοῦ μὴ φυλάξαι: *reliquerunt eum ita ut non amplius eum colere vellent*¹⁹⁾. Verum no-

19) Alii codd. legunt τοῦ φυλάξαι.

IV, 10—12.

tissimus usus est loquendi apud Hebraeos, ut exprimant adverbialia duobus verbis iuxta se positis, utיב שני 2, II., maxime si alterum ponitur in infin. cum praep. ל lob. 7, 7., et centies occurrens verbum יב יב Gen. 4, 2. 8, 10. 12. 18, 29. Ita nonnunquam verba componuntur admodum mirabili modo v. c. יב ללעשית loel 2, 20. 21. Gesen. Lehrgeb. p. 823 cet. Hoc l. *deseruerunt observanda* i. e. *non amplius observarunt s. coluerunt eum*, nam יב שם denotat etiam *colere* Ps. 59, 10. Zach. II, II. cf. locum apud interpp. saepius laudatum Virgil. Georg. 4, 212. Hac formula fortasse etiam indicatur hypocriticus cultus Israelitarum. Iactabant enim se Iehovam colere festis et sacrificiis suis, sed *iidem ita colendo eum deseruerant*. Hebraei interpp. (cf. ap. Kimchium) coniungunt hunc infinitivum cum sequentibus ita: *deseruerunt dominum ut observarent scortationem*. Kimchi ipse supplet יב יב cultum idolorum ab Israelitis adoptatum.

11. Ostendit porro *sacerdotes et populum omnino Deum non curare sed suas libidines, nimirum Venereas et Bacchanales*. Scimus enim in quovis genere fuisse libidinosissimum, vid. Exod. 32, 6. Num. 25, 1—9. Opprobrium stupri in cultu Baal Peoris commissi plura loca V. T. v. c. 1 Reg. 15, 11. 12. 2 Reg. 23, 7. 2 Chron. 15, 16. et nostrum ipsum caput v. 13. 14. indicare videntur. cf. introd. p. 32 sq. יב לל: *cor abstulit* i. e. *animum eorum occupavit*. Al. לל pro יב שם sumunt, quemadmodum Prov. 6, 32. 7, 7. 9, 4. 16. cet. ut sit: *abstulit iis omnem vim intelligendi*, cf. Dathius. LXX, ἐδέξατο καρδία λαοῦ μου, ac si initium versus sequentis יב לל pertineat adhuc ad praecedentem.

12. Postquam mores sacerdotum et plebis sibi aequos esse commemoravit, in recensione eorum modo illos modo hanc carpit, ita tamen, ut semper ea tangat, quae proxime accedant ad res sacerdotales. Huc pertinet interrogatio oraculorum. Secundum legem Iudaicam summi sacerdotes ex Urim et Thummim oracula petebant, vid. 3, 4. Plebs Israelitica per falsos suos

doctores decepta *lignum consulit*. E ligno enim conficiebantur idola domestica quae לֵּיִשׁׁן vocabantur, cf. Ies. 40, 20. 44, 13—17. Ier. 10, 3. Ab his oracula petebant, 3, 4. Quod autem vates lignum ponit pro idolis, id consulto fit, ut turpitudinem idololatriae ita significet, cf. Schmidt ad h. l. Alii v. c. Drusius de illa Graecorum divinatione rem intelligunt, quae *ξύλομαντεία* vocabatur et e fragmentis ligni fiebat in Illyrico. Verum de hoc superstitionis genere nihil praeterea occurrit in libris sacris illius aetatis. LXX. ἐν συμβόλοις ἐπιηρώτων i. e. *oracula petunt in auguriis s. ominibus*. לֵּיִשׁׁן cum praep. בְּ est frequens formula de oraculis petendis, cf. Num. 27, 21. Iud. 1, 1. 18, 5.

וּמִקֵּלָּו יָגִיד לֹא: *ut baculus eius ei futura designet*. Est aliud genus divinationis, quod apud Graecos *ξύλομαντεία* vocatum est, ubi baculi vario modo tractabantur et iaciebantur, ut omen inde existeret, vid. eundem Drusium. Alii *de lituo augurum, pedo pastoralis simili* intelligunt, qui quidem tantum apud Romanos in usu erat, v. Cicero de divin. I, 30, 17. Michaelis ad h. l. Alii putant fuisse quoddam genus *Theraphim*, ubi erant capita humana vel aliae artificiosae imagunculae super baculis erectae, v. Schmidt ad h. l. Drusius adfert locum Festi, ubi: *delubrum*, inquit, *dicebant fustem delibratum* i. e. *decorticatum, quem venerabantur pro Deo*. Quae ad simplicissimam huius loci interpretationem nos ducunt. Cum enim in aliis V. T. locis nihil occurrat de oraculis e baculis petitis sed hoc nostro loco מִקֵּלָּו in parallelismo cum יָץ ponatur, cf. v. 7. 8. cet., baculus fere idem esse videtur quod lignum, nimirum *idolum e fuste s. ramo arboris sculptum*, utrumque autem tantum differre ratione magnitudinis. *Lignum* autem et *baculum* non indicare eum oracula interrogandi modum, ubi quodlibet lignum et quilibet baculus ad hunc usum aptari potuerit, quemadmodum in Xylomantia et in Rhabdomantia fiebat, apparet etiam ex adiecto pronomine י in utroque nomine; indicat enim suum quemque habuisse יָץ et מִקֵּלָּו quemadmodum Theraphim 3, 4. יָגִיד: in universum indicare, responsum dare, adhibetur inprimis de signifi-

IV, 12.

catione rerum ignotarum 1 Sam. 9, 6. 1 Reg. 10, 3. Ies. 41, 26. 43, 9.

וְהָיָה וְהָיָה uti 5, 4. *motus animi ad idololatriam impellens*. Bene Liveleius: *vehemens*, inquit, *libidinis fervor et affectus ita nominatur*. Hebraei enim spiritus vocant animi concitati motus, quos Cicero affectiones, affectus, impetus, commotiones et perturbationes animi vocare solet. Hinc spiritus zelotypiae Num. 5, 14., mendacii 1 Reg. 22, 23., vertiginis s. perversitatum Ies. 19, 14., soporis ibid. 29, 10., impuritatis Zach. 13, 2. Verum, quod ad originem verbi attinet, ipsi non est consentiendum addenti: *vocantur spiritus, quia a malo spiritu proficiscuntur*. Occurrit enim bono sensu spiritus iustitiae Ies. 28, 6., sapientiae Deut. 34, 9., intelligentiae et consilii Ies. 11, 2. Nec unquam in scriptoribus sacris V. T. occurrit רוּחַ eo sensu, ut aliquod numen excelsioris ordinis praeter Deum designet. Pro iis alia nomina, potissimum אֱלֹהִים et מַלְאָכָה leguntur; vid. ad 12, 4. 5. רוּחַ contra, propr. *flatus* s. *ventus* s. *halitus*, in omnibus iis locis, ubi metaphorice s. derivative ponitur, indicat vel vim et affectionem vitam Gen. 6, 17. Iud. 15, 19. 1 Sam. 30, 12. Ez. 37, 5., vel spirituales Gen. 41, 8. Num. 27, 18. Eccl. 3, 21. et omnes loci supra laudati, vel divinam quae et in hominibus et in omni natura operatur Ps. 51, 13. 139, 7. 143, 10. Ies. 34, 16. 63, 10. 11. Hinc factum est, ut notio ista idealis, abstractum, postea ab Hebraeis philosophantibus in concretum transponeretur, et quae de vi non conspicua et spirituali dicta essent, de personis s. subiectis spiritualibus acciperentur, pariter ac דָּבָר 1, 1. Nos quidem subsistentes in ideali quidem sed metaphorica vocis significatione proxime sensui vatis accedere putamus vertendo: *impetus pravarum libidinum*. הָיָה: *errare fecit*, scil. eos. Pronomeu subintelligendum esse contextus docet, ut 2, 7. De studio interpretum codices inveniendi, qui legant הָיָה vid. Rosenmueller ad h. l. Est elegans usus verbi nostri, quoniam mulier errat e toro in illicitos amores. וְהָיָה מַתְחָה אֶל־הָיָה imago scortatus, translata ad idololatriam. Hieron.: *fornicati sunt a Deo suo*. LXX. καὶ τὸ θεὸν αὐτῶν, הָיָה

indicat modum, quo mulier cum viro coniuncta est. Est enim mulieris viro subiici eique obtemperantiam praestare, cf. ὑπακούω γυναι Rom. 7, 2. Mulier vero infidelis denegat marito obedientiam et subducit se eius auctoritati. Hinc מִתַּחַת ex usu illo Hebraico ubi praepositionibus quamlibet appropinquationem significantibus adiecta altera praepositione מִן contraria significatio infertur (cf. ad 2, 5.): *subtrahentes se Deo suo*, cf. Exod. 6, 6. Boeckel: „dass treulos sie von ihrem Gotte weichen.“ Alio sensu Eichhorn: „sie buhlen unter ihren Göttern.“

13. Designat vates illecebras, quibus impii sacerdotes plebem ad idololatriam trahant. Instituunt enim solennia sacra in iis locis, ubi libido maxime accendatur et ubi libidinibus venereis facillime satisfieri possit. Contextus docet in hoc quoque versu alternis, et de sacerdotibus, et de filiabus Israelitarum, parte plebis diserte nominata, sermonem esse. יִזְבְּחֵהוּ *sacrificia offerunt*. Officium sacrificia offerendi sacerdotibus erat, et ex institutione Dei, et ex usu omnium gentium, cf. Lund. lüd. Heiligth. I. III. c. 36. et 37. עַל-רִאשֵׁי הַהָרִים. *In verticibus montium* et in collibus, qui saepius comprehenduntur nomine בָּמֹת, idola colebantur inde ab antiquissimis Iudaeorum temporibus, unde Moses iam Lev. 26, 30. in hanc superstitionem invehitur. Usus sacer locorum excelsorum barbaris nationibus, quibuscum in commercium venerant, maxime familiaris erat Num. 22, 41. 33, 52. Inhaesit Israelitis et Iudaeis temporibus regum 1 Reg. 3, 3. 4. 2 Reg. 17, 9—12. 23, 5. Quin et ipsi pii cultores Iehovae in montibus sacra fecerunt, v. c. Samuel 1 Sam. 9, 12—19. et templum Salomonis in monte Sion exstructum est. Profecto situs montium aptissimus est efferendis animis et excitandae pietati erga Deum, cuius magnificentissima opera in montibus coram spectantium oculis posita sunt. Verum illi montes et colles populo occasionem praebuerunt varios eosque nefarios modos superstitionis cultui adaptandi. Quod Moses cavere voluit legem edendo: ne Iudaeorum sacra solennia in quocunque loco plebi iucundo, sed in eo solo loco, ubi tabernaculum sanctum esset, celebraren-

IV, 13. 14.

tur Lev. 17, 3. 4. Dent. 12, 13. 14. 14, 23. Eadem de causa serius exstructo templo Hierosolymitano institutum est, ut solummodo in eo templo sacrificia fieri fas esset 2 Chron. 7, 12. Vates autem monet illos montes et colles a sacerdotibus et a plebe non propterea adamari, quod ibi sensus pietatis vel invitis nascentur, sed פִּי-טוֹב זֶלֶה. Ad augendam amoenitatem faciebant arbores, זֶלֶךְ: *quercus*, לְבָנָה: *styrax s. populus alba*, זֶלֶה: *terebinthus*, al. *ulmus*. LXX. ὑπὸ κάρῳ δένδρι καὶ λεύκῃς, καὶ δένδρου. Hieron.: *subter quercum et populum et terebinthum*. Plura de istis arboribus et de auctoribus eas uberius recensentibus vid. ap. Rosenmuellerum ad h. l. Ceterum video interpretes, quotquot eorum mihi innotuerunt, non multum differre in generibus arborum. זֶלֶה umbra unius pro umbra omnium arborum commemoratur. De consuetudine Israelitarum sub umbra arborum frondosa impium suum deastrorum cultum exercendi cf. Ies. 57, 5. Ier. 2, 20. 3, 6.

כֵּן i. e. *propterea quod iis in illis locis bene est*. Dulcis amoenitas illorum locorum animum ad omnes libidines fert. Non video, cur interpretes sensum prope adiacentem altius quaesiverint, v. c. Drusius secundum Kimchium: *nam absentia patris familias occasionem fert filiabus scortandi custode earum remoto*. Dathē: *secundum illud pessimum vestrum exemplum, quod filiae et nurus vestrae vident, eadem scelera committunt*. Alii in verbis nostris mores illius aevi pessimos pingentibus recensionem poenarum invenerunt, v. c. Hieron.: *scil. ut patres propter scelera sua impudicitiam filiarum punirentur*. כֵּלֹת sunt vel sponsae, v. c. Ier. 2, 32. Ies. 62, 5., vel nurus Gen. 38, 24. Ruth. 1, 7. cet. LXX. νύμφαι. Hieron.: *sponsae*. Utracunque sententia praefertur, sensus idem est: *mulieres vestrae dulcedine loci deceptae se prostituunt*. Causam autem, cur praesertim has libidinibus omnes praeceuntes nominet, afferunt sequentia.

14. לֹא אֶפְקֹד. Interrogative accipiendum est: *nonne puniturus invehar in filias vestras, quod scortantur, et in nurus vestras, quod adulterae sunt?* Ita omnes

difficultates absunt et res est facillima. Futurum Hebraicum suo loco est, praesens tempus cum quadam continuatione designans, ut in omni v. 13. Ad intelligendam autem particulam אִם non opus est, ut cum Dathio lectionem emendemus repetito וְ ex postremo verbo versus 13., ut nempe sit initium nostri versus אִם , cum saepius nuda particula אִם interrogative occurrat 2 Sam. 23, 5. 1 Reg. 22, 17. 2 Reg. 5, 26. Ies. 5, 9. cf. Gesen. ad h. v. אִם sequente praep. עַל : *animadvertere in aliquem*, cf. 1, 4. Frustraneum sibi imposuerunt laborem interpretes dum hisce verbis gravissimum divinae indignationis signum atrocissimasque minas infundere voluerunt, cf. Rosenmueller ad h. l. Prae ceteris, quamquam non benevolentia, eminet explicatio eorum, qui Deum per vatem dicere iubent: *ita iratus vobis sum, ut ne dignus quidem vos haberem, qui puniremini. Si enim vos punirem fortasse meliores evaderetis. Verum id caveam. Stat meum consilium: sine misericordia penitus deleminor!* Beatus spiritus benevolentissimi vatis condonet iis iniuriam ipsi factam. Omnis eius argumentatio in quavis linea consilium et votum designat, ut cives carissimi serventur in tantis rerum angustiis. Propterea eos increpat, monet, spem iis aperit, iis consulit. Num quaeso fieri potuit, ut subito omni amoris sensu abiecto tam dire in eos saeviret et Deo tam indigna fervore commotus ediceret? Multo aliter verba sonant in illo loco, ubi ira eius ad summum provecta est fastigium 9, 14 — 17. LXX. ad verbum: $\text{οὐ μὴ ἐπισκέψωμαι ἐπὶ τ. θυγ.}$ rem in suspensio relinquunt, quamquam οὐ et οὐ μὴ etiam interrogationis loco occurrant, vid. Wahl in clavi N. T. ad utrumque verbum. Hieronymus eandem, quam nos reprehendimus, sententiam secutus vertit: *non visitabo super filias vestras cum fuerint fornicatae*, et: *gravis*, addit: *offensa est, postquam peccaveris iram Domini non mereri*. Plura v. ap. Rosenmuell. ad h. l. Eichhorn: „Ich kann nicht eure Töchter strafen, wenn sie buhlen — denn selbst die Priester gehn mit Buhlerinnen auf die Seite etc.“ eodem sensu de Wette. Verum non liquet, cur propterea illas punire Deus non potuerit.

IV, 14.

כִּי-הֵם לִם-הַזִּנוּת יִפְרְדּוּ. Designat nunc vates accuratius, quid sibi voluerit commemorando prostitutionem filiarum. Ea enim ad cultum religiosum ipsum pertinebat, et propterea multo abominabilior erat. Teneamus ante omnia inde a v. 9. sermonem fuisse de flagitiis, quatenus sacerdotes cum plebe pari culpa laborarent, et quatenus inprimis a sacerdotibus alerentur. Sic usus pronomini masculini הֵם neminem offendet. Respicit nimirum ad sacerdotes. Positum esse cum emphatica quadam digitorum monstratione apparet, quam vates amat, v. c. 9, 10, 10, 2, 11, 3, 10.; nam alias plane superfluum fuisset, sufficeret posuisse יִפְרְדּוּ. Non aliud praecedit subiectum, quod respici potuisse videatur, et omnis dubitatio eximitur nostrae sententiae, cum postea vates dicat, eos הֵם cum sacris prostibulis sacrificia fecisse, quod nullius nisi sacerdotis officium erat, Michaelis intelligi vult *Israelitas*, *Dathe patres*, alii cum contemtionem locutum esse vatem contendunt, ac si eos, quos in mente habuerit, alloquio non dignaretur. הַזִּנוּת וְהַקְדָּשׁוֹת sunt eaedem, quae antea וְכַלּוֹתֵיכֶם et בְּנֹחֲתֵיכֶם vocatae sunt, ita tamen ut nunc modus et causa designetur, cur se prostituerint, nimirum in honorem deastrorum, Baalis Peor et Astaroth, quorum ille a Midianitis, haec a Phoenicibus ad Israelitas pervenerat 1 Sam. 7, 4. 12, 10. 1 Reg. 11, 5. 33. Utriusque cultus et obscoenus et libidinosus erat, cf. Lev. 19, 29. Num. 25, 1 — 8. Lund. lüd. Heiligthümer 7, 33. p. 178. Utrique ministrabant קָדָשׁוֹת et קָדָשִׁים Selden de Dis Syris Synt. I, 160. et II, 237. Puellae et pueri in illorum deastrorum cultu impudicissime se tractari patiebantur Herodot. 1, 199., in templis eorum concubitum exercebant et mercedem inde sumtam deastris dicabant Dent. 23, 18., quin postea apud Corinthios in sacris Veneris, quae ex Syriacis Astartes ad Graecos transierant, plusquam mille puellas libidinibus prostitutas fuisse narrat Strabo Schol. Aristophan. ad Plut. v. 149. cf. Introd. p. 33. 34. et Clericus ad Exod. 34, 15. His *sacris prostibulis* sacerdotes, qui in fanis illis impuris sacro munere fungebantur, abusus fuisse, eosque fortasse tur-

pissimo modo initiasset e nostro loco intelligitur. **יִפְרְדֵּי**. Coniugatio Piel a rad. **פָּרַד**: *dividere, separare*, habet significationem reciprocam: *separare se*, Michaelis ad h. l.: *subducunt se*, ait, *consortio aliorum, ut meretricibus se coniungant*. Piel cf. Gen. 13, 9. 11, 14. Prov. 16, 28. Ruth. 1, 17. Radix Arab. in II. coniugatione, quae Hebr. Piel respondet, **فَرَدَ** significat: *secessit, separavit se a ceteris, peculiariter devotionis ergo, ut scil. faciebant impurissimi illi homines. At Schmidt de partitione sacrificiorum: cum scortis dividunt carnes victimarum post factas proficias, cf. 1 Sam. 1, 4. 5. 9. 22. cet. Priori tamen sententiae usus verbi in Niphal et Hiph. magis favere videtur, quo integrorum separationem et secessum potius denotat. Cum his igitur prostibulis subducunt se et sacra faciunt, ut, addit idem Michaelis: harum impuris amplexibus illi se libidinem in honorem profani numinis exercere testatum darent. LXX. ὅτι αὐτοὶ μετὰ τῶν πορνῶν συνεφύροντο καὶ μετὰ τῶν τετελεσμένων ἑσθύνον. Hieron. in dissert.: μετὰ τῶν τετελεσμένων vertit: cum initiatis et consecratis ad cultum Dei, ipse autem in versione habet: cum effoeminatis, ita ut hoc nomine significantur exsecti s. contracti, quales olim erant sacerdotes Cybeles, de Gallorum gente. Verum monet: sciendum est in praesenti קִדְשֹׁת esse meretrices, ἱερεῖς, i. e. sacerdotes Priapo mancipatas, in aliis vero locis Cadesim legimus, viros exsectos libidine.*

וְעַם nunc ad plebem sigillatim transit, ex quo denuo intelligitur antea de alia quadam specie gentis, scil. de sacerdotibus cogitasse, ad quos pronomem **הֵם** referendum fuisset. **לֹא יָבִין** scil. **אֲשֶׁר לֹא**, ex noto Hebraismo Gesen. Lehrgeb. p. 747. *populus qui non sapit*, cf. v. 6., i. e. *qui non intelligit, quam flagitiosa sint haec omnia, sed tantum stupet, fortasse delectatur*. **יִלְבֹּט**. LXX. συνεπλέκετο μετὰ πόρνῆς, *complicatur meretricibus*, unde intelligitur eos priora verba sequentis versus anticipasse. Syrus: *amplexus est*, Chald.: *colledetur, adfligetur*, Hieron.: *vapulabit*. Semel praeterea tantum in V. T. occurrit Prov. 10, 8. 10. Verbum

IV, 14.

est, ut Michaelis monet, latissimi usus quod Ebn Esra e lingua Ismaelitica repetit, ut indicet: *velut perplexum*, qui nescit quod agat, quod respondet Arabico لَبَّسَ

prosternere, cf. Gesen. ad h. v. Hinc nostrum Niphal eleganti ratione abhbitum videtur, ut simul *stuporem*, quo prosternitur et *interitum*, in quem praeceps ruit, indicet. Sed in versione sic exhibuimus: *stupens ruit*, quae optime convenire videntur praecedentibus לֹא יָבִין, ruit nempe in paria scelera et in perniciem. Fere sic Eichhorn: „das gedankenlose Volk wird durch sie hingerissen.“

VI.

Cap. IV, 15 — V, 9.

15. Licet tu Israel tam ignominiosa perpetras, saltem ne reus fiat Iuda. Ne vos quoque veniatis Gilgalem, neve ascendatis versus Beth-Aven, ut ibi iuretis per Iehovam viventem. 16. Quoniam Israel ut iuvenca refractaria se gerit erga Iehovam, ideo Iehova eam aget velut agnum in regiones amplas. 17. Prorsus adiunxit se Ephraim idolis. — Dimittatur ergo. 18. Segregata sit eorum compotatio, venereas artes invicem exerceant, adamant ignominiosa et insana idola, 19.prehendat eos libidinosus impetus alis suis: tandem turpiter a suis sacrificiis decepti peribunt. V, 1. Audite haec sacerdotes, et attendit domus Israel, et Vos a domo regia observate! Iudicium enim Vobis imminet, qui laqueus facti estis Mispae et rete expansum super Taborem. 2. Victimis suis perfidiam profundiorum reddiderunt. Sed iis omnibus

correctionem paravi. 3. Novi enim te Ephraim, nec mihi Israel absconditus est. Turpe egisti Ephraim, pollutus est Israel. 4. Non permittunt eorum scelera, ut revertantur ad Iehovam, nam impetus impudentis idololatriae medios inter eos est, ut Iehovam non cognoscant. 5. Quo Israel superbit, id in os eum criminatur. Israel et Ephraim labentur inter peccata sua. Labetur cum iis ipse Iuda. 6. Tunc quidem cum ovibus et armentis exhibunt ad quaerendum Iehovam, verum nusquam eum invenient, quippe qui se ipsis subtraxerit. 7. Fidem Iehovae violarunt, sic quoque filios peregrinos pepererunt, nunc impia eorum festa ipsos cum patria perdent. 8. Clangite buccina Gibeae! Clangite tuba Ramae! Vociferate in Bethaven, ut Tu haec omnia audias Benjamin. 9. *Ephraim desolata erit tempore correctionis.* Verissimum hoc indicavi tribubus Israel.

Postquam vates flagitia populi Israelitici, plebis, sacerdotum foeminarum, pinxerat, orationem ad Iudaeos dirigit. Itaque novam habemus vaticiniorum partem sensu a praecedenti diversam. Hucusque enim ad Israelitas solos verba fecerat, nunc nil curae habet nisi hoc unum: *ne Iudaicae tribus pari modo a Deo deficiant uti Israelitae.* Hanc ob causam monet Iudaeos v. 15., poenas minatur Israelitis ut exemplo sint illis v. 16 — 5, 5., Iudaeis idem exitium annunciat nisi resipiscant 5, 5 — 7., denique tamquam sono buccinae et tubae Iudaeis in aures clamat, ut mores et sortem eius evitent: *Ephraim desolata erit* v. 8. 9. Plura de argumento et tempore istius partis vid. in introductione pag. 62 sq.

IV, 15.

15. אִם-חַיָּה אֲנִי: *si ignominiosam tuam idololat-
triam exerces; oratio potius concessiva, quam conditio-
nalis. Sens.: Quodsi non corrigi, sed peccatis semper
deditus esse vis, dimittare, cf. v. 17. Sed unum adhuc
mihi curae cordique est: ne Iuda tecum peccet et per-
eat.* Stirpibus Iudaicis adhuc erat templum Hierosolymi-
tanum, erant omnia instituta et instrumenta veri divi-
ni cultus, erant reges e familia Davidis, quibus pro-
missio data erat 2 Sam. 7, 6. cf. ad 3, 5., erant Levi-
tae, veri sacerdotes et hucusque a plerisque certe regi-
bus magis servata pietas. Verum iam instabat pericu-
lum. Rex Usias magis simulator quam sincerus Dei
cultor post mortem Sachariae negligentia sua deprava-
tionem gentis in dies augebat. Hinc monitum אִם-חַיָּה
יִהְיֶה: *saltem ne Iuda reus fiat i. e. ne in consor-
tium flagitiorum et poenarum veniat!* Hoc enim utrum-
que innuit verbum חַיָּה: *peccare et inde poenis di-
gnum fieri* Lev. 4, 13. 22. Ies. 24, 6. Alii v. c. Ge-
senius ad h. v.: *se poena dignum sentire, quod fere re-
spondet Iarchio: si fornicatur Israel, non sunt prop-
terea rei filii Iudae, nec ego eos damno, ut dictum
erat supra 1, 7., tribus Iudae benigne excipiam.* Ve-
rum non de sensu culpae i. e. de poenis avertendis,
nec de misericordia Dei erga Iudaeos hic sermo est.
Sensus totius versus docet Iudaeos moneri. Nam si in
primo commate אִם esset *non*, tunc eadem significatio
etiam in sequentibus commatibus esset tenenda, et tum
verbis laus inesset, quae omnino 5, 5. repugnat. Hie-
ronymus eundem nobiscum sensum exhibuit: *non delin-
quat saltem Iuda.* Sed LXX. οὐ δὲ Ἰσραὴλ μὴ ἁγνέει, qua
ex lectione, non liquet.

וְאַל-תָּבֹאוּ גִלְגָּל: *nec veniatis Gilgalem.* Nimi-
rum hoc monitum iterum ad Iudaeos pertinet, quam-
quam mutato numero et persona, quam mutationem
saepissime apud nostrum vidimus. Copula ו aut omni-
no nullius momenti est, aut verba ad idem subiectum
directa fieri indicat, de quo antea indirecte s. in tertia
persona locutus erat. Praeterea Israelitae ita moneri
non poterant. Nondum enim tempus venerat, quo sine
Deo et cultu versarentur 3, 4., adhuc omnis eorum

pietas et religio ab illis locis maxime Bethel pendebat, ubi Ierobeam solennem Dei cultum instituerat. Quod si venturum fuisset, abolendus fuisset omnis ille idololatriae apparatus, verum non tam lenibus verbis populus ab eo avocandus. Iudaeis contra aptissime inculcat monitum: *nolite suscipere eam impietatem et idololatriam, quibus Israelitae se dederunt.* Id suo modo metaphorice noster facit pingendo ea loca, quae sedes pravissimae superstitionis essent. Scimus enim e 1 Reg. 12, 28. 29. Ierobeamum, cum 10 tribus a stirpe nationis separaret, oppida Danem et Bethel altaribus et omnibus ad cultum religiosum necessariis instruxisse, non ad cultum Iehovae, sed ad eum, quem populus inde a temporibus Aegyptiacis adamaverat, qui quidem ex omni reliquorum barbarorum superstitione ab Israelitis degustata, honestissimus et humanissimus fuit, at fortasse propterea iis non satisfacit. Contra rex Ahab a Babyloniis et Phoenicibus cultum Baalis recepit 1 Reg. 16, 32. et inde ab hoc tempore ubique sacella et statuas erectas esse vidimus, quibus diis illis stercoreis thura accenderent victimasque immolarent. Qua institutione loca patriae antiquitus aliquando ad pium cultum initiata potissimum impiis aris dotata sunt v. c. Gilgal, Bethel h. 1., Mizpa, Tabor 5, 1., Gibeon 5, 8.

Gilgal urbs prope ad Iordanem sita, notissima iam ante regum tempora. Loco enim, ubi Iosua 12 lapides in memoriam mirifici transitus per Iordanem erexerat Ios. 4, 5. 6. 20., ubi primum Pascha in terris Canaaniticis celebratum erat Ios. 5, 11., ubi castra Iosuae cum tabernaculo sancto per longum tempus fixa erant Ios. 10, 6. 15, 45., paullatim urbs excrevit haud exiguae magnitudinis, quae inprimis a Samuele tanti aestimata est, ut saepius Deo ibi sacra faceret 1 Sam. 10, 8. 11, 15. 15, 33., ut tribunal ad ius dicendum constitueret 1 Sam. 7, 16. Sita erat prope fines stirpis Iudae Ios. 15, 7., cuiusnam autem tribui adscripta fuerit apud Iosua non legitur, fortasse quoniam tempore sortitionis vix initium factum erat domus in loco monumenti 12 lapidum extruendae. Id constat in separatione Ierobeamitica transisse ad regnum 10 tribuum. Commemoratur enim non solum nostro loco et 9, 15.

IV, 15.

12, 12. verum etiam apud Amos. 4, 4. 5. ita ut dubitari non possit eam superstitionis cultibus Israelitarum sacram fuisse. Drusius locum citat ex Eusebio de locis Hebraicis, ubi dicitur cecidisse in sortem tribus Iudae; verum Eusebius sine dubio verba Ios. 15, 7. פְּנֵה אֶל-גִּלְגָּל, quae rem admodum ancipitem reddunt, ita intellexit ac si tribus Iuda cum reliquis oppidis urbem quoque Gilgal sortita fuisset. Hieronymus ad 12, 12. Gilgalen intra fines regni Israelitici sitam esse refert. Ceterum prope absuit ab Hierosolyma versus Iordanem, quemadmodum Bethel ab eadem urbe versus montes Ephraimicos prope absuit. — *Bethel* autem per contemptum a nostro vate, qui nomina symbolica amat, בֵּית אֵתֶר: *domus vanitatis* s. *iniquitatis* vocata, cf. Am. 5, 5., fere idem initium habuit, quod Gilgal, licet eius origo ad multo antiquiora tempora nimirum Iacobi porrigatur. Erexerat Iacobus in eo loco, ubi Iehova ei visione nocturna apparuerat, lapidem oleo unctum Gen. 28, 18. 19. Posthac lapide in aram mutato loco nomen *Bethel* infixerat, quod nomen postea in oppidum *Lus* huic loco proximum transiit Ios. 18, 13. Bethel eodem honore, quo Gilgal a Samuele insignita est, ut nempe ibi ius diceret 1 Sam. 7, 16. Sorte contigit tribui Beniaminiticae Ios. 18, 22. Verum seriore tempore cum tribu Ephraimitica coniunctam fuisse ex eo apparet, quod in separatione Ierobeamitica ad regnum Israeliticum pervenit. Rex enim iste improbus antiqua gloria huius oppidi abutebatur ad ibi instituenda sacra Aegyptiaca, nimirum Apidis nomine vitulorum in V. T. obvii. Ab Abia rege Iudaeorum capta 2 Chron. 13, 19. sine dubio in numero reliquorum oppidorum Ephraimiticorum fuit, quae Iosaphat praefectis decrevit 2 Chron. 11, 2. Postea receptam esse ab Israelitis, fortasse a rege eorum Ioaso 2 Reg. 14, 12—14. e nostro loco apparet. Diserte enim ita eius mentio fit, ut ad regnum Israelitarum pertinuisse videatur. Quaesiverunt, cur vates alterius oppidi Danis a Ierobeamo simul cum Bethel Israelitis ad sacra facienda designati mentionem non fecerit? Puto propterea, quod Dan in remotissimis septentrionis regionibus prope Libanum et Antilibanum a finibus Iudaeorum ita aberat, ut desiderium eo pere-

grinandi existere non posset. Periculum venit a proximis regionibus, ideo vates ea tantum loca commemoravit, quae in vicinia Iudaici regni essent. Deinde utraque urbs, et Gilgal, et Bethel, loco utriusque cultus, Apidis et Baalium, nominata videtur. Certe 9, 15. inter horrores Baalis Gilgal commemoratur, unde Baali sacra ibi fuisse apparet. Pro Beth-Aven LXX. semper habent οἶκος "Ων, fortasse quoniam nomen in codice non punctato legerunt אֵין, quod quidem sensus critici eorum laudabile testimonium non exhibet. Am. 5, 5. idem אֵין בֵּית לָאֵין vertunt: οἶκος ὧς οὐκ ὑπάρχουσιν, quasi non iidem Hoseam et Amosum interpretati essent. Ceterum est aliud oppidum Bethaven a Bethēle versus orientem situm Ios. 7, 2. 1 Sam. 13, 5., quod quidem ad nos non pertinet.

וְאֵל-תִּשָּׁבַע חַי-יְהוָה: *ne iuretis per Iovam viventem.* Probabile est Israelitas idololatriae inhaerentes levibus signis nequitiam occultasse. Huc pertinet iusiurandum. Postquam enim Moses Dent. 6, 13. 10, 20. praeceperat: *Iovam Deum vestrum timitote, ei servitote, ei adhaeretote perque nomen eius iuratote*, se omne praeceptum observasse opinabantur, si modo postremam eius partem probe tenerent. Quae pars legis, neglectis multis aliis, ita colebatur, ut adhuc posterioribus temporibus Israelitae *per Iovam iurantes* s. *Iehovae iurati*, pagani vero *per Deos iurantes* vocarentur, vid. Stäudlin Gesch. der Vorstellungen über die Lehre vom Eide. Monet igitur vates ne Iudaei se decipi patiantur talibus formulis et modis. Opinati enim erant Israelitae se per cultum vitulorum et Baalium Iehovam non deserere sed colere, cf. Schmidt ad h. 1. 2, 18. nec non 1 Reg. 18, 21., ubi Elias populum in utramque partem claudicantem reprehendit. Pariter in talem nominis Iehovae abusum invehuntur Ies. 48, 1. Ier. 4, 2. Ez. 20, 39. Zeph. 1, 5. vid. Introd. p. 35 sq. Hieron. in genere rem ita explicat: *nobite per os vestrum nominis mei fieri memoriam, quod idolorum recordatione pollutum est.*

16. כִּפְרָה כֹּרֶרֶת כָּרָר. Ostendit Iudaeis crimen hypocriseos Israeliticae imagine vaccae. *Sicuti iuvenca refractaria Israel impatiens est iugi a Deo sibi impo-*

IV, 16.

Vult quidem a Iova custodiri et beneficiis repleri, verum ei non se subiicit. Fortasse, ut Michaelis monuit, respexit locum parallelum Deut. 32, 15. LXX. ὡς δάμαλις παροιστῶσα παρῴστησεν, quod Hieron. vertit: oestro s. asilo percussa est, quem vulgo tabanum vocant. Dathe praevio Grotio prophetam alludere putat ad imagines vitulorum: *Deum vitulis assimilaverunt et ipsi tales sunt, nempe quoad contumaciam.* Verum haec explicatio debili admodum fundamento nititur. Nimirum usus fuisset, si hanc imaginem in mente habuisset, voce עֲגֵלָה, ut 8, 5. 10, 11. Ex imagine agni valinovum oritur vaticinium: עָתָה יָרֵעַם יְהוָה בְּכֶבֶשׂ בְּמִרְחָב scil. expellet eos sicut agnos ex ovili suo, e securo domicilio, et errare eos faciet in latis regionibus, ubi periculis succumbent praedaeque inimicorum, ut agni ferarum, fient. Ita רָעָה active et passive occurrit. Passive: *agi in vasta loca, ut incerti vagentur* Num. 14, 33., h. l. active: *agere e securis septis in campos incertos et periculosos.* מִרְחָב quamquam plerumque de statu liberationis adhibeatur Ps. 18, 20. 31, 9., cum alias notionem universalem habeat v. c. Hab. 1, 6., in malam etiam partem sumi potest. Elegans verbum: indicat enim simul liberationem a iugo domini, atque periculosam conditionem agni in lato campo pascentis, impetui ferarum succubitori. Num autem vates de aliquo instante periculo cogitaverit necne, effici non potest. Verba sunt tropica, quibus fortasse vates nihil aliud significare voluit nisi hoc: *hucusque sub tutela favoris mei securi degebant, nunc vero dimittantur et sibi ipsi commissi videant, quomodo perniciem refugiant.* Ita idem fere est ac sequens לֵךְ - רָעָה v. 17., certe verbis per se spectatis nulla alia subest sententia. Ceterum negari non potest exilium Assyriacum ita composuisse res Israelitarum, ut e blandis sedibus patriis abigerentur in amplissimas regiones utque in hoc loco de illa tristissima sorte vaticinium quaerenti id facile inveniri posset. Quod quaerentes invenerunt Hieronymus, pariter ac multi antiquiorum patrum multique recentiorum. Alii contra rem in bonam partem accipiunt, vel ita, ut in priori huius versus membro conditio insit: *si non fuisset*

set *Israel rebellis*, *Iehova eum pasceret ubertate omnium bonorum*, v. c. Kimchi, vel interrogative: *nonne pavit eum Deus ceu ovem?* v. c. Abarbenel ap. Rosenm., vel ut Drusius: *refractarius est nunc iam, cum eum Deus tam benigne habeat, iuxta proverbium: satietas ferociam parit.* Respiciunt etiam ad insignem illam liberationem Dei, qua per Ierobeamum II. Israelitas in libertatem vindicavit iisque omnia, quae prius amiserant, restituit: *auget enim*, addit Drusius, *crimen circumstantiâ temporis.*

17. חִבֵּר עִצְבִּים אֶפְרַיִם. Pro *Israele* iam ponere incipit *Ephraïnum*, ita ut hoc nomen regnum Israeliticum gentemque Israeliticam indicet, et quoniam Ephraïm primaria tribus istius regni metropolin Samariam habebat, et quoniam primus rex eorum Ierobeam hac stirpe ortus erat 1 Reg. 11, 26. Sic occurrit saepius apud prophetas, v. c. Ies. 7, 5. 9. Ier. 31, 9. 20. חִבֵּר: *coniunxit, sociavit*, unde חִבֵּר: *sociatus*, dicitur et de coniugibus Mal. 2, 14., et de confederatis Gen. 14, 3. 2 Chron. 20, 35. 37. LXX. μέτοχος, Hieron.: *particeps*. עִצְבִּים de idolis saepius occurrit, v. c. 2 Sam. 5, 21. Mich. 1, 7. Ier. 44, 19. הֲשֵׁת לִי imp. Hiph. pro הֲשִׁיחַ: *sine eum i. e. dimitte eum, fac eum irruere in perniciem, quam idola ei parant, ex quo a Iehovae cultu recessit*: idem indicat, quod in praecedenti versu dictum erat, secundum consuetudinem vatis commata parallela iuxta se ponendi v. 7. 8. 12. Non anxie inquirendum est in id, utrum haec verba Deus ad prophetam, an propheta ad Deum fecerit. Est locutio proverbialis, quam Boeckel germanice egregie exhibuit: „Er sey.“ — Ceterum bene observandum est: verbum הֲשִׁיחַ esse oppositum priori חִבֵּר: *quemadmodum enim se adiunxit idolis, ita dimittatur a Deo.* Hieron. ad Iudaeos directa esse verba putat, ita: *O igitur Iuda, cui supra dixi, si fornicatur Israel non delinquat saltem Iuda; audi consilium meum, prophetae verba non spernas: quia Ephraïm simul idolorum amicus et particeps est, dimitte eum, ne eum sequaris.*

18. Ut versum 17. verbis contemptum indicantibus finiverat, ita nunc pergit: *nulla medicina restat eo-*

IV, 18.

rum impietatum. Dimittendi sunt Israelitae, ut tandem Iudaea incolumis servetur. Verrum hoc non alio sensu profert, nisi ut Iudaeos terreat exitio Israelitis instante. Sed exitium verbis tam in universum dictis descriptum est, ut poetam tantum, non prophetam speciale aliquod fatum indicaturum cognoscamus. Quod bene tenendum est, ut de versu etiam 16. eiusque vaticinio recte sentiamus. Etenim versibus 16. 17. et 19. eadem universales imagines insunt, quibus dimissio improborum a Deo pingitur. Versu 18. nihil novi exhibere vult vates, sed quasi in nuce repetere, quae iam pluribus v. 1 — 14. exposuerat. Hinc suis lectoribus s. auditoribus concinna, nobis autem difficillima brevitatis exstitit eaque fere caliginosa propter textus corruptionem.

Iam de primo commate disceptarunt interpretes.

סָר סָבָא סָר סָבָא substantivum a verbo סָבָא: *potavit, inebriavit se* les. 56, 12. Prov. 23, 20. 21., est: *potatio* les. 1, 22., *convivium, computatio*, quae v. 11. aliis verbis יָרַח וְיִשְׁתֵּי appellatur. סָר notissimum verbum: *recessit, secessit, separavit se*. Ita etiam vertit Hieronymus: *separatum est convivium eorum*, in narratione uberius addens: *audi Iuda, ne sequaris impietatem eius* scil. *Ephraimi, cuius et cultus, et religio, et cibus, a tuo convivio separatus est*. Subsistamus igitur tantummodo in separatione computationum lascivarum et supersticiosarum a cibo et potu proborum hominum, Dei cultorum. Quae est simplicissima, brevitati vatis plane accommodata verbisque nullo modo alieni quid iniungens significatio elegantissime respondens praecedentibus commatibus de dimissione illorum qui ipsi impietate se sejunxerunt a meliore posterorum Iacobi parte. Praeterita autem huius versus in modum aoristi continuant significationem imperativi praecedentis יָרַח secundum usitatum Hebraismum, cf. Gesen. Lehrgeb. p. 767., ita tamen, ut optativa vel potius concessiva sit oratio. *Dimittatur ergo, segregata sit eorum computatio.* Vos modo Iudaei ne in societatem eorum veniote. Pertinent haec ad v. 11. *vinum et mustum animum eorum occuparunt*, et ad v. 13. *subducunt se cum meretricibus*.

הִנֵּה הָיָה eodem modo: *exerceant invicem res suas venereas*, scil. *saltem vos Iudaei ne ad paria flagitia alliciamini*. Quae rerum venerearum commendatio aptissime respicit ad v. 10. הִנֵּה וְלֹא יִכְרֹצוּ. In omnes reliquos explicandi modos, alieni quid illatum est, quod contra vatis gnomicum et simplicem orationis habitum offendit, v. c. in interpretationem Iarchii a Rosenmuellero commendatam: *factum est convivium eorum a me alienum*, abalienatio a Deo. Alii eodem arbitrario modo אֵין supplent, ita: *quodsi recedere videatur vinum et potus*, i. e. *si bene poti sunt, retrahuntur in peiorem scortationem*. Alii ut Schmidt utrumque comma metaphorice sumunt: *si aliquando ad meliorem mentem redituri videantur, omnis spes evanescit, dum statim a regibus et principibus ad maiorem idololatriam retrahuntur*. Alii putant סָר esse: *discedere recedere*, de vino: *in vappam s. putredinem abire*, h. l. *vapescit eorum merum*, ut sic depravati et abominabiles mores notentur, metaphora sumta a vino corrupto, quae est sententia Lutheri ad h. l. Chald.: *principes eorum multiplicaverunt convivia e rapina*. Nec omitenda est versio LXX, ἡγάτισε Χαναναίους, *dilexit Chananaeos*, quae maximam vim infert verbo, ut nempe סָר: pr. *recedere a recta via*, id indicet, quod illum recessum sequatur: *paganis se adiunxit*, אֵין אֲבָרָא autem in אֵין אֲבָרָא: *Sabaeos, paganos, hinc Chananaeos mutatum sit*. Hieron. adeo legit ἡγάτισε ab ἡγάριζεν: *laccessere*, quod vertit: *provocavit Chananaeos*. Plura de his et aliis versionibus vid. ap. Rosenmuellerum ad h. l.

Ut prior pars nostri versus interpretum opiniones discidit, sic altera pars ita comparata est, ut nunquam poterit effici, quid vates sibi voluerit. Versio LXX, plane alia verba continet, quam textus, qualis nobis est, habet. Habet autem אֲתֵבּוּ יְהוָה קִלְוֹן מִמֶּנִּיהֶם. LXX. ἡγάτησαν ἀτιμῆσαν ἐκ φροσύματος αὐτῆς. Ex quo apparet, in eorum textu יְהוָה omnino non, et pro מִמֶּנִּיהֶם, מִמֶּנִּיהֶם exstitisse. Chald.: *dilexerunt, ut consequerentur ignominiam procures eorum*. Reliquorum antiquorum interpretum nullas expressit verbum יְהוָה quod ipsum de-

IV, 18.

est in nonnullis codicibus, vid. de Rossi ad h. l. Symmachus מַגִּידָה omnino non habuisse videtur, Syrus pro eo habet: *et idola*. Accedit, quod in nostra lectione plane inusitata forma הָבֵי et suffixum singulare idque foemininum in מַגִּידָה offendit verbumque הָבֵי quasi reflexus vel potius Echo praecedentis אָהָבֵי esse videtur. Hieronymus eumque secuti interpretes מַגִּידָה vertunt: *principes eorum*, tanta fiducia, ut Schmidt addat: *per clypeos intelligendos esse reges vel protectores populi extra controversiam est*. Verum quid sibi velint principes non video. Unus ille locus Ps. 47, 10., cui inniuntur, est admodum dubiae interpretationis, v. Pauli clavis in Psalmos ad l. l. Certe ibi inveniuntur אֱלֹהִים מַגִּידָה *principes praesidium terrae*, non ita nude מַגִּידָה ut nostro loco מַגִּידָה quod rem maxime mutat. Nec aliquid praecessit, quod tam inusitatam significationem vocis usitatissimae praeparasset vel excusasset. Hoc autem loco verbum nostrum vertere *principes*, idem esset ac si quis contenderet, in aliis locis, ubi מִגֵּן occurrat, v. c. 2 Sam. I, 21., intelligendum esse Iehovam, quia saepissime Iehova dicatur *clypeus hominum* Ps. 33, 20. 115, 59. 11. 9, 12. Gen. 15, 1. Profecto notissima vatis elegantia talia non pateretur. Quae autem fuit vera et genuina lectio? Inter coniecturas circumagimur. Aptissimam sensui et dignissimam vati mihi habuisse videtur Syrus אָהָבֵי קִלְוֹן וּמַגִּידָה quae verba sic vertamus: *ignominiosa et insana idola adamant*. Nomen מַגִּידָה semel praeterea legitur Thren. 3, 65. ubi verba sunt הָבֵי לֵב הָאֱלֹהִים לָהֶם: *da s. infer eorum animis insaniam execrationemque tuam*. At Syrus vertit *idola*. Haec ita mihi fingo: מַגִּידָה est

nomen Arabico analogon. Nomen جِن est *daemon s.*

genius malus, verbum autem جِن est *insanire*. In explicanda nostra voce interpres fortasse Arabicum nomen consuluit, ubi derivatio melius a verbo constituenta fuisset, certe si illum locum Thren. conferamus. Vel

קָלֹון putavit esse i. q. בִּשְׁת 9, 10. cf. Ier. 3, 24. *ignominiosum idolum*, sic מִגֵּדָה *insania*, ipsi synonymum fuit praecedentis nominis. Quicquid est, sensus ipse docet *ignominiam* et *insaniam* revera metonymice nil aliud esse, nisi *pudendam* et *insanam Israelis idololatriam*. Sic suadet non solum metonymica significatio vocis בִּשְׁת 9, 10. nostrae קָלֹון respondens consuetudoque prophetae tales vocēs metonymicas adhibendi, cf. introd. p. 123., sed etiam nexus orationis. Ut enim vates in prioribus commatibus respexit versus 11. 14. 10., ita nunc versus 12. et 13. ubi de insana et ignominiosa idololatria gravissima verba fecerat. Fere idem mecum statuit V. III. Boeckel in commentario versioni annexo p. 81.

Quid fecerint interpretes de textu vulgari vid. ap. Rosenmuellerum ad h. l. Plerique, inter quos Lutherus, secuti sunt Hieronymum vertentem: *dilexerunt afferre ignominiam protectores eius*, ut יִרְבֵּי sit 3. praet. a verbo יָדָה: *dedit*, cf. זָרַח Zach. 2, 2., pr. *amant dant*, asyndeton emphaticum, ut 1 Sam. 2, 3. *multiplycate loquamini*. Verum quamquam contra hoc asyndeton nihil monendum est, tamen defectus primae literae in verbis פִּי exemplis comprobari non poterit, nisi iterum depravatio textus sumatur, aut forma coniugationis ex arbitrio immutetur; id quod alii senserunt ideoque imperativum esse contenderunt, v. c. interpretantes: *principes eorum amant dicere, dale ignominiosa munera*; quam inepte, adspectus docet. Al. ad formam מִתָּה et מִתָּה ex Arabico adtraxerunt novum verbum מִתָּה s. מִתָּה, ut Cocceius in Lex. p. 298, quod sit *metuere*, ita: *principes simul diligunt et metuunt ignominiam*. Al. praetulerunt esse substantivum: *vanitatem*, iterum ex Arabico. Verum sufficiant haec in gratiam historiae.

19. Depravationis illius, qua textus laborat, vestigia adhuc reperiuntur. Verba in editionibus nostris ita sonant: צָרָר רַחֵם אֶתְּהָ בְּכַנְפֶּיהָ. Offendit iterum pronomē foemininum אֶתְּהָ, LXX. legisse constat אֶתְּהָ, vel interpunxerint אֶתְּהָ: *tu*, vel אֶתְּהָ: *venit*. Illud legitur in codd. nostris ita: συστροφή πνεύματος σὺ εἶ ἐν ταῖς πτε

IV, 19.

εὐξιν αὐτῆς. Hoc narrant Theodoretus et Cyrillus apud LXX. verbum: *συρενεῖ*, quod Hieronymus ita exhibet: *ventus sibilabit in alis eius*. Apparet ex his eos praeterea legisse vel צָרָר: *colligatus, compactus, vehemens ventus*, vel צָרָר: *colligatio, vehementia venti*. Item fere Syrus: *stridebit ventus in alis eorum*, et Chald.: *opera procerum haud recta sunt, quemadmodum constrictus non potest teneri ventus in ala*. Nostra lectio אֶתְרָה fortasse in favorem itidem spurii suffixi foeminini מְגִינָה orta est. Optime sonaret, et omnes difficultates tolleretur אֶתְרָה et sequenti מִן־בְּרָחָה responderet, modo ulla auctoritate niteretur. Sunt contra codices apud de Rossini et Kennicottum, qui hoc verbum prorsus abiiciant. Verum vates hinc nihil lucri capit. Si autem lectio vulgaris retinetur, nil restat, nisi ut statuamus vatem in mentem sibi revocasse imaginem iuvencae versus 16.; quod lubentius facerem, nisi vates omisso nomine et similitudine Israelis ad Ephraimi nomen idque in genere masculino v. 17. transisset. Occurrit quidem uterque et Israel, et Ephraim formā singularis foeminini, sed longe aptiore occasione et maiore cum vi, quam h. l., ubi omnino nulla causa huius inopinatae commixtionis generis et numeri inveniri potest. Unde etiam non placet Eichhornii versio: „Hat er (Ephraim) den Sturm umfasst mit seinen Schwingen, dann cet.“ In versione Latina pluralis masculinus adhibendus est, quod omnes fere recentiores interpretes fecerunt. Lectio nostra alia praeterea difficultate laborat facilius quidem tollenda. אֶתְרָה enim in verbo suo צָרָר est masculinum et in pronomine suo כְּנַפֶּיהָ foemininum, quod Hebraeis non inusitatum est: nam in nominibus generis communis utroque genere utuntur, cf. I Reg. 19, 11. vid. Gesen. Lehrgeb. p. 717. — צָרָר est: *ligare, colligare, comprehendere*. Elegans imago, ubi vox אֶתְרָה subiectum est. In voce אֶתְרָה mihi duplex sensus inesse videtur. Ut enim vates in praecedentibus commatibus ad singula increpationis membra respexit, sic etiam hoc nostro. Respicit nimirum ad v. 12.: *impetus pravarum libidinum eos aberrare fecit*, et ita verba annectit: *impetus*

eorum eos comprehendat alis suis. Oratio est eadem ac v. 18., praeteritum sine ך, itaque etiam vis eius eadem esse debet. Verum vates nomen adhibens, quod et *vim spirituales, animi impetum*, et *ventum* indicat, delabitur simul ad alteram huius venti significationem, memor fortasse locorum ubi vento alae tribuuntur, v. c. Ps. 18, 11. 104, 3. Elegantiam huius paronomasiae non sentire non possum: *impetus illi pravorum hominum sunt venti instar qui abripit eos sine cogitatione, מִבְּלִי הַדַּעַת* v. 6., *in perniciem. Ita abripiantur.* Vides, quomodo omnia ad notionem verborum לִי הַנֶּחֱסֵי v. 17. declinent, et quomodo haec omnia dicta sint ad cavendum, ne Iuda in perniciem Israelitarum abripiatur. Nec in hoc loco aliquid de Assyriaco exilio inest. Alii verba ita enarrant, ut נִתְּנָה sit nominativus: *ipsa i. e. natio Ephraemitica ligat ventum alis suis i. e. in vestium laciniis.* Sens.: *frustra laborat circa vitulos, nec reportabit fructum, quem ex eorum cultu exspectat*, vid. Drusius. Hieronymus ita: *vitio principum infelix populus suscepit cultum idolorum, quorum immundus spiritus ligavit Israellem in alis suis et eum libere volitare non patitur.*

וַיִּכְשֹׁף מִן בְּחֵתָם mutata oratio, futuri cum ך copulativo, indicat his demum verbis vaticinium de poenis instantibus contineri. Hieron.: *confundentur igitur in sacrificiis suis et ignominiam principum in sua confusione suscipient.* בִּישׁ est verbum usitatissimum, pr.: *erubescere*, deinde *ignominia affici* 10, 6., quod etiam interitum designat, ut Lutherus: „zu Schanden werden;“ imprimis *spe aliqua excidere* Ps. 31, 2. 18. 71, 13. Ies. 1, 29. Ier. 2, 36. Hac significatione fere semper praep. מִן eos indicat, qui spem fallunt, v. Gesen. ad h. v. Hoc l. igitur: *spe sua ab impiis suis sacrificiis decepti interibunt.* וְבֵחָתָם autem pars pro toto, innuit omnem cultum idololatricum, qui iis pudori et summo detrimento erit. Sic in omnibus his expositionibus nil certi de futura Israelitarum sorte definitur et omnia pertinent ad notionem dimissionis a Iova propterea eos inanentis, quod Iovam ipsum deseruerant. *Qui enim prius a Iova brachiis prehensi, funibus amo-*

V, 1.

ris trahebantur, cf. 11, 3. 4., nunc libidinum impetu ut vento comprehensi in aerem fundentur, quemadmodum antea v. 16. in latum campum, et omni spe in idolis posita excident.

V, 1. At benevolo animo vatis dimissio cari populi non ita erat definita, ut nulla medicina relinqueretur. Quod Iudaeis in summa indignatione indicaverat nunc repetit Israelitis eosque iterum iterumque hortatur: *causam eiectionis populi esse in eo ipso positam, ut insaniam sentiant cogitentque: mittamus ista flagitia gentilitia et cessante impietate cessabit nostra perniciēs.* Omnes reipublicae Israeliticae ordines ad sanam provocat mentem; primum sacerdotes, vel qui sic dicebatur, nam institutum sacerdotii a Deo factum iam dudum in regno Israelitico desierat, vid. 4, 6. et 3, 4., deinde domum Israelis i. e. civitatem 10 tribuum, vid. 6, 10., denique domum regiam, nimirum familiam et posteros regis Iehu a Deo vocati 2 Reg. 9, 6—9. Haec enim vera erat regia familia. Successores eius erant imperium usurpantes, quos nunquam cum quadam honoris significatione, ne dicam contemtim, commemorat, vid. 7, 3. 5. 10, 3. בֵּית הַמֶּלֶךְ est i. q. בֵּית יְהוּדָה 1, 4. vos a domo regia לְכֻם הַמִּשְׁפָּחָה vobis omnibus imminet s. ad vos omnes pertinet iudicium i. e. poenae denunciatio, cf. 2 Reg. 25, 6. Ier. 1, 16. Chald. male: nonne vestrum est scire ius? melius LXX. πρὸς ὑμᾶς ἐστὶ τὸ δίκαιον.

בֵּית הַמֶּלֶךְ: laqueus facti estis scil. venatorius, cf. Ps. 124, 7., quo capiuntur ferae. Tropice: quo capiantur Iudaei ad consortium cum vestris flagitiis ineundum. Sensus in universum: per vos decipiuntur meliores Iudaei, ut tandem vobiscum flagitiis et idololatriae se committant. לְמִצְפָּה LXX. τῇ σκοπιᾷ, Hieron.: speculationi, a rad. צָפָה speculari, addita hac explicatione: speculatores vos posui et principes in populo et in excelso dignitatis culmine constitui, ut populum regeretis errantem. Vos autem facti estis laquei, et non tam speculatores et principes, quam venatores appellandi. Ita praep. לְ esset loco, „anstatt,“ quod certe inusitatum est. Simplicius statuitur notam

esse loci Num 11, 10. 1 Sam. 19, 3. etc. *Mizpah* est locus eodem modo ab antiquissimis temporibus Israelitis memorabilis, ut antea Gilgal. Nimirum ille, ubi 11 tribus convenerant ad sacra ante expeditionem Gibeaticam faciendam Iud. 20, 1. et ubi postea a Samuele conventus publici cum sacrificiis iudiciisque habebantur 1 Sam 7, 5—16. Fuit autem Mizpah aut *urbs Siloh ipsa*, quam sententiam probavit Michaelis Oriental. Biblioth. V, 241., aut *mons ille notissimus*, qui nostris temporibus adhuc nomine *Siloh* vocatus, tunc temporis fortasse nomine generali מִצְפָּה *specula*, „die Warte,“ signatus. Circa hunc, aut ad eum aedificata erat urbs Siloh, unde explicari potest, cur Iosephus in Antiquitt. V, 2, 9. locum conventus 11 tribuum, qui Iud. 20, 1. *Mizpah* vocatur, nomine *Siloh* designaverit. Situs huius montis in medio inter Danem, Bersebam et Gileadem conventui tribuum aptissimus erat. Causam autem cur sacra ibi instituere fas fuerit eam habemus, quod tabernaculum sanctum tunc temporis in urbe Siloh proxime adiacente servabatur 1 Sam. 1, 3. 24. 4, 3. Idem de Samuelis sacrificiis valet. Cum enim sanctum tabernaculum a Philistaeis reportatum nondum suo loco collocatum esset 1 Sam. 7, 2., cultui divino consecrata manserunt templum et altare in urbe Siloh in honorem tabernaculi exstructa, ut ibi Iehovae vota solverentur. Quae igitur de Samuele 1 Sam. 7, 5—16. Mizpae gesta narrantur, de nullo alio loco nisi de Siloh commode intelligi possunt. Accedit quod locus conventuum publicorum, qui in libro Iosuae fere semper Siloh vocatur Ios. 18, 10, 19, 51. 22, 12., in libris Iudicum et Samuelis nomine Mizpae designatur vid. II. cc. Habemus igitur ubi nostrum *Mizpah* quaeramus, nimirum in montibus Ephraimi, in illo monte, cui urbs Siloh adiacebat, ubi olim tabernaculum sanctum et primum templum Iehovae 1 Sam. 1, 9. 3, 3. per 300 annos floruit quemque Israelitae adhuc pia mente, quamquam superstitione obcoecata, venerabantur. Mons iste sine dubio stipatus erat altaribus in honorem deastrorum exstructis. Fuisse autem montem, non urbem, et ex imagine apparet, quoniam retia aucupum vel in montibus, vel in silvis expanduntur, et e parallelismo: *laqueus estis Mizpae* — *rete in Thabor*. Thaborem enim fuisse

V, 1. 2.

montem est notissimum. Situs erat in altioribus regionibus versus septentrionem, tribui Sebuloniticae adscriptus 1 Chron. 6, 62. Hieron.: *est autem Thabor, LXX. Ἱερὰβούριον*, secundum declinationem nominum Hebraicorum dialecto Graeca, *mons in Galilaea situs in campestribus, rotundus atque sublimis et ex omni parte finitur aequaliter*. In eius parte meridionali oppidum erat, cui nomen est Cislath Thabor. Ad hunc montem magna clade Sissera fugatus est Iud. 4, 6. 14. 15. De superstitiosa veneratione eius nil legimus, praeter quod 1 Sam. 10, 3. *quercus Thaboris* occurrit, quae locum mysterii plenum, fortasse memoriae illius victoriae sacramtum indicat. Praeterea amoenitas loci gentem libidinossam allexit ad cultus religiosos ibi instituendos, vid. 4, 13. Utrumque, et Mizpah, et Thabor commemorantur pro quovis loco, ubi sacra idolis ferebantur. רשת פרושה idem quod פח, *instrumentum venatorium ad feras, maxime aves, in montibus capiendas*.

2. שְׂחִטָה שְׂחִיטָה שְׂחִיטָה. Hic quoque locus magnas vexationes passus esse videtur. Etenim LXX. et Syrus plane aliud quid legerunt. Illi habent: δ (scil. δεισιον e v. 1.) οὗ ἐγγεούοντες τῇ ἐν θύρᾳ κατέπηξαν, i. e. *quod, qui venationem capiunt, confixerunt*, vid. interpretat. Hieronymi. Syrus: *et venatores venantes abscondiderunt laqueos*. Legisse videntur: שְׂחִיטָה שְׂחִיטָה: alterum a rad. שָׁח: *expandere*, quod quamquam de venatione non occurrat (v. Gesen. lex. ad h. v.), tamen ad tractationem retium transferri poterat, alterum a rad. שָׂח: *circumvagantes* sc. *venantes*, et ad שְׂחִיטָה subintellegerunt רשת. Fortasse defectus attentionis in causa fuit, cum LXX. literas ita transponerent, ut aliquid de re venatoria inferrent, Syrus autem bona fide Graecos secutus est. Nam talis defectus culpā, ut iam aliis locis vidimus, nullo modo LXX. liberari possunt. Hieronymus habet: *victimās declinavistis in profundum*, et in commentario addit: *ut nullus ageret poenitentiam nec occisus elevareret caput. Prohibuerunt et sacerdotes et reges ire populum ad templum Hierosolymitanum, idcirco in profundum victimas i. e. deceptos, quos protraxerant*

in profundum et daemonibus immolarant, declinavisse dicuntur. Certe et ipse nomen שָׁטָן non habuisse videtur. Chald. si nostram lectionem habuit, ex arbitrio vertit: et *victimās idolis mactant largissime.* Nostris interpretibus non minor crux fuit interpretatio verborum. Grotius esse putat: *victimās in profundum deiēcistis, ex more idololatricarum victimarum, ubi igne comburebantur.* Drusius: *profundam fecerunt mactationem Apostatae, i. e. eos interfecerunt, qui ab iis deficerent.* Vatablus: *callidum inierunt consilium in excogitandis novis modis immolandi.* Schmidt: *in mactando supersticiosas victimas instar abyssi se profundarunt, i. e. eas in infinitum multiplicarunt.* Lutherus: *obdurati sunt amore erga sua sacrificia.* Rosenmueller: *caedes et declinationes a recto tramite maxime cumularunt.* Kuinoel: *sacrificando idolis gravissime declinaverunt.* Quae interpretatio etsi proxime accedit ad simplicitatem orationis et significatum verborum, tamen sensus altius repetendus mihi videtur, scil. eo, quod *sacrificia idolis ferunt, perversa morum conditio penitus depravata est.* Opinabantur enim isto cultu sacro sacrificiisque in festis vario modo latis, ubi merum libabatur 3, 1., virgines se prostituiebant 4, 13., homines mactabantur 9, 13. 13, 2., Deo intime se dedicasse eumque omnino sibi obligasse. Verum tantum aberat, ut hoc modo Deo probarentur, ut in dies peiores redderentur. Non enim solum sacrificando peccaverunt, verum etiam sacrificiis suis excusaverunt quaevis scelera, rapinam, mendacia, tumultus, homicidia et adulteria 4, 2., et sic magis magisque a Deo declinaverunt, cf. 8, 11. Hanc explicationem et nexus orationis, et verba iubent. — In praecedenti enim toto capite de sacrificiis sermo est. Eorum amentiam nunc uno ictu percutit. שָׁטָן est inf. cum הַ paragogico verbi, quod fere primario sensu *de mactandis victimis* adhibetur Lev. 1, 5. 11. Ies. 66, 3. 57, 5. Ez. 16, 21. שָׁטָן a rad. שָׁטָן Ps. 40, 5. s. שָׁטָן Prov. 4, 15. 7, 25. *declinare* et Num. 5, 12. 19. 20. de muliere, *infidelem esse marito.* Itaque nomen, quod Ps. 101, 3. שָׁטָן scribitur, significat: *declinationes*, nimirum a Deo, marito suo et a recta virtutis via. In favorem

V, 2 — 4.

illius loci Psalmorum etiam nonnulli libri impressi apud de Rossium habent סָטִיִּים, non autem Mspti, praeter unum Kennicotti. הַעֲמִיק: *profundare, profunde immergere, profunde infigere*, vid. 9, 9. Ies. 31, 6. Habemus iterum parallelismum versus 5. et 7. Eichhorn huic accedit: „durch Opfern wollen sie mir Sünden aus den Augen rücken.“ Tantum quod in significatione verbi הַעֲמִיק ei non assentiar.

וְאֵי מִזֶּכֶּר לְכָל־. Parallelismus et h. l. nostra verba illustrat: v. 1. וְאֵי מִזֶּכֶּר לְכָל־ — h. l. כִּי לָכֵן הַמִּשְׁפָּט: *omnibus correctio* scil. אֲדֹרִי *in omnes correcturus et puniurus invehar*. מִזֶּכֶּר: *castigatio, poena*, vid. 1, 12. cf. Ier. 30, 14. Iob. 5, 17. Prov. 22, 15.

3. *Nolite credere, inquit Iehova, me decipi vestris sacrificiis. Cognosco vos et vestros mores, scio vos esse maturos ad poenas a vobis sumendas. Israel mihi non absconditus est.* Formula de Deo saepius obvia designans perfectissimam Dei cognitionem Ps. 69, 6., cf. similis oratio 8, 13. Ps. 38, 10. Particula כִּי indicat, quae Deus sciat. *Novi te, quod turpe egisti.* הַיָּמִינָה saepius obvium idololatriam significans: *perfida contra me egisti.* נִטְמָא: *pollutus est* scil. flagitiis 6, 10.

4. Rationem adfert quomodo inter victimas gravior facta sit eorum improbitas. מַעַלְלֵי יְהוָה latissimo sensu, cf. 4, 9., *facinora de quibus hucusque locutus sum, nimirum pessimus eorum cultus deastrorum* — *non permittunt ut revertantur ad Iehovam.* Non enim putabant se Iovae adversari, immo illis flagitiosis festis et sacrificiis melius eum colere opinabantur, quam simplici et severo cultu Hierosolymitano. *Itaque, ait vates, ne reverti quidem ad Iovam possunt, impetus idololatriae efficit, ut Deum omnino non cognoscant. Idola enim Deum esse putant.* Sic, quamquam gnomice vates loquitur, omnia arctissime cohaerent, quae eius poematis singularis venustas est. וְאֵי לֹא יִחַדְּרִי cum inf. et praep. ל: *non permittunt*, cf. Gen. 20, 6. Exod. 3, 19. 1 Chron. 22, 19. LXX. οὐκ ἔδωκαν τὰ διαβούλια αὐτῶν τοῦ ἐπιστρέφαι πρὸς τὸν θεόν.

Pari modo מַעֲלִיָּהִים vertit Hieronymus: *cogitationes*, et אֶל-אֱלֹהֵיהֶם explicat: *ut agant poenitentiam*, reditus enim ad Deum semper indicat *restitutionem pristinae probitatis et integritatis* quae ante omnia in cultu Dei, verum etiam in moribus cernatur, cf. 6, 1. 7, 10. cet. רִיחַ זָנוּיִים: *impetus idololatriae*, vid. 4, 12. בְּקִרְבָּם cum emphasi ponitur, et respectu ad primariam significationem vocis רִיחַ, *quasi turbine abrepti ab eo in gyrum volvuntur*. נֶאֱתַתְּ יְהוָה לֹא יָדָעִי. Sens.: *idololatria eos imbuat perversis opinionibus de Deo, quae eos impediunt, quominus ad eum revertantur eumque curent*. In verbo יָדָע simul inest notio *curae* quam aliquis gerit eius, quem cognovit amore studioque et dignum esse, et indigere, vid. 13, 5.

5. Errorem facile invenire possent, modo vellent; nam גָּאוֹן-יִשְׂרָאֵל in os eos criminator. גָּאוֹן: pr. *magnificentia*, *splendor*, hinc *superbia*, deinde e metonymia abstracti pro concreto *id quod magnificum est*, et quo aliquis *superbit*, uti גָּאוֹן יִצְחָק Ps. 47, 5. Am. 6, 8., גָּאוֹן הַדָּדִים Ier. 49, 19., h. l. *magnificae eorum statuae, altaria et festa*, quae omnia vere magnifica fuisse 2, 10. 8, 4. 10, 5. apparet. Amat vates sic abstracta pro concretis ponere, cf. מִדְּמַד 9, 6., שְׂקָרִים 9, 10. cet. Oratio est etiam aliis scriptoribus S. usitata, v. c. כְּבֹדָם Ps. 106, 20. pro *Deo magnificentissimo* cf. introd. p. 123. Hieron. quidem vertit: *arrogantiam*, allegans tamen Symmachum vertentem: *iniuriam*, et Aquilam cum Theodot.: *superbiam*. Verum de crimine *superbiae* nondum ne verbum quidem vates commemorerat, contra abiectos mores et luxum incolarum, v. c. 4, 1—3., unde h. l. sermonem de *superbia* in abstracto valere non posse censeo. Criminantur autem eos in os illa idola cum superbo apparatu. עֲנָה גָּאוֹן יִשְׂרָאֵל בְּפִנִּי: nam miseros esse patiuntur sraelitas, non cavent bella interna, tumultus et facinora 4, 2., quae rempublicam ad interitum compellunt; *labentur enim Israel et Ephraim*, ut in altero commate versus nostri aperte addit. LXX. ταπεινωθήσεται ἡ ὑβρις τοῦ

V, 5. 6.

Ἰσχυλ, ut עָנָה derivetur ab alio verbo עָנָה *affligi, deprimi*, quae explicatio Chaldaeo, plerisque veteribus ut inter recentiores Rosenmuellero placuit. Verum quoniam עָנָה cum praep. בּ formula solennis est de actionibus forensibus: *criminari aliquem, testari contra aliquem*, ut ita respondeatur iudici inquirenti, cf. Exod. 20, 13. Num. 35, 30., et nostrae simillima forma כָּהֲשִׁי בְּפָנֵי יְעֲנֶה Iob. 16, 8., non est, cur ab hoc verbi usu h. l. recedamus. Eodem modo sensum exceperunt Hieron.: *quicquid igitur fecit Israel, vel superbe agens contra dominum, vel in iniuriam sui creatoris idola venerans, respondebit in faciem eius, ut non abeat impunitas*; Kimchi: *dicit: fastum eius testificaturum in faciem eius, cum propter eum poenas dabit*; Dathe: *testatur contra Israelitas*; Kuinkel: *condemnat Israelitas eorum improbitas*; de Wette: „Es zeuget wider Israel sein Frevel.“ Sensum hunc esse puto: *arguunt ipsa illa idola, quibus superbiunt, omnem nationem Israeliticam esse insanam et deperditam: nam eam deserunt tempore calamitatis. Labentur Israel et Ephraim interibuntque inter flagitia, quae committunt idola venerantes*, cf. 4, 5., Eichhorn prorsus nova significatione verbi עָנָה et contra locum 7, 10.: „Und ihre freche Stirn lügt ihm ins Angesicht,“ quam falsam esse iam ex eo apparet, quod non ad illum locum parallelum quadrat.

Iam redit manifesto ad Iudaeos, quorum causa haec omnia attulit. כָּשַׁל גַּם-יְהוּדָה עִמָּם: *interibit etiam Iuda*, nimirum nisi abhorrebit ab illorum sceleribus, pieque et constanter Iehovam reverebitur.

6. Schmidt hunc versum bene explicat ita, ut vatem respexisse dicat ad locum Exod. 10, 9., ubi Moses proposuerit Pharaoni Israelitas exire velle בְּקִרְנֵי וּבְצִאֲנֵנִי ac celebrandum festum Deo. Hoc est, addit, si absque resipiscentia et fide cum omnibus suis gregibus et armentis abeant ad vitulos, vel ad loca quaecunque, in quibus sacrificent, non impetrabunt gratiam et auxilium domini, sed manebit ira Dei super iis et punire eos perget usque ad ruinam eorum. כִּבְקֶשׁ אֵת יְהוָה om-

nino: *quaerere Iehovae auxilium* Dent. 4, 29, Zach. 8, 21. Ps. 40, 17. 69, 7. Non autem h. l. de illa pia conversione ad Iehovam cogitandum est, ubi in templo Hierosolymitano secundum praecepta legis eum culturi ernt, uti 3, 5. 7, 10, 2 Chron. 11, 16, 20, 4. Quod signum pietatis erat, cui Deus se non subtracturum esse promittit, vid. 6, 1—3. Contra insanus Israelitarum error significatur, ex quo verum Deum coli opinabantur, dum idolis templa aedificarentur et simulacris thura victimaeque offerrentur. Fortasse id quoque in mentes habuit, quod Hieronymus intellexisse videtur, scilicet: si vel omnes suos greges omniaque armenta mactent ad placandum Deum, iis tamen non continget: *non enim, pergit, invenient quem requirunt, qui a recedentibus et ipse discessit, praesertim cum et alibi loquatur: numquid manducabo carnes taurorum aut sanguinem hircorum bibam? Ps. 50, 13., cf. v. 9. et holocausta arietum et adipem agnorum et sanguinem hircorum atque taurorum nolo Ies. 1, 11.* חֶלֶץ מֵהֶם: *ita quaerentibus Deus se subtrahit.* Sant enim alii modi Deum eiusque favorem inveniendi, vid. 6, 3. 6. et quae illum locum lesaiaë sequuntur v. 16—18. Chald.: *subtravit se praesentiae meae symbolum, שִׁכְנִיתִי, ab iis, sanctuarium Dei ab iis remotum est.*

7. Imaginem repetit de matrimonio e capp. 1. et 2., unde iterum apparet hanc prophetiam haud multo post priorem c. 1—3. editam esse. Posthaec enim nil amplius de illo typico matrimonio occurrit. בִּיהוָה בָּגְדָה: *in Deum perfide egerunt, fidem ita solverunt ut mulier adultera.* בָּגַד item adhibetur de violata fide matrimoniali Ier. 3, 20. Mal. 2, 14. Si autem mater i. e. omnis natio Israelitica adulterio foedus matrimonii solvit, cives eius nunc viventes patrocínio Dei gaudere non possunt, nam liberi spurii sunt. בְּנֵי זָרִים ut בְּנֵי עֵנָה Ies. 57, 3. et בְּנֵי זָרִים 2, 6. *liberi qui non Dei sunt, peregrini in eius familia, spurii, metaphora remota: qui Dei favore non teguntur.* כִּי h. l. vim habet conclusivam, causam orationis e praecedentibus repetens: *quoniam Deo infideles sunt, propterea liberos*

V, 7.

peregrinos habent. Existit exinde significatio particulae itaque, vid. Glass. Phil. S. p. 545.

In altero commate aliis verbis exprimit, quod plurimis modis iam indicaverat v. 2. et 5., quo parallelismo sensus vexatarum illarum dictionum elucescit. *וְהָיָה* iterum pars impii cultus, ut v. 2. *mactationes* et v. 5. *idola magnifica.* Sunt autem pr. *novilunia* Num. 28, 11. 14. *festa quae primo die cuiuscunque mensis celebrabantur*, 2, 13., hinc per synecdochen partis pro toto *festa religiosa eaque superstitiosa.* *אֶבֶל* h. l. habet significationem perdendi et delendi, ut Deut. 7, 16. Ies. 33, 11. Ier. 11, 25. *יֹאכֵלֵם אֶת-חֶלְקֵיהֶם*: *consumet eos cum possessionibus eorum.* *חֶלֶק*: sors, quod sorte contigit, unde sigillatim *possessio sortita* Ps. 16, 5. Gen. 14, 24. Deut. 18, 8., maxime agri 2 Reg. 9, 10. 36. 37., unde ex simplicissima interpretatione: *terrae quas unaquaeque tribus sortita est* i. e. *patria* omnino. Alii sic construunt: *consumat eos* i. e. *possessiones eorum.* Verum *אֶת* pro *עִם* saepissime obvium est, vid. Glass. Phil. S. p. 181. Gesen. in lex. ad h. v. Significatio vocis *אֶבֶל* non anxie quaerenda est, omnino instans periculum indicat, ut omnis oratio cap. 4. et 5. Ab hac interpretatione recesserunt LXX. sic: *ὡν καταφάγεται αὐτοὺς ἡ ἐρυσίβη*, ac si pro *וְהָיָה*, monente Hieronymo, legeretur *חֶסֶל*: *rubigo*, memores loci Ioel. 1, 4. Chaldaeus, qui in descriptione Ioelis typice invenit nationes varii generis, vid. ad Ioel. 2, 25., hanc interpretationem circumscripsisse, sua addidisse et cum nostra lectione conciliasse videtur ita: *nunc adducam adversum eos populos per singulos menses, qui populabuntur fructus terrae eorum.* Unde iterum Hieronymus: *non multo post tempore, non, ut solitus eram longe post futura praedicere, sed nunc et inpraesentiarum adveniet Assyrius et Chaldaeus et devorabunt eos cum partibus s. possessionibus suis.* Inter recentiores multi hanc interpretationem secuti sunt. Kuinoel, Schultensium, I. D. Michaellem et Dathium²⁰⁾ secutus, legit

20) A Dathio in tertia demum editione Prophetarum Minorum haec interpretatio adoptata est, postquam in prioribus LXX.

V, 7. 8.

וְהָיָה: *res nova, fortunae casus adversi*, monente quidem iam de Rossio hanc lectionem nusquam inveniri. Grotius putat וְהָיָה esse *menstruam pensionem*, quam rex Menahem populo suo iniunxerit, ut sarciret damnum quod fecerit magnas pecunias dando Phulo regi Assyriorum 2 Reg. 15, 19. 20. Quem secutus est de Wette: „Dann wird sie der Monatszins aufzählen sammt ihrer Habe.“ Tremellius et Danaeus adeo de morbis foetidis somniant qui devoraturi et singulas corporis partes labefacturi sint, secundum Ier. 2, 24., vid. Tarnov. ad h. l. Rabbini interpretes putant denotari in specie mensem, quo regia Hierosolyma capta et diruta sit, secundum E. Esram: *mensem malum*, et secundum Kimchium: *mensem Tamuz* (Iulium), quo fissae est urbs, *mensemque* (Angustum), quo eversa. Lutherus contra nostrae interpretationi assentitur: *consumet eos novilunium*, quando offerunt sacrificia idololatrica, cum omnibus quaecunque habent et possident. Praeterea variant in interpretatione vocis הַלְקִיָּם, quam alii accipiunt pro *vitulis aliisque idolis quae Israelitis optima pars videbantur*, v. c. Eichhorn, al. pro *ovibus et bobus*, quas ad adolendum et placandum Deo afferebant, respectu ad v. 6. Id certum est: minas omnino universalis argumenti, verum ne minimum quidem vestigium Assyriaci exilii inesse.

8. Hieronymus ab hoc versu alteram partem vaticiniorum Hoseae inchoat, quem haud pauci recentiorum secuti sunt. At v. 8. et 9. arctissime mihi cohaerere videntur cum praecedentibus. Faciunt enim quasi epiphonema totius exhortationis ad Iudaeos, ac si diceret: *Utinam vobis omnibus Beniaminitis velut clangore buccinae in animos clamare possim, quae sors Israelitis propter flagitia futura sit, ut discatis pietatem moniti.* הַקָּדֵשׁ שׁוֹפָר, frequens locutio ad invitandos animos, ut attentis sint capiendis rebus gravioris momenti Ier. 4, 5. 6, 1. Ioel. 2, 1., cf. Hos. 8, 1. Quoniam sonus iste

secutus erat, ita: *aëre pestilentiali fructus agrorum suorum corrumpentur.*

V, 8.

tubae et buccinae Iudaeorum causa edebatur, aptissime commemorantur oppida in finibus sita, Gibeae, Rama et Bethel. *Gibeae* oppidum erat olim Beniaminiticum Iud. 19, 14., memorabile ob ibi commissum scelus et ob insequentem eius devastationem; cf. 10, 9. Iud. 19. et 20., postea ita restitutum, ut dignum esset quod a rege Saulo sedes regia eligeretur 1 Sam. 10, 26. 15, 34. Utrum semper tribui Beniaminiticae adhaeserit, an cum Bethele ad stirpem Ephraimi transierit, historia tacet. E nostro loco colligi potest regno Israelitico adnumeratum fuisse, quoniam inter oppida Israelitica commemoratur. *Rama* olim urbs erat Ephraimitica eadem tribui Beniaminiticae prope adiacens, notissima ex historia Samuelis, qui inde oriundus eam ante omnes adamasse eiusque et opulentiam et famam maxime auxisse videtur. In ea scholam prophetarum instituit, plurimam vitae partem ibi degit, ius dixit, denique sepultus est. A regibus Israelitarum munita est 1 Reg. 15, 17., ab Assa autem rege Iudaeorum expugnata et deleta v. 22. Postea restituta videtur. Occurrit enim non solum apud vatem nostrum, sed etiam apud alios prophetas Ies. 10, 29. Ier. 31, 15., et postea temporibus Maccabaeorum, adeo temporibus Iesu, nomine Arimathia. Cum verba sequantur אֶת־רִיקָה בְּנִימִין, apparet tunc temporis tribum Beniaminis extra fines Gibeae, Ramae et Bethelis habitasse. Nihilominus Hieronymus Gibeam et Ramam in tribu Beniaminitica sitas fuisse asserit, fortasse quoniam post reditum temporibus Maccabaeorum et Herodum vere a partibus Iudaeae fuerunt. De Bethavene s. Bethele vid. 4, 15. Ceterum Hieronymus discrimen inter שׁוֹפָר: buccinam, et תְּצַחֲרָה: tubam, exhibet: illa, inquit, est buccina pastoralis et cornu recurvo efficitur, graecis κεραιων, haec autem de aere vel argento efficitur, qua in bellis et solennitatibus increpabant. Verba אֶת־רִיקָה בְּנִימִין LXX. ita vertunt: ἐξ-στὴ Βενιαμιν, quod Hieron. de ἐκστάσει s. mentis excessu intelligit, Iisdem verbis Hieronymus putat notari situm Bethavenis, nimirum in tergo tribus Benjamin. Chald. verbosiores paraphrasin exhibuit, cuius sensus est: annunciate, venturos esse reges cum exercitibus ad bellum vobis inferendum propter vestram impietatem; al.

ita interpretantur: *post te Benjamin urget hostis, imminet tibi, iam enim subegit sibi terram Ephraimiticam.* Nos ita: *post te Benjamin i. e. Beniaminitis acclamate.* Benjamin autem indicat totum imperium Iudaicum, ut Ephraim Israeliticum, h. l. fortasse propter viciniam. Nam e Gibeā, Rama et Bethēle in tribum Beniaminis vociferari poterant. Eichhorn iusto audacior, ut videtur, supplet אַפְרַיִם דִּיךְ: „Denn dich (?) o Benjamin gilt auch mein Zorn.“

9. Sequuntur nunc, quae sonitu tubae Beniaminitis sint nuntianda. Nimirum: אֲפַרַיִם לְשִׁמָּה תִּהְיֶה בַיּוֹם הַזֶּה תִּכְבָּה *Ephraim in desolationem erit i. e. desolata erit tempore correctionis.* תִּכְבָּה idem est, quod מִצָּר v. 2. castigatio. Non enim solummodo indicat convictionem et declarationem poenā aliquem dignum esse, sed poenam improbitatis ipsam, cf. Ps. 149, 7. Ies. 37, 3. Ez. 25, 17. Sens.: *ubi poena veniet, Ephraim desolabitur, i. e. haec poena Israelitis imminet: devastabitur eorum res publica.* Gnomica brevisitas sensum reddit inventu difficiliorem; hinc alii eum ita exceperunt: *tempore, quo consummata fuerint eorum peccata.* Vates: *tribubus, addit, Israeliticis indicavi, quod verum est, scil. ne sine monitu divino cadant.* נִאֲמָרָה, formula affirmationis, *id quod verum est*, cf. Drusius ad h. l., quemadmodum usitatius אֲמָרָה. Foemininum enim hoc nexu saepius ut neutrum ponitur, cf. Glass. Phil. S. p. 51. Gesen. Lehrgeb. p. 661.

VII.

Cap. V, 10. — VI, 3.

Principes Iudae similes sunt removentibus terminos. Velut aquam super eos indignationem meam effundam. 11. Iusto meo iudicio oppressus est et contritus Ephraim, quoniam proterve sequi-

V, 10.

tur vanas institutiones. 12. Ceu teredo corrodam Ephraimum, ceu putredo absumam quoque domum Iudae. 13. Sentiat Ephraim morbum suum et Iuda ulcera sua, confugiat Ephraim ad Assyrios, mittat ad regem Iareb. Iste non poterit vos sanare, nec medebitur vulnere vestro. 14. Equidem enim quasi leo irrumpam in Ephraimum, quasi leo rugiens in domum Iudae. Ipse, ipse, inquam, eos lacerabo, eosque prehensos abducam, nec quisquam eos liberabit, 15. abibo rediens in locum meum, donec culpam suam agnoverint et benevolentiam meam reconciliare studuerint. Nam in tantis suis angustiis me tandem studiose quaerent. VI, 1. Agitedum! Revertamus ad Iehovam. Nam iste lacerans nos quoque sanabit, vulneribus percutiens obligabit nos. 2. Altero die nobis vitam restituet, tertio nos eriget, ut rursus ei accepti vivamus. 3. Sapere incipiamus et studio diligenti protendamus cognitionem Iehovae, cuius velut aurorae egressus paratus est. Veniet nobis ceu pluvia, ceu pluvia serotina terram irrigatura.

10. Recepit vates intermissam per aliquod tempus seriem improbationum suarum in Iudaeos, qui in dies impudentius flagitiorum et impietatis Israeliticae participes facti erant. Principes eorum, qui hucusque honorem non fucatae pietatis servaverant, magis magisque aberraverant a recta via. Quod potissimum de rege Usia valuit, qui specie pietatis negligentiam et petulantiam animi occultaverat. Intraverat rex in sanctum sanctorum, ut sacrificia faceret 2 Chron. 26, 16 — 21., quod solummodo summo pontifici demandatum erat Num. 18, 4, 7. 32. Ad haec tempora respexisse vide-

tur vates, cf. introd. p. 68 sq. שָׁרִי יְהוּדָה ponitur pro הַמֶּלֶךְ יְהוּדָה, nimirum Usia s. Asaria, ut parcat regi e stirpe Davidis orto. Nec erat quod digitis monstraretur, cuius protervia poenaeque omnibus esset notissima.

הָיָה כְּמַסְיָי גְּבוּל: pares sunt iis qui terminos movent, quibus gravissimae poenae a Deo denunciatae erant Deut. 19, 14. 27, 17. Rex ille nefarius vere par erat huiusmodi nefariis, non quia lapides terminales, sed fines politicae et sacerdotalis potestatis a Deo ipso positos removerat. Reliqui interpretes verba nostra in universum posita esse putantes, similitudinem in eo tantum quaerunt, quod principes ad regendum populum a Deo vocati libidinibus se dederint bonaque subditorum vi et fraudibus ad se rapuerint. Ita Schmidt: *tertium comparationis putamus esse effrenatam peccandi libidinem nullum amplius modum, nullam verecundiam observantem*. Hieronymus ita explicat, ac si sermo sit de senioribus temporibus, *ubi principes Iudae, qui post deletum imperium Israeliticum flere debuissent, coeperint gaudere et laetari, quod sibi pateret terra ad possidendum latius, et facti sint quasi assumentes terminos Israel, transeuntes fines suos et in locis alienis regnum et possessionem dilatare cupientes*. עֲלֵיהֶם אֲשַׁפֵּךְ כַּמִּים עליהם אֲשַׁפֵּךְ כַּמִּים: effundam super eis velut aquam indignationem meam i. e. tam abunde ac si aqua effundatur. Ex eo, quod similis locus Ies. 8, 7. invenitur, ubi Deus dicitur adducturus vehementem et abundantem fluvii aquam h. e. regem Assyriae cum omni apparatu, non sequitur nostrum vatem cogitasse de iisdem Assyriis. Est enim aqua omnino imago abundantiae Num. 24, 7. Iob. 3, 24., quae ut in illo loco Iesaeae copias Assyriorum, sic h. l. copiam indignationis divinae indicat. Quodsi, ut opinor, vates de protervia regis Usiae locutus est, nimirum alio etiam sensu verba illa adhibuit, scil. ut aqua effusa totum corpus inundatur, sic super corpus leprosi regis lepra effunditur, ut prorsus ea tectum sit. עֲבָרָה: poena, quam Deus iratus infert, cf. Prov. 11, 4. Zeph. 1, 15. 18.

II. Exhibet autem rex ille impius et foetida poena adfectus effigiem omnibus posteris Iacobi. Ut enim

V, 11. 12.

ille meritas proterviae poenas luit, ita primus Ephraim punietur. עָשָׂה אֶפְרַיִם רָצוֹן מִשֹּׁפֶט: *oppressus et contritus est iudicii* i. e. *iusto meo iudicio*, cf. *Exod*, 22, 29. *Genitivus est efficientis*, ut *Ies*, 53, 4. Michaelis ad h. l. Ob praecedentem enim statum constructum vocem מִשֹּׁפֶט vim genitivi habere Grammatici docent. Hebraei interpretes exhibent ablativum, Iarchi מִיּוֹסֵר: *castigatus castigationibus*, Kimchi בְּמִשְׁפָּטִים: *duris iudiciis*. Simplicius adhuc videtur et usui vatis accommodatius substantivum מִשֹּׁפֶט pro adverbio positum esse, ut sit: *iuste*. Sens.: *iuste meo iudicio oppressus est Ephraim*, quemadmodum 12, 15. תִּמְרֵי הָאֵץ, 13, 13. עֵץ, 14, 5. נִדְבָה, cf. *Glass. Phil. S.* pag. 364. הוֹאִיל הָלַךְ אַחֲרַי צַד, constructio asyndeta: *instituit s. proposuit sibi sequi* i. e. *proterve sequitur*, ut *Deut*. 1, 5. הוֹאִיל בָּיַר אֶת-הַחֲזָרָה, cf. *Gesen. Lehrgeb.* p. 823. צַד semel praeterea occurrit *Ies*. 28, 10. 13., ibidem, ut nostro loco, significatione quadam contemptus et ambiguitatis. Ex utroque loco intelligitur hoc nomen, quamquam originem duxerit a צָדָה, quod bono sensu etiam de Dei praeceptis occurrit, tamen usitatum fuisse de vanis et stolidis institutionibus. Antiqui sine dubio legerunt צַד s. צָדָה LXX.: ἡγάρτοι πορεύεσθαι ὀπίσω τῶν ματαιῶν, *Syrus*: *post vanitates*, *Hieron.*: *coeperunt abire post sordem* i. e. *post idola*, quae sordibus comparantur. *Chald.*: *ad errandum post fallaces divitias*, *Dathe* legit שָׁדָה *vana idola*. Item Liveleius ex permutatione literarum, quae inter se affines sunt et commutabiles, quemadmodum *Nah.* 3, 18. נִפְשֵׁי נִפְשֵׁי pro נִפְשֵׁי, et ex usu nominis שָׁד *Iob*. 15, 31 *Verum*, ut de *Rossi* monet, contra omnium codicum auctoritatem.

12. Propius accedit ad significandam imaginem infelicissimi morbi regis Usiae. *Ero Ephraim quasi עֵץ: vermis*, qui corrodit vestes et corpora, non tantum *tinea infensa vestimentis*, nam *Ps*. 39, 12. et *Iob*. 4, 19. aperte adhibetur de vermibus homines eorumque

venustatem absumentibus, fere id quod Latinis *teredo*.

Nomen ortum e radice עָשָׂה Arab. عَشَى: *rodere*. Cum in sequenti commate רָקַב: *putredo* addatur, parallelismus praecedens עָשָׂה ita illustrat, ut sit: *vermis carnem corrodens*. LXX. utrumque verbum metaphorice intellexerunt, ita: ἐγὼ ὡς τὰ γὰρ (conturbatio) τῶν Ἐφραϊμ καὶ ὡς κέντηρον (*perniciēs*, ut 1 Cor. 15, 35.) τῶν εἰκῶν I. Hieronymus vertit illud *tineam*, hoc *cariem*: *quorum alterum vestes, alterum ligna consumat. Ut enim, addit, utrumque longo fit tempore, ita Deus et 10 tribubus, et postea duabus longo tempore dans locum poenitentiae et eas provocans ad salutem primus consumet Ephraim, deinde et domum Iuda. Nobis autem hic sensus verbis inesse videtur: ut rex ille lepra carnem corrodente eamque putrefaciente a Deo adfectus est, ita typum exhibet, utrique imperio: Ephraim corrodetur, Iuda absumetur.*

13. Iterum tales dictiones addit vates, ut illi imagini inhaesisse videatur. Vocat enim conditionem Ephraimi *morbum* et Iudae *ulcera*, dicit porro *Ephraimum arcessere medicum*, qui *aegrotum curet*, denique adfert illum *medicum nullam istius morbi medicinam habere*, quemadmodum *sanatio leprae Deo ipsi, vel, quod Iudaeis idem erat, sacerdotibus servata erat Lev. 13. 14. 2 Reg. 5, 7.* מִדְּרָא: *animadvertat, sentiat*, ab uno sensu oculorum ad omnem sensum infortuniorum translatum legitur quoque Ies. 44, 16. Thren. 3, 1. Eccles. 3, 13. מִדְּרָא: *morbum suum*, imagine adempta: *miseriam, publicam solutionem qua civitas laborat.* מִדְּרָא, ut Obad. 7. Ier. 30, 13., optimi interpretes vertunt: *purulentum vulnus a דָּרָא: exprimere*, cf. Rosenmuell. ad h. l. Sens.: *Iuda quoque particeps fiat eiusdem miseriei*. Typus enim de utraque gente valet. Nunc arcessant Ephraimitae medicum, qui res restituat. Vidimus in introductione p. 8. Assyrios sub rege Menahemo primos irruisse in Palaestinam, nimirum vocatos a Tiphsaitis incolis urbis a Menahemo obsessione pressis regemque Menahemum illos Assyrios magno pretio conduxisse, ut amicitiam secum inirent, cf. 2 Reg. 15, 16. 19, 20. Hanc vicem

V, 13.

in mente habuit vates, non autem tempora regis Pekahi, qui non Assyriorum, sed Syrorum foedus contra Iudaeos quaesivit.

וַיִּלֶךְ אֶפְרַיִם אֶל-אֲשׁוּר׃ *abeat i. e. confugiat Ephraim ad Assyrios*, ut eorum auxilium imploret, וַיִּשְׁלַח אֶל-מֶלֶךְ יָרֵב. Plures interpretes, quorum primum inveni Iarchium, hoc comma ad Iudaeos retulerunt. Verum si vates rem de Iudaeis intelligi voluisset, non liquet, cur id non diserte commemoraverit. Eum autem postulavisse, ut de aliqua re, cuius in verbis nulla mentio fit, cogitaretur, nimis ineptum fuisset et Hosea omnino indignum. Id sentientes nodum ense dissecant, dum, ut ipse Kuinoel fatetur, contra omnem versionum et codicum auctoritatem nomen יָרֵב in textum recipiunt, idque excidisse e vulgari tectu censent. Nam, aiunt, *Iudaeorum rex Ahas aliquando regem Assyriorum Tiglath-Pileserem in auxilium vocavit, qui nunc nomine regis Iareb insignitur*, vid. Kuinoel ad h. l. Verum id multo serioribus temporibus factum est, et quantis angustiis rerum! Postquam Pekah rex Israelitarum, scelestissimo foedere cum Syris facto, Iudaeos adortus fuerat. Num cogitari potest, vatem, qui nil antiquius habuit, quam ut omnes 12 tribus restituerentur sub imperio unius regis e familia Davidis c. 1-3., si illo tempore hanc nostram prophetiam edidisset, tantam tamque deplorabilem vicem reticuisse? Vel fac eius qualemcunque mentionem illum facere voluisse, num menti excidere potuit Ephraimitas tunc temporis non Assyriorum, sed Syrorum, מֶלֶךְ-אֲרָם, foedere se contaminasse? Qui talia contendat aequae ex arbitrio agere videtur, quam S. V. Kuinoel, qui sine omni ratione et argumento ad h. l. pag. 32. ita disserit: אֲשׁוּר׃ *Equidem intelligerem h. l. per Assyrium Rezinum Syrorum regem. Atque hoc nomine propheta per ironiam usus esse videtur.* Alii interpretes opinionem, Israelitas misisse ad Assyrios, Iudaeos ad regem Iareb, historiae melius adaptaturi in primo commate sermonem esse de pactis Israelitarum cum rege Phulo tempore Pekahi et Ahasi contendunt, quae circiter spatio 20 annorum inter se distant. At quis serio sibi ipsi per-

suadere poterit, vatem tam diversa tempore et ratione inter se miscuisse, cuius dissertationes et cohortationes semper ad praesentem reipublicae statum pertinuerint, quasque, ut animos moverent, e rebus coram oculis gestis ideoque intellectu facillimis repeti oportuerit? Subsistamus igitur in simplicissima explicatione, utrumque comma referendum esse ad Israelitas, et ad pacta eorum cum Phulo rege Assyriorum. Iudaeos ita monere non potuit, quoniam eodem tempore pacta cum aliquo rege barbaro non iniverant, quippe quorum res tempore Usiae et Iothami ita florerent, ut adeo barbaros sibi subditos facerent, cf. 2 Chron. 26. 27. Ex totius loci contextu videmus, vatem pingere res Israelitarum maxime deperditas, quibus regis leprosi typus iam eventu comprobabatur, monere autem Iudaeos, ut exemplo illorum meliora edocti abhorrerent ab impietate, ne consortes fierent eiusdem eventus. Descriperat v. 11. Israelitarum miseriam tamquam iudicium, מִשְׁעַשׁ, iam iam iis exhibitum. Describit nunc perversa eorum conamina res admodum labefactatas restituendi, et exemplo eorum addit: *videbitis vos Iudaei, et ipsi Ephraimitae sentietis nullam medicinam esse, nisi penes Iehovam*. Nil aliud usque ad 6, 3. continetur. Futura abbreviata autem cum ך conversivo propria sua significatione modum coniunctivum s. concessivum indicare videntur. Sic optime suo loco sunt inter futura purae significationis v. 10. et alterius commatis nostri versus, cf. Gesen. Lehrgeb. p. 288.

Nomen autem מֶלֶךְ יָרֵב, de quo interpretes multa disseruerunt, mihi videtur aequè symbolicum, ut plurima nomina in vate nostro obvia, v. c. liberorum 1, 6. 9., Bethaveni 4, 15, 5, 8., vallis Achor 2, 17. Aptissimum est propter duplicem sensum verbi יָרֵב, a quo derivatum est. Indicat enim et *oppugnare*, et *rem aliquius gerere*, vid. Gesen. sub h. v. Implorarunt Israelitae defensorem, consecuti sunt oppressorem. Utraque significatio in nomine illo symbolico inest. Ad verbum: *rex dimicabit*. Acquievimus in nomine proprio; *rex Iareb*, ut LXX. πρὸς βασιλέα Ἰαρεῖβ, pro quo in aliis Codd. Ἰαρεῖβ, quod nimirum vitio librariorum irrepsit,

V, 13. 14.

Hieron. vertit: *ad regem ultorem*. Demonstrat enim e loco Iud. 6, 32. יָרִיב, vel uti legisse videtur cum LXX. יָרִיב, esse i. q. ἐκδικον s. ἐκδικητήν: *ultorem* scil. *iudicem*. Qui quidem non verus ultor fuerit, nec eos adversante Deo liberare potuerit. Chald.: *ad regem qui veniet et animadvertet in eos*. Eichhorn vertit: „dem Berather.“ Posset quidem si placeret verti: „dem Anwald,“ sed V. Illustrissimi versio etymologiae nominis plane repugnat. De Wette: „der König der rächen soll.“ In multis aliis de hoc nomine coniecturis a vero longissime recedunt, qui (ut Kimchi, Schmidt aliique) contendunt, fuisse Iareb: *urbem Assyriae*, eamque positam pro universa Assyria.

At iste non poterit vos sanare nec medebitur vulneri vestro. Uti enim ille foetidus morbus a nemine sanari potest nisi a Deo ipso, qui per sacerdotes arcanam medicinam contaminatis instituit, ita nemini Israelitarum aliunde auxilium quaerenti salus contingere poterit. יִרְדָּה, ἄπαξ λεγόμενον, cum cognato suo substantivo יָרִיב Prov. 17, 24. de medicina adhiberi iubet in utroque loco parallelismus. Alii derivant a verbo Syriaco, quod est *fugere*, ut h. l. Hiphil sit *fugare, depellere*. At Syrus ipse vertit: *neque sanabit a vobis dolorem vestrum*. Nonnulli codd. ap. de Rossium huius inusitati verbi loco legunt יִרְדָּה: *amovebit*. LXX. οὐ μὴ διακύβηται ἐξ ὑμῶν ὀδύνη. Hieron.: *nec solvere poterit a vobis vinculum*, quae explicatio vocis יָרִיב licet ex etymologia, exemplis certe probari non potest.

14. *Ego iste sum, qui morbo et vulneribus Vos percussit*. Quod enim iusto meo iudicio fit, nemo hominum interpellabit. Imago vermis carnem corrodentis crescenti indignationi vatis non satisfecit; itaque aliam gravioris momenti addit, nempe leonis, qui non corrodit sed lacerat. Notio lacerationis non abest ab effigie leprosi regis. Nam ille foetidus morbus lacerabat hominem, carnem eius et paulatim praestantiores corporis partes absumens, cf. Lund. Iud. Heiligh. 1. 3. c. 51. pag. 671. De eo, quod leo prorsus discerpat et destruat praedam, sermo esse non potest; nam porro

vates leonem, addit, *ablaturum esse praedam in suum habitaculum, laceratam quidem, sed non ita ut restitui non possit.*

שֹׁחֵל sec. Bochart. Hieroz. I, 717. est: *leo nigricans, qui in regionibus Syriae degit*, cf. Plin. H. N. 8, 17., quamquam nulla alia causa huius definitionis esse videtur, quam similitudo verbi שָׁחַל et שֹׁחֵל. Secundum Gesenium in Lex. ad h. v. *melius: Epitheton poeticum: rugiens*, cf. Arab. سَحَالٌ: *vox in pectore reciprocata, spec. rugitus i. e. leo.* Leonem enim intelligendum esse, in eo omnes interpretes consentiunt, praeter LXX. qui verterunt πανθήρ. Sed eorum auctoritati fidere non possumus, quoniam idem verbum Ps. 91, 13. vertunt ἄσπις, Iob. 4, 10. λεάνη, 10, 16. λέων. כִּבְרִי: *leoninus pullus*, LXX. λέων, Hieron.: *catulus leonis*. נָחַר non habet notionem rapiendi, sed *discerpendi, lacerandi*, cf. Deut. 33, 20. Gen. 37, 33. Ps. 7, 3. 50, 22. Verbum נָחַר: *abibo*, rursus innuit id, quod antea saepius dictum erat: *Deum missurum esse utramque gentem, si respiscere moresque emendare noluerint.* Membra sunt rursus parallela: נָחַרְהָ וְנָחַרְהָ: *lacerabo et abibo*, scil. *eos puniturus ita me geram, ut eorum hypocriticas preces non exaudiam.* אֶתְּנֵם וְאֶתְּנֵם אוֹפֵר אוֹפֵר: *auferam et nemo eos liberabit* scil. *a poenis iis destinatis.* Significatio imaginis in verbo אֶתְּנֵם *auferam*, non anxie est quaerenda. Nil inest nisi hoc: *ut leo rapinam lacerat et secum abducit, ut nullo modo ipsi evadere possit, sic illi, qui per flagitia sua rapina indignationis meae facti sunt, nec idolorum ope, nec Assyriorum, nec aliorum barbarorum auxilio redimi poterunt.* Certe de abductione in exilium vates h. l. non cogitavit.

15. Repetit verbum נָחַר, ut melius intelligatur, quid sibi voluerit. *Abibo reversurus in locum meum.* מִקְדָּמִי. Tropice locus Deo tribuitur, tropo a leone sumto. Sicut leo revertitur post rapinam in speluncam suam, ita Iehova se abscondet ab iis postquam poenis eos afflixerit, eorum preces hypocriticas non curabit nec

V, 15.

amplius iis propitius erit, ita tamen, ut semper eorum sortem moderaturus sit, quod indicavit posterioribus verbis versus 14. *auferam nec quisquam eos e potestate mea redimet.* Alii, ut Lutherus, hic novam orationis partem incipiunt, ita ut nunc a minis ad consolationes transierit vates, ac si dixisset: *Poenae illae non propterea illatae sunt, ut prorsus pereatis; sed si reversi fueritis ad meliorem frugem me semper paratum habebitis ad vos salvandos et beandos.* Hieronymus ita: *quod quidem dicat: vadens revertar ad locum meum, i. e. magnificentiam et maiestatem; ita debemus accipere, ut nequaquam propter dispensationem descendat ad homines, irascatur, misereatur, obliviscatur, mutetur in bestias, sed spernat res humanas et permittat eos, quos antea protegebat, hostibus subiacere ut tabescant et deficiant et intereant et propterea quaerant faciem domini.* Quae vere est egregia Deoque dignissima descriptio divinae providentiae et ad amplificandum tropum nostri loci optime valet. עַד

אֲשֶׁר - יִתְּנֶנּוּ לָהֶם. LXX. ἕως οὗ ἀφαινεῖσθαι: *donec dispereant, et* Hieron.: *donec deficiatis.* Uterque de poenis culpaе contractae verbum אֲשֶׁר ceperunt, ut nonnunquam fit, v. c. Ps. 34, 22. 23. cet. Verum omnis nexus docet h. l. sensum esse: *donec agnoverint reatum suum;* nam secundum Glass. Phil. S. p. 225. verba, quae fieri, esse, vel agere significant nonnunquam pro rei cognitione ponuntur. Ita verbum nostrum occurrit Lev. 5, 1—5. Zach. 11, 5. cet., cf. Chald.: *donec agnoverint se peccasse.* וַיִּבְקֹשׁ אֶת־פָּנָי: *et quaesierint faciem meam.* Formula solennis de consultatione Iehovae in templo Hierosolymitano, quod Dei maiestate inhabitari dogma erat religionis Mosaicae, cf. 2 Sam. 21, 1. 2 Chron. 7, 14. Ps. 105, 4. Verum cum פָּנָי saepius ad circumscribendam personam ponatur (cf. Prov. 7, 13. Ez. 6, 9. Ps. 17, 15.), בִּקְשׁ אֶת־יְהוָה est i. q. בִּצֹר אֲשֶׁר לָהֶם: *Deum i. e. auxilium eius pia mente quaerere,* cf. v. 6.

Addit denique vates spem, fore, ut tandem angustiis et miseriis attoniti pio animo se ad Iehovam convertant. בִּצֹר אֲשֶׁר לָהֶם i. q. בִּצֹר לָהֶם, circumscriptio genitivi, cf. Gesen. Lehrgeb. p. 673. *in calamitatibus suis.*

יִשְׁחַרְחַרְנִי: pr. *mane me quaerent* i. e. *sedulo et sollicite me quaerent, desiderium mei sentient* les. 26, 9. Ps. 63, 2.

VI, 1. Priores 3 versus huius capituli interpretes praeceuntibus LXX. ita cum praecedentibus copulaverunt, ut insuerent verbum λέγοντες: *dicentes*. Verum non video cur hoc supplemento opus sit, quod semper aliquid duri et salebrosi infert orationi. Optime et clarissime tenor orationis mihi procedere videtur, si statim his nostris versibus contineri quasi corollarium totius prophetiae, exhortationem vatis ad cives, ut tandem id faciant, quod secundum v. 15. Deus in loco suo exspectet. לָכֵן habet vim convocationis et exhortationis, ut Lat. *agite dum*, cf. Gen. 27, 37. 37, 20. 27. Ier. 18, 18. Ion. 1, 7. Contemplatur enim vates sortem patriae ac si ipse miseriam eius ferat atque se praeiturum fingit salutem quaerentibus. *Revertamur ad Deum pia mente et intelligamus, ut poenae ab eo inflictæ sunt, ita ab eo solo nobis contingere posse auxilium. Deus enim laceravit, ergo sanabit nos, percussit, ergo obligabit nos.* הַיֵּשׁ de obligatione chirurgica vulnerum saepius occurrit, v. c. Iob. 5, 18. Ez. 34, 4. 16. Iterum membra parallela habemus. Respiciunt autem ad 5, 14.

2. Celerrimum et perfectum auxilium Dei vates populo promittit. *Ut primum enim ad Deum nos contulerimus, recuperabimus pristinam nostram salutem ipsique rursus erimus accepti.* Id exprimit imagine graduum et dierum sanationis. מִיָּמֵינוּ: a biduo i. e. altero die ab initio curationis. Ita intelligi hoc verbum sequens הַשְּׁלִישִׁי docet, quod praeter omnem dubitationem est: *tertio die*. Primum corpus laceratum et saucium obligat, ut vivere possit; altero die vitam ipsi restituit; mox, tertio iam, eius benevolentia tecti felices erimus. יָרְחֵנוּ: *vitam nobis restituet*. Restitutio vitae rursus tropico modo spectat ad 5, 14. Dentibus leonis laceratus vivere non posse fingitur. Sic infelix conditio utriusque gentis morti similis erat, omnes vires fractae, omnis pietas absumta. Ex qua conditione lethali ante omnia gens excitanda erat. Ita-

VI, 2.

que altero die, inquit, vitam nobis restituet, vires nostras firmabit et sentiendi agendique, quae Deo placeant, facultatem recreabit. LXX. ὑγιαίνει ἡμᾶς, quod quidem sensum multo altiorem vatis nostri non assequitur. הַשְׁלִישִׁי יִקְרָנֵה: tertio nos eriget. A morbo lethali ad vitam revocatus nondum e lecto surgere potest. At celeriter procedet sanatio, etenim tertio die nos surgere faciet, ut penitus restituti pristina felicitate fruamur. Itaque non tantum vivemus, sed נִחְיֶה לְפָנָיו: vivemus coram eo i. e. ei accepti. Quo sensu nostra locutio saepius occurrit, cf. Gen. 17, 18. o si Ismael viveret לְפָנָיו, Ps. 19, 15. sit mea meditatio לְפָנָיו. Dei enim benignitate frui, id pio postero Iacobi omnium beneficiorum, quae Deus patribus contulerat, memori pignus et conditio erat certissimae felicitatis. Postquam autem vates omnia mala orta esse e divina indignatione saepius monuerat, nil maius favore et benevolentia Dei promittere poterat.

Mirari non possumus hunc locum mysticis explanationibus occasionem praebuisse. Iudaei primum diem de Aegyptiaca servitute, alterum de Babylonico exilio, tertium de praesenti dispersione inter gentes et de liberatione adhuc per Messiam speranda interpretati sunt. Alii Hebraeorum monente Grotio ex hoc loco sibi fingunt: intra triduum absolutum iri postremum et universale iudicium. Patrum nonnulli putant indicari tres status s. tempora humani generis, primum sub Adamo, nempe sub peccato, secundum in Christo respirantem gratiam, tertium cum Christo adspirantem ad resurrectionem. Hieronymus intelligit tres Christi adventus, 1) humilem in carne, 2) in gloria cum resurrexerit a mortuis, 3) cum veniat iudicaturus. Christiani seriores de resurrectione Christi vaticinium reperiunt, v. c. Luther. Schmidt; litera, ait, scripturae retineri debet, ubi potest, et ad contextum hic optime quadrat, nam poenitentes se consolantur merito Christi, vi cuius post biduum mortis suae tertio die resurgens ipsos vivificaturus sit. Tertius dies, qui post biduum est, est dies tertius Christi Iehovae vivificantis, tertius nempe post mortem eius. Unde non intelligendum est post biduum nostrum, sed post biduum suum, die tertio sup. Nitun-

tur isti interpretes potissimum loco Pauli 1 Cor. 15, 4., ubi expressis dicitur: *resurrexisse Christum die tertio iuxta scripturam*. Nullus enim, aiunt, V. T. locus si ab hoc recedamus, proferri potest, qui κατὰ τὸ τρίτον diei tertii mentionem tam diserte faciat: unde merito Apostolum ad hunc ipsum respexisse statuendum est. Quod autem dicatur, non de Christo sed de nobis in plurali sermonem esse, facili negotio solvunt: *siquidem tertio die non in nostra persona sed in Christi persona vivificati sumus secundum Eph. 2, 5. Deus vivificavit nos in Christo et resuscitavit*. Cum igitur Hoseas praedixerit: *Deus tertio die vivificabit nos*, id in Christi resurrectione impletum a Paulo indicatum esse contendunt. Notatu dignum praeterea est, ipsos Rabbinos veteres hunc locum docuisse esse vaticinium de Messia tertio die resuscitando, vid. Galatinus de arcana Cathol. veritate l. 3. c. 12. et l. 8. c. 22. cf. Io. Schmidt commentar. in Hoseam p. 293. Chald.: *Vitâ donabit nos in diebus consolationis, qui venturi sunt, in die resurrectionis mortuorum suscitabit nos et vivemus coram eo*.

3. Pergit vates in exhortatione sua. וְיָדַעְתָּ: *sapere incipiamus*, uti Ps. 73, 22. Ies. 32, 4. al. et ap. nostr. 4, 6. Quae autem sapientia appetenda sit, docet sequens comma, nimirum יָדַעַתְּ אֶת-יְהוָה, ut 4, 1. יָדַעַתְּ אֶת-יְהוָה: *cognitio Dei, quae gignit pietatem*. Qui enim Iehovam probe cognoscit, non potest eum non diligere et pie revereri. לָדַעַת pr. est inf., unde יָדַעַתְּ אֶת-יְהוָה: *protendamus ad cognoscendum Deum*. LXX. διαξάμεν τοῦ γινῶναι τὸν Κέριον.

פְּשֹׁדֶר נָכוֹן מִזִּמְתָּו respicit ad imaginem 5, 15.: *cuius egressus* (scil. e loco suo) *nunc paratus est*, non ut olim leonis ad lacerandos impios, sed ut aurorae ad homines recreandos probe conversos. Suffixum ךֿ vim habet relativi, cf. introd. p. 106. Mane aurora, interdiu pluvia homines recreat, quarum illa torpore somni, haec languore aestus membra relevat. Innuit illa simul maiestatem, haec voluptatem et utilitatem, quae utramque comitantur: maxime in illis orientalibus re-

VI, 3.

gionibus. Intelligitur autem sigillatim sub מַשָּׁן, quae etiam יָרֵחַ vocatur, v. c. Ies. 5, 24., cum opponatur voci מִלְקֵשׁ: *pluvia autumnalis*, quae Hebraeorum septimo anni mense, nostro fere Octobri post iactam seminem in illis orientalibus regionibus incipit et 3 menses durat, Hebraeis igitur *prior anni*, LXX. *πρώτος*. מִלְקֵשׁ autem est: *posterior s. verna pluvia* mensis Martii, quae ante messem cadit ubertatem terrae promovens, LXX. *ὀψιμος*. Praeterea paene nunquam in illis regionibus pluit, cf. Dent. 11, 14. vid. Roehr Palaestina p. 73. all. Eichhorn ab hac interpretatione topologiae accommodatissima recessit: „Wohlthätig wie ein Regen wird er kommen, wie ein Gewitterschauer, der das Erdreich tränkt.“

VIII.

Cap. VI, 4 — 11.

Quid tibi faciam Ephraim, quid faciam tibi Iuda? quorum pietas similis est nubi circa diluvium, rori mane evanescenti. 5. Propterea incidi iis dicta prophetarum, penitus percussi eorum animum sermone meo. Nunc iudicium meum in lucem prodibit: 6. quod animi bonitate delecter non sacrificis, et vera Dei cognitione magis quam holocaustis. 7. Illi autem ut Adamus foedus violaverunt, in illo ipso foedere perfide contra me egerunt. 8. Quod attinet ad Gilead, civitas ibi est facinora patrantium vestigiis sanguinolentis conculcata. 9. Velut insidiantes agmini armatorum conspirati sacerdotes in via Sichemum versus trucidant, itaque scelera praemeditata patrant. 10. In domo Israelis animadverti horrendas res. Ibi

pravus idolorum amor inhaeret Ephraïmo, contaminatus est Israel. 11. Ipse quoque Iuda culpa tua messem faciet tristissimarum calamitatum.

Novum fragmentum vaticiniorum vatis nostri, quod neque cum praecedentibus neque cum sequentibus cohaeret, cui scelera illis temporibus commissa omnibusque notissima, ut v. c. sanguinolenta trucidatio regis Pekaiæ, occasionem praeberunt, cf. introd. p. 70. Exortum videtur ex indignatione prophetae propter mores suorum irreparabiles eosque non solum Israelitarum, verum etiam Iudaeorum. Spem aluit fore, ut resipiscerunt, sed spem deceperunt, ut nubes matutina spem decipere solet arborum sitientium v. 4. Non attenderunt monitis prophetarum sacra eorum spernentium et probitatem pietatemque illis praeferebant v. 5. 6.; dum foedere se Deo iunctos esse gloriabantur, flagitia commiserunt v. 7. eaque tam gravia v. 8. 9., ut non tantum omnis Israel v. 10., sed etiam Iuda contaminaretur v. 11.

4. *Quid tibi faciam Ephraim et quid tibi Iuda?* Non dubium Iehovae hac interrogatione indicatur, sed eleganter pingitur magnitudo depravationis gentis Iacobiticae, quae hucusque omnes institutiones Dei ad ipsius salutem irritas fecerat nec beneficiis olim collatis, nec irruentibus miseriis ad sanam mentem redierat, cf. II, 8. *Nil, inquit, superest. Evenient, quae saepe minatus est Deus, et quae aegre evenire iubet.* וְהִסְתַּכְתִּי. Plures codd. ap. Kennicottum et de Rossium omittunt ו, quod etiam abesse potest, ubi autem retinetur, relativum designat. הִסְתַּכְתִּי, si de hominibus dicitur, nomen est amplissimae significationis, non tantum benevolentiae, ut 4, 1., sed pietatis erga Deum 10, 12. Ies. 57, 1. Ier. 2, 2., non ea quidem, quae timore et reverentia, sed quae benevolis animi motibus factisque cernitur, quod v. 6. egregie docetur. *Similis* autem

VI, 4. 5.

haec vestra pietas est nubi matutinae et rori mature evanescenti: בַּעֲנַן-בֶּקֶר וְכֶטֶל מִשְׁקִים הֵלֶךְ. In regionibus illis, ut omnes descriptiones Palaestinae referunt, praeter illas pluvias autumnales et vernaes v. 3. fere semper aër siccus est et imbre caret. Surgunt quidem noctu nubes, sed sole orto disperguntur. Ideo haec imago rei cito transeuntis saepius occurrit, cf. Ies. 44, 22. Iob. 7, 9. et in N. T. Iud. 12. vid. Michaelis ad h. l. Sens.: *illis nubibus similis est vestra pietas, quam hypocritico cultu vestro significatis. Ubi enim tempus est fructus eius exhibendi probe et benevole gestis, evanescit velut nubes, quae pluviam promittit, verum non effundit. Pariter similis est rori. Mature transit ut iste; non enim e pectore venit. Simulatis quidem in vestro nefario cultu vos esse plenos reverentiae erga Deum, sed ubi in lucem proferenda est moribus vestris, omnis ut ros prae sole evanescit.* Hieronymus singulari modo חֶסֶדְכֶם ita explicat: *misericordia vestra, quae semper vobis misertus sum, ceu nubes matutina transiit et quasi ros mane exsurgens, qui sole orto siccat. Iam enim captivitas prope est, iam video vos abduci in Assyrios et Babylonios, catenatos. Aliam huius tropi, Abarbanelis, explicationem ex historia Iudaeorum adfert Rosenmueller ad h. l.: etsi imperii sui initia bona fecerit Iehu, ultima tamen prorsus corruptit.*

5. עַל-כֵּן: *propterea quoniam tam perversi estis et omnis vestra pietas vana est.* הָרַג et הָצַב h. l. nec necem corporis eiusque comminationem, nec, ut nonnulli volunt, interitum patriae, sed doloris plenissimam commotionem animi et percussione[m] letiferam mentis elatae indicant. Id Hieron. optime explicat: *dolavi eos in prophetis et verbis terribilibus comminatus sum, scalpellum, ignes et cauteria protuli, ut, qui clementem contemnebatis, timeatis offensum, et occidi negligentes in verbis oris mei, ut peccatores verborum terrore punirem.* Verba ipsa hanc explicationem postulant. הָצַב enim est *caedere, incidere, excidere* Ies. 5, 2. 10, 15. 22, 16. Deut. 6, 11. Ad הָצַבְתִּי pronomen ׀ e sequente parallelo verbo supplendum est. Itaque *cecidi eos per prophetas* nil aliud esse potest nisi: *incidi in animos*

eorum dicta prophetarum. **וְהָיָה כְּאֶמְרֵי-יְיָ** metaphorice intelligendum esse docet et parallelismus commatis prioris, et res ipsa. Deus enim nec interfecit, nec dolavit utramque gentem, verum cives monuit monitisque suis iis minime pepercit, usque ad medullam eos tetigit animumque eorum penitus percussit. Verbum **וְהָיָה** aliis quoque locis metaphorice adhibetur, v. c. Ps. 78, 47. *grandine interfecit i. e. percussit vitem.* Similiter verbum *Dei* metaphorice dicitur *anceps gladius penetrans usque ad divisionem animae et spiritus, compagum et medullarum* Hebr. 4, 12. Sens.: *omnia adhibendo, si quid forte ad sanam mentem reduceret meum populum, locutus sum cum eo per prophetas et ita eius animum concutere studui.* Alii, ut Eichhorn et Gesenius in lexico ad h. v., verba **וְהָיָה** et **וְהָיָה** accipiant pro synonymis: *interficere, perdere*, et sensum utriusque commatis hunc esse dicunt: *indicavi iis per prophetas meo nomine loquentes interitum, quoniam, aiunt, nonnunquam in SSa fieri dicuntur, quae facienda modo praedicuntur.* Explicatio, quae quidem sensum, verum non propriam verborum significationem tetigit. LXX. quoniam pronomen suffixum in verbo **וְהָיָה** ad prophetas eosque falsos transtulerunt, ita: ἀπεδέξατο τοὺς προφῆτας ὑμῶν, ἀπέκτεινεν αὐτοὺς ῥήματι στόμ., ut secundum Hieron. sensus sit: *ne diceretis: prophetis credidimus, etiam ipsos interfeci, ut omnis vobis tolleretur peccandi occasio.* Hos multi veterum et recentiorum secuti sunt, v. c. Syrus, Ebn Esra, Schmidt al. Lutherus versionem Germanicam „ich hoefle sie durch die Propheten,“ in comment. ipse illustravit, ut sit: „ich behoble sie durch d. Pr.“ Dathe in tertia editione Proph. Minn. prius verbum cum Michaelae vertit: *fulminavi*, ut idem sensus sit: *petiri s. proiecici eos.*

In postremo commate lectio ita restituenda videtur: **וְהָיָה כְּאֶמְרֵי-יְיָ**, pro vulgari **וְהָיָה כְּאֶמְרֵי-יְיָ**. Dathe attulit luculentum exemplum similis scribarum vitio exortae attractionis literae, cuius character finalis **ה** pro **ו** initii sine omni dubio recentioris originis est, ad praecedens verbum Ier. 23, 33. Quocunque enim modo

VI, 5.

lectio vulgaris explicetur, et numerus pluralis in nomine **לְיָמֶיךָ**, qui semper *iudicia*, speciatim *Dei poenas* indicat, et lectorem offendens persona secunda pronominis suffixi durtatem obscuritatemque vix excusabilem verbis infert. Restituta lectio nititur auctoritate omnium versionum ante Hieronymum. LXX, habent: τὸ κριμὰ μου ὡς φῶς ἐξελεύσεται. Chald.: *iudicium meum ceu lux egressum est*. Eodem modo Syrus. Hanc lectionem plerique interpretum recentiorum, Dathe, Kninoel, Boeckel, Eichhorn cet. receperunt. Nullus quidem codicum eam exhibet; sunt contra, qui legant **לְיָמֶיךָ** ap. de Rossium ad h. l., quibus, si vera esset lectio, gravissima pars difficultatis tolleretur: nam et mutatae tertiae personae pluralis in secundam singularis viceque versa, et omissi **וְ** comparisonis plurima exempla sunt. Verum quaeritur, utrum horum codicum auctoritas plus valere possit, quam auctoritas antiquarum Versionum et simplicitas restituae lectionis. Vulgarem lectionem primus exhibuit Hieronymus ita: *haec omnia feci, ut iudicii, quo te iudicaturus sum, veritas appareret nullusque dubitaret vos iuste, quae patiamini, fuisse perpressos*. Ita pronomen *tua*, ut Drusius monet, passive accepit. Al. explicant vocem **לְיָמֶיךָ** *poena tua*. Al. v. c. Castalio, Schmidt, quibus Lutherus quoque propius accedit, putant esse i. q. **דָּוָר**, *διναίωμα* s. *διναίωματα* Apoc. 19, 8. *iustificationes, vita sancta*, quae utique est **לְיָמֶיךָ**, verum non **לְיָמֶיךָ**. Schmidt rem ita expedit: *sanctitas quae prius vana fuit v. 4. per Christum lux redditur*. Ex nostra sententia verba haec valent: *monitis illis gravissimis vatum iudicium meum solis instar exhibet i. e. in lucem prodibit, ut nemo illorum impiorum de eo amplius dubitare possit*. **לְיָמֶיךָ** est tempus futurum, cuius significatio non negligenda est. Eichhorn restitutam lectionem exhibuit, ita tamen: „heller als das Sonnenlicht trat meine Liebe zur Gerechtigkeit hervor,“ ubi nec futurum in verbo **לְיָמֶיךָ**, nec aptam et bene munitam significationem nominis **לְיָמֶיךָ** curavit.

6. Cohæret hic versus optime cum lectione restituta. *Iudicium meum in lucem prodibit, nam intelligent Israelitæ me non delectari holocaustis et sacrificiis, sed sola pietate.* וְכִי est coniunctio, quod. Id enim est Dei iudicium, se magis delectari pietate quam holocaustis, quod a viris sanctis iam sæpius indicatum, verum ab Israelitis non observatum erat.

וְכִי et אֱלֹהִים utraque indicat *pietatem*. Illa, quæ cum bonitate et benevolentia animi, hæc, quæ remota omni superstitione cum vera cognitione et fide erga Deum coniuncta est. Quod posuit vates מְעֻלָּה: *magis quam sacrificiis*, id non anxie ponderandum est nec, cur non omnino omnia sacrificia improbaverit, inquirendum. Iacobi proles omnino sacrificia negligere non poterat, quippe quæ pars cultus divini a Mose instituta esset et secundum eius praecepta Deo vere accepta, modo pio et benevolo animo servaretur. Brevissima huius loci dicta uberius exponuntur Ies. I, 11—17. Ps. 40, 7—9. 50, 8—23.

7. Significat Deus etiam in hoc versu, cur illud suum iudicium per prophetas iterum iterumque exhibuerit, quod nempe illi impii ut Adamus foedus violavissent, cum tamen scire potuissent se nullis sacrificiis delectari, nisi pio animo offerrentur. Ex omnibus particulis vaticiniorum nostri vatis apparet, eum semper arctissimam coniunctionem Dei et posterorum Iacobi in mente habuisse. Describitur imagine matrimonii, designatur verbo: *populus meus*, pingitur beneficiis, quæ olim populo Deus contulerit, et quæ ipsi conferre adhuc pronus sit. Ita omnis status politicus et religiosus illius gentis sæpius vocatur בְּרִית Exod. 2, 24. 19, 5. Deut. 4, 13. 15, 2. 3. Ps. 74, 20. Placuit res populo superbienti suo foedere Ps. 50, 16. 55, 21, sed eodem tempore id violavit. Propterea comparatur cum Adamo, qui primus in paradiso foedus transgressus est. Subiecta enim Adamo fuerunt omnia animalia et commissus usus paradisi omnibus deliciis ornati ea conditione, ut iussis divinis obtemperaret. Verum omnibus deliciis frui, non autem Deo obedire voluit: ergo foe-

VI, 7. 8.

duſ laeſit et punitus eſt. Pares Adamo (e ſententia vatiſ) ſunt iidem illi, qui, cum adhuc divino foedere gaudeant, voluptate ei긯 frui, incolumes in patria verſari, omnibus bonis et honoribus abundare, non autem Deo obedire velint. ׀ֿ non ſolum de loco, ſed etiam de tempore et conditione adhibetur, ut Latini. *ibi*, Graeci. ἐκεῖ, vid. ſaepe apud noſtrum v. c. 2, 17. 10, 9. 13, 8. ׀ֿ: *ſalvo illo foedere*, dum adhuc gaudebant et ipſo foedere, et bonis, quae iis in eo contigerunt, *perſide erga me egerunt*, cf. 5, 7. Pariter Lutherus, qui vertit ׀ֿ *in eo*. Auget hoc perſidiam et inſaniam eorum. Iſta non omnes interpretes ſenſum huius verſus exceperunt. LXX. primum comma vertunt: αὐτοὶ δὲ εἶναι ὡς ἀνθρώπων παραβαλὼν διαθήκην, quos ſecutus de Wette: „nach Menſchenart,“ quae comparatio admodum frigida eſt. Al. myſtice: *ſicut homo naturalis ſibiſque relictus et in ſpecie carnali ſapientia turgidus et contra divinam ſapientiam ſeſe extollens*, vid. Schmidt. ׀ֿ autem alii proprie acceperunt, ut quaſi digitis monſtraret vates patrium quod habitarent ſolum, quodque foederis gratia tantis promiſſionibus a Deo inſignitum eſſet. Alii plane tanquam pleonaſtice poſitum omittunt. Hieronymus item ſimilitudinem ab Adamo deſumptam eſſe cenſuit. Eichhorn prorsus aliud quid cogitavit vertendo ׀ֿ: „als wär' es Menſchensatzung.“

8. Recenſet nunc flagitia Iſraelitarum, primum illud, quod tunc temporis recentis memoriae fuiſſe videtur, idque Gileaditarum, qui tam nefario modo cum Pekahio contra regem Pekahiahum coniuraverant, ut in palatio Samariae ab iis interficeretur, vid. 2 Reg. 15, 25. גִּלְעָד est nominativus abſolutus: *quod attinet ad Gilead*. Modus loquendi frequens apud noſtrum vatem, quo attentionem capit legentium, ut ſtudioſe quae ſequantur perpendant, cf. 7, 8. 8, 13. 9, 6. 11. 14, 9. cet. *Gilead* fuit regio Palaſtinae trans Iordanem ſita propter egregia pascua a tribubus Rubenis, Gadis et dimidia tribu Manaſſis pecude abundantibus occupata Num. 32, 1. 26. 29. קָרִית פְּעֻלֵי אֵתָן: *oppidum facinora patrantium ibi eſt*. Ex Hebraismo ſatis noto, ubi verba e

praecedentibus facile supplenda omittuntur (vid. Glass. Phil. S. p. 630.), hoc nostro loco praecedens particula וְ repetenda est. Nomen illius oppidi, unde coniurati Samariam venerant, tunc temporis haud multo post sanguinolentam trucidationem regis Israelitarum notissimum erat. Nos autem historiae vestigiis destitutos prorsus fugit, nec est quod verba de eo faciamus. Cuius simplicissimae, ut videtur, explicationis loco plerique interpretes urbem quaesiverunt in tribubus Transjordanensibus nomine *Gilead* idque imprimis, postquam apud Eusebium lectum est: *cecidit mons Gilead in sortem filiorum Rubenis, Gadis et dimidia tribus Manassis. A quo monte et civitas in eo condita sortita est vocabulum, quam et cepit de Amorraeorum manu Galaad filius Machiri filii Manassis*, cf. Drusius ad h. l. Verum nihilominus res incerta est. Nam nusquam in V. T. urbs Gilead occurrit, et locus Ier. 22, 6., ad quem Eusebius et cum eo Eichhorn provocat, tam dubiae interpretationis est, ut nil inde effici possit. Comparasse videtur Ieremias urbem Hierosolymam non cum urbe sed cum monte *Gilead*, capite i. e. procerissimo Libani. Tamen, addit, אֶם-לָא, devastabitur. Hieronymus civitatem *Ramoth Gilead* h. l. intelligi contendit, quae ad tribum Gad transierat Ios. 20, 8. 21, 38. Verum haec quoque non vocatur רָמוֹת-גִּלְעָד, sed רָמוֹת בְּגִלְעָד. Alii *Gilead* metaphorice explicant ex cognato nomine Arabico, ut sit: *confluxus* s. *congeries maleficorum*. Alii denique supplent praefixum: vel ante בְּגִלְעָד, ut sit: *in regione*, cuius nomen *Gilead*, oppidum est, vel ante קָרְיָת, ut sit: *Gilead est tanquam civitas male agentium*. LXX. coniungunt cum nostro versu ultima verba praecedentis ita: *ἐκεῖ κατεφθόνυσέ μου Γαλαὰδ πόλις ἐργαζομένη μάταια*. Verum nec status constructus nominis קָרְיָת nec diversus numerus vocum קָרְיָת et בְּגִלְעָד hanc interpretationem admittunt. Haec civitas autem est: עֵקֶב מֶרֶם. Ex analogia nominis עֵקֶב: *planta*, *calx*, verbum עָקַב est: *calce conculcavit*, *vestigium in calcem alicuius plantavit*, unde significat: *supplantavit*, *insidiosе decepit* 12, 4. Primaria significatio h. l., ubi est particip.

VI, 8. 9.

Paul, simplicissimum exhibet sensum: *conculcata sanguine* i. e. *vestigiis sanguinolentis conculcata*, quod poetice et eleganter refertur ad sanguinolentam coniurationem quinquaginta Gileaditarum contra regem Pekahiahum 2 Reg. 15, 25. Horum duorum verborum explicatio admodum cruciavit interpretes. LXX. plane recedentes a nostra lectione habent: *ταράσσοντα ὕδαρ*, *conturbans aquam*. Hieron.: *supplantata sanguine* i. e. *ob caedes ab incolis frequenter patratas eversa*. Chald.: *cum dolis effundunt sanguinem innocentium*. De reliquis hunc locum explicandi conaminibus vid. Rosenmueller ad h. l.

9. Aliud facinus commemoratur, fortasse memoriae aequalium aequae infixum atque illud Gileaditarum. Nobis hic locus intellectu difficillimus est, quoniam de isto facinore nihil ad nos pervenit. Inter tot tumultus et bella civilia nimirum ipsi sacerdotes armis arreptis ali-quod agmen armatorum ex insidiis trucidaverunt. Positus verborum locum reddit etiam obscuriorem. **חֵבֶר כְּהֹנִיִּים**: *coetus* s. *collegium sacerdotum*, quibus sacra curanda sunt quibusque abstinendum a rebus politicis. *Hi tam nefario modo se gerunt, ut omissa omni probitate et honestate in via insidientur et trucidant*. **כְּחֵבֶר** non omnino redundante כ similitudinis, quemadmodum 5, 10. eodem fere orationis nexu non redundat (indicat enim sacerdotes se non ita gessisse, ut par et fas iis fuisset), et flexus verbi non Hebraicus sed e Chaldaico repetendus, ut sit vel infin. Piel pro **כְּחֵבֶר**: *quasi expectare* i. e. *quasi in expectando*, vel particip. Kal mutato, in — cum sequente Dagesch: *expectantes*, nimirum in latebris, nam **חֵבֶר** significat: *quocunque modo aliquem expectare*, 2 Reg. 7, 9. 9, 3., hinc h. l. i. q. *insidiantes*. Sic pertineret ad sequens **חֵבֶר כְּחֵיִם**, quod substantivum **חֵבֶר** collective a vate sumtum esse aequae verbo **יִרְצֹחֵהוּ** atque hoc nostro participio plurali indicaretur. Status constructus suo loco esset, quoniam arctissima coniunctio subiecti cum obiecto **חֵבֶר אִישׁ** quamquam in nostris linguis non ope genitivi, tamen ope praepositionis significari potest: *insidiantes in virum agminum* s. Latinius: *insidiantes viro agminum*,

cf. Ewald krit. Gramm. d. Hebr. Spr. p. 572. Utrum infinitivus sit, an participium, sensus idem est: *conspirati sacerdotes ex insidiis virum militarem in via versus Sichemum trucidant*. אִישׁ גִּדְדִּירִים pr. *vir agminum*, notissima circumscriptio adiectivi (vid. introd. p. 113. cf. Gesen. ausf. Lehrgeb. p. 646.), quemadmodum אִישׁ גִּבּוֹר 1 Sam. 14, 52., אִנְשֵׁי הַצִּבְאוֹת Num. 31, 53., בְּנֵי הַגִּדְדִּירִים 2 Chron. 25, 13., Livio appellantur *viri militares*, quod fere h. l. valet, ita tamen, ut vox גִּדְדִּיר non bene instructum exercitum sed *agmen quodlibet ad pugnam paratorum* indicet. Sic enim גִּדְדִּיר in omnibus locis de turmis armatorum vel militum, vel praedonum adhibetur, cf. Gen. 49, 19, 1 Sam 30, 8, 2 Sam. 3, 22. et metaphorice Iob. 19, 12. Ps. 65, 11. Ipsum autem nomen אִישׁ גִּדְדִּירִים sine dubio collective positum est pro *toto agmine armato* eodem modo ut sequens חֶבֶר כְּהֹנִים, חֶבֶר est *quaevis consociatio*, a rad. חָבַר 4, 17., hinc optime locum habere videtur versio: *conspirati sacerdotes*. Quae simplicissima mihi videtur huius implicitae constructionis explicatio.

Sed interpretes in alias partes abierunt. Hieron.: חֶבֶר derivat a חָהָה palatus, ita: *quasi fauces virorum latronum* s. *viri latronis*, coniungit vero haec verba cum praecedentibus, similiter atque LXX. derivantes חֶבֶר a חָמָה: καὶ ἡ ισχύς σου, ἀνδρὲς πικρατοῦ. Al. a חָמָה *hamus*, sc. *velut hami latronum sunt* cet. Sequentia וְגַם שִׁכְמָהּ לְחֶבֶר חֶבֶר LXX. ita vertunt: ἐφόνευσαν Σικίμα, ὅτι ἀνομίαν ἐποίησαν ἐν τῇ οἰκῇ τοῦ Ἰσραήλ. Qui fuerit ille Sicima aequè ignotum est atque omnis historia. Contra plerique interpretes nomen שִׁכְמָה ab urbe *Sichem* deducunt, quae etiam nostra est sententia. *Sichem* urbs erat in montibus Ephraimiticis sita, vetustissima et celeberrima Gen. 33, 18. Ios. 17, 7., initio regni Israelitici urbs regia Ierobeami 1 Reg. 12, 25. In sedibus erat Levitis designatis Ios. 21, 21. et quàmquam legimus post separationem tribuum per Ierobeamum factam probos Levitarum transnigrasse in terram 2 tribuum, tamen omnis historia docet multos Levitas et sacerdotes

VI, 9.

mansisse in sedibus illis ad regnum Israeliticum pertinentibus, numerumque eorum ibidem ob superstitionem populi et multiplicem superstitiosum cultum admodum auctum fuisse vix dubitari potest. Cum autem constet omnium urbium Leviticarum Sichemum fuisse maximam, non mirum est, quod hinc tanta caterva illorum flagitiosorum sacerdotum exierit, quae ex insidiis agmen alicuius cohortis capere et trucidare potuerit. Hieronymus versione: *particeps sacerdotum in via interficientium pergentes de Sichem*, quamquam non ad verba, tamen fere ad sensum ad nostram interpretationem accedit, in eam quidem abiens explicationem: *sacerdotes fanatici temporibus festorum, quando per Sichem eundum erat Hierosolymam, ponebant in itinere latrones, qui insidiarentur pergentibus, ut magis vitulos aureos in Dan et Bethaven quam in Hierosolymis et in templo Deum adorarent*. Est praeterea interpretatio nominis שְׂכֵמָה, ut e proverbiali quadam locutione, quemadmodum Zeph. 3, 9. שְׂכֵם אֶחָד, sit uno humero i. e. uno consensu, Gall: faisant l'épaule à l'autre, Drus. ad h. l. Verum nec sensui nec Grammaticae hoc convenit. De Rossi adfert variantem lectionem שְׂכֵמָה in speculando, quae si vel vera sit, rem non magis illustrat. De Wette: „Menschen auflauernden Rotten gleicht die Gesellschaft der Priester; auf dem Wege nah Sichem merden sie.“ Eodem fere sensu omnes recentiores interpretes.

כִּי זִמָּה עָשָׂה: *Itaque scelus patrant*. Arridet lectio unius codicis apud eundem de Rossium כִּי: *in me scelus patrant*, de qua quidem antiquae versiones nil habent. Verum difficultas cadit, ubi כִּי ut in aliis locis interpretamur: *itaque*, vid. introd. p. 102. זִמָּה est scelus, quod deliberato consilio et meditato dolo patrat, a rad. זָמַם: *excogitavit*, unde Tarnov: *tale scelus, quod consulto suscipitur et cum magna sollertia et de industria, non casu nec affectuum vehementia: quo respicit R. Salomo in comment.*, quando: iam, inquit, consuluerunt et tempus, et locum occidendi antea constituerunt, faciunt quod in animo habent. His nempe sacerdotes se contaminant, dum longe aliae curae alia-

que negotia ad cultum Dei pertinentia iis divinitus commissae sunt. Lutherus: „Sie thun was sie wollen.“

10. Nil plura de singulis criminibus. Complectitur vates omnia brevibus verbis: *Ubique circumspicio, horrenda flagitia Israelis et Ephraimi in oculos incurrunt.* בֵּיתָא est familia Israelitarum, omnis gens unam familiam ab origine Iacobitica exhibens, cf. 1, 6. 5, 1. שָׁם זָנְתָּ לְאַחֲרֵיהֶם: ibi scortatio i. e. superstitionis idolorum cultus Ephraimo scil. הִתְחַבֵּרָה. Nimirum quoniam a rege Ierobeamo tribus Ephraimiticae prole exiit, propterea potissimum ad Ephraimum pertinere ipsique quasi peculiaris esse describitur. Haec enim vis dativi esse mihi videtur. נִטְמָא יִשְׂרָאֵל: contaminatus est omnis Israel scil. ista regiae stirpis idololatria, cf. 5, 3.

11. Non autem solus Israel peccas et punieris, verum etiam reus es calamitatum et interitus Iudaeorum; nam et Iuda a te corruptus et iisdem sceleribus tecum pollutus est. Haec brevissimis pingit imagine messis. שָׂדֵךְ קָצִיר: messem facit. Radix שָׂדֵךְ s. שִׁיר plane respondet cognato שָׂדֵךְ, quod saepissime est: facere, vid. Gesen. ad h. v., unde שִׁיר מִרְאִיִּים: miracula facere Exod. 10, 1. Quod tanto magis de messe valet, ubi manipuli in acervos exstruuntur. Messis autem in malam partem sumitur: *messis poenarum* s. *excidium* 8, 7. 10, 13. Ier. 51, 33. Ios. 4, 13. In vaticinio h. l. praeteritum significatione praesentis adhibetur. לָךְ in pausa pro לְךָ est: *per te*, ut לְאַחֲרֵיךָ Ios. 22, 5. 28, 2, לְמַעַן Ios. 19, 15., i. q. *tua culpa*. Melius quidem rem expedire videtur lectio plurium codd. apud de Rossium לָךְ: *parat sibi messem poenarum*.

Multifarie hunc locum interpretati sunt veteres et recentiores. LXX. plane recedentes a nostro textu verba αὐτὸς ἰδοὺ ad comma praecedens trahunt, novam sententiam ita exhibentes: ἀρχὴν τεύχεων σεαυτῷ: *incipi tibi vindemiare*. Hieron.: *sed et Iuda pone messem tibi, praepara tibi segetes, ut metantur, non multo enim post duceris in captivitatem Babylonicam*. Chald.:

VI, 11.

etiam, qui de domo Iuda sunt, coeperunt peccata multiplicare, etiam ad eos pertinet reatus. Recentiorum alii *שָׁמַר* passive sumunt: *parata est tibi Iuda messis;* alii active: *Iuda per detrimentum suum tibi, o Israel, novam perniciem s. novum reatum parat.* Eichhorn neque sensum neque verba reddidit: „auch Iuda säet eine Strafensaat.“ Alii messem bono sensu intelligunt. Vel enim suppleant *יְהוָה*: *Deus tibi Iuda tribuet tempus laetitiae* scil. *per Messiam ex te oriundum,* vel Iudam subiectum esse putant: *Iuda a te nunc corruptus, gratiose tamen per Messiam redimendus, positurus est tibi o Israel messem coelestium bonorum liberatione per Christum, e spirituali captivitate intercedente.* Utramcunque harum posteriorum interpretationum praeferant Viri Docti, verba *בְּשִׁבְרִי שְׁבוּת עָמִי* e vulgari lectione ad praecedens comma referunt. Verum oratio multo aptius cohaeret, si ab eo separantur, ita ut novae prophetiae initium faciant. Quod iam Eichhornio, Kuinoelio, Gesenio probatum est. Locupletissima huius versus historia apud Tarnovium ad h. l.

IX.

Cap. VII, 1—7.

Cum in melius verterem miseriam populi mei, cumque incolumem restituerem Israel, innotuit et impietas Ephraimi, et scelera Samariae. Perfide agunt, venit fur et turma coniuratorum effundit se foris. 2. Neque in animis suis pendunt me esse memorem omnium suorum flagitiorum. Iam undique facinora eos ita circumdant ut ea ignorare non possim. 3. His suis facinoribus delectant regem, perfide gestis principes. 4. Omnes coquuntur ut in clibano a pistore accenso.

Pistor autem, qui excitavit massam ut fermentescat, subigere cessat, usque dum penitus fermentata est. 3. Dies est regis nostri. Vacillant principes, fervent vino, et ille particeps fit eorum petulantiae. 6. Dum animum ad suas insidias tamquam ad fornacem calidam admovent, pistor per totam noctem dormit, mane animus ceu flamma ignis accensus est. 7. Tum omnes fervent furore ceu fornax; in interitum rapiunt gubernatores suos.

Tabula levibus sed vivis coloribus picta! qua vatem aliquam rem in facto positam descripsisse primo intuitu contemplator sentit. Pingitur effoeminata negligentia regis, pingitur atrocitas hominis illius interitum molientis, pingitur effrenata libido eorum, qui facinorosi sunt participes, pinguntur mores perditissimi aulicorum nil probi, nil honesti cogitantium, verum ludo et potu se inebriantium. Historia pauca nos docet de fati regum Israeliticorum. Narrationes eius aequae fragmenta sunt atque hoc vatis nostri. Verum quae ex iis haurire possumus, monent nobis argumentum descriptionis in rege Pekahiaho eiusque flebili interitu quaerendum esse, de quo iam 6, 8. sermo erat. Vid. introd. p. 71.

1. Iterum Deus loquitur: *Dum restituerem et sanare Israel, nova innotuerunt scelera Samariae.* Vix Israelitarum res erant tranquillae vulneraque per infelix interregnum et per invasionem Phuli regis Assyriae populo inflicta paullulum obducta, cum novum crimen committitur. *בְּשִׁבְתִּי לְשִׁבְתָּ עִמִּי* phrasis est prophetis frequentissima: pr. *dum vertam captivitatem populi mei*, sine dubio petita e Deut. 30, 3., quae quidem non de exilio s. captivitate proprie sic dicta, verum de avertenda quavis calamitate intelligi debet, cf. Iob.

VII, 1. 2.

42, 10. Ps. 14, 7. Ez. 16, 53. **בְּרַפְּאִי**: *dum sanarem Israel.* כ h. l. per vices adhibetur cum praecedente ב in priore commate, uti saepius, cf. Glass. Phil. S. p. 564. Utraque dictio eundem sensum exhibet; *dum in eo eram, ut restituerem sortem gentis Israeliticae.* **וְנִגְלָה עֲוֹן אֶפְרַיִם**: *et prodit impietas Ephraim,* **וְשִׁמְרוֹן**: *et scelera Samariae commissa*, pariter ut **דִּמְיָי**: 1, 4.; duplex ך ut Latinorum *et—et*, vid. introd. p. 101. **פְּעֻלָּה שֶׁקֶר**: *frandulenter agunt*: Pekah enim specie probitatis et fidelitatis ingressus erat regiam, sed fucata erat omnis eius probitas, dolus in pectore latebat. **וַיָּבֹא יִבְיָא**: *venit fur, dolose rapinam praeparans*, fraude utitur, ut usurpet quae iuris alieni sunt. Ubi de vi aperta sermo est, utuntur verbo **נָחַל**. Usurpantem Pekahum ita clam omnia praeparasse historia docet 2 Reg. 15, 25. **פָּשַׁע גָּדוֹד בְּחוּץ**: *foris i. e. extra palatium diffundit se turma coniuratorum*. Intelliguntur illi 50 Gileaditae, qui ducibus Argobo et Ariebo urbem intraverant. De verbo **גָּדוֹד** vid. 6, 9., unde *armatos milites* fuisse intelligitur, qui fortasse sub praetextu securitatis publicae in urbem vocati erant. **פָּשַׁע**: pr. *exuere, devestire* 2, 5., hinc signif. intransitiva: *diffundere se ad praedandum* s. omnino ad vim inferendam, cf. 1 Sam. 27, 8. 30, 14. 1 Chron. 14, 13. Qui de hac nefaria expeditione non cogitarunt, descriptionem pravorum morum in universum hoc loco inveniunt, ita: *intus sunt fures, latronum catervae foris*, uti Hieron.: *fur ingressus est, spolians latrunculus foris*. LXX.: καὶ κλέπτης πρὸς αὐτὸν εἰσελεύσεται, ἐκιδύσκων ληστὴς ἐν τῇ ὁδῷ αὐτοῦ. Quam interpretationem plurimi secuti sunt.

2. **וְכֵן יֹאמְרוּ לְלִבָּבָם** *neque vero dicunt in animis suis*, e simplici loquendi ratione illorum, qui nullam cogitationem, ne Dei quidem, sine verbis esse opinarentur, i. q. **יִחְשְׁבוּ**: *neque animo pendunt*. **כָּל-רֵעֵהֶם נִבְהָלִי**, aequae simplex loquendi ratio prima initia rhetorices prodens, pro **יִהְיֶה**. Occurrit praeterea haec forma etiam inter Graecos nomine orationis directae pro obli-

qua. *Moliuntur arcanas fraudes ac si Deus ipse eas ignoret.* — *Iam eorum malefacta ita eos circumdant, ut, si vel hominibus occultentur, Deo tamen pateant.* נִגְדָה לִּי: coram me sunt i. e. mihi cognita sunt, ut נִגְדָה לִּי Iob. 4, 16. et simillimus locus Ps. 90, 8. Quam simplicem et facilem explicationem verba ita iubent, ut non intelligam, cur aliquis interpretum aliam eruere studuerit. Versionem LXX. modo ob rei novitatem afferam: ὅπως συναΐδωσιν ὡς ᾄδοντες τῇ καρδίᾳ αὐτῶν: *ut concinant quasi canentes in cordibus suis*, quod Hieron. ad praecedentem furem refert: *quocum concinant et uno corde afficiantur.*

3. Accedit ad descriptionem regionum morum. Sens. hic est: *inter voluptatem et ebrietatem regis atque principum molitur atrox insidiator facinus. Prave factis delectant regem.* יִשְׂמְחוּ, Piel: oblectare, laetificare. Praepos. כִּי vel: cum, vel: inter significat. Ita h. l. vel: *dum prave facta et dolos in animo recondunt, oblectant regem*, ut nimirum inter iocos et gaudia non attendat, quid novi circa se moliantur, vel: *nefariis et fraudulentis artibus voluptatibusque oblectant regem et principes*, ut nempe in dies hebetiores et magis obcoecati sint, quominus periculum imminens sentiant et avertant. Posterius fortasse maiorem etiam malitiam designat et sic picturae a vate exhibitae convenientius esse videtur. Sensus quidem idem est. Hieronymus et antiquiores interpretes omnia haec in universum dicta esse putantes verterunt singulas loquutiones quasi in praeterito positas. Verum iam ex eo, quod alternis leguntur futurum, praeteritum et constructio participialis, apparet vatem non narrare, sed res coram oculis gestas pingere. Sic etiam recentiores interpretes sensum capiunt, quamquam de argumento tabulae pictae non consentiunt.

4. כָּל־הַמִּנְאִפִּים: *omnes adulterant.* Quid hoc sibi velit, cum aperte non de adulterio, ne de idololatria quidem sermo sit, non facile comprehendi potest. Kni-noel vertit: *rebellandi cupiditate flagrant*, adiecta observatione, verbum מִנְאִי nonnunquam significare: *rebellem esse.* Sed dubito an haec significatio e locis

VII, 4:

parallelis demonstrari possit. Certe ab eo allati Ps. 73, 27. et Nah. 3, 4. nil efficiunt. In illo נָחַת designat idololatriam, in hoc verbum nostrum plane non occurrit et sensus exhibet descriptionem libidinosorum protervorumque morum urbis Ninives. Eichhorn ita rem expedit, ut fere in unoquoque versu orationem in se ipsa confectam inveniri censeat, nexum totius tabulae ad unam rem pingendam destruens. Melius placeret נָחַת h. l. synecdochice intellectum, ac si unum modo scelus, adulterium, de scelerata vita omnino poneretur. Quodsi liceret parva literae elisione textum vatis restituere, pro מִנְחָסִים legi mallet מִנְחָסִים et sic sequentia כְּמֹן accipi pro כְּמֹן בְּתַנְחִיר e defectu praepositionis ב, qui poetis, maxime post particulam similitudinis est usitatissimus Am. 2, 8. 8, 8. 9, 11. coll. Gesen. Lehrs. p. 837. et introd. pag. 112. Illud נ aut vitio librarii alicuius irrepsit in textum, aut consulto librarius antiquissimus iniecta illa litera textum emendare opinatus est, quia dictionem כְּמֹן בְּתַנְחִיר ita inusitatam invenit, ut sibi persuasum esset centies apud nostrum vatem obvium מִנְחָסִים et h. l. esse veram lectionem. Participium Pyl מִנְחָסִים, scil. חָיִי: *cocti sunt*, sive *coquuntur*, optime congruit cum imagine vatis et cum omni oratione. Comparat coniurationem illorum sceleratorum contra regem Pekahiahum cum negotio pistoris. *Coniurati sunt massa fermentata, subacta, coquenda. Dux coniurationis est pistor, qui omnia praeparat, otiatur, speculatur, donec veniat tempus eruptionis. Quodsi venit, accenditur fornax, coquuntur in clibano, excitantur et fervent cupiditate caedis. Ita etiam verba nostra efficiunt parallelismum verborum versus 7. כֻּלָּם יִדְמֶה בְּתַנְחִיר. Cum autem constet vatem talis parallelismi studiosum esse, cum in imaginibus eius brevibus omnia verba pondus et vim habeant, cum totius huius imaginis habitus verbum מִנְחָסִים improbet, מִנְחָסִים autem postulet, videant interpretes num haec mea coniectura probanda sit. Sens.: *omnes velut in clibano a pistore accenso coquuntur s. cocti sunt i. e. coiverunt omnes ad patrandum scelus, sed a duce**

coniurationis excitantur, ne cupido caedis extinguatur, immo ceu in clibano aptantur, coquuntur, donec omnia absolvantur. תַּנּוּר non fornax, quales apud nos, sed αλβανος, *urceus magnus*, qui ex altero loco in alterum transferri poterat, in superiore parte angustior, in inferiore latior, in quo placenta inter carbones, vel in cinere ardenti coquebatur. Cf. Gesen. Lexicon ad h. v. et Schneideri Griech. Wörterbuch ad v. αλβανος. תַּנּוּר: pr. *igne consumens*, saepe inchoative ponitur: *ardens, accensa* Ier. 20, 9. Ps. 18, 9. Forma est foeminina, unde תַּנּוּר, quod in omnibus aliis locis formā masculinā legitur, generis communis fuisse intelligitur. Grammatici genus verbi masculinum vindicaturi, contenderunt תַּנּוּר esse paragodicum. מֵאִשָּׁה: a pistore s. coquo. Nam, ut Festus ait: *pistor et coquus idem erat*, cf. Drusius ad h. l.

Sequitur haec verba parenthesis, ut recedat vates aliquantulum a coniuratis et pingat eorum ducem observata semper similitudine pistoris et placentae. Calidissime enim et dolose tractat animum sibi deditorum et aptissimum momentum exspectat, quemadmodum pistor massam tractat, et speculatur usque, dum operis copia est. *Pistor, qui excitavit massam, eam depsere desinit.* מֵעִיר part. Hiph.: *excitans*, scil. pistor qui fermento adiecto excitavit massam. יִשְׁבוֹת מִלֶּשֶׁת בָּצֵק: pr. *cessat a subigenda massa* i. e. *eam subigere cessat*, termino technico dicitur *depsere*. עַד-הַמִּצֵּה: *usque ad fermentationem eius* i. e. *usque dum massa fermentata est*. Tropo remoto: *donec animus pessimorum hominum cupiditate caedis penitus imbutus est*. Disceptarunt interpretes de eo, utrum participium מֵעִיר ad fornacem an ad massam pertineat. Verum ut negotium pistoris recte describatur, ad massam referri oportet. Procedit enim hunc in modum: *pistor primus fermentum addit, quo massam excitet; sic excitatam per aliquod tempus fermentare sinit, cavet ne turbetur; fermentatam autem depsit*. Ex nostra sententia imago vere rei describendae satisfacit. Explicatio autem Hieronymi plane improbanda est, qui, ut bene S. V. Ro-

VII, 4. 5.

senmueller monuit, deceptus antiqua versione Graeca
 מַעֲרִיר vertit *civitatem*. Nusquam enim ea significatione
 occurrit et e regulis grammaticis mutatio nominis מַעֲרִיר
 in מַעֲרִיר nullo modo excusari potest. Versio eius haec
 est: *quievit paullulum civitas a commixtione fermenti,*
quae ita exponit in comment.: Ierobeam, postquam er-
roris in animos populi miserat incendium, paullulum
quievit, ut non vim faceret populo, sed suae eum di-
mitteret voluntati, quicquid enim necessitate fit, cito
solvitur, quod voluntate arripitur, perseverat. LXX.
 iterum sic interpretati sunt, ut verba vatis non il-
 lustrent sed obscurant: πάντες μοιχεύοντες ὡς κλίβανος
 καίβμενος εἰς πέψιν κατακαύματος ἀπὸ τῆς φλογὸς ἀπὸ φυγά-
 σεως στέατος ἕως τοῦ ψυμῶσθαι αὐτό, i. e. secundum
 Hieron.: *omnes adulterantes quasi clibanus ardens ad*
coquendum in deustionem flammæ a commixtione fer-
menti, donec fermentaretur totum. Eichhorn admo-
 dum obscurus est versione: „wenn er (der Bäcker)
 am feuchten Morgen den Teig bis zur Durch-
 säuerung ausgeknetet hat.“ Etenim massa non
 inter dependum, sed quiescendo fermentescit. Praeterea
 verba sunt מַעֲרִיר יִשְׁבֹּחַ מִכֶּשֶׁת cessat a subigendo. Fac igitur
 מַעֲרִיר esse: „am frühen Morgen,“ i. e. *postquam*
evigilavit pistor, sententia auctoris esset interpreti con-
traria: „er hört am frühen Morgen auf zu kne-
ten.“ Fusius de variis modis hunc locum interpretan-
 di egit Rosenmueller ad h. l.

5. A protervia coniurationis et coniuratorum red-
 dit ad descriptionem regis eiusque morum libidinoso-
 rum. *Dies est regis fortasse natalis s. alius dies festi-*
vus. Non video, cur h. l. suppleatur לַאֲמִיר. Narrantur
 res in facto positae, epulae et poculationes, quarum
 occasionem praebeat vel festum anniversarium, vel alia
 quaelibet causa. Pro מַלְכֵּנָה plures codd. ap. de Rossium
 habent מַלְכֵּינָה, quae lectio fortasse in favorem sequen-
 tis מַלְכֵּינָה v. 7. orta propter verba nostri versus
 מַלְכֵּינָה יָדוּ, quae necessario ad מַלְכֵּנָה pertinent, omnino
 locum habere non potest. הַיָּהוּדִים שָׂרִירִים vacillant prin-
 cipes scil. vino inebriati. Simplicissima haec est expli-

catio et aptissima descriptioni regiae luxuriae. *Principes, quorum est regem et consilio et manu iuvare, mentem et vin inter pocula perdunt.* Verbum est **הָלַךְ**: *infirmum esse.* Hiph.: **הִלְכָהּ** vel habet significationem intransitivam: *infirmati sunt*, ut Mich. 6, 13., vel ad formam **הִלְכָהּ** 4, 18. 5, 3. reciprocam: *invicem vacillant.* Alii vim transitivam coniugationis Hiphil vindicantes, vertunt: *infirmant s. corrumpunt* vel regem, vel populum. Alii verbum nostrum derivaverunt a **הָלַל**: *incipere*, idque ducibus LXX. *ἡγξαντο οἱ ἀρχοντες θυμὸν* σθῆτις ἐξ οἴνου, quos Hieronymus et plerique veterum secuti sunt. Huic explicationi ad grammaticam punctatio repugnat, quam quidem dubiae auctoritatis esse constat. Verum quod maioris momenti est, sensus intolerabili frigore laboraret, si vatem tantum de initio crapulae locutum fuisse statueremus. **הָלַחַם מִיַּיִן** scil. **הָלַחַם**: *aestus s. ebrietas a vino* est i. e. *fervent vino.* Status constructus saepius ante praepositionem pari ratione ponitur vi status absoluti, cf. Gesen. Lehrgeb. p. 643. Haec interpretatio omnem difficultatem grammaticam a verbis nostris admodum vexatis removens, tanto magis placet, quanto magis consentanea est brevi et gnomicae vatis dicendi rationi. *Dies regis est — vacillant principes — ebrietas a vino est.* — Utriusque vocis **הָלַחַם** et **הָלַחַם** primaria significatio est *ardor, aestus*, illa de sole Ps. 19, 7., haec de ira Gen. 27, 44. ponitur, h. l. ubi de vino agitur, *aestum vini* per se intelligitur *ebrietatem* esse. Sic Iarchi vertit: *a calore vini ardentis in illis.* Praeterea accentus Tiphcha sub **הָלַחַם** nostram interpretationem confirmare videtur, certe sequentia verba a praecedentibus seiungit.

Interpres continuam orationem h. l. exhiberi sumentes in partes varias abierunt: vel ut LXX. et Hieron. ita interpretati sunt: *coeperunt principes furere a vino*, verum **הָלַחַם** neque est infinitivus a **הָלַחַם** neque a **הָלַחַם**, quod utrumque *calescere, fervere* indicat; ille sonaret **הָלַחַם**, hic **הָלַחַם** s. **הָלַחַם**, ad summum **הָלַחַם**; vel, ut Drusius contenderunt **הָלַחַם** esse statum constructum substantivi

VII, 5.

הַמֶּה positum pro ablativo: *a calore vini*, verum in tali oratione epbraepositio מִן ablativum constituens neque in הַמֶּה deesse; neque in מִינֵן abundare potest ex regulis grammaticis; vel, ut E. Esra, Liveleins et Rosenmueller, הַמֶּה aequè substantivum esse pro הַמֶּה: *lagena* positum, autumârunt, simili constructione, ut nempe status constructus ablativum indicet; hoc sensu: *sunt bene poti e lagena vini*, verum idem valet, quod antea de praepos. מִן monuimus; nec satis digna haec explicatio vate nostro videtur. Kuinoel ingeniosam certe sed artificiosiore explicationem proposuit, scilicet ut הַמֶּה ex Arabica lingua illustratum indicet: *evacuant nimirum lagenas vino*. Cur Eichhorn verterit: „sie trinken sich in feurigem Weine dick,“ non video, cum haec vulgaria verba facili negotio in elegantiora mutare pötnerit.

מִשָּׁהּ יָדוּ scil. מִלְּהָ. *Rex ipse extendit manum suam.* מִשָּׁהּ pr. est: *trahere*; aliquem ad aliquem locum Iud. 4, 7.; sonum e cornu Exod. 19, 13., arcum; ut iaciantur sagittae 1 Reg. 22, 34.; sulcos in agro Am. 9, 13., in longum trahere vel benignitatem Ps. 36, 11. vel iram Ps. 85, 6. Hinc *extendere se* ad aliquid ad se trahendum Exod. 12, 21., ad exercitus castra ponendum Iud. 4, 6. 20, 37. Unde h. l. cum plerisque interpretibus significatione transitiva: *manum extendere* s. *porrigere*; quod signum est approbationis et consortii cum aliquo ineundi. cf. Schmidt, Michaelis, Dathe al. אֶת־לִצְעֵירָם *versus derisores*. אֶת praep. non solum: *cum* sed etiam: *versus*, *erga*, cf. Zach. 7, 9. 2 Sam. 16, 17. Verba sunt admodum difficilia. Gesenii explicatio: „er zieht sich mit den Spöttern herum und macht sich so mit ihnen gemein,“ verbis accomodatissima, verum non satis elegans videtur; Eichhornii melior esset: „er zieht die Spötter zu.“ Verum dubito an מִשָּׁהּ significet vel *ad se trahere*, vel *arcessere*. Schmidt: *data manu adblanditur, et hoc signo ostendit, quod facta ipsorum turpia sibi placeant*. Alii: *rex vacat nugis, neglectis negotiis publicis*; metaphora sumpta ab iis; qui membra exten-

dunt oscitantes. Iarchi: *rex retrahit manum suam a bonis et rectis, ut coniungat se cum derisoribus*. Gro-
tius: *rex protraxit manum suam i. e. abstinuit eos punire, ut debuit*. לִיץ idem quod לִץ, pr. *derisor*, hinc sigillatim: *derisor bonorum morum et religionis, petulans, perversus homo*, cf. Ps. 1, 1. Ies. 28, 14, 22. 29, 20.

6. Redit vates ad coniuratos. *Dum rex effoem-
natus et ignavus libidinibus se committit et, quae cir-
ca se agantur, negligit, illi ferventes sanguinolento fu-
rore insidias struunt; dux autem coniurationis dormit,
et consilia occultat. Omnia parata sunt, ubi enim tempus
venit, mane animus coniuratorum ardet ut flamma ignis*.
כִּי h. l. non coniunctio causalis, sed copula coniun-
ctiva: *dum* ut v. 14. 11, 1. cf. introd. p. 103. קָרְבֵּי לָבָם,
Piel: *admovent s. advertunt animum*. Deficiente sub-
iecto expressis verbis commemorato vel ad כָּלָם v. 4.
vel ad לִצְעִים v. 5. oratio referri debet. Fortasse ad
utrumque. Nam coniurati blandis modis regique ac-
cepta petulantia se insinuaverant in aula regia, quod
verbum לִצְעִים indicare videtur, nimirum *homines qui
simulata observantia regem irridebant*. בְּאַרְבֵּם in-
finitivus significatione substantivi: *ad insidias suas*, i. e.
*quas ipsi sibi excogitaverant, vel ad quas struendas
a duce coniurationis conducti erant*. קָרְבֵּי eodem modo
cum praep. ב construitur Ps. 91, 10. בְּתַהוֹרָה, ut sen-
sus in hoc verbo concinnus reperiatur, neque imago
elegantia careat, iterum supplenda est praepositio ב,
quod et ingenio linguae Hebraicae, et usui vatis nostri
consentaneum est, vid. v. 4. ibique notata, cf. 9, 9.
12, 10. Sensus est: *advertunt animum ad suas insi-
dias et ab iis ita inflammantur, ac si a calida for-
nace s. clibano calefierent*. Respondet hoc imagini mas-
sae fermentatae, quacum comparati sunt v. 4. Haec
enim calore clibani eodem modo coquitur, ut animus
pravissimorum hominum insidiosus et seditiosis machi-
nationibus inflammatur. Itaque nec v. 4. nec hoc no-
stro loco animus comparatur cum clibano, sed cum
massa fermentata. Imagine autem remota *clibanus* est:
seditiosum illud et nefarium consilium regem trucidan-

VII, 6.

di, quo usus est auctor coniurationis, quemadmodum pistor clibano utitur. Sic omnia egregie cohaerent, et versus quartus optime illustratur, nec opus est usitata vituperatione, vatem ineptius e metaphora excidis-
 se.

Interpretes, quibus פתגור est: *velut clibanus*, vel pro קרב legunt קרבי, contra omnium codd. auctoritatem: *inflammati sunt*, ut LXX. διότι ἐνεκαύθησαν αἱ καρδίαι αὐ-
 τῶν, quos secutus est Syrus et e recentioribus Dathe, Kuinoel, Eichhorn [plura de his vid. ap. Rosenmuell. ad h. l.]; vel Piel קרב significatione activa et לבם collective sumunt. *appropinquant s. accedunt animi eorum ceu clibanus ad insidias*. Qui autem פתגור accusativum esse putant, vertunt, ut Hieron.: *applicuerunt quasi clibanum cor suum, dum insidiaretur iis*, ac si ex eius sententia rex Ierobeam populo insidiatus esset, ut a Deo deficeret. Quod posterius verbum פתגור alii ita reddunt: *dum insidiantur*, propius ad nostram sententiam accedentes, ita tamen, ut etiam h. l. vatem e metaphora excidis-
 se dicant, cum antea imagine massae fermentantis de illis impiis usus sit, suscepta nunc alia eaque clibani. פתגור כל-הלילה ישן אשה pistor eorum, i. e. *dux coniurationis, dormit per totam noctem*, cf. v. 4. Postquam enim omnia paravit, animis sociorum sanguinolentis consiliis inflammatis, nil ei restat, quam ut caute et tenebris noctis obductus machinas occultet, et diem expectet, quo erupturus sit. Sed venit dies, בקר, *tempus facinoris*, והוא בער פאש לתבה: *coniurati prони sunt ad facinus, nam animus eorum seditiosus ardet ceu flamma ignis*. והוא ad nihil aliud referri potest nisi ad לבם, etenim פתגור v. 4. in genere foeminino legitur, et pistor non ardet, sed ardere facit. Expectavisse-
 mus vatem scripsisse: והוא בלה בלעה מאפה: *ille satis paratus est ceu placenta cocta*. Eius loco auctor nunc vere misit metaphoram vel potius ex ea excidit, ita ut dicere mallet: *ardet ceu flamma ignis*. LXX. ἐν τῇ κα-
 ταρράσσσειν αὐτοὺς ὅλην τὴν νύκτα ὕπνου Ἐφραὶμ ἐνεπλήσθη, πρὶν ἐνεγενήσθαι, ἐνεκαύθη ὡς πυρὶς φέγγος, vel nimirum negligenter textum inspicientes, vel magis ver-
 ba vatis suo modo explicantes, quam versionem exhi-

bentes. Notanda est varietas lectionis, quam Dathe secundum Chald. et Syrum in versione probavit, nimirum pro **הָעָם**, **עַם**: *clam tota nocte continetur eorum ira*, de qua et de omnibus huius loci vexationibus vid. Rosenmuellerum ad h. l.

7. Inhaeret nunc vates posteriori imagini. Sat erat imaginis a massa ad coquendum praeparata desumptae. Ad expeditionem sanguinolentam ventum est. *Iam ardent coniurati ceu flamma ignis immo ceu fornax ipsa*. Eadem imagine utitur ad pingendum interitum regis et principum: *intereunt devorati flamma coniurationis*. **כָּלֵם יִרְמִיָּהוּ**: omnes fervent scil. vesania seditionis. **כְּתִנְיָהוּ** intendit vates furoris descriptionem, cum clibano ipso, e quo impetus flammae diu inclusus maiore cum vi erumpit, illos comparans. **וְאֵכֶלֶי**: devorant, veluti ignis devorat, i. e. *in interitum rapiunt*. **שְׂפִיטָהֶם**: principes suos. Ubi principes interficere omnino magnum crimen erat, multo gravius etiam committebant rebelles suos principes trucidantes. Utrum autem praeter regem Pekahiahum insuper principes, familiares eius, ceciderint necne, id historia relinquit. Noster locus nil certi de ea quaestione exhibet; nescimus enim, quatenus poetica descriptio veritatem attingat. Vates non historiam pingendo exhibere voluit, sed historiam poetica sua descriptione ita tractavit, ut acerbè animadvertens in illum impium eumque potentem regiam dignitatem ususpantem ei parceret, ne digitis monstraretur, neve diceretur: hic est, cf. 5, 10. Ea de causa etiam nomen regis ipsius tacet, et pro eo dicit **שְׂפִיטָהֶם**. Intelliguntur hoc verbo: gubernatores regni, ut illi proprie sic dicti, qui inde a Iosua usque ad Saulum reipublicae praeerant, a rad. **שָׁפַט**, quod LXX. *ἀρχειν* vertunt et 1 Sam. 8, 5. *διᾶρχειν*. Fortasse vates hoc verbo utitur propterea quod usurpantes regnum Israeliticum post Sachariam non a Deo vocati, igitur non veri reges ipsi videbantur, cf. 3, 4.

X.

Cap. VII, 7 — 16.

Omnes eorum reges ceciderunt: nec ullus eorum est, qui me invocet. 8. Ephraim cum nationibus gentilibus sese commiscet. Ephraim est placenta non versa. 9. Barbari devorant eius vim, nec ipse sentit. Adeo iam senio confectus est, nec ipse sentit. 10. Quo Israel superbivit, id in os eum criminatur. Attamen neque ad Ichovam Deum suum redeunt, neque eum in hisce omnibus quaerunt. 11. Similis est Ephraim columbae pellectae quam mens deficit. Aegyptios vocant, in Assyriam abeunt. 12. Quocunque autem ibunt, rete meum iis tendam, in quod eos deiciam quasi aves in aere volantes eosque castigabo, ut fabula fiant ipsis suis coetibus. 13. Vae illis! nam a me aberrarunt. Interitus iis instat, nam impie erga me egerunt. Equidem ego eos redempturus eram, sed illi nil nisi mendacia mihi protulerunt. 14. Nec integro animo ad me clamaverunt dum in cubilibus suis eiularunt. Ad triticum et mustum peregrinantur, a me vero recesserunt. 15. Dum coercui eorum vim, dum eam confirmavi, itidem erga me male animati fuerunt. 16. Non sursum redeunt similes relaxato arcui. Gladio cadent eorum duces prae protervia linguae. Haec eorum contumelia inter Aegyptios erit.

Cur inde a dimidio versu septimo novae orationis initium capiendum esse existimaverim, eius rei introductio p. 73. causam exhibuit. Invehi vates vi-

detur in stuporem Israelitarum, quod multis calamitatibus vexati reges et populus non ad sanam mentem redierint. Spes ei fuerat fore, ut extincta familia Iehu redirent ad Iehoyam et ad cultum eius unice verum, qui in templo Hierosolymitano celebraretur. Sed reges ceciderant, natio ad Deum non redierat, contra, simulacra vires civitatis defecerant, ad barbaros se contulerat, quod ipsi summo detrimento fuerat, et adhuc futurum erat.

7. כָּל־מְלִיכֵיהֶם נָפְלוּ: omnes eorum reges ceciderunt. Sacharias 2 Reg. 15, 10., Sallum v. 14., Pekahiah v. 25., Pekah v. 30. אֵין־קָרָא בְּדָם אֱלֹהִי: nemo eorum ad me clamavit i. e. auxilium meum quaesivit, cf. Ps. 4, 4. 30, 9., quod aliter fieri non poterat, nisi verum a patribus institutum Iehovae cultum, qui unice Hierosolymae adhuc florebat, pia mente observarent, regique e familia Davidis a Deo constituto sese subiicerent 2, 2. 3, 5. Is enim Deum adeundi modus, quo Bethel, Gilgale cet. simulacra, vitulos et Baales quasi maiestatis Dei symbola adorabant, tantum ad animos a vero Deo, Iehova removendos valebat 5, 2. 4. 6. 7. Itaque omnes imperii vices lincusque frustra a Deo iis erant immissae, nam eo eventu carebant, quem pii vates exspectaverant, nimirum ut illam deplorabilem separationem tandem populus meliora edoctus tolleretur. Quae vera nostrorum verborum vis esse mihi videtur. Pronomine בָּדָם plane aliud subiectum indicari, quam in priore commate huius versus, omnis oratio docet. Ibi sermo erat de seditiosis hominibus coniuratis fiduciam in pravis suis consiliis ponentibus. Hos increpare, quod Dei auxilium non quaerent, vates non poterat. Quodsi quaesivissent, Deus flagitiis eorum adnuere debuisset. Iam ex eo patet, hanc novam partem orationis cum praecedente nullo modo cohaerere. Subiectum autem, de quo nunc vates sermonem facere incipit, omnino est *gens Israelitica*. Ut enim in prioribus huius capitis versibus neminem fugere potest, omnia nonnisi sigillatim respectu ad aliquod factum historicum habito pingi, sic inde ab altera parte huius commatis omnia ita in genere describuntur, ut de populo Israelitico in universum valeant. Praeterea,

VII, 8.

ut significatio pronomini **בָּרָם** supra omnem dubitationem efferatur, vates v. 8. expresse **אֶפְרַיִם** pronomini loco nuncupat.

8. **אֶפְרַיִם**: quod ad Ephraimum pertinet. Nominativus absolutus, uti 6, 8. al. forma dicendi vati usitatissima. **בְּעַמִּים**: cum barbaris, cf. Deut, 7, 6. Exod. 19, 15. Ies. 10, 13. **הָיָא יְהוֹלִל**: ille scil. Ephraim miscuit se, nimirum ut foedera cum iis iniret et auxilii causa legatos ad eos mitteret, unde etiam eorum mores et superstitionem didicit, cf. Drusius ad h. l. Alii v. c. Grotius et Schmidt intelligunt verba nostra de abductione Israelitarum in captivitatem, ac si Deus loquutus sit: ego feci, ut cum populis Ephraim commisceretur, a quibus captivus abductus est, si forte hoc modo ad poenitentiam adduceretur, sed etiam hoc frustra est. Non bene. Cum enim **יְהוֹלִל** alternis legatur cum verbo **קָרָא** v. 7., de invocatione auxilii sermonem esse apparet. Lutherus egregie ad h. l. monuit **בָּלֵל** esse verbum usitatum de placentis oleo subactis, cf. Exod. 29, 2. Lev. 7, 12., unde intelligitur, quomodo vates ad imaginem placentae ab illo verbo transierit. Hieron.: *factum est regnum decem tribuum sicut omnium nationum, quia a Deo recesserunt.*

Comparatur nunc Ephraim placentae non versae: **עָנָה בְּלִי הַיִּזְכָּה** i. e. non satis percoctae sed inter coquendum corruptae. Placentae enim in clibano super pruinis coquendae saepius verti debebant, ne corrumperebantur. Itaque habemus tertium comparisonis. Quoniam Israelitae non ad Deum se vertunt, qui iis auxilio futurus est, sed ad barbaros, nemo est, qui eos curet. Sic omnia nationis egregia initia, instituta, vires, beneficia Dei frustra iis collata sunt. Parata iis quidem est conditio, qua iis bene esse posset; verum tantum abest, ut vires evolvant et incluta natio fiant, ut nemine iuvante interituri sint, antequam ad felicitatem a Deo sibi destinata evehantur. Alii, ut Drusius, intelligunt locum de hypocritica eorum pietate, quae non plane cruda nec satis cocta fuerit, dum nempe et vitulos adorarent, et per Deum aeternum iurarent

4, 15. atque ita claudicarent in utramque partem 1 Reg. 18, 21. timentes Iehovam et idola colentes 2 Reg. 17, 33. Alii, ut Lutherus, secundum Chaldaeum et Syrum de aviditate et perfidia amicorum ab Israelitis quaesitorum explicant, qui eos comedant ut placentam, antequam vertatur i. e. dum adhuc semicocta et paene cruda sit. Hieron.: *qui non agit poenitentiam.*

9. **וַיִּרְאוּ**: *peregrini, barbarae nationes*, quas in auxilium vocarunt, devorant vires Ephraimi. Propterea Israelitae non poterant ad fastigium honoris et felicitatis evehi, similes placentae inter coquendum neglectae. Sic v. c. auxilium, quod Phul Tiphshahitis contra Menahemum tulit 2 Reg. 15, 19. extorsit populo ingens tributum; aliud foedus, quod Pekah cum Rezino rege Syrorum iniit, excitavit devastationem felicissimis regionibus civibusque exilium 2 Reg. 15, 29. **וְהָיָה לֹא יָדַע**: *sed ille, Ephraim, non sentit.* Duplicem haec verba habent significationem, et: *non sapere discit* Ps. 73, 22. Ies. 32, 4. i. e. non intelligit miseriae suae causam, sic Eichliorn, et: *non intelligit, non capit omnem suam miseriam.* Nam praeter publicas calamitates, quae populo inferebantur a barbaris, erant insuper occultae, quae, quamquam gravissimae, tamen a vulgo neglebantur, depravatio morum, luxuries, idololatria, fortasse aliae artes callidorum principum inter barbaros, quibus seditiones alebant et civitatem Israeliticam magis magisque debilitabant cf. 11, 5. **וְהָיָה יִשְׂרָאֵל כְּרֶמֶת בְּיָמָיו** nonnulli vertunt: *canities spargit in eum* scil. canos, signa aetatis decrepitae. Melius **וְהָיָה יִשְׂרָאֵל כְּרֶמֶת בְּיָמָיו** significationem habet intransitivam: *spargit se, sparsa est*, cf. Gesen. ad h. v. et introd. p. 113. Defectu virium et senectute canescunt capilli, unde inter omnes poetas canities indicat imbecillitatem et prope instantem obitum, cf. exempla ap. Liveiium e Propertio, Ovidio et Claudiano. Ipsi sacri scriptores hac imagine interdum utuntur, v. c. Ies. 46, 4. Ps. 71, 18. Gen. 44, 29. 31. Sens.: *exhausti omnibus viribus iam senio confecti sunt et ad mortem s. interitum ruunt.* Hieron. hoc posterius comma ita explicat: *usque ad senectutem i. e. usque ad ultimam captivitatem in coepto errore permansit.*

VII, 10. 11.

10. Repetit nunc vates e 5, 5. וַעֲנֶה גִּבּוֹר־יִשְׂרָאֵל בְּפָנָיו: *in os criminatur Israelem superbia i. e. idola et sacra, quibus superbiunt.* Cum enim non ad Iehovam se contulit Israel, sed ad idola, ut sibi essent propitia, ab iis derelictus erroris et insaniae convincitur. Is enim usus est forensis verbi עֲנֶה de quo 5, 5. Eichhorn verba huius versus plane aliter vertit quam 5, 5., cum tamen sono sensu et nexu eadem sint: „der Starrsinn Israels zeugt ihm ins Angesicht.“ Certe rectius hoc loco quam illo. *Sed quamquam summo suo detrimento convicti sunt, nihilominus erroribus inhaerent, nec ad Iehovam redeunt, nec eius favorem pia mente quaerunt.* Verba אֵל־יְהוָה לֹא שָׁבַ וְלֹא בִקְשָׁה et לֹא בִקְשָׁה לֹא שָׁבַ וְלֹא בִקְשָׁה monent, vatem iterum, ut v. 7., dolorem neglecti reditus ad sacra et institutiones Hierosolymitanas in animo habuisse, cf. introd. p. 32. בְּכָל־זֹאת: *in omnibus hisce scil. afflictionibus, dum vires a barbaris consumuntur, dum serio confecti sunt.* Verum non pertinacia, sed stupor et insania causa est, cur non ad Deum redeant; nam non sentiunt magnitudinem calamitatum v. 9.

11. Stupor et imbecillitas Israelitarum a vate imagine columbae designatur. יוֹנָה פִּתְחָה: *columba pellecta.* Elegans imago. Barbari abutebantur imbecillitate populi, pellicientes eum spe auxilii aliorumque commodorum, ut sibi fideret. Nec est, quod ab hac propria significatione vocis פִּתְחָה recedamus, ut alii fecerunt, qui vel *stolidam* vel *gementem* esse maluerunt. Occurrit illud verbum eadem significatione 2, 16. LXX. περιστρεφὴς ἄνους: Hieron.: *columba seducta*, multa inutilia adferens de causis, cur vates hac imagine usus fuerit. לֵב אֵין לָב: *cui mens non est*, scil. suppleto relativo. לֵב autem Hebraeis est sedes cogitationum et sapientiae. Quae nos de capite, illi de corde praedicant, cf. Nehem. 7, 5. 1 Reg. 10, 24. Iob. 12, 3. Prov. 7, 7. Sequuntur igitur Israelitae quemlibet eos pellicientem, non cogitantes, qui finis futurus sit illorum foederum aequae insipidorum atque nefariorum.

מִצָּרִים קָרָא. Hoc l. cum accusativo, uti v. 7. cum praepos. אֶל, קָרָא idem significat: *opem implorare.* Cum

VII, 11. 12.

ex historia nulla alia occasio nobis nota sit, qua ad Aegyptios sese verterint Israelitae, nisi legatio regis Hoseae ad regem So 2. Reg. 17, 4., probe colligimus ea ipsa fuisse pacta Hoseae regis, quorum vates h. l. meminerit. Videntur enim res indicari quae eo ipso tempore agebantur. Quodsi in universum de pactionibus cum barbaris nationibus monere voluisset, in promptu fuisset foedus multo absurdius idque regis Pekabi cum Rezino rege Syriae contra Iudaeos. Accedit quod totus locus vacillationem columbae plectae i. e. Israelitarum inter Assyrios et Aegyptios, quorum utrique spem felicitis eventus aluerant, indicat. Quemadmodum igitur historia ancipitem reipublicae statum regnante rege Hosea refert, sic vates de calamitatibus imperii tali modo agit, ut verba de illis temporibus valere nobis persuasum esse possit. **אֲשֶׁר לְאֶשּׁוּר** pro **אֲשֶׁר הָלַכְוּ**, cf. 2, 16. 2 Chron. 9, 21. cet. e noto Hebraismo. *In Assyriam abeunt, ut ibi opem quaerant*, quemadmodum 8, 9. **עַל אֲשֶׁר**. *Aegyptios igitur vocant, Assyrios adeunt, Iehovam autem invocare, sanctuarium eius Hierosolymae, ubi solummodo auxilium petendum est, adire nolunt.* Ex omnibus intelligitur vatem etiam ad finem vitae, ut antea c. 1-4., infaustam defectionem 10 tribuum a sacris et regibus Hierosolymae deplorasse, ita tamen, ut, quod initio vaticiniorum speraverat, de eo nunc desperaret, cf. v. 7.

12. Imago columbae adducit aliam imaginem, eamque retis in quo aves capiuntur. **כַּאֲשֶׁר** quemadmodum i. e. quocumque ibunt. Sens.: *Postquam ad me et ad mihi acceptum cultum in sacris Hierosolymitanis pie exhibendum redire noluerunt, ad quoscunque socios barbaros abituri in interitum suum properabunt.* **וְיִשֶׁן רְשֵׁתִי עֲלֵיהֶם**: *expandam iis rete meum.* Imago a vaticiniis magnopere amata 5, 1. Ez. 12, 13. 17, 20. al. **עֲלֵיהֶם** h. l. non super eos esse potest, quoniam postea deiciendi dicuntur, itaque vel significat: *contra eos*, ut Ps. 27, 3. Ies. 29, 8. Ez. 29, 2. cf. Glass. Phil. S. p. 477. vel solum dativum: *iis*, indicat, ut apud seniores Hebraeos ex usu Chaldaeorum et Syrorum cf. Iob. 22, 2. 33, 23. 38, 10. *Rete meum* i. e. *afflictio-*

VII, 12.

nes, poenas meas, quibus, etsi hucusque iis pepercerim adeoque bene iis fecerim, tandem velut reti capiuntur, nec ullus eos e manu mea liberabit 5, 14. Eos enim ut aves aëris deiciam: אֲרִידֵם. Quaesitum est, quorsum eos deiecturus sit? Sine dubio in rete: nam de eo sermo est. Alii malunt in terram. Hieron.: et si exaltati fuerint ut volucres, inde detraham eos. Eodem modo Schmidt: ut nempe Israelitae visi sibi sint omne malum evasisse, ita subito mutabitur rerum status misereque peribunt, et Eichhorn: „wie einen Vogel in der Luft werd' ich es niederstürzen.“

Capi autem a me poenis adficientur. אֲרִידֵם: puniam eos, in coniug. Piel de puerorum educatione usitatum est: castigare et punire. Hinc omnino de modo paedagogico Dei homines punituri occurrit Ier. 31, 18. Ps. 6, 2. 118, 18. Lev. 26, 18. 28. כְּשִׁמְעִי: veluti fama i. e. ut fama fiant, s. ut Latini dicunt: ut fabula fiant. Nam כְּשִׁמְעִי saepissime de malo rumore, qui terroris causa promulgatus est, occurrit, cf. Num. 14, 15. Deut. 2, 25. Ies. 23, 5. לְעֵדָתָם: coetibus suis ipsis i. e. omnibus congregationibus miserandi populi, si quae adhuc ex instanti interitu superstites evadent. Eodem fere sensu Schmidt: castigationem eos faciam aliis, cum audiverint famam, quae erit congregationi eorum, i. e. adeo graviter illos puniam, ut aliis eos faciam exemplum irae et poenae meae. Verum non aliis, sed ipsis suis posteris nunc puniendos exemplo fore suffix. מִן significat. Deut. 28, 37. legitur: וְהָיָה כָּל הָעָם בְּכָל הָאֲרָצוֹת וְלֹא-שָׁמְעוּ לְמֹשֶׁה וְלֹא-שָׁמְעוּ לְשִׁמְעִי, quo loco illud שָׁמְעוּ nostro שִׁמְעִי prorsus respondere videtur. Fortasse modo propter cognationem literae ה et ו utrobique diverso modo scribuntur. Ita certe uterque locus se illustraret. Hieron.: caedam eos secundum auditionem coetus eorum, i. e. ut audientes ventura supplicia solis terroribus emendentur. Corripiet enim eos comminatione et auditione poenarum, at correpti non pereant in aeternum. Plerique, inter quos Lutherus, accipiunt ita: castigabo eos secundum auditum in eorum concionibus i. e. quemadmodum iam diu auditum est in eorum concionibus per Mosem et prophetas. Verum usus praep.

↳ repugnat, quae non facile eo sensu pro ב ponatur. LXX. ἐν τῇ ἀκοῇ τῆς θλίψεως αὐτῶν, ut legisse videantur לענות.

13. Addit vates comminationes, adiectâ simul causâ, cur futurum sit ut puniantur, quae non alia est quam quae in praecedentibus continebatur, nempe quod in calamitatibus sese non ad Deum converterint, sed circumvagati sint huc et illuc auxilium quaesituri. *Vae illis!* exclamatio usitatissima, summam calamitatem indicans, cf. Ies. 1, 4. al. נָדְדוּ מִמֶּנִּי: *vagati sunt a me*, indicat inconstantiam et defectum fiducia in quaerendo auxilio, cf. Iob. 15, 23. מִמֶּנִּי eandem vim habet quam 1, 2. מֵאַהֲרֵי יְהוָה: *me deserentes circum vagati sunt* i. e. *a me aberrarunt*. שֶׁד לָהֶם scil. הָיָה *vastatio iis instat*, pro quo LXX. vel δῆλοι εἰσιν, quod Hieron. exhibuit ita: *manifestati sunt*, vel δειλαιοὶ εἰσι h. e. secundum Hieron.: *meticulosi s. miseri sunt* (nomen apud Graecos usitatum significans *timidos* a δειλὴ *vespera*, quod tempus est timidorum). Utraque lectio e corrupto textu orta videtur. בִּי פָשְׁעֵי-בִי: *peccarunt in me*. Chald.: *rebelles sunt in verbum meum*. Quale eorum peccatum fuerit, posterius comma refert, nimirum fucata eorum pietas, quae quamquam bonam speciem prae se ferens, dum nempe ad Iehovam precarentur, nil erat nisi mendacium. Duplex ו in sequentibus vim adversativam habet: *ego quidem — illi autem*. וְאֲנֹכִי אֶפְדֶּם: *eos quidem redempturus eram* i. e. *semper paratus eram ad eos liberandos et restituendos*. Est enim significatio futuri continuam actionem indicans. פָּדָה non tantum *liberationem e captivitate*, ut Hieronymus vult, sed *ex omnibus miseriis* indicat Ps. 71, 23. 25, 22. 130, 8. Fortasse sigillatim feliciora tempora Ierobeami II. innuit, ubi res Israelitarum in melius verti poterant, modo ipsi sapientes et probi fuissent. וְהִמָּה דִּבְרֵי עָלִי כִזְבִּים: *illi autem mihi mendacia locuti sunt*. *Preces et signa pietatis eorum non ex animo integro prodierunt*, cf. 4, 15.

14. Sequitur descriptio fallaciae Israeliticae. *Clamaverunt quidem, inquit vates, sed nec ad me, nec ex*

VII, 14.

animo, בְּלִבָּם. Quod ita uno verbo designatur, locupletius Iesaias describit 29, 13. nimirum verba et facundiam labiorum non esse veram erga Deum devotionem. *כִּי יִזְכְּרוּ עַל מִשְׁכְּבוֹתָם: dum eiularunt super cubilibus suis.* כִּי h. l. voce *dum*, ut v. 6. 11, 1., in nostras linguas transferri oportet. Non enim expresse causam indicat, sed utrumque comma ita coniungit ac si dictum esset: *nam eiularunt quidem super cubilibus suis, sed non ad me clamarunt.* Ceterum elegantissima inest huic versui membrorum oppositio. In priori vates, quae super cubilibus mente volvant, in posteriori, quomodo in vita se gerant, indicat: *Non igitur Deum, sed triticum et mustum quaerunt, in ore gestant fortasse Deum, in animo huius terrae commoda.* יִתְהַוְּרוּ elegans verbum: *peregrinantur, ad peregrini quid se conferunt.* Significatio ita simplex et facilis est, ut satis mirari non possim, quī interpretes eam neglexerint. הָרָאֵה enim est usitatissimum verbum: *peregrinum esse.* Hinc naturalis significatio coniugationis Hithpael: *se peregrinum facere, peregrinari*, cf. 1 Reg. 17, 20. Ier. 30, 23., quo posteriore loco מִתְהַוְּרִים est: *procella e longinquo, tanquam e locis peregrinis irruens.* Vates pium cultum Dei Mosaicum ex eoque oriundum favorem Iehovae peculiare tegmen ac domicilium suis designaverat, quem vero deserentes ad plane alienum quid peregrinantur. V. 11. abierant ad Aegyptios et Assyrios, nunc ad triticum et mustum.

Interpretes proxima spernentes e longinquo vario modo explicationem huius verbi quaesiverunt. Plurimi secuti Chald. ita vertunt: *propter mustum et triticum congregant se*; idque de congregationibus in templis idolorum intelligunt. Verum etiamsi הָרָאֵה indicet: *se congregare*, tamen יִתְהַוְּרוּ hanc significationem neque ex etymologia neque ex analogia locorum illorum parallelorum admittit. Alii id probe sentientes ad radicem Arabicam confugiunt, ut depromant significationem: *prosteruunt se s. timent.* Hinc Eichhorn suam interpretationem sumpsisse videtur: „Würd' ich sie begnadigen — sie würden über Korn und Most sich

krümmen.“ Alii Syrum secuti: *solliciti sunt*. Cf. de Wette: „um Getraid' und Most ist ihnen bange.“ Hieronymus vertit: *super triticum et vinum ruminabant* i. e. *propter abundantiam omnium rerum corruerunt et pecudum modo se ingurgitarunt*. LXX. legerunt יִתְגַּדְּדוּ, ut 1 Reg. 18, 28. ἐπεμύοντο· *propter triticum et vinum dissecabantur*, nimirum in exemplum sacerdotum Baalis, qui praesente Elia concisione membrorum pluvias a Deo extorqueri opinabantur. Quam lectionem et a genuino textu et ab ingenio vatis aequae aberrantem S. V. Kuinoelium secutum esse miror. Alii eandem lectionem, quam vere in pluribus codd. invenerunt de Rossi et Kennicott, ab alio verbo גָּדַד deducunt ita: *turmalim conveniunt*.

יִסְתַּדְּדוּ. In pronomine כִּי significatio est emphatica: *non enim a me, sed contra me recedunt* i. e. *ita a me recedunt, ut infenso animo erga me animati sint*. cf. 3, 9. Sic Schmidt, Rosenmueller et plerique optimorum interpretum. Quod idem probat parallelismus sequentis versus. Caeterum verba confirmant interpretationem nostram praecedentis יִתְגַּדְּדוּ. Eleganter enim cohaerent: *peregrinantur ad triticum et mustum, a me autem recedunt*. LXX. ἐπειδεδέγησαν ἐν ἐμοί· *a me eruditi sunt*, ut lectum esse videatur יִסְתַּדְּדוּ.

15. Recitat vates h. v. uti v. 13. beneficia, quibus animos Israelitarum gratos et pios reddere Deus conatus sit. יִסְתַּדְּדוּ: *castigavi s. coercui*, verbum e puerorum educatione desumptum. יִדְּקֶהָ: *corroboravi*. יְדֵיהֶם: *brachia eorum* i. e. *vim reipublicae potissimum militarem*, cf. Ez. 30, 24. 25. 2 Chron. 32, 8. Dan. 11, 15. 22. 31. Hanc castigavit, coercuit et depressit v. c. temporibus Ioahasi 2 Reg. 13, 1—3., auxit et confirmavit temporibus Ioasi 2 Reg. 13, 23—25. et Ierobeami II. 2 Reg. 14, 25. 26. Vocem יִסְתַּדְּדוּ LXX. plane omittunt, alii a radice synonyma יָסַד deducentes vertunt: *vinxi* i. e. *lege et disciplina ligamen brachii eorum applicavi, ut robustiores fiant, quemadmodum per ligamenta corporis partes ad maiorem earum firmitatem constringuntur*, cf. Drusius et Liveleius;

VII, 15, 16.

nimum artificiose. Boeckel ex Arabico interpretari vult: *secundavi, felicem reddidi. Sed illi male erga me animati erant.* רָעָה ex usu Hebr. indicat: *malas habere cogitationes*, cf. Gen. 50, 20. Nah. 1, 11. Malae autem eorum cogitationes erga Deum cernebantur defectione a vero cultu Dei et perverso amore idolorum, quem plurima flagitia sequebantur. Pfeiffer in comment. רָעָה putat esse i. q. כּוֹבְדִים v. 13.

16. Malevolum eorum animum describere pergit. רָשָׁעֵיהֶם לֹא עָל: *non sursum redeunt.* עָל est adverbium: *super, supra*, et nude et in compositione voci מֵעַל oppositum. Cap. 11, 7. legitur אֶל-עָל et prorsus eodem modo, quo hoc nostro loco: 2 Sam. 23, 1. הִקְבֵּר (אֲשֶׁר) עָל. Itaque h. l.: *redeunt non supra i. e. non sursum*, πρὸς τὰ ἄνω. Quamquam ita idem sensus exeat, qui v. 10. *non ad Iehovam redeunt*, tamen coniectura eorum improbanda est, qui עָל contractionem epitheti Iehovae. עָלֵיךְ ex analogia יָהּ pro יְהוָה esse autumant. Nam nullo alio loco ita legitur. Respondet nostra interpretatio, quae pierisque interpretibus, v. c. de Dieu, Gussetio, Rosenmuellero placuit, optime sequentibus verbis, et eleganti imagini occasionem praebuilt. Ceterum abierunt in alias sententias LXX. ita: ἀπεστράφησαν εἰς οὐδέν, non omisso adverbio עָל, sed transpositione verborum facta, dum nimirum pro לֹא עָל e negligentia legerunt עָל לֹא. Hieronymus ita: *reversi sunt in pristinum statum, quomodo a principio fuerunt, priusquam vocati fuerunt ab Abrahamo et postea per Moysen, ut essent absque legis notitia et iugo.* Legisse eum apparet עָל pro עָל. Lutherus, Dathe et Eichhorn ita: *poenitentiam egerunt, sed non sinceram*, ac si עָל esset summum et perfectissimum in suo genere. Quae interpretatio admodum frigida est, et elegantem nexum huius commatis cum subsequenti imagine solvit. Castalio et Boeckel עָל coniunctionem *sed*, ut Gen. 48, 22. Exod. 16, 5., esse putant, ille, ut sens. sit: *reperterentur in Ae-*

gyptum; sed nequidquam, hic, ut coniunctio pertineat ad sequens קִיָּה ita: non redeunt, sed similes sunt arcui.

Adverbium על viam aperit novae imagini. *Namque similes sunt arcui relaxato.* רַמְיָה, a rad. Piel רָמָה, significat: *quod deiicitur s. excidit ex suo officio, hinc: latus; ignavus; remissus* Prov. 10, 4. 12, 24. 19, 15. Ier. 48, 10., cf Gesen. ad h. v. קֶשֶׁת רַמְיָה igitur est: *arcus relaxatus*, qui aeque non sursum redit sed flaccidus pendet postquam sagittam iaculatus est; quemadmodum animus Israelitarum non sursum redit. Eandem fere e Schmidtio sententiam attulit Rosenmueller. Uterque in eo tantum errat, quod voce רַמְיָה rupturam nervi indicari vult ita: *arcus; qui nervo rumpente fortiscit nec ferit iaculando.* Nullo enim modo de rptione, sed de remissione nervi intelligi potest; cf. locus ab ipsis laudatus Ps. 78; 57. ²¹⁾ Hieron.: *arcus dolosus atque perversus; qui percutit dirigentem et vulnerat dominum scil. Deum blasphemiarum sagittis.* LXX. ὡς τόξον ἐντρεπμένον *intentus arcus, quod omnino non in verbis inest.*

יָפְלוּ שְׂרִירֵיהֶם: *cadunt eorum principes.* Redit vates ad id, a quo exierat v. 7. Futurum יָפְלוּ indicat: *non sufficere interitum regum; de quo antea v. 7. sermo erat; sed idem fatum instare omnibus tam perversae gentis gubernatoribus.* Quod etiam eventu probatum est interitu Hoseae ultimi regis 2 Reg. 17, 4. מִזְעִים לְשׁוֹנָם: *prae protervia linguae eorum i. e. populi.* Praeter omnem dubitationem haec verba respiciunt ad מְזַבְרִים: *mendacia; proterve edicta v. 13. scil. quod eiulabant in angustiis, verum non ad Iehovam; sed ad Aegyptios et Assyrios v. 11.; non favorem Dei sed triticum et mustum quaerentes v. 14.* Protervia autem et impietas

21) Lutherus locum Psalmi bene vertit: „wie ein loser Bogen,“ sed nostrum male: „wie ein falscher Bogen.“

VII, 16.

populi in causa fuit interitus regum, quoniam populus non intellexerat reges illos subinde cecidisse, ut vacante regis solio Deo se subiiceret et postero Davidis a Deo Hierosolymae constituto sed auxilio rebellantibus semper parato eos et in solium regium, et in interitum invitaverat. Hieronymus pronomen in voce לְשׁוֹנָם, ad reges refert, quoniam *deceperint infelicem populum et vitulos aureos Deos appellare ausi sint.* — Quod autem accidit principibus, populum quoque tandem in interitum rapiet.

וְהָיָה לְעֵינֵם; haec erit eorum contumelia i. e. ita ludibrio erunt. וְעַם לְשׁוֹנָם et לְעֵינֵם ad se invicem respicere videntur. *Ut enim ipsi proterve locuti erant, ita aliquando proterviae barbarorum ludibrio erunt,* scil. ob foedus illud absurdum Aegyptiis oblatum, בְּאֶרֶץ מִצְרַיִם: in terra Aegyptiaca i. e. inter Aegyptios quorum auxilium contra Assyrios imploraverant. Facile enim intelligi poterat Assyrios summa vi iam Israelitas prementes funditus subversuros esse imperium, antequam Aegyptii ad eius auxilium advolare possent. Quod idem eventu comprobatum est, vid. 2 Reg. 17, 4—6.

XI.

Cap. VIII, 1—10.

Ad palatum tuum buccinam! Ceu aquila volitet super domum Iehovae. Propterea quod transgressi sunt foedus meum et legem meam violarunt. 2. Versus me vociferentur: mi Deus! cognoscimus te, nos populus Israel. 3. Abiecit Israel bonum: hostis eum persequetur. 4. Ipsi reges sibi eligunt non ex mea voluntate, principes sibi constituunt me non intercedente. Ar-

gentum et aurum suum adhibent ad faciendum sibi simulacra. Propterea excidentur. 5. Abiiciet te vitulus tuus, Samaria. Ira mea in eos exardescet quamdiu probae mentis esse non poterunt. 6. Siquidem et ex Israele hic ipse ortus est, artificis opus, non Deus, et in scintillas ignis solvetur Samariae vitulus, 7. et ventus eum disperget turboque vehemens eum metet. At nullus in messe inveniatur culmus sanus, germen non proferet farinam, atque si forte quam protulerit, a barbaris absorbebitur. 8. Absorbetur Israel. Iam eius cives barbaris prostituuntur ut vile vas quod ubique spernitur. 9. Ascendunt in Assyriam ceu onager sibi solitarius errans. Ephraim mercede conduxit illicitos amores. 10. Cum autem munera sua inter barbaros emisierint, equidem eos ad interitum colligam, et brevi succumbent principes oneri regis.

Sequitur novum fragmentum prophetiarum Hoseae idque, quod tempus attinet, post 5, 9. ponendum. cf. introd. p. 75. Illo loco velut sono buccinae vaticinium ediderat: *Ephraim desolata erit tempore correctionis suae*. Ad id respicere videtur initio huius fragmenti quippe quod ex orationibus nuperrime exhibitis in recenti memoria esset. Certe hoc nostro loco plane nullae minae s. grandioris momenti effata reperiuntur, digna quae sonitu buccinae edantur, si illas repetere nolimus. Quod interpretes probe sentientes putarunt verbis *ad palatum buccinam* nil inesse nisi *clamorem bellicum* eo tempore editum, cum aliquando novus hostium impetus fieret. Verum in toto loco nil bellicosi inest. Continet tantum exprobrationem peccatorum Israeliticorum et minas novarum calamitatum quae ab insana fiducia in gentes barbaras essent oriundae.

VIII, 1.

I. **תִּקְרֵה שׁוֹפָר** i. q. 5, 8. **אֶל-הַקֶּה שׁוֹפָר**. Secunda personā vates utitur ad indicandum iussum Iehovae ad se directum, ut illud vaticinium repetat, quod 5, 9. exhibitum erat. Scil.: *Ephraim desolata erit tempore correctionis*. Vates autem ex ardore dicendi non moratur in eo iterum recitando, sed omnibus cognitum esse sumit, ut transvolet ad novas infidelis populi reprehensiones. **עַל-בֵּית יְהוָה**: *ceu aquila sc. volitet sonitus tubae illud vaticinium exhibens*. Imago aquilae et celeritatem, qua illud vaticinium penetret omne regnum Israeliticum, et terrorem, quem iniiciat, innuit, cf. Bochart. Hieroz. P. II, l. 2. p. 750. edit. Lips. v. Rosenm. ad h. l. *Super populum Iehovae i. e. Israellem*. Sic h. l. domum Iehovae intelligendam esse plerisque probis interpretibus placuit. Respondet usui loquendi 9, 8. 15. Num. 12, 7. Ier. 12, 7. Zach. 9, 8. sicuti omni orationi. Nam in toto hoc fragmento nil legitur, quod vatem de duabus tribubus, ubi esset domus Iehovae proprie sic dicta, cogitasse moneat. Nihilominus tamen antiquiores interpretes **בֵּית יְהוָה** de templo Iehovae intellexerunt, v. c. Hieronymus, Lutherus et inter recentiores Dathe. LXX. initium huius versus ita verterunt: *εἰς κόλπον αὐτῶν ὡς γῆ, ὡς ἄετος ἐπ' οἴκ.* Κυρ. de quo iam Hieronymus addit: *quid significet incertum est*. Interpretes qui sonitum tubae de clamore bellico intelligunt, sic pergunt in explicatione: *velociter sicut aquila hostis irruit*, vid. Rosenm. Cum quovis modo aliquid ad substantivum **שׁוֹפָר** supplendum sit, censeant interpretes, utrum illa mea de lacuna orationis explenda sententia simplicior et omni orationi aptior sit nec ne. Certe sententia de hoste irruente plane aliquid novi textui infert, quod nec a praecedentibus praeparatur, nec a sequentibus probatur.

In posteriore commate adfertur causa, cur illud vaticinium contra Israelitas edatur, nimirum: *quoniam foedus transierint et contra legem Dei peccaverint*; fere idem quod 5, 7. dixerat: **תִּזְכֹּר בְּיַהוָה בְּקִרְיָה** et **בְּרִית** idem significant, *omnem institutionem cultus divini a Mose promulgatam* cf. Exod. 34, 28. Lev. 26, 15. Ps. 25, 10, 103, 18.

2. יִזְעָקוּ לִי: *versus me vociferentur: mi Deus* i. e. *frustra ad me clamant*, nam nil probi sentiunt. Futurum h. l. significatione optativa s. concessiva ut 5, 13. 10, 5. II. Pertinet hoc ad proterviam linguae de qua 7, 16. Nam hypocritica reverentia erat, quam Deo praestabant, de qua subinde vates queritur vid. 6, 4. יִדְעֵנִי *cognoscimus te*. Verbum, ut substantivum יִדְעָה, cognitionem indicat, quae animum Deo advertit et pietatem gignit, cf. 5, 4. et 4, 1. 6. יִשְׂרָאֵל collective ponitur: *nos populus Israel*. LXX. et Syrus hoc verbum omiserunt; alii post אֱלֹהֵי ponunt: *Deus Israelis cognoscimus te*.

3. זָנַח *abiecit, reiecit* Ps. 43, 2. 44, 10. 24. Zach. 10, 6. al. Quae interpretatio inter omnes antiquos sine omni haesitatione valebat. Hieron.: *proicit Israel bonum*. LXX.: ἵσχυρὰ ἀπεστρέψατο ἀγαθόν. Schroederus autem in Observv. selectis ex Arabico verbo putat esse: *rancidus fuit* s. *rancidis fit subsidendo in ubertate et affluentia bonorum*. Quam variantem sententiam Gesenius in Lex. ad h. v. ita cum usitata coniungit ut ex illa Arabica analogia זָנַח vere sit: *rancidum esse*, sed plerumque transitive adhibeatur: *pro rancido habere, tamquam rancidum abiicere* et omissa primaria significatione omnino: *reiicere*. *Abiecit autem Israel טוב: felicitatem suam, quod ipsi bene est*, cf. 3, 5. nimirum *Iehovam summum suum bonum*. Alii putant טוב i. e. *Deum esse subiectum reiiciens*, v. c. Drusius: *Deus bonus repulit Israelem, ideo hostis persequetur eum, quod Ioh. Schmid temerarium vocat circumstantiis textus obstantibus, contra omnem fere interpretum consensum scripturam in dubium vocare et ambiguitatis insimulare*.

In posteriore commate LXX. vulgarem textum אֱלֹהֵי יִדְעֵנִי mutarunt in יִדְעֵנִי: ἔχθρὸν κατεδίωξαν. Verum et omnes Codd. versionesque antiquae v. c. Chald., Syrus, Hieron. lectionem LXX. ignorant, et nostra lectio sensui optime convenit. Illustratur enim causa, cur sine misericordia illud vaticinium sonitu tubae declaratum

VIII, 3. 4.

eventu comprobandum sit: h. 1. *quoniam Israel bonum abiiciat*, v. 4. *quoniam reges sibi ex arbitrio eligant idolaque sibi ipsi creent*. Quae tantam impietatem secutura sint, in fine huius et sequentis versus brevissimis iisque parallelis formulis indicantur. Praeterea in nostro versu inest elegans antithesis, ubi secundum Tarnovium *per oppositionem verborum יָדָה et יָדָה exag-*
geratur malitia et miseria populi, et quemadmodum מִלֵּךְ
verbum est notionem universalem involvens, ita אֵלֶיךָ
in favorem oppositionis item in universum indicat:
gentem Israeliticam ab hostibus persequendam esse, i. e.
eam nil nisi hostiles impetus expectare posse ab omni-
büs, quibus fidat. Ceterum יָדָה cum accus. de hostili
persecutione valere satis constat, cf. Gen. 14, 15. Ps.
18, 38. S. V. Kuinoel lectionem יָדָה vulgarem vocat.
Verum ut antiqui nostram יָדָה exhibent, ita pauci
recentiorum interpretum ab ea recesserunt.

4. Inhaeret igitur vates descriptioni Israeliticorum
criminum. Huc pertinet primum *quod reges sibi eligant*
Deo non intercedente et constituyente, sed ex suo ludibrio.
Spes, ut saepe vidimus, vati erat, fore ut extincta fa-
milia Iehu, cum non amplius regem habituri essent a
Deo constitutum, ad familiam regiam Davidis redirent et
una iterum natio fierent, cf. 3, 5. Verum insanus po-
pulus Deum non curans, eius voluntatem nec intel-
lexerat, nec ei obediverat. Ipsi sibi reges constitue-
bant, Sallumum et Menahemum, ut iam antea post ex-
stirpatam familiam Baesae fecerant 1 Reg. 16. Postquam
igitur iam in eo peccaverant, quod regem a Deo po-
stulabant, qui solus eorum rex esse decreverat 1 Sam.
8, 7., novum peccatum addebant, quod ne consulturi
quidem Deum reges ex suo arbitrio sibi constituebant.
יָדָה: *reges fecerunt* i. e. *sibi constituerunt* מִלֵּךְ:
non autem ex me i. e. *non ita ut accipiant reges a*
me constitutos, ut olim Saulum, Davidem, et nuper
Iehu. Eundem sensum exhibent sequentia יָדָה
יָדָה: *duces sibi constituunt me inscio*. Intelligi haec
verba debent ex anthropopathica de Deo cogitandi et
loquendi ratione. *Deus inscius* nil aliud est nisi: *Deus*

non interrogatus per sacerdotes et prophetas. Hi enim interpretes divinae voluntatis in civitate Iacobitica instituti erant. Hiphil *הִשְׁתַּחֲוִי* descendit a *שָׁחָה*: *principatum tenere* Iud. 9, 22. Ies. 32, 1. et indicat: *principes sibi constituere*. Maxime improbanda est eorum sententia qui illud verbum pro *הִשְׁתַּחֲוִי* positum esse putant, ut sensus sit: *illi instituerunt sibi et removerunt gubernatores me inscio*; quamquam 3 codd. apud de Rossium et Kennicottum ita legerunt. Hieron.: *ipsi regnarunt, sed non ex me, principes exstiterunt et non cognovi*, LXX.: *ἐαυτοῖς ἐβασίλευσαν καὶ οὐ δι' ἐμοῦ ἤρξαν, καὶ οὐκ ἐγνώρισάν μοι*. Pari errore significationem Hiphil uterque non curaverunt. Ceterum Hieron. nimium anguste disputat: *de Ierobeamo accipio et de caeteris, qui ei in imperio successerunt*. Utique hic rex a Deo electus fuerat conditione, ut faceret quod rectum esset in oculis Dei, cf. 1 Reg. 11, 38., qua quidem conditione a Ierobeamo violata eiusque familia exstirpata imperium non ad alios transferendum, sed stirpi Davidis reddendum erat. Idem valebat de Iehu rege, qui quidem vocante Deo in solio regio constitutus, tamen cum posteris modo ad certum tempus imperio praeesse iussus erat, cf. introd. p. 77. — Aliud crimen fuit: *quod aurum et argentum impenderant in idola*. Divitias enim acceperant a Deo, sed tantum aberat, ut grato animo erga Deum iis uterentur, ut vitulos aliaque idola inde fabricarentur. Verbum *הִשְׁתַּחֲוִי* h. l. cum accus. componitur: *fecerunt sibi simulacra*, ut 2, 10. cum praep. *ל* *impenderunt in simulacra*. Eadem increpatio legitur 4, 7. 13, 2.

Nunc sequitur poena; quemadmodum v. 3. cuius recensio etiam v. 5. inhaeret. *לְמִינֵן יִכָּרֵת*: *propterea excindetur* scil. *Israel* v. 3. Veteres interpretes exhibent pluralem, LXX. *ὅπως ἐξαλοφθεύθωσιν*, Hieron.: *ut interirent*, Chald.: *ex argento et auro suo, quod sustulerunt sibi ex Aegypto, confecerunt sibi idola, propter quae excidentur*. Omnes isti sensum potius quam verbum exponentes. Iarchi et Esra *יִכָּרֵת* referunt ad aurum et argentum, *ut nempe ab iis succideretur*,

VIII, 5.

5. Elegantem oppositionem initii versus tertii et verbis et sensu facit initium huius versus. *Ut Israel abiecit felicitatem suam, ita abiciunt eum ipsius, in quibus spem posuit, simulacra.* זָנַח עֵגְלָהּ שְׁמֶרֶוֹן: praeteritum propheticum, significatione futuri, quasi eventus iam adsit. *Abiecit te, o Samaria, vitulus tuus.* Suffixum הָ ad verbum זָנַח ex usu Hebraicae linguae facile suppleri potest, cf. Gesen. Lehrgeb. p. 734. Poetico enim modo fingit vates malum, quod fieri sinat simulacrum, cum potestatem impediendi nullam habeat, quasi ab eo inferatur. Remoto tropo: *deserit te in angustiis tuis idolum, quod mihi, omnipotenti tuo auxilio, praetulisti.* cf. Schmidt ad h. l. Samaria synecdochice posita est pro universo regno Israelitico, quoniam urbs regia fuit. Incertum est, num uterque vitulus Bethle et Dane usque ad eversionem regni permanserit, an, quod probabilius e nostro loco fit, alter in Samariam translatus sit, postquam fines imperii, in quibus Dan sita erat, saepius a Syris et Assyriis expugnati fuerant. Id tantum ex historia illorum temporum memoriae mandatum est, Ahabum regem Samariae sacra Baali constituisse, eadem autem a lehu rege deleta esse. 1 Reg. 17, 32. et 2 Reg. 10, 27. Non video cur interpretes a significatione verbi זָנַח, quam paullo ante v. 3. probaverant, h. l. recesserint, quippe quae et huic nostro versui optime conveniat. Verterunt modo *subduxit se*, modo *rancidus* (abominabilis) *fuit* (v. c. Eichhorn: „Abscheulich ist dein Kalb, Samarien“), modo *proiectus est*. LXX.: ἀπορρίψαι τὸν μόσχον σου Σαμάρειαν (pro זָנַח legerunt זָנַח). Hieron.: *proiectus est vitulus tuus Samaria.* Chald.: *erraverunt ad vitulum Samariae.* Al. v. c. Liveleius et Rosenmueller iidem ellipsin accusativi supponunt, sed ubi nos suffixum הָ, illi suffixum ם suppleant ita vertendo: *reiecit eos* scil. *Israelitas vitulus tuus o Samaria.* Videant interpretes, num nostra ellipsis simplicior sit.

Sed non tantum abiciuntur ab idolis suis, sed *ira Dei in eos exardescit*. םַּבַּ. Saltus valis in pronomibus ab altera persona ad alteram, de quo 2, 19. monuimus, et qui subinde redit, non amplius offendere

potest. יהוה אלהינו יהוה locutio est saepius occurrens Num 11, 33. 2 Reg. 23, 26. Ies. 5, 25., anthropopathica de Deo loquendi ratione indicans indignationem Dei et poenas inde secuturas. עד-מתי לא יובילו בקין: quousque s. quamdiu probae mentis esse non poterunt? Interrogatio, quae apud seriores scriptores saepius relative ponitur, sic etiam a nostro vate adhibetur 9, 14. 14, 10., cf. Prov. 23, 35. Quod si hoc nostro loco interrogatio proferretur, simplex et facilis orationis series tolleretur; quod apparet ex Hieronymi explicatione, qui verba ita nectit: *illis non audientibus convertitur ad alios et quasi ad tertiam personam loquitur: usque quo non poterunt emendari? Quae ista, inquit, insania est me dante locum poenitentiae illos ad sanitatem nolle converti?* Si contra relative illa verba accipimus, oratio optime fluit et sensum exhibet vati usitatissimum, nimirum: *Deum tamdiu Israelitis iratum fore, quamdiu ad eum redire nolint*, cf. 5, 15. 3, 4. 5. לא יובילו בקין: non valent innocentiam scil. praestare, ut secundum Gesenium suppleatur לעשות, cf. Iob. 42, 2. Ies. 1, 13. Ps. 101, 5. LXX.: *ὡς τις οὐ μὴ δύνωνται καὶ παρσιῶναι ἐν τῷ Ἰσραὴλ*; quae posteriora verba ad versum sequentem pertinent.

6. כי coniunctio est vere causalis hanc novam sententiam praecedentibus adnectens. Causam enim, cur Iehovae ira illos improbos punitura sit, ad v. 5. addit: מִיִּשְׂרָאֵל i. e. ex Israele ortum est illud ipsum idolum. וְהָאֵל i. e. vitulus. Copula ו auget significationem pronominis, ut Latinorum *idem*. Qua ratione illud idolum ortum sit sequentia docent. Non enim ita, ut ipsi sibi id excogitaverint, quod vult Hieronymus (qui quidem sibi repugnat dicendo: *ex Israel ipse est, non ab aliis, ait, vitulum gentibus accepistis, ut Baal et Astaroth a Sidoniis cet. sed vos ipsi, quod in Aegypto didiceratis, fecistis*), sed: *quoniam inter vos factum est. אֱרֵשׁ עָשָׂה: artifex fecit illud*. Ex eadem causa saepius insania cultus illorum idolorum a viris sacris deducitur, cf. 13, 2. Ies. 40, 19, 20. et plura loca apud Michaellem et Rosenmuellerum. וְלֹא אֱלֹהִים הוּא non Deus est.

VIII, 6.

Eichhorn: „ein Gott der Phantasey.“ Non fuit quidem sententia eorum, qui idololatriam introduxerant in Iacobi posteros, ut illa monstra facta pro Diis ipsis haberentur, sed ut signum aliquod conspicuum divini numinis exhiberent. Hinc Aaron, cum vitulum aureum erigeret Exod. 32, 4. 5., coram eo posuit altare, ut ibi Iehovae sacra fierent. Hinc obiurgatio illorum ambiguum, qui semper ad Deum clamare contenderent, dum idolis sacra facerent. Verum, ut fit, plebs insipiens inter Iacobitas, ut inter reliquas gentes ipsosque Christianos, subtile illud discrimen non capit. Imaginem veneratur, numinis imagine signati obliviscitur. Sic legimus Exod. 32, 4., postquam Aaron vitulum fabricatus erat, omnes vociferatos esse: *en Deos tuos Israel, qui te ex Aegypto duxerunt*. Quo factum est, quod diserte SSa testatur Israelitas, dum adorarunt vitulos et Baalem, Deum dereliquisse et creatoris oblitos esse vid. Deut. 31, 16. 1 Sam. 8, 8. Ps. 106, 13. 21. et ap. nostrum 2, 15. 8, 14. 9, 7. cf. Am. 5, 25. 26.

כִּי שִׁבְיִים יִהְיֶה h. l. alio sensu adhibetur, quam in priori huius versus commate. Non enim propterea Deus Israelitis iratus erat, quod in **שִׁבְיִים** illud simulacrum erat dispergendum, sed quoniam Deus et vitulo et opifici idolum constanti iratus erat, propterea dispergendum erat. Melius igitur coniunctio **כִּי** h. l. obtinet significationem *itaque*, ut ne praecedentis orationis causam indicet, sed ut praecedentia causam posterioris sententiae contineant, cf. 5, 7. 6, 9. Ioel. 1, 12. Hebraei subtile illud discrimen ignorantes nexum causalem omnium horum membrorum, quamquam in re diversum, una tamen voce admodum vagae significationis indicarunt, quam orationem in versione non aptius aequiparare censemus, nisi ut **כִּי** initio huius versus reddamus: *siquidem*, postea autem repetita particula: *et — et* utamur, ut (certe ad sensum) 2, 4. 7. cf. Ioel. 2, 11. 22. **שִׁבְיִים**, quod hac forma semel modo occurrit, sed formā **שִׁבִּיב** Iob. 18, 5. et Chaldaicā **שִׁבִּיב** Dan. 3, 22. 7, 9., illustrat Gesenius ad h. v. ex Arab. **شَبَّ** accendere. Hinc: *scin-*

tillae ignis, quae significatio in locis laud. non obnoxia dubio est. Eodem sensu et h. l. intelligendum esse suadet non modo ista analogia, sed locus Exod. 32, 20. ubi Moses de monte Sinai reversus aureum vitulum igne exustum in pulverem contudisse et in aquam dispersisse narratur. Hunc locum vatem respexisse mihi persuasum est, quemadmodum saepius eum dictis et factis veteris historiae sacrae uti vidimus ad rem suam pingendam, cf. 2, 5. 17. 6, 7. 8, 13. 10, 10. Ita non tantum obscuritas verbi nostri, qua iam antiquae versiones laborarunt sed etiam sequentis versus clarior fit. LXX. vertunt: διότι πλανῶν (*seducens* s. *decipiens*) ἦν δὲ μόσχος σου Σαμ. Hieron. ab Hebraeo doctore accepit esse: *aranearum fila per aërem volantia*. Bochartus, quem plerique recentiorum secuti sunt, a Talmudico verbo שִׁבְבִי: *frangere* derivat, ut sint *fragmenta*. Chald. historiae Mosis propius accedit, ita: *in fragmenta tabularum redigetur*.

7. Versus et difficilis est, et sententia eius ab elegantia vatis nostri recedit, si lectionem vulgarem sequimur. Quaeritur enim, quomodo vates plane ex inopinato in imaginem tam singularem tamque ineptam inciderit: *seminant ventum, metent turbinem*, in qua illud etiam offendit, quod in utroque membro vates idem tempus, idque futurum posuit, quorum primum haberet praesentis significationem. Imagines apud vatem nostrum semper arctissime inter se et cum praecedentibus cohaerent; altera ex altera oritur. Non enim delectus, sed nimia extensio imaginum nonnunquam vituperanda est. Omnia bene se habent, modo pro יִקְצֹרֶה et יִקְצֹרֶה legatur יִקְצֹרֶה et יִקְצֹרֶה: *ventus eum* scil. vitulum in scintillas et pulverem mutatum *disperget, turbo vehemens eum metet*. Ita non vanitas tantum illius idoli ulterius pingitur, quod vati accommodatissimum est, sed, quod maximum est, pergit etiam vates in accommodatione sortis, quam ille primus vitulus Aaronis habuit. Exod. 32, 20. quid Moses fecerit vitulo adusto et in pulverem contuso narratur verbis: יִקְצֹרֶה עַל-פָּנָי הַמִּיִּם. Hunc itaque vitulum vates aequae vult dispergi. Hinc יִקְצֹרֶה. Quoniam autem in verbo

VIII, 7.

וְרֵעַ simul inest notio seminandi (paronomasiâ, quam versio nostra assequi nequit), imaginem de messe annexit. *Procella*, inquit, *quod ventus seminavit, ut in messe auferet*. Imago est eximiae gravitatis: ubi enim procella messem facit, omnia abripiuntur et perduntur; nec efficacius vanitas simulacrorum et insania idololatriae describi poterat. Huic autem imagini de messe inhaeret, ad metaphorice designandos fructus quos cultus ille impius vitulorum producturus sit. *Nullus ibi est culmus erectus et sanus*. Pulvis et scintilla culmum gignere non possunt. קֶמַח a קָיָם est: *culmus erectus et sanus*, cf. Ies. 17, 5. Iud. 15, 5. Ita etiam genus masculinum in לוֹ suo loco est; pertinet ad עֵגֶל. Quodsi ad כִּפְתָּה referendum esset, auctor scripsisset לָהּ. גֶּמַח: *germen, herba segetis* קֶמַח בְּלִי יַעֲשֶׂה קֶמַח: *non proferet farinam, scil. grana unde farina fiat*. Metaphorâ remotâ: *scintilla et pulvis eius a procellâ sublata nulli usui erunt*. Hactenus vates nil aliud indicare voluit, nisi vanitatem idoli, cuius nullum fructum capturi sint Israelitae. Sed addit אֱלִילֵי יַעֲשֶׂה זָרִים יִבְלָעוּהוּ: *si forte proferat farinam* (scil. non procella, sed vitulus עֵגֶל, ad quem pronomen לוֹ nos delegat), *barbari eam devorabunt* i. e. *quod de cultu idolorum existit, nil aliud est nisi hoc: facilis praeda barbarorum eritis*. Barbari igitur soli fructum vestrae impietatis et superstitionis habebunt. Ita nexum idearum vatis diligenter secutus hanc meam de hoc loco sententiam versione exhibere et prolatam lectionem interpretibus commendare non dubitavi. Ceterum quamquam nulla codicum et versionum auctoritate nitatur, simplicissimo tamen modo inveniri potuit, cum sciamus accentus multo serius, nonnunquam, fortasse h. etiam l., ex auctoritate LXX. ortos esse, LXX. autem ipsos nimium incuriosos in ponderanda lectione et indicanda auctoris mente fuisse,

Quod ad vulgarem lectionem attinet, in primo membro: *ventum seminant est; vanos venti similes idolorum cultus seminant*, alterum membrum: *procellam metent*, si sensum habet, nil aliud indicat quam: *vanæ eorum impietatis causâ ut a procella abripiuntur*.

in perniciem. Sed quorsum tum reliquae imagines de culmo, de gerimine et de farina? In procella non solida substantia inest, quae comparationi aliquam copiam praebeat. Itaque aut vatem ineptiae accusemus, aut ad emendandam lectionem recurramus, aut verbis quae non insunt iniciamus necesse est. Sic v. c. Eichhorn: „Wind ist's was sie säen, und Wind ist's was sie erndten,“ quasi nil verbis contineatur nisi *notio vanitatis* ab Israelitis quaesitae et inventae. Verum omnino contra usum verbi כִּפְחַ, quod non *ventus* est sed *procella* (vid. Gesen. Lex. ad h. v.), e vulgari quidem nostri loci lectione sine tropo: *perniciēs*. LXX. autem ipsi hunc locum iam ita emendare studuerunt: ὅτι ἀνεμῶδες ἐσπεῖραν καὶ ἡ καταστροφὴ αὐτῶν ἐκδέξεται αὐτά· ἀράγμα οὐχ ἔχον ἰσχύϊ τοῦ ποιῆσαι ἄλυσον; quia a vento corrupta seminant et subversio eorum ea suscipiet. Non est manipulus habens vim faciendi farinam. Chald.: Nam domus Israel similis est ei, quod ventus disseminat et turbo demetit, in quo non est stans seges, proventum non faciet: quodsi forte opes comparaverint, gentes depredabuntur eas.

8. בָּלַע יִשְׂרָאֵל: *absorbebitur Israel*. Schmidt recte sentit praeteritum esse propheticum pro futuro. Feror enim indignationis propheta rapit, ut quod adhuc futurum est, quasi rem praesentem designent. בָּלַע est i. q. אָכַל 7, 9. cf. Ier. 9, 15. *penitus consumere*. Quod vates repetito verbo בָּלַע e v. 7. dicit: *absorbebitur Israel*, iterum nostram praecedentis versus interpretationem confirmat. Non enim opes et alia comoda a ventosa satione carpenda, sed Israel ipse absorbebitur, quae fuit farina s. fructus idololatriae. עָתָה דָּרִי: *iam facti sunt*. Non enim tempus exspectandum est. Iam adest eorum poena. אֲרִי i. q. v. 7. אֲרִי *barbari*. כָּבְדִי אֵין-הָפֵץ בּוֹ modus relativum exprimendi ut 7, 11., *ut vas cuius nullum est pretium* vel potius *desiderium* Ier. 22, 28. 48, 38. Ps. 31, 13. LXX. ἀκαθάρτου ἄχρηστον i. e. secundum Hieron.: *immundum*. Sens.: *contemptio iis continget ab illis gentibus, quas amore et studio prosecuti sunt*. Exemplum habemus in hi-

VIII, 9.

istoria Menahemi; quod sine dubio vates spectavit. Coactus erat Assyrios magno pretio soluto eo adducere, ut pacem secum facerent 2 Reg. 15, 19.

9. Revera autem populum in eo peccasse, quod barbarorum amicitiam tam studiose quaesiverit, nunc uberius vates exponit. *Nam ascenderunt*, ait, *in Assyriam*. אֲשַׁרָּה pro אֲשַׁרָּה, ut saepius, cf. 2, 6, 7, 11. Dicitur autem *ascendi in Assyriam*, quoniam magis a mari remota in elatiore regione sita erat. *Ascendunt ceu onager sibi solitarius errans*. In nomine פֶּרָא deest particula comparativa כִּי. Comparantur Israelitae onagro, ferae in deserto circumvaganti, indomitae sed non rapaci, cui potius aliunde insidiae struuntur. Ita fere describitur Iob. 39, 1—8., ubi cum rupicapris et cervis uno tenore recensetur et a LXX. ὄνος ἀγρίος vertitur, cf. Sirac. 13, 19. Haec descriptio optime designat gentem Israeliticam, quae inconstans atque incerta et a vero Dei cultu ad idololatriam, et ab auxilio Iehovae ad Assyrios Aegyptiosque errans legum divinarum correctionumque ab iis sibi impositarum impatiens, ipsa inops et inermis insidiis et vexationibus peregrinorum patebat. Praeterea in voce פֶּרָא est lusus verbi cum sequenti nomine אֲשַׁרָּה. בֹּדֵד לִי solitarius sibi vocatur, non quod etiam τῶν ἐμοιῶν consortium fugiat, ut nonnulli perperam sumunt: est enim animal in desertis gregarium, sed quia est eremicola et in locis desertis et solitariis versatur, cf. Iob. 24, 5. Ier. 2, 24. al. vid. Michaelis ad h. l. cf. Bochart. Hieroz. I, 219. לִי est dativus commodi indicans, quod quis sibi ipsi ex suo arbitrio et ad suum commodum faciat, ut Iudaei, qui non prophetas et probe de se sentientes consulebant, sed sibi ipsis fidentes studium barbarorum quaerebant. Alii pleonastice positum esse putant, ut Exod. 18, 27. Ies. 31, 8. Am. 2, 13. Comparatio non valere potest de rege Assyriorum, nam imagini onagri nil violentiae, nec crudelitatis nec ferocitatis quid inest; deinde אֲשַׁרָּה ex usu loquendi Hebraeorum non est: ad regem Assyriae, sed in Assyriam ascendere. Illud sonaret אֲשַׁרָּה אֶל-אֲשַׁרָּה cf. 5, 13. אֲשַׁרָּה est i. q. אֲשַׁרָּה

7, 11. Sunt tamen interpretes, qui ita vertant: *ascendunt ad regem Assyriae, qui ferae instar crudelis est.* Eichhorn: „dem nicht zu bändigenden wilden Esel.“ De Wette: „Sie wenden sich zu Assyrien. Doch wie ein Waldesel ist's allein für sich.“

אֲפַרַיִם יָרְדוּ אֶל־אֲשּׁוּרִים. Ephraim collective ponitur pro Ephraimitis cf. 7, 1. *Mercede conduxerunt amores i. e. favorem barbarorum,* quod ad historiam Menahemi spectat 2 Reg. 15, 19. Dictum est in maius Israelitarum opprobrium, cf. Ez. 16, 33. Est enim exoletorum scortorum, mercedem dare amasiis ut commercium secum ineant. Eichhorn: „Liebkosungen verspendet Ephraim,“ quam explicationem vis coniug. Hiph. **יָרְדוּ** non patitur. LXX. plane aliud quid habent: ἀνέβησαν εἰς Ἀσσυρίους, ἀνέβηλεν καὶ ἑαυτὸν Ἐφραϊμ, δῶκεν ἡγάπησεν: *germinavit apud semet ipsum, i. e. sibi ipsi, non Deo crevit Ephraim, munera dilexit, ut legisse videantur פָּדָא et יָרְדוּ אֶל־אֲשּׁוּרִים.* Hieron.: *ipsi ascenderunt ad Assur imitantes onagrum solitarium, non ut oves pastu a domino, sed male abutentes libertate sua et abducti in captivitatem.*

10. Quae eorum fiduciam in barbaros nunc secutura sint, describit. **כִּי** iterum ut v. 6. latioris significationis est, causam minime exhibens, sed orationem quasi praecedentem et consequentem coniungens, ut Latinum fere *siquidem*. **כִּי אֲמַן**: *siquidem etiam,* vel latinus: *cum autem,* qua ratione Hieronymus nostra verba solvit: *sed et cum.* Al. *etiamsi,* ut Is. 1, 15. Sed vis oppositionis utrique membro non inesse videtur. **יָרְדוּ** enim non indicat amores assequi sed mercede oblata quaerere. Itaque v. 10. magis continuatam sententiam praecedentium tali modo indicat, ut poenae comminatio insit. Sens.: *cum autem amores illos mercede data inter barbaros quaerant, equidem ad interitum eos, qui sibi ipsis fidentes tam impio consilio ad Assyrios errant, colligam.* **עַתָּה**: nunc i. e. brevi tempore, idem quod postea **מִעַתָּה**. **אֶקְפְּצֵם**: *colligam eos* scil. Israelitas, nimirum ad mortem, s. interitum ut 9, 6. et verbum synonymum **אֶסְכֶּה** 4, 3., cf. Gen. 25, 8. 35, 29.

VIII, 10.

Ceterum sensus fere idem est sive legatur **יָתֵן** a **יָתַן** sive **יָתַן** a **יָתַן**, cuius utriusque lectionis auctoritatem habemus apud de Rossium. Dando enim conducunt barbarorum favorem. Verbum **קָבַץ** ab interpretibus vario modo explicatum est. Alii putant esse: *colligam eos, ut abducantur in Assyriam ibique dispergantur*, utique vaticinium eventui accommodatum; al. *compellam eos in Samariam aliasque urbes, ut ibi capiantur*; al. *colligam eos tempore redemptionis eorum, ut libertatem et rempublicam eorum restituum*; al. ad barbaros referunt: *colligam ipsas gentes, ad quas Israelitae confugiunt, non ad salutem, sed ad interitum eorum*. Hieron.: *congregabuntur ad pugnam et victi pariter abducentur*. LXX.: διὰ τοῦτο παραδοθήσονται ἐν τοῖς ἔθνεσιν, οὗν εἰσδέξομαι αὐτούς, **יָתֵן** passive intelligunt.

יָתֵן מִיָּעַט מִמֶּשֶׁה מֶלֶךְ שָׂרִיר. Verba admodum vexata per interpretes. Quodsi, ut in multis codd. est **יָתֵן** (ל sine Dagesch) legitur, cf. Michaelis ad h. l., a **יָתֵן**: *parturire, dolere* Ies. 13, 8. 23, 5. derivandum esse apparet, ut sensus sit: *brevi principes dolebunt propter onus regis i. e. brevi principes aegre ferent onus a rege Assyriae sibi illatum*. Id optime convenire videtur orationi vatis. Confugerunt Israelitae ad Assyrios, ut eorum opem quaererent, principes favorem eorum conduxerunt gravissimis tributis. Rem ita bene gestam esse plebs et principes existimarunt. Errarunt autem. Tributa soluta erant, sed frustra salutem et faustum rerum eventum sperabant. Plebs brevi prolapsura erat in interitum, principes autem succubituri oneri a rege Assyriorum ipsis illato. Alii ab eadem radice derivantes interpretati sunt: *requiescent paullisper propter onera, quae ipsis reges et principes imponunt, ut pecuniam regi Assyriorum impendant*. Ita Hieron. LXX.: καὶ κοπάσουσι μικρὸν τοῦ ζῆναι (ad ungendum **מִמֶּשֶׁה** pro **מִמֶּשֶׁה**) βασιλεῶν καὶ ἀρχόντων. Drusius et Dathe adeo ironice accipiunt: *qui- escent paullisper, degent paullisper quiete in terra Assyriaca, nimirum servili conditione*. Al. e lectione **יָתֵן** a radice **יָתַן**, interpretati sunt e locis Iud. 20, 31,

Ez. 9, 6. 2 Chron. 29, 17. *in ceperunt*, ut plures Hebraeorum probante Rosenmuellero. Verum haec interpretatio ea difficultate laborat, quod vel more inusitato מִעַט sumatur pro infin. verbi מִעַט *minui*, vel ellipsis difficilis inventu supponatur v. c. *in ceperunt premi s. gravari*, vid. Rosenmueller ad h. l. Kuinoel et Gesenius hanc difficultatem evitaturi significationem aliam verbi הִלֵּל quaesiverunt, eamque invenerunt

in Arabico verbo حَلَّى: *solvere*, unde h. l. Hiphil: *liberare*. Cf. vers. Kuinoelii: *gentes contra eos congregabo liberabuntque eos paullulum a regibus et principibus, qui iis tanto oneri sunt*. Quos sensum vatis penetrasse vix dixerim. מֶלֶךְ שָׂרִים. Alii, inter quos omnes veteres interpretes, suppleunt copulam ו, quam etiam plures codd. apud de Rossium et Kennicottum habent, ut utrumque nomen sit genitivus: *regis et principum*; alii recentiorum appellativum esse maiestaticum regis Assyriorum putant: *rex principum*, cf. Drusius, Boeckel, Eichhorn, modo perquam ex arbitrio; nam locus Ies. 10, 8., ad quem provocant, omnino nihil ad rem facit. Non enim credi potest vatem nostrum illum Iesaias locum imitatum fuisse, quippe qui seriōris originis est; si autem imitatus fuisset, ipsi scribendum fuisset מֶלֶךְ מִלְכִּים quemadmodum Ez. 26, 7.

XII.

Cap. VIII, 11 — IX, 7.

Prout Ephraim altaria auxit, ut peccata sua ibi committeret, ipsa ei peccato sunt. 12. Multas ei scripsi leges, quae tamen tamquam alieni quid ab iis reputantur. 13. De oblationibus mihi debitis gloriantur. Ubique offerunt carnem eaque vescuntur. Nequaquam Iehova talibus sacrificiis delectatur.

ri potest. Iam memor erit eorum impietatis, puniet eorum peccata, ipsique in miseriam Aegyptiacam revertentur. 14. Israel quoque obliviscitur creatoris sui, exstruit sibi palatia, augetque Iuda numerum arcium suarum, sed ignem immittam in eius urbes, quo palatia eorum consumentur. IX, 1. Noli laetari Israel, nec exsultare velut gentes. Nam a Iehova defecisti. Amore traheris ad copiam donorum, quibus repletæ sunt tuæ areae. 2. Area et torculari non pascentur, et mustum frustra ibi quaerent. 3. Non enim manebunt in terra Iehovae. Redibit Ephraim in Aegyptum et apud Assyrios immundis cibis vescetur. 4. Non vinum Iehovae libabunt, nec ei grata sacrificia facient. Inter luctum et lacrymas panem suum edent, omnia eorum alimenta inquinata erunt. Cibus ad vitam sustentandam ab iis capiatur, nec erit qui inferatur in templum Iehovae. 5. Quid facietis diebus solennibus sacris dicatis? quid temporibus festorum Iehovae? 6. Heu cum effugerint prae devastatione patriae, Aegyptus mortuos eos colliget, Memphis eos sepeliet. Quod autem caras eorum aedes argenteas adlinet, ab urticis occupabuntur, domicilia eorum a spinis. 7. Imminent dies poenarum, imminente dies vindictae; Israel eos sentiet.

Novum fragmentum cf. introd. p. 78 sq. quod vel in posteriora tempora Menahemi, vel in media Pekahi incidere videtur. Sensu omnino recedit a prioribus. Dum enim illic de propensione Israelitarum opem barbarorum quaerendi, hic de superbia populi propter excellentiam cultus sacri, propter splendorem urbium, propter ab-

undantiam fructuum sermo fit. Dum illic de anxietate Israelitas premente exponitur, hic de gaudiis eorum agitur. Praeterea mentio fit Aegypti singulari modo, de qua in praecedentibus ne verbum quidem occurrit.

11. כִּי. Si quis vellet coniunctionem causalem premere ad copulandum hunc versum cum praecedentibus, res diversi generis coniungeret. Hactenus enim de insano foedere cum Assyriis sermocinatus esset vates, quod Israelitis detrimento futurum sit, nunc copiam altarium et eorum securitatem in cultu licet magnificentiam impio carpit. Praeterea prorsus novus nexus causalis in verbis nostris reperitur. Coniunctio כִּי h. l. idem valet quod 4, 6., scil. *quia*, *prout*, ita ut secundum Schmidium ad h. l. apodosis ad particulam causalem demum postea sequatur, verum non ut Schmidt vult in ultimo versu capitis, sed in ultimis verbis versus nostri: הָיָה לָוּ מִזִּבְחֹתָי לְחֵטֵּא h. sensu: *prouti Ephraim altaria auxit, ut ibi flagitia idolatriae suae committeret, altaria ipsa ei peccato sunt*. Israelitae enim aras suas exstruentes duplex peccatum commiserunt: Deus Exod. 20, 4. 5. interdixerat, ne quis sibi faceret simulacrum, illi autem in altaribus idola venerabantur, cf. Lev. 17, 3-7. et Dent. 12, 12. 13.; itidem in uno tantum loco sacra publica fieri iusserat, illi autem in innumeros locos sacrificatum abibant. Itaque vates revera ad vituperationem suam saepius iam obviam redit, hoc sensu: *Vos qui pietatem vestram afferentes altaria in honorem Dei exstructa commemoratis, peccatum commisistis, nam exstructa sunt et contra Dei voluntatem, cui tantum sacrificia altaris a se ipso constituti placent, et peccatorum vestrorum causa, ut nempe simulacra ibi colatis*. Ceterum causam non video, cur, ut quidam interpretes malunt, verbo לְחֵטֵּא altera vice alium sensum substituamus quam priore, ut nempe primo loco sit peccare, altero puniri. LXX.: ἐγένοντο αὐτῷ συσπαστήρια ἡγαπημένα, *dilecta*, pro quo alii codices ἐπλημμελημένα, *deficientia*.

12. אֶתְחַבֵּב futurum h. l. significationem praeteriti habet, ut saepius, cf. Hab. 2, 1. Glass. Phil. S. p. 312.

VIII, 12, 13.

רָבִי, pro quo ex adnotatione Masorethica legendum (חֲרֻבֵּי) רָבִי: *multitudines legum mearum*, scil. per Mo-
sen et prophetas divinitus inspiratos traditarum. Qui
usitatum futuri adhibendi modum in verbo אֶכְרֹתֶיךָ vin-
dicare conati fuerunt, supplerunt אֶכְרֹתֶיךָ si scribam. Hie-
ron. adeo totum comma prophetiam esse autumavit, ita
explicans: *scribam ei multiplices leges quae velut alie-
nae reputatae sunt.* LXX. legisse videntur רָבִי: κατα-
γράφω αὐτῷ πλῆθος* καὶ τὰ νόμιμα αὐτοῦ εἰς ἑλλότρια ἐλογί-
σθαι, addiderunt praeterea e versu sequenti συστατή-
για τὰ ἀγαπημένα, ut lectio inde procedat מִתְּרֵבִי pro
תְּרֵבִי. Sensus utriusque versus hic est: *auxit Ephraim
altaria sua, sed non ut Deo probetur, sed ut peccata
ipsius eo ipso facto augeantur. Equidem contra iis
auxeram leges, ut iis obediendo plurimae parti sacri-
ficiorum supersederent, mihiue magis magisque proba-
rentur* cf. 6, 6. Is. 1, 11-17. Ps. 40, 7-10. *Verum
me non audiunt, leges non curant, sacrificia verum
Dei cultum, leges autem alieni quid esse reputant.*

13. זִבְחֵי הַבְּהֵמָה, nominativi absoluti, cf. 6, 8.
7, 8. al.: *quod attinet ad sacrificia donorum meorum*
זִבְחֵי הַבְּהֵמָה substant. a rad. יָרָה: *dedit.* Intelligitur id ge-
nus sacrificiorum, quod מִנְחָה Lev. 2, 5. vocatur. Prae-
ceptum enim erat, ut immolarent primitias et optimas
partes frugum pecorumque a Deo iis benevole datorum
Num. 18, 12-18. Exod. 23, 19. 34, 26. Lev. 2, 23, 10-
22. Eae ita sacrificandae erant, ut pars combureretur,
pars sacerdotibus stipendio esset Lev. 2, 9. 10. Id au-
tem Israelitae moribus corrupti non amplius curabant,
quippe quorum sacrificia lautis epulis et luxurioso com-
mercio occasionem praeberent, cf. 4, 18. Quae innu-
ere videntur sequentia יִזְבְּחֵי בָשָׂר נִאֱכָלוּ: *carnem im-
molant edque vescuntur. Iehova autem iis* (sc. sacri-
ficiis) *non delectatur.* Repugnant enim praeceptis eius
et propter eorum abusum ipsa peccata sunt. Bene Hiero-
nymus: *Altaria idcirco fecerunt, non ut mihi placerent,
sed ut multis hostiis immolatis carnes earum comede-
rent, nec suscipiet eas dominus, quas non illi sed suo
ventri immolaverunt et gutturi.* Nonnulli secundum

Kimchium **יִבְהַבִּי** vertunt: *dona, quae ipsi putant se dare mihi, quae tamen non mihi immolant, sed sibi ipsis, ut ea comedant.* Chald.: *sacrificant, quae ex rapina colligunt.* LXX. ad sensum non ad verba: *διότι ἐν θύσσει θυσιαν, καὶ φάγωσι κρέα, κύριος οὐ προσδέξεται αὐτά.* Cum autem sermo Dei a vate recenseatur, vates, ut saepius cf. 1, 7., a prima in tertiam personam transilit, ita ut eius verba **יִהְיֶה לִּי רֵצֵן** idem valeant ac si dixisset **אֲנִי לִי רֵצֵן**. Non igitur ad arcanum de verbo Dei h. l. locuturo confugiendum est, ut pii interpretes nonnulli fecerunt. Sens.: *his non delector.* Eandem sententiam in sequentibus gradatim severius exhibet. **יִזְכֹּר יְיָ עֲוֹנֵם** *memor erit sc. Iehova eorum impietatis.* **יִבְקֹד חַטֹּאתֵם** *punit eorum peccata.* cf. 9, 9.

הָיָה מִצְרַיִם לְשֹׁנָם *illi ipsi revertentur in Aegyptum*, nimirum in servitutem et miseriam Aegyptiacam. Haec poenae loco recensentur ex antiquo vaticinio Deut. 28, 68. cf. *introduc.* p. 39. et 79. Quod vulgo viri docti praeunte Hieronymo verba interpretantur: *convertuntur auxilium quaesituri ad Aegyptios, cum tamen ad Deum redeundum esset*, indeque concludunt, hanc prophetiam ultimis temporibus regis Hoseae editam esse, id admitti nullo modo potest, et quoniam verbum **שָׁב**, certe in coniugatione prima, semper reditum aliquem involvit, et quoniam omnis nexus huius particulae plane aliud tempus indicat (cf. *introduc.* p. 78.), et quoniam oratio versus nostri commemoratiōnem poenarum expositarum continet, denique quoniam interpretatio nostra hoc commā cum 9, 3 — 7. optime componit. Cum enim utique ex illis versibus c. 9. praesagium futuri exilii Aegyptiaci, quamquam eventu non comprobatum omnino evelli nequeat, non intelligo, cur hoc nostro commate simplicissimam explicationem admittere dubitemus, eam nempe, quae parallelismo sequentium versuum confirmatur. Gradus poenarum sic constituuntur: *Iehova iis non delectatur — memor erit eorum impietatis — animadvertet in eorum peccata — rursus abducat eos in Aegyptum.* Alii metaphorice verba nostra interpretantur, v. c. Rosenmuell., ut Ies.

VIII, 14.

10, 26. בְּדֶרֶךְ מִצְרַיִם, eo sensu: *abducentur in Aegyptum* (cf. Eichhorn: „in ein Aegypten sollen sie von neuem kommen“). Alii, ut Drusius: *redibunt in Aegyptum non hostiliter deportaturi, sed patriae suae pastitatem evitaturi*, uli Ier. 43, 4. al. Utrumque nimis artificiose excogitatum.

14. וַיִּשְׁפֹּחַ יִשְׂרָאֵל אֶת־עֲשָׂהָ. Futura cum γ conversivo in prioribus membris vim habent praeteriti s. potius praesentis, in posterioribus praeterita cum eodem γ conversivo vim futuri. Postquam ad *Ephraim* verba fecerat v. 11., nunc ad *Israel* sermonem dirigit, qui quidem idem est, verum nomine mutato. Ad quem etiam copula γ spectare videtur: *Israel quoque*. Significare vult vates omnem gentem Iacobiticam prorsus contemptu Iehovae esse infectam. Ex eadem causa in altero huius versus commate *Judaeorum* fastum reprehendit. Ad fastum Israelitarum in extruendis non tantum altaribus (cf. v. 11.) sed etiam in palatiis aedificandis pertinet oblitio Iehovae. Nisi enim Dei obliti fuissent, minime fiderent arcibus et castellis, sed auxilio Dei toties promisso totque miraculosis eventibus significato. וַיִּבְנֶן הִיבְלֹתָ: *aedificat palatia*, cf. Ies. 13, 22, Prov. 30, 28. Hieron.: *delubra*. Verum si de delubris et templis adhibetur, semper fere ponitur יְהוָה יִבְנֶה. LXX.: *τεμένη*, pr. *Deo sacrati agri*, hinc nonnunquam: *delubra*, quemadmodum Hieron. vertit. Sed etiam *Juda* וַיִּבְנֶן הִיבְנֵה עָרֶיהָ מְצֻרֹת: *auget urbes suas munitas*, itaque particeps fit eiusdem indignationis divinae. Valent haec optime de temporibus Usiae, quō regnante procul dubio haec prophetia scripta est, de quo 2 Chron. 26, 9, 10, 15. *Construxit turres Hierosolymis, easque munit, construxit et turres in solitudine multosque puteos cavavit, fecit et Hierosolymis tormenta artificiosa, quibus per turres et pluteos dispositis tela ingentiaque saxa iacerentur*.

וַיִּשְׁלַחְתִּי אֵשׁ בְּעָרָיִךְ. Copula γ habet h. l. significationem adversativam: *sed ignem immittam*, cf. Am. 1, 4. 7. 10, 2, 2, 5. Ita saepius apud poetas sacros ignes legati divini dicuntur, cf. Ps. 104, 4. Non igitur li-

quet, cur interpretes h. l. imaginem poeticam ita pro-
saice solverint, ut contenderent vatem dicere voluisse:
per hostes s. Assyrios immittam ignem in urbes Israe-
lis. וְאֶכְלָה אֶרְמְנֵיהֶם: qui (scil. ignis, cf. Am. 1, 14.)
devorabit arces eius. Nomen אֶרְמֶן plerumque genere foe-
minino adhibetur, cf. Gesen. ad h. v. Foemininum au-
tem suffixum primos LXX. offendisse videtur, qui pro-
pterea verterunt: καὶ καταφάγεται τὰ θεμέλια αὐτῶν scil.
τῶν πόλεων. Explicanda est haec varietas generis ex
usu poetarum Hebraeorum praesertim Hoseae, nomina
propria populorum promiscue masculino et foeminino
genere adhibendi. *Illud quidem populi respectu, hoc*
vero terrae aut synagogae ratione dicitur. cf. Drusius
ad h. l. Similis varietas generum est Am. 2, 2. 3.
Thren. 2, 5. Hoc l. aptius etiam masculinum בְּעָרֵי per-
tinere videtur ad יְשׁוּרָאֵל, foemininum אֶרְמְנֵיהֶם ad יְהוּדָה.

IX, 1. Pergit nunc vates in reprehensione Israeli-
tarum, magnificentia urbium et sacrorum superbientium.
Addit: *pariter absurdum esse eorum gaudium propter*
abundantiam musti et frumenti, cum a Deo defece-
rint, qui ita in eos animadversurus sit, ut illis suavi-
bus patriae donis non modo haud vescantur, sed in
iam dudum annunciato exilio 8, 13. *inter lacrymas*
panem edant. Noli laetari Israel אֵל-גִּיל: ad exul-
tationem, cf. Iob. 3, 22. Ps. 43, 4. Indicatur vehe-
mens gaudium, cui Israelitae sese commiserint, dum bello
et tumultibus vix peractis in otio degentes felices tem-
porum et messium vices experirentur. LXX. et Hie-
ron. iterum legerunt אֵל גִּיל: μὴ δὲ εὐφραίνου, noli exul-
tare. Chald.: neque exultetis iuxta consuetudinem po-
pulorum. Certe ad sensum utraque lectio idem valet.
Schmidt vertit e loco Dan. 1, 10.: *super similitudine i. e.*
super simulacro s. super vitulis tuis idololatricis, quasi
res optime gesta et Deus tibi propitiussit. בְּעַמִּים:
ut barbari, cf. 7, 8. S. V. Rosenmueller ex Abarba-
nele suadet legi בְּעַמִּים i. e. *cum barbaris,* quod non-
nulli codd. apud de Rossium et Kennicottum habent. Ve-
rum res non tanti est, ut a vulgari codd. et verss. le-
ctione recedamus. כִּי זָנַח מֵעַל אֶלְהֵיהֶם: scortaris con-

IX, 1. 2.

tra Iehovam, i. e. ut 1, 2. al. *idola revereris*. De praepositione composita מֵעַל idem valet quod de מֵאַחֲרֵי 1, 2., מִבֵּין 2, 4., מִתּוֹכָהּ 4, 12., scil. praepositione praefixa מִן contrarium alterius indicari. עַל est *versus, ad*, ergo מֵעַל: *contra*. Latini hanc praepositionum compositionem non habent; sens. est: *nam a Iehova defecisti*. אֲהַבָהּ אֶתְנָן: *diligis mercedem meretriciam*, i. q. אֶתְנָן 2, 14. cf. Deut. 23, 19. Ies. 23, 17. Sens.: *illa mercede delectaris*. Loquitur nimirum vates ex errore impio Israelitarum dona terrestria ab idolis sibi data esse reputantium, quod plane respondet orationi 2, 9. 14. Alii propriam nominis significationem tenentes ita vertunt: *mercedem tuam meretriciam idolis tuis offerre amas in altaribus, quae iuxta aream tuam constituisti*. Verum de talibus altaribus nusquam in SSa aliquid legitur. Israel contra semper pingitur mercedem meretriciam ab idolis exspectans. Denique ita vertendo verbis maxima vis infertur. *Merces illa meretricia עַל כָּל־גִּרְנוֹת דָּגָן*: *super omnibus areis frumenti nil aliud indicat nisi: fruges fertilissimorum agrorum, quibus areae tuae repletae sunt*. Similiter Hieron.: *mercedem fornicationis tuae areas multas et torcularia reputasti, ut rerum omnium abundantia fruaris: ideo area et torcular triticum et vinum non facient. Leginus enim sub Ahabo et Helia famem gravissimam fuisse in Samaria. Eo tempore iuxta literam area et torcular non pavit eos et in egestate tabuerunt*.

2. גִּרְנֵן וְיִקָּב לֹא יִרְעֶם: *area et torcular eos non pascet*. LXX. legerunt יִדְעֶם: ἄλων καὶ ληνὸς οὐκ ἐγνώσθησαν. וְיִתְרֹשׁ יִכְחֹשׁ בָּהּ: *et mustum mentietur in ea* i. e. *in terra Israelitica*, ut nempe referatur ad posterius יִהְיֶה בְּאֶרֶץ יִשְׂרָאֵל cf. Gesen. Lehrgeb. p. 740. Pro eo verius legisse videntur multi codd. ap. de Rossium et Michaellem et verss. LXX. Syr. Chald. et Hieron.: בָּם: *illis* scil. *Israelitis*. *Mentiri autem dicitur mustum, si spem fallit, ut nimirum vino ex eo sperato non fruatur*, cf. Habac. 3, 17. Loca parallela ex Horat. Ep. 1, 7, 87. et Od. 3, 1, 30. attulerunt Liveleius et Grotius, cf.

Kuinoel ad h. l. Quomodo autem area, torcular et mustum spem eorum deceptura sint, sequentia exponunt.

3. *Non enim manebunt in terra Iehovae.* Similis descriptio est Am. 5, 11. אֶרֶץ יְהוָה dicitur Canaan, quam sibi peculium legisse fertur Iehova Deut. 10, 12. Ier. 2, 7. 16, 18. Ez. 36, 20. v. Michael. ad h. l. יָשְׁבוּ a rad. יָשַׁב: *sedebunt, manebunt.* לֹשֶׁב LXX, iterum a rad. יָשַׁב derivant: ἀποβήσονται Ἐφραΐμ Αἴγυπτον. Rectius: *redibit in Aegyptum* (cf. 8, 13.), nimirum ut ibi pristinam servitutem suscipiat, secundum Deut. 28, 68. Alii nimis anxii in inveniendo vaticinio eventu comprobato locum ita vertunt: *revertetur Ephraim auxilia quaesiturus in Aegyptum; sed frustra; nam in captivitatem abrepti in Assyria ob rerum omnium inopiam et ciborum defectum res immundas, a quibus natura humana alioquin abhorret, comedere cogentur*, vid. Schmidt. Alii v. c. Grotius ita veritatem vaticinii vindicant, ut dicant: *si non omnes, tamen multos e decem tribubus ad primum adventum Salmanasseris in Aegyptum se recepisse*, cf. Ies. 11, 11. vid. v. 6.

וְהָיָה כִּי יִשְׁכַּח אֶתְּמִן אֶתְּמִן. Vates nimirum sensit Assyrios tunc temporis magis etiam timendos esse, quam Aegyptios. Illi enim iam iam in patriam terroribus regi populoque iniectis irruerant, dum Aegyptiorum arma silebant. Cum autem Moses Deut. 28, 35. etiam locutus fuisset de gente vobis et maioribus vestris ignota, ad quam abducerentur ut ei servirent in rerum omnium penuria, imposito iugo ferreo eorum cervicibus usque ad interitum, cf. v. 47–50., quid mirum, quod vates illa gente Assyrios indicari suspicatus fuerit? fortasse anceps adhuc utrum ad poenam Israelitis inferendam Assyrii e v. 35, an Aegyptii e v. 68. a Deo sint vocandi, cf. introd. p. 80. Quae porro h. l. breviter dicuntur נֶאֱמָר substantive pr. *sordes, impuritia*, i. e. *cibi lege divina vetiti* (cf. Lev. 11, 17, 4–16. cet.), in illo loco Deut. 28, 53–57., ad quem semper respexisse videtur vates, gravibus coloribus horribili modo pinguntur.

4. *Verum area et torcular non tantum ita spem eorum fallent, ne habeant quo vescantur, sed etiam*

IX, 4.

*ita, ne relictum quidem sit unde Iehovae sacra faci-
ciant. לא יסכו ליהוה יין: non libabunt Deo vinum,*
scil. propter inopiam. Erat genus sacrificiorum, de quo
Gen. 35, 14. Exod. 29, 40. Lev. 23, 13., ubi ad obla-
tiones frugum, מנחה, libamina vini, נסך, adiciebantur.
Libationes istae iuxta modum et rationem in lege Mo-
saica stricte definitae erant, cf. Lund. lüd. Heiligthü-
mer III, 39, 76. cat. Ut igitur utrumque genus sacrifi-
ciorum usitatissimum erat et inter se coniunctum, nimi-
rum נסך: Frankopfer et מנחה: fertum, Speisopfer,
quod posterius, ut vel ab egenis offerretur, e simpli-
cissimis rebus, farina, oleo et thure miscebatur, cf.
Lev. 2, 1., ita et h. l. eorum defectus apte recensetur
ad designandam inopiam, qua post largas messes et vin-
demias nihilominus laboraturi essent. זבחייהם, quae
inter vinum et panem commemorantur et cum decepta
spe arearum et torcularium cohaerent, sine dubio illa
ferta sunt. *Ista autem לא יעריב לו: non dulcia ei
erunt,* scil. quoniam propter inopiam omnium rerum
omnino non offerri poterunt. ערב de sacrificiis Deo
iucundis saepius occurrit, v. c. Ier. 6, 20. Mal. 3, 4.
Describuntur sacrificia in libris Mosis ita, ut vocentur
ריח ניחח ליהוה: odor Iehovae suavis Lev. 1, 17. 2,
9. 3, 5. al., ex quo hanc nostram dictionem aptissime
de sacrificiis adhiberi intelligitur. Coniecturae alioqui
aptissimae, ut יעריב h. l. primariam radicis significa-
tionem exhibeat: *non Deo sacrificia miscebunt,* repu-
gnat, ut Rosenmüller monuit, id, quod ערב nunquam
in prima coniugatione verum unice in Hithpael signifi-
cet: *miscere.* Nonnulli זבחייהם propter accentuatio-
nem ad sequens comma referunt. Verum concinnitas
orationis gravius videtur argumentum, cur ad praece-
dens referamus. Verba in utroque membro ita sonant,
ut vix dubitari possit vatem non tantum rei parallelismum,
sed verborum etiam in animo habuisse: לא יסכו ליהוה יין
et לא יעריב לו זבחייהם. Glass. in Phil. S. sibi con-
tradicit dum p. 625. יעריב ad יין et p. 966. ad זבחייהם
refert.

כֶּלֶם אֲנִים לָהֶם: *est iis ut panis lugentium*, scil. לָהֶם: *panis eorum*. Hebraei amant ellipses vocum, quae facile e voce analoga et correlata eruuntur, cf. Glass. Phil. S. p. 629, 637. *Panis lugentium* vel i. q. *panis lacrymarum* Ps. 80, 6. i. e. *panis quo inter lacrymas et luctus vescuntur*, cf. Ps. 102, 10; 42, 4. et *panis angustiae* 1 Reg. 22, 27.; vel *panis qui mortuos lugentibus offerebatur*. Ii enim non suo pane, sed ab amicis oblato vescebantur, vid. Lund. lüd. Heilighthümer 3, 29, 13. cf. er. 16, 7., in quo iterum inesse videtur notio inopiae, ac si vates dicere voluisset: *non ipsi suum panem edent, sed qui iis ab aliis miseria et luctu exulanti tactis, ut panis lugentibus, offeretur*. Hieron. in commentario addit notionem iniquationis ita: *non est licitum de sacrificiis lugentium comedere, et si comederit, immundum fiet quod licite oblatum est. Lugentium coenas Graeci νεκροδείπνα vocant, et non solum qui obtulerit, sed etiam qui comederit de huiusmodi cibis immundus erit*. Utrumcunque spectaverit vates, semper huiusmodi cibis aliquid abominabile infuisse Israelitis e loco Deut. 26, 14. apparere videtur, quod etiam statim addita verba vatis indicant: *omnes cibi eorum polluti sunt*. Ex omnibus intelligimus hanc descriptionem poeticam miseriae ab Israelitis in poenam fastus ipsorum obeundae esse omni orationi maxime congruam. Plures recentiorum לֶחֶם אֲנִים ad praecedens comma referentes nihilominus iterum illud nomen supplendo repetunt, v. c. Eichhorn: „Auch können ihre Opfer ihm nicht wohlgefallen. Jedes Opfermal war für sie Leichenbrodt.“ Verum nostra ellipsis et sensui vatis, et nexui orationis melius convenire videtur. Diserte enim et antea dixerat *eos vinum libare non posse*, et postea addit *eos panem Deo oblaturus non esse*: לֹא יָבִיא בֵּית יְהוָה. Itaque verbis nostris nil inesse videtur nisi descriptio alimentorum ab illis miseris capiendorum, quae omnino non ad sacrificandum apta forent.

Omnino nil iis erit, quod possint Deo offerre. Quod ita exprimitur: כִּי-לֶחֶם לֹא־יִנְשָׂא. Alii interpretes vocem לֹא־יִנְשָׂא explicant ita ut נָפֶשׁ positum sit pro

IX, 4.

nudo pronomine cf. Ps. 3, 3. 35, 3. Ies. 51, 23. 46, 2. Iob. 9, 21., vel eo significatu ut sit: *sibi ipsis*. i. e. *solitarie*, quemadmodum לֹא 8, 9., vel (ut D. Kimchi): *pro se offerunt*. Verum hinc Israelitarum lacrymae, quod non sufficit panis, nec satis purus futurus erat qui Deo offerretur. Alii ad sequens comma referunt: *pro cupiditate animae eorum non poterit intrare templum Iehovae*. Rectius Schmidt: *est animae eorum* i. e. *in usum eorum animae sustentandae*, cui proximè accedit Grotius: *cibus eorum tantum usibus eorum servire poterit*, item Iarchi ad h. I. Quae est simplicissima vocis לֶנְפֶשׁ explicatio. נֶפֶשׁ enim saepenumero significare *animam*, *principium vitae*, hinc *vitam ipsam*, notissimum est, cf. Gen. 35, 18. 1 Reg. 17, 21. Am. 2, 14. 15. Ita h. I. לֶנְפֶשׁ: *vitae eorum* s. *ad vitam* scil. servandam et sustentandam, quemadmodum nostro ל respondens praep. אֶל in eadem oratione legitur: אֶל-נֶפֶשׁ 1 Reg. 19, 3. et אֶל-נֶפֶשׁ 2 Reg. 7, 7. nec non עַל-נֶפֶשׁ Gen. 19, 17. Ut dictio nostra plenior sit, ex Hebraismo aequè notissimo suppleri debet יְהוָה: *panis ad vitam sustentandam est*, i. e. *panis quem habebunt tantummodo vitae eorum sustentandae sufficiet*, nec restabit unde sacra Iehovae fieri possint. Sic omnia ad descriptionem inopiae gaudia et opulentiam subsequaturae faciunt. לֹא יָבוֹא בֵּית יְהוָה: *non inferetur in domum Iehovae*, i. q. בְּבֵית יְהוָה cf. Am. 2, 8. Vates procul dubio utramque causam complectitur cur cibi non possint in templum Iehovae inferri, et inopiam et inde ortam malam ciborum conditionem. Deo non nisi optima et purissima quaevis dona offerri fas erat Lev. 22. Cum autem tanta inopia laboraturi essent, ut vitae sustentandae causa ad exiguum alimentorum penum, adeo ad impuros cibos confugiendum esset, non iis futurum erat quod Deo offerrent, si vel templum Dei medios inter ipsos esset. Itaque nullo modo exilium, in quo iis templum Dei procul abfuturum esset, tanquam impedimentum sacrificiorum a vate constituitur.

5. Sed venient dies festi, ubi quilibet pius postfor-
 rum Iacobi ad sacrificia properabat Lev. 23. Quid
 tum facient? Verbis **מִן־הַיּוֹם־הַזֶּה** inest emphatica apostro-
 phe ad Israelitas, quibus instantes miseriae manifestissi-
 me ante oculos ponantur. Nam *vos*, dicere vult va-
 tes, *vos estis, qui haec omnia brevi patiemini!* **יִזְכֹּר**
מִן־הַיּוֹם (cf. Num. 10, 10.) *dies statim ubi festa anniversa-*
ria a quolibet patrefamilias et ab universa civitate sa-
cris solemnibus dicata celebrabantur, cf. 2, 13. Iudaei
 et veteres Christiani interpretes *diem vindictae* s. *ex-*
cidii intellexerunt. **יִזְכֹּר ה'**: *gravissima festa cultus*
divini, Paschatis, Pentecostes, tabernaculorum, cf. I. I.
 LXX.: *τί ποιήσετε ἐν ἡμέραις πανηγύρεως καὶ ἐν ἡμέρᾳ εὐεργε-*
τοῦ Κυρίου;

6. *Morte celebrabunt illa festa.* **כִּי־הָיָה** exclamatio dolorem et admirationem indicans. Particulam **כִּי**
 cum exclamatione coniunctam redundare interpretes sta-
 tuunt, cf. Glass. Phil. S. p. 537., quemadmodum Zach.
 3, 8. 9. eodem modo, sine particula **הָיָה** Ios. 2, 24.
 1 Sam. 10, 19. Gesenius in Lex. ad h. v. vim eius
 particulae in interrogationibus respondere contendit
 Gallicis: *est ce que?* Cur non in oratione directa omni-
 no respondeat illis: *c'est que*, quae etiam non tantum
 nexum causalem, sed nexum praecedentium et sequen-
 tium liberiori modo efficiunt? Certe sic multae difficul-
 tates in eius vi constituenda fugient. Hoc l. eodem mo-
 do ut v. 16. significationem obtinet: *cum*, ita propius
 accedens ad 8, 10. Sens.: *cum abierint prae vastatio-*
ne scilicet aedium suarum.

מִשָּׁד pr. prae i. e. *propter vastationem*. Vastatio
 enim causa praedicatur cur *e patria* sint *abitu*ri. Utrum
 autem coacti an sponte *e patria* migraturi sint, vates
 incertum relinquit. Procul dubio quidem illud vaticini-
 um Deut. 28. vi hostili barbarorum impletum iri co-
 gitavit. **מִצְרַיִם תִּקְבְּצֵם**: *Aegyptus colliget eos mortuos*,
 cf. 8, 10. Ez. 29, 5. Eichornii interpretationi: „Ae-
 gypten wird fest sie halten,“ et usus verbi **קִבֵּץ**
 et parallelismus sequentis membri repugnat. Melius

IX, 6.

Boeckel: „Mizraïim setzt sie bei.“ מִצְרַיִם: *Memphis eos sepeliet*: Moph, quae נֶחַל vocatur Ies. 19, 13. Ier. 2, 16., Syris Maphes, Aethiopibus Menuph, Arabibus Misr, Graecis Μέμφις, tunc temporis metropolis Aegypti, aedificata a rege Mene Herod. 2, 15. et 93., quae post antiquiores Thebas et ante recentiorem Alexandriam maxime floruit, in occidentali ripa Nili sita erat ad mediam partem Aegypti pertinens. Erant ibi praestantissima templa Phthais et Serapidis in quibus sacra tauri Apides alebantur, quos Aegypti symbola divini numinis colebant. Ibi vere summi qui eos decebat locum occupaturi erant Israelitae exules, quippe qui mallent inter barbaros vitulos quam Iehovam cum piis patriae civibus colere. Verum non ut secure viverent, sed ut contemti obirent. Istius olim magnificae et splendidissimae urbis nostris temporibus fere ne ruinae quidem supersunt, cf. Bellermand Handb. d. bibl. Litt. 4. p. 152 sq.

Redit nunc vates ad sortem palatiorum, quorum vastationem, נֶחַל, iam antea indicaverat, ut Israelitarum superbiam frangeret, cf. 8, 14. מִדְּמַד לְבָסֶס, nominativus absolutus, quod attinet ad delicias eorum argenteas. מִדְּמַד pr. *desiderium* 1 Reg. 20, 6., hinc: quod desideratur, vasa et supellectiles 2 Chron. 36, 19. Ios. 4, 5. et quidquid omnino magni pretii aestimatur, cf. v. 16. Hoc nostro loco de aedificiis intelligi nexus docet; nam eorum loco spinæ et urticae crescent. Chald.: *domus desiderabilis argenti eorum*. Hieron.: *desiderabile argentum eorum i. e. villae et omnia ornamenta, quae pretio emuntur argenti*. Aedificia autem argentea non ita intelligi debent ac si omnino ex argento confecta fuissent, pariter atque Ps. 45, 9. et Am. 3, 15. eburneae domus non ebore exstructae. Utrumque est: aedificia argento et ebore locupletissime luxuriosissimeque decorata. קִימוֹשׁ יִרְשֶׁם: *carduus s. urtica hereditabit ea, i. e. locum eorum tenebit*. Suffixum plurale indicat quod vates in mente habuit, aedes putat splendoras et argento magnificas. הֵן בְּאֶחָדָהֶם scil. יִרְדוּ: *spinæ in domiciliis eorum i. e. in loco domici-*

IX, 7.
 liorum *erunt* י. e. *succrescent* 10, 8. cf. Ies. 34, 13.
 Prov. 24, 31. Chald. pro *וַיִּמְרָק*: vertit *קַרְסָלִין* *feles*,
ferarum genus. LXX. pessime textum lacerarunt: διὰ
 τοῦτο πορεύονται ἐκ ταλαιπωρίας Αἰγύπτου καὶ ἐκδέξεται αὐ-
 τοὺς Μέμφις καὶ θάψει αὐτοὺς Μάχμας· τὸ ἀργύριον αὐτῶν
 ἄλεθρος κληρονομήσει αὐτό.

7. *Venerunt itaque dies poenarum*. Praeteritum
 propheticum, ubi futura ita pinguntur quasi iam ad-
 sint. *Venerunt dies retributionis*. יָשׁוּ: *retributio*, ut
 nempe acciperent, quae fastus et impietas meruerint.
 יִשְׁרָאֵל, quod aliis locis modo genere masculino, modo
 foeminino adhibetur, h. l. collective cum plurali verbi
 numero compositum: *cives regni Israelitici*. יָדַע non
 modo affectionem animi, sed omnino animadversionem
 rei sensibus incurrentis indicat Gen. 10, 33. Iud. 13, 21.
 יָדַע: *sentient*. Supplendum est vel suffixum ׁ vel
 pronomen יֵמָּה scil. *illos dies vindictae et retributio-*
nis, ut saepius, cf. introd. p. 103.

XIII.

Cap. IX, 7—9.

Fatui sunt prophetae et dementes illi ex in-
 spiratione loquentes propter tot vestra peccata tam-
 que nefarias machinationes. 8. Nunc quaerat
 Ephraim oracula apud Deum meum, prophetae
 eum undique circumdederunt tendiculis, quibus ut
 aucupes eum decipiant. Ita impiae machinatio-
 nes intrant in familiam Dei ipsius. 9. Aequae ab-
 iectos et deperditos se praestiterunt ac tempore
 Gibeae: at memor Iehova eorum impietatis anim-
 advertet in eorum peccata.

IX, 7.

Hoc fragmentum suo loco ponitur, ubi inter ver-
sum octavum et nonum sequentis capituli inseritur. Hoc
loco neque cum praecedentibus neque cum sequentibus
cobaeret. In illis sermo est de superbia Israelitarum,
in his de turpissimo cultu Baal-Peoris. Quod autem
ad fragmentum nostrum attinet, id in se ipso minime
absolutum esse in oculos incurrit. Contra transposi-
tione facta omnia bene se habent. Itaque ad caput
sequens respiciendum est, ut oratio horum trium ver-
sum commode capiatur. Vates enim 10, 1 — 8. tem-
pora calamitosa pinxerat, quibus non deerant, qui ad-
huc felicissimum exitum omnium calamitatum porten-
derent, quos nostro loco increpat. cf. introduct. p. 82.

7. אֵיִל הַקְּבִירָא. Impii idololatrae aequae suos
habebant *prophetas*, cf. Ier. 29, 23. 26. 1 Reg. 18, 19.
2 Reg. 10, 19. Thren. 2, 14. qui vel numine divino af-
flati loqui falso contendebant Mich. 3, 5. 6. 11., vel a
Deo ipso iis immissa errorum inspiratione suos decipie-
bant 1 Reg. 22, 10—13. 19—23. Vates eos merito reii-
cit. *Sunt enim insipientes* et מִשְׁפָּץ. *Insani* ex quadam
exultatione, sed non ex ea, quam Deus iis excitavit,
verum insania et dementia abrepti loquuntur. Vox
eodem sensu occurrit 1 Sam. 21, 16. Ier. 29, 26.
אִישׁ הָרוּחַ: *vir spiritus*, cf. introd. p. 113., qui versa-
tus est in exstaticis illis artibus et exercitationibus, ni-
mirum divinandi. Haec enim ars, sive a veris sive
a falsis prophetis exerceretur, vento s. *afflatui a Deo*
venienti, הָרוּחַ, tribuebatur, cf. 1 Reg. 22, 21. 22.
2 Chron. 18, 20—22. Num. 24, 2. 1 Sam. 10, 6. 10.
19, 20. 23. עַל רֹב עַמֶּיךָ. Sens.: *propter multitudinem*
peccatorum revera evenire non possunt, quae commoda
tibi portendant. Prophetae tibi feliciora tempora an-
nunciant. Verum insaniunt: vel enim non intelligunt,
vel intelligere nolunt ordines salutis, regni civibus pro-
positos, nempe tum felices futuros, cum mihi obediant
Exod. 20, 5. 6. Deut. 6, 1—15. cet. Peccata enim et
scelera tua omnem salutem abs te remonent et ipse ruis
in tuam perniciem. Eodem sensu etiam sequentia verba
וְרֹבַע מִשְׁטָמָה leguntur: propter multitudinem tuarum

refartiarum machinationum scil. *fausta illorum oracula eventu comprobati nequeunt*. Nomen subst. מִשְׁטֵמָה tantummodo in hoc et sequenti versu obvium; ortum est e rad. שָׁטַם: *decipulam ponere*, ad significationem verbi Syriaci, hinc: *infeste aliquem tractare*, vid. Gen. 49, 23. Iob. 16, 9. Quod plerique interpretantur *odium*, id omnino non significationem huius verbi penetrat; mallem: *hostiles machinationes* scil. contra Deum, quoniam omnia peccata rebellio contra Deum habebantur. Non est quod Kuinoel et Boeckel cum aliis יָרֵךְ et מִשְׁטֵמָה ad Deum transferant, illud *de poena*, hoc *de acerbitate calamitatum* Israelitis imponenda explicantes. Non enim de futura sed de praesenti conditione gentis agitur, nostris autem verbis causa adicitur, cur prophetae insani habendi sint. Eichhorn: „Mit deiner Sünden Menge muss Hass und Feindschaft wachsen.“ Hi omnes nostra verba cum praecedentibus ita coniungunt: *ubi venerint dies vindictae, intelliget Israel prophetas suos dementes fuisse*. Verum quomodo postrema verba מִשְׁטֵמָה גַּל- cum prioribus cohaereant, quisque suo modo definit. Kuinoel censet, *e poenis intellectum iri prophetas fuisse dementes*. Boeckel verba יָרֵךְ יָרֵךְ-יָרֵךְ quasi in parenthesi ponit et postrema: „zur schweren Ahndung und als schweres Strafgericht“, amplificationem verborum: *dies visitationis et retributionis* esse censet. Eichhorn eadem postrema verba e nexu cum praecedentibus solvit et sensum in se absolutum iis tribuit. Vides quam ambigua haec omnia sint. Omnis autem ambiguitas abest, ubi novam prophetiam verbis אֵלֶּי inceptis, LXX. et Hieron. verba nostro sensu intellexerunt, sed מִשְׁטֵמָה verterunt: *peritiam* et *amentiam*. Grotius ingeniosius quam verius: *omnia illorum verba nihil aliud quam culpas vestras et odium in bonos accendunt*. Ad damus insuper, nonnullos sic locum nostrum interpretari: *peri prophetae tamquam stulti et vesani abs te contemnuntur propter tua peccata cet.*

8. Interpretes huius versus significationem e longinquo quaesiverunt, quae quidem in promptu esse videtur.

IX, 8.

Vati non tantum sufficit dementiam falsorum prophetarum commemorasse, adeo eorum malitiam incusat. Tantas enim illecebras populo struxerunt, ut reverti ad Deum non posset, etiamsi vellet. **זִוְפָה אֶפְרַיִם עִם־אֱלֹהֵי** est nominativus absolutus, e ratione loquendi vati admodum familiari, *quod attinet ad Ephraimum speculantem cum Deo meo* i. e. *oracula et monita Iehovae quaerentem*, uti **זִוְפָה** occurrit Ez. 3, 17. Hab. 2, 1. Ps. 5, 4. Sens.: *nunc si Ephraim oracula quaerit*, s. concessive: *fac Ephraimum oracula quaerere, non aliunde, nec, ut plerumque, animo a Deo recedente, idolis admoto, sed studio eius monitis attento*. Est igitur elegans usus praepositionis **עִם**, quae etiam aliis locis significat: *apud, penes*, v. c. Ps. 73, 23. cf. Gesen. Lexic. ad h. v., ut indicet probi Ephraimitae studium animo Deo dicato atque cum eo pie coniuncto vaticinia tantum ex eo quaerendi. Pronomen primae personae in **אֱלֹהֵי** facile explicatur ex usu vatis pro lubitu prophetias modo e Dei modo e suo ore proferendi. Est praeterea varians lectio ap. de Rossium **אֱלֹהֵי** quam attulisse sat est. Eandem fere sententiam Drusii et Leveleii reperio, praeterquam quod uterque **זִוְפָה אֶפְרַיִם** *verum esse prophetam Ephraimiticum* statuit, ubi sermonem de *Ephraimitis in universum* esse censeo, et quoniam, ut eorum interpretatio valeret, vati scribendum fuisset **זִוְפָה בְּאֶפְרַיִם** s. **מֵאֶפְרַיִם**, et quoniam imago de laqueis aucupis magis in stolidam plebem (cf. 7, 11.), quam in sapientes Dei prophetas quadrare videtur, qui facile capi non poterant, si autem capiebantur, non veri Dei prophetae erant. Non intelligo, cur S. V. Rosenmüller sententiam Liveleii his verbis improbaverit: *si sententiam hanc vates exprimere voluisset, eum haud dubitamus ita scripsisse: לְזִוְפָה אֶפְרַיִם*, cum, ut plura taceam, in tertio a nostro versu eandem orationis formam habeamus ab eodem Illustrissimo Viro nulla correctione notatam, vid. v. 11. cf. v. 6.

Interpretatio inter recentiores probatissima haec est, ut **עִם** sit: *praeter* et **זִוְפָה**: *auxilium quaerere*,

ita: *Ephraimitae praeter Deum meum alia auxilia spectant*, Dathe. Verum in toto loco sermo non est de auxilio quaerendo, sed de improbitate et vesania falsorum prophetarum. Eichhorn pro עַם-אֱלֹהֵי legisse videtur עַם אֱלֹהֵי. Verum his versionem: „Schauf in die Zukunft ein Prophet für Gottes Volk, für Ephraim,“ non (opinor) excusavit. צָפָה cum accus. est: *aliquem contemplari, explorare*, nullo modo autem: *pro aliquo oracula quaerere*. cf. Prov. 15, 3. 31, 27. LXX.: σκοπὸς Ἐφραΐμ μετὰ Θεοῦ. Hieron.: *speculator Ephraim cum Deo meo propheta*, et commentarius eum extorquet sensum: *Deus principes dedit, ut populum corriperent delinquentem et ad rectam viam retraherent*. Ergo Hieroboam datus est speculator in populo et quasi propheta cum Deo meo. At ille iuxta 5, 1. etiam nunc populi Israel laqueus vocatur eo, quod omnes in laqueos eius corruant i. e. in vitulum aureum. Chald.: *prospicit domus Israel, quo permaneat iis cultus idolorum suorum*.

נָבִיא פַח יָקוֹשׁ עַל-כָּל-דִּרְכָיו: *prophetae scil. illi dementes et fatui, ipsi retia tendunt* 5, 1., *ut eum decipiant et superstitione teneant in omnibus viis eius i. e. undique, ubicunque ad Deum se vertere vult*. מִשְׁטָמָה: *sic rebellio s. inimicitia contra Iehovam intrat in domum Dei ipsius i. e. in familiam et populum Deo sacrum*, cf. 8, 1. Pronomen ה' utrobique pertinet ad Ephraimum. De domo Dei pr. sic dicta, templo aliquo Deo sacro, ut nonnulli interpretes volunt, sermo esse non potest. Nam huiusmodi nonnisi unus fuit יְהוָה בֵּית, nimirum templum Hierosolymitanum, quod procul ab Israelitis absuit et topico et morali sensu. Ceterum non video, cur secundum Boeckelium מִשְׁטָמָה h. l. alium sensum habeat quam v. 7., hunc: „eine Grube in dem Hause Gottes.“ Ita difficultates apud nostrum prophetam sine causa augentur.

9. הָעֲמִיקוּ שָׁחֵת: *profundarunt corruerunt*. Eadem constructio asyndeta, quae 5, 11. cf. Gesen. Lehrgeb. p. 823. i. q. *profunde corruerunt se i. e. pecca-*

IX, 9.
verunt. Hieron.: *atrociter peccant.* נִחְשְׁתִּים pr. *corrumpere*, saepius habet significationem intransitivam: *se corrumpere*, nimirum peccando Exod. 32, 7. Deut. 9, 12. Sensus: *aeque abiectos et deperditos se praestiterunt ac temporibus Gibeae*, scil. non falsi prophetae qui v. 7. et 8. numero singulari leguntur, sed impii Israelitae antea, nimirum 10, 8. commemorati. Vati tales saltus ab altero orationis subiecto ad alterum non displicere scimus. Historia Iud. 19. et 20. refert: virum quendam Levitam cum concubina ingressum esse Gibeam oppidum Beniaminitarum ut pernoctaret eumque ibi hospitem abductam esse in domum Ephraimitae cuiusdam in eodem oppido degentis; quod cum oppidani animadvertissent obsessa domo hospitis homines illos perditos ostia ita pulsasse et tantopere clamitasse ut postremo Levita concubinam illis stuprandam committere cogeretur, oppidanos autem mulierem istam per totam noctem constupratam et ludibrio habitam, sub ortum aurorae exanimatam reliquisse; hoc quidem facinus non tantum Gibeatitibus, sed toti tribui Beniaminiticae Gibeatitas defendenti ita in detrimentum versum esse, ut bello a reliquis tribubus Beniaminitis illato tribus Beniaminitica fere extirparetur. LXX.: ἐφθάρισαν κατὰ τὰς ἡμέρας τοῦ βουνοῦ. Verterunt ita nomen proprium בְּכֵה in appellativum βουνό i. e. *collis*. Intellegitur ex hac comparatione a vate prolata, quam deperditi mores Israelitarum tunc temporis fuerint. De tertio comparationis Schmidt; alii, ait, *id in nefaria libidine et immiseriordia, nos in pertinacia adversationis ponimus, quod sicut Gibeonitae et Beniaminitae pertinaciter adversati sunt reliquis tribubus ad meliorem mentem et pacem eos revocantibus, ut tandem bellum contra ipsos necessarium fuerit, et dominus non potuerit eos non visitare, sic Israelitae horumque prophetae Hoseae temporibus in istis peccatis suis ita obdurati fuerunt, ut nullis prophetarum concionibus revocari potuerint et Iehova eos visitare coactus fuerit, ut sequitur.* Verum dubito, an vates de tam accurata specie criminum utriusque temporis cogitaverit. Notio generalis haec mihi inesse videtur: *Vos estis aequae deperditi et poena digni, atque illi.* Quodsi, ut opinor, hoc nostrum fragmentum ad

10, 8. pertinet, insuper causa, cur Gibeatitarum mentio fiat, deprehenditur ingenio vatis aptissima, nimirum paronomasia vocum גִּבְעָתוֹת 10, 8. et גִּבְעָה h. l. et 10, 9. cf. introd. p. 122.

Quae sequuntur: *memor* scil. Iehova *eorum impietatis animadvertet in eorum peccata*, iisdem verbis legimus 8, 13. Notanda est tantum copula וְ, qua nonnulli codd. ap. de Rossium posterius membrum cum praecedente coniungunt: *nunc recordabitur Iehova*.

XIV.

Cap. IX, 10—17.

Ut uvae in deserto inveni Israellem, ut praecoces in fico primitias vidi patres vestros. Verum simulac venerant ad Baal-Peorem, pudendo idolo addicti aequae abominabiles fiebant atque illa idola ab iis adamata. 11. Quod nunc ad Ephraimum attinet, velut avis gloria eorum avolabit a partu, ab utero et a conceptu. 12. Cum autem forte filios suos educaverint, eorum sobolem auferam, ne ad proveciorem aetatem perveniat. Vaeh enim, vaeh illis, a quibus discessero. 13. Ut postea vidi Ephraimiticam gentem dilatatis finibus usque ad Tyrum pulchris et amoenis domiciliis plantatam, ita eandem vidi educere filios ad necem. 14. Da iis Iehova, quod ipsa sibi datura est; da iis uterum liberorum expertem et ubera lacte destituta. 15. Iniquitas eorum completa est Gilgale. Ibi enim mihi detestabiles facti sunt propter grandia ipsorum facinora. Expellam eos e domo mea nec

IX, 10.

amplius eos diligam. Omnes eorum principes refractarii sunt. 16. Funditus percussus est Ephraim. Iam radix eorum exarescet, fructumque nullum ferent. Vel cum liberos genuerint, desideratissimam eorum sobolem morti dabo. 17. Contemnit eos Deus meus, quoniam non attendunt eius monitis, et neglecti circumvagabuntur inter barbaros.

Habemus novam eamque integram orationem; quae ad turpissimum idololatriae genus spectat, quod et in veneris voluptatibus et in liberorum immolatione versabatur. De illis iam 4, 11-14. sermo fuit, in hanc nunc primum invehitur. Prophetæ subinde huius sceleratae consuetudinis mentionem faciunt. A nostro autem vate h. l. vere poetice et elegantissima increpatione corripitur cf. introd. p. 82 sq. Quamquam plures interpretes h. l. novam prophetiam incipiunt, v. c. Dathe, Boeckel, tamen id momentum orationis ab iis ita plane neglectum est, ut de multis aliis cogitarent, neque tamen de illis nefandis infantium mactationibus. Chaldaeus interpres primus viam stravit ad hunc ut videtur unice verum vatis sensum inveniendum, quam nuperrime Eichhorn ingressus est v. 13. 14.

10. Incipit vates eo, ut describat laetam conditionem, qua ab initio gens Iacobitica gavisa fuerit. *Velut uvas in deserto inveni gentem.* יִשְׂרָאֵל h. l. non tantum 10 tribus, ut alias fere semper, sed omnes posteri Iacobi, patres olim Deo accepti. בְּמִדְבַּר מִצְרַיִם יִשְׂרָאֵל. Similis locutio Deut. 32, 10. indicat parvula eorum initia, unde Deo iuvante maxima natio excreverunt. Deus invenit eos *velut uvas*, כַּעֲנַבִּים. Elegans imago. *Ut in siticulosis et sterilibus regionibus uvae rarissimae sunt, quae ubi inveniuntur, viatori recreationem et voluptatem parant, ita inter homines gentiles a vero cultu Dei ad idololatriam regressos una tantum familia a Deo*

inveniebatur pia adhuc et fidelis. כְּכִמְרָה בְּרֵאמָה בְּרֵאשִׁיתָהּ. pr. quasi praecocem fructum ficus in primitiis eius (i. e. quasi praecoces in fico primitias) vidi patres vestros. Ficuum quae in Palaestina maturescunt deliciae a pluribus itinera sua describentibus uno tenore laudantur cf. Kuinoel ad h. l. Drusius e Lucilio ap. Nonnium locum adfert: „Sicuti cum primos ficus propalam recentes Protulit et pretio ingenti dat primitus paucos.“ Pingit igitur hac imagine vates praestantiam pietatis, qua primi patres Israelitarum Deo placuerint. Sens.: *delectatus sum patribus vestris aequae atque sitiens viator delectatur uvis inopinato inventis et ficis praecocibus.* Itaque vox בְּמִדְבָּר non ad fatalem gentis peregrinationem nos ablegat, sed omnino ad imaginem pertinet.

הֵמָּה: illi, δειτηνῶς, non patres sed degenerati filii. בָּאָה בְּעַל-פְּעֹר. בָּאָה i. q. לְבָעַל cf. v. 4, 2, 16. al. In historia peregrinationis per desertum variorum generum Baalium primus nominatur *Baal-Peor*, qui peregrinantibus innotuerit cum ad Moabitas et Midianitas pervenissent. Lascivus et libidinosus eius cultus ita illis placuit, ut vel gravissimis poenis ab eo averti non possent, cf. Num. 25. Narrant Baal-Peorem monstruosum fuisse simulacrum, ut Latinorum Priapum, deformibus membris et turpitudine corporis signatum. cf. Drusius ad h. l. Colebatur turpissimis voluptatibus 4, 13. 14. Num. 25, 6—8., obscoenis gestibus et consuetudinibus (vid. loca ap. Seldenum de Dis Syris Synt. I. c. 5. laudata), immolatione infantium (Ps. 106, 28. 37. 38. cf. infra v. 13). Ob tantam proterviam cultus et turpitudinem speciei vocatur etiam בִּשְׁת: *pudor, dedecus, pudendum simulacrum*, cf. Ier. 3, 24. 11, 13. וַיִּסְּרוּ לְבִשְׁת: *separarunt se ad illud obscoenum simulacrum.* וַיִּסְּרוּ לְבִשְׁת: innuit simul separationem a cultu veri Dei et clandestina scelera, quae in impio illorum idolorum cultu committebantur, ut פָּרָד 4, 14. et כָּר 4, 18. וַיִּסְּרוּ שְׁקֻצֵּיהֶם: *et fuerunt abominationes.* Iterum abstractum pro concreto, ut גִּזְזִין 5, 5., מִדְּמָה 9, 6. et in hoc ipso versu בִּשְׁת, significat: *abominabiles.* Hoc quoque fuit nomen appellativum idolorum 1 Reg. 11, 5.

IX, 11.

2 Reg. 23, 13. כְּאַהֲבָהּ: *ut amores eorum*. Infin. loco substantivi. Est autem nostro vati usitatissimum cum illicito amore cultum idolorum comparare, cf. 2, 7. 9. 12. 15. al. Iterum ponitur abstractum pro concreto: *amores i. e. res amoris s. quae ab iis amantur*. Hieron.: *facti sunt abominabiles sicut ea, quae dilexerunt*. LXX.: καὶ ἐγένοντο οἱ ἐβδελυγμένοι ὡς οἱ ἡγαπημένοι.

11. Omnes figurae inde ab hoc commate adhibitae aptissime spectant ad illud dedecoris genus, quod maxime vates in animo habuit, nimirum ad flagitia cultum Baal-Peoris contaminantia, venereas libidines et immolationes infantium. Utramque insaniam increpatione nostra complectitur cf. introduct. p. 82. Nam et sacratae voluptates, et cum illis coniunctae sobolis maculationes prole eam gentem privarunt, cuius vis in maxima copia posterorum cernebatur. Illae enim corpora enervarunt, hae saevo actu carissima thalami dona e medio sustulerunt. Cum igitur depravatio populi ad tantam insaniam versa esset, ut ipsam gloriam et florem posterorum abiicerent, minatur vates: *Deum ita eorum nequitiam puniturum esse, ut omnino filiis priventur*. אַפְרַיִם, iterum nominativus absolutus. Quod enim antea dixerat de posteris Iacobi in universum, id nunc in specie ad cives 10 tribuum eidem aequae obscoenae atque crudeli superstitioni prae ceteris deditos dirigit, cf. 2 Reg. 17, 17. Non autem omittendum est, vatem saepius ita orationis fervore abripi, ut paucis tantum verbis ea significet, quae quomodo cum subtili orationis tenore cohaereant, strenua tantum contemplatione omnium imaginum recte capi potest. *Ceu avis eorum gloria avolabit*. כְּבוֹד: *honor, praestantia*, ad omnes res quae laude dignae sunt refertur. Sic Ies. 10, 18. כְּבוֹד יֵצֵר, 60, 13. כְּבוֹד הִלְבִּינוּן. Quae gloria h. l. intelligatur sequentia docent. Avolabit enim מִקֶּדָּה: *a pariendo*, cf. 2 Reg. 19, 3. Ies. 37, 3., infin. absol., i. q. *a partu s. a liberis dum partu eduntur*, מִבֶּטֶן: *ab utero gravido*, cf. Iob. 3, 11., מִהֲרִיוֹן: *a conceptu*, cf. Ruth. 4, 14. Sens.: *et miseros et moribundos liberos procreabunt, et spes sobolis destruetur in utero matris, adeo inter conceptum ipsum*. Recentiores interpretes

praepositioni מִן in מִלְכָּה cet. vim negativam: *ne sit*, in-
esse statuerunt, v. c. de Wette: „Ephraims Volks-
menge wie ein Vogel fliegt sie dahin. Kei-
ne Geburt, keine Schwangerschaft, keine
Empfängniss ist mehr.“ Eichhorn ingeniose monet
in nomine מִלְכָּה elegantem esse significationem ferti-
lilitatis (von Fruchtbarkeit benannt), quam ipsi
sua culpa sustulissent. Copia liberorum inter posteros
Iacobi quasi fons salutis publicae habebatur. Cum enim
Deus saepius praedixisset: *sobolem iis fore quasi stellas
coeli et quasi arenam maris*, cf. 2, 1. Gen. 22, 17.
28, 14. 32, 13., cum omni permixtione cum barbaris
gentibus interdicti essent Deut. 7, 2. 3., cum denique
semper iis conflictandum esset cum hostibus: vis et gloria
rei publicae minime consistere poterat nisi aucto in
dies liberorum numero. Hinc apparet *gloriam eorum
avolaturam esse gloriam puerperii, ne ultra ex iis gi-
gnerentur liberi uvis in deserto et primitiis sicuum* v.
10. *pares*. Hieronymus hunc locum suo more de abdu-
ctione in captivitatem adeo Babylonicam intelligit. Si,
inquit, *legitur: Ephraim quasi avis avolat, vates
avem appellavit, ut velocem in Babyloniam transitum
demonstraret. Sin autem legerimus: quasi avis avola-
vit gloria eorum, hoc dicimus, quod Deus ab iis re-
cesserit et avolaverit auxilium*. LXX.: Ἐφραὶμ ὡς ὄρνις
ἐξεπετάσθη, αἱ δὲ ξυμεν αὐτῶν ἐκ τούτων καὶ ὠδίνων καὶ συλλήψεων.

12. מִן פִּי i. q. v. 6. 16. פִּי: *cum autem*, quod
vulgo vertunt: *licet* מִן פִּי אֶת־בְּנֵיהֶם: *educaverint fi-
lios* 2 Reg. 10, 6. Ies. 1, 2. 49, 21. 51, 18. וְשָׁכַלְתִּים:
sobolem eorum auferam. Frequens significatio radicis וְשָׁכַל
est: *liberis orbare*, cf. Gen. 27, 45. 43, 14. hinc Piel:
facere ut liberis orbat sint, liberos auferre 1 Sam. 15, 33.
Ez. 5, 17. 14, 15. Deut. 32, 25. מִן אֶת־ i. q. מִן אֶת־:
ne homo fiat, i. e. *antequam ad virilem aetatem perve-
nerit*. Quamquam enim מִן אֶת־ ut Drusius et Liveleius
bene commemorant, de cuiuslibet aetatis hominibus oc-
currit, tamen h. l. cum aperte opponatur impuberibus
liberis, nil aliud indicare videtur nisi: *homines ad vi-
rilem aetatem profectos*. Ita Chald.: *orbos eos faciam*

IX, 12. 13.

ne evadant viri, Kimchi: *non venient ad tempus quo appellantur homines*, item E. Esra. Alii secundum LXX.: ἀτεκνωθήσονται ἐξ ἀνδράπων, i. e. *sine filiis inter homines erunt*. Grotius: *orbos eos faciam inter homines, liberi eorum in loca Assyrii imperii abducentur*, quae est nimirum acuta interpretatio. Simplicius Eichhorn: „dass es an Menschen fehle.“ Verum hae explicationes quamquam usitatam significationem verbi כְּנָנִי vindicant, tamen a scopo vatis recedere videntur, qui omnes gradus et temporis rationes, quibus parentes liberis orbandi essent, describere voluit. Schmidt, ut vatem a culpa liberaret praedictae scilicet rei eventu non comprobatae, *non universalis*, addit, *sed particularis haec poena est, alioquin enim ipsis nulla proles tempore Christi superfuisset, quae tamen omnino superfuit*.

Nunc locum communem addit. *Vae enim iis a quibus discessero!* Simplicissima est explicatio, cuius auctor Chald. est: *vae iis, cum sustulero maiestatem meam ab iis*, et Hieron.: *cum recessero ab iis*, ut כְּנָנִי sit i. q. כְּסָנִי (quod etiam nonnulli codd. habent ap. de Rossium et Michaellem), cum haec mutatio utriusque consonantis in libris sacris obvia sit cf. 2 Sam. 18, 9. cf. Is. 4, 7. et 2 Reg. 11, 8. cf. Iob. 10, 22., et verbum כָּן saepissime hoc sensu occurrat cf. 1 Sam. 16, 14. 18, 12. 28, 16. cf. Michaelis ad h. l. Praeterea est significatio verbi כְּנָנִי: *imperium exercere* Iud. 9, 22. quae Gussetio placuit, ita: *me severum in eos imperium et dominium exercente*, et Syro: *si ultionem sumturus sum ab iis*. LXX.: ἀγξ μου ἐξ αὐτῶν, ac si scriptum esset כְּנָנִי, quos praeferente Hieronymo Theodotion secutus est. Unde Raimundus et Nicol. de Lyra mysterium incarnationis Christi exsculperunt, vid. Michaellem ad h. l.

13. Procedit vates cum Israelitis e deserto ad tempora diu exspectata dum secure degerent in terra promissa. In deserto impios mores barbarorum degustaverant, at monitis Mosis coërciti amoribus perversis indulgere non poterant. Nunc progressi ad cultiores nationes, videlicet Tyrios et Phoenices, quibuscum re-

ges ipsi foedera icerant, in securis et pulchris aedibus eorum superstitionem receperunt, non amplius moniti a ducibus et principibus, adeo ab iis invitati, quippe qui ipsi refractarii essent v. 15. **אֶפְרַיִם** h. l. accusativus. **כַּאֲשֶׁר רָאִיתִי**: quemadmodum vidi Ephraimum. Elegantissime hoc **רָאִיתִי** ad illud v. 10. respicit, discrimina temporum indicans. **לְצֹר**: usque ad Tyrum. Sic enim Hebraicis terminis auditur altera metropolis regni Phoenicum, (prima Sidon fuit), ad mare mediterraneum sita, incluta divitiis reipublicae, magnificentia aedificiorum, luxuria et mollitie incolarum, artibus et mercatura ibi florentibus Zach. 9, 3. Ies. 23. Usque ad has Phoenicum regiones dilatatos fuisse fines Iacobiticae gentis videmus e Ios. 19, 28. 29. Cum eorum rege Hiram Davidem amicitiam iniit conducturus ab eo fabros et architectos ad exstruenda palatia 2 Sam. 5, 11. Idem rex Salomonem invitavit ad naves emittendas, quibus immensa auri copia reportata est 1 Reg. 9, 27. 28. 10, 11. Ex quo commercio cum gentili illa natione opulentia et magnificentia regnum Davidis, potissimum Salomonis intravit, verum etiam idololatria et depravatio morum 1 Reg. 11, 5. cf. 2 Reg. 23, 13. Hinc vocatur Ephraim: *finibus dilatatis usque ad Tyrum* **לְצֹר שְׂתוּלָה**, pr. versus Tyrum s. in regione Tyri plantata. In **שְׂתוּלָה** inest orationis elegantia ad v. 10. spectans. Non amplius Ephraim velut uvae et praecoces fructus in deserto erat dispersa, sed in terra abundantiae non **יֹשְׁבָה**: habitans, sed **שְׂתוּלָה**: plantata, ut amoenissimos fructus omnis generis ferret. Quam elegantiam Eichhorn non assecutus est versione: „wie jenes dicht bebaute Tyrus, so seh' ich Ephraim.“ **בְּנֶהָ**: amoenis et pulchris domiciliis, quae nempe a Tyriis et Phoenicibus exstruere potissimum edocti erant. **נֶהָ** enim originem duxit a rad. **נָהָה** Exod. 15, 2. et **נָהָה**: pulchrum esse Cant. 1, 10. Ies. 52, 7. quae Rabbiniis frequentissima est, et in SSis quadrilitera occurrit **נָהָה** Ps. 93, 5. Prov. 17, 7. Hinc **נָהָה** et e contractione **נֶהָ**: locus amoenus et iucundus in quo commorari dulce est, **נָהָה** non tantum domicilia,

IX, 13.

sed etiam: *laeta pascua* Joel. 2, 22. Am. I, 2. Ut autem Arab. *نابى* et *نوبى* alternative et *pulchrum* esse et *habitare* significant, ita Hebr. *נָבָה* utramque significationem obtinuit, cf. Gesen. ad h. v. Temporibus priorum regum Israeliticorum Syri perpetuis irruptionibus regiones illas Phoenicibus finitimas acie occupaverant maxime belli studioso Hasaele rege Syrorum 2 Reg. 9, 14. 15. 10, 32. 33. 12, 18. Verum rebus per Ierobeamum II. restitutis, qui omnes terras a barbaris imperio ereptas usque ad Damascum, Hemath et mare mediterraneum bello receperat 2 Reg. 14, 25. 28., novum commercium cum Tyriis initum est, tam dulce et utile Israelitis quam perniciosum eorum moribus. Fortasse ad hanc meliorem vicem respicit sigillatim vates, dum h. l. certe ad sensum nuncupat: *ut vidi Ephraimum commercio cum splendidissima urbe Tyro ad magnificentiam et luxuriam propectum, ita etiam vidi eum educere filios ad occisorem.* Hoc enim significat posterius huius versus membrum. Copula *ו* coniungit alterum membrum cum priori. *כַּאֲשֶׁר -- וְ* quemadmodum -- ita, *וְהָיָה אֵל-הוּיָהּ בְּנֵי*: ita vidi eundem Ephraimum filios suos educere ad occisorem. Verbum *וְהָיָה* e priori commate iterum supplendum est. Praefixum *ל* ante infinitivum saepe redundat, praesertim si verbum finitum suppleri debet, cf. Glass. Phil. S. p. 593. Quaeritur de quanam educatione et occisione sermo sit. Cum vates in omni particula iis dictionibus loquatur, quae insanam et superstitiosam crudelitatem obscoenis idolis liberos sacrificio prostituendi indicant, simplex est explicatio *וְהָיָה* esse: *ducere ad sacrificium* et *הוּיָהּ*: *sacratum mactatorem* illud pessimum sacrificium perficientem. Quod autem vates non formula solemni de mactandis sacrificiis *וְהָיָה* usus est, id neminem offendere potest. Est enim convenientissimum sententiosae loquendi rationi vatis nostri, de re contumeliosâ contumeliosa verba adhibere. Fuisse autem Phoenices inter eos, qui homines deastris immolarent notissimum est, quippe qui tam furibunda superstitione in suos saevirent, ut adeo Carthaginienses, qui Phoenicum colonia erant, clade ab Agathiole accepta ad placandos Deos 200 nobis

lium filios super altaribus immolarent. vid. Alexander ab Alexandro geneal. dier. 1. 6. c. 26. Lund. Jüd. Heiligthümer 1. 3. c. 34. p. 563. cf. Iustin. Histor. 18; 6. Selden de Dis Syris Synt. I. c. 6, 181 sq. Rosenmüller altes und neues Morgenland II, 205. 206. Ita iam Chald. sensum nostri versus excepit: *peccaverunt illi de domo Ephraimitica occidendo in cultum idolorum filios suos.*

Plerique interpretes in hoc posteriori commate oraculum quaerunt, ita: *quod attinet ad Ephraim, futurum est ut educantur liberi eius ad hostem, ut ab eo occidantur, s. cum Dathio: idem Ephraim cogetur filios suos necandos hostibus educere, scil. ut Kuinoel addit: in acie et proeliis committendis.* Sed simplicitas orationis non permittit ut iam in hoc versu vaticinium quaeramus. Exhibitum demum est versu sequenti. Hoc nostro tantum de eo sermo est, quod vidit vates s. Deus. Hieron. locum metaphorice intelligit: *tam pulcher erat et sic Dei vallabatur auxilio, ut Tyrus mari cingitur, vel certe ut scopulus durissimus, qui fixus in terra omnes contemnit procillas et de turbinibus et ventis non curat. Ipse autem i. e. Ephraim s. Tyrus, quae erat fundata in maris pulchritudine, ad captivitatem educet filios suos.* LXX. corruptissimam lectionem exhibuerunt: Ἐφρ. ὃν τρέπον εἶδον εἰς θῆραν παρέστησαν τὰ τέκνα αὐτῶν, καὶ Ἐφραὶμ τοῦ ἐξαγαγεῖν εἰς ἀποκέντησιν τὰ τέκνα αὐτοῦ: *Ephraim, sicut vidi, in venationem s. in captionem praebeuit filios suos et Ephraim ut educeret ad interfectionem filios suos.* Legerunt pro לְצוּר — בְּיָהֶם et pro בְּיָהֶם — בְּיָהֶם.

14. Accedit nunc vates, descriptione depravatorum morum e commercio cum Tyriis ortorum prolata, ad minas perniciiei inde oriundae. Tanta est enim indignatio eius, ut ipse Deum invocet, ne impunes e tantis sceleribus evadant. הֵן-לָהֶם יְהוָה: *da iis Iehova!* מִה-תִּתֵּן scil. לָהֶם: *quod sibi datura est, scil. Ephraim, quae in praecedenti versu etiam foeminino genere signata legebatur.* תִּתֵּן ex hac nostra interpretatione est 3. foemin. fut. Sequuntur nunc quae sibi datura erat,

IX, 14.

et quæ, ut ei det, vates tanto magis Deum invocat. *וְיִשְׂרָאֵל בְּיָמָיו*: *uterum liberis orbatum*. *וְיִשְׂרָאֵל בְּיָמָיו*: *et ubera lacte carentia*. Significaverant enim Israelitæ et voluptatibus et insana proclivitate liberos immolandi se liberos habere nolle. Nisi enim naturæ impetum penitus in animis destruxissent liberosque adamare desivissent, et castitatem thalami servarent et parentes innocentium liberorum misereretur. Sens.: *cum igitur Ephraim liberis destituta esse velit, concede ut votorum compos fiat: fac uterum sterilem, quo minus liberos gignat, et mammas siccas, quominus liberos alere possint*. Eâ quidem diligentia qua nos solemus usum generis et numeri non retinuit. Verum quocunque modo verba eius explicantur, generis usus mixtus restat: initio v. 13. habemus foemininum, deinde masculinum singularis, v. 14. masculinum pluralis. Tales saltus interpretem Hoseæ ab indagando sensu dissertationum eius haud abstertere debent, cum qualibet pagina occurrant. Id constat, ubi vates loquitur de natione in genere, eum uti modo masculino, modo foeminino singularis, prout orationis pondus alterutrum postulat, si autem de individuis vel civibus imperii, semper adhibere masculinum plurale. Hoc l. si in verbis *מִה - תֵּתֵן* nationem in universum spectavit, ex sua loquendi ratione foeminino non uti non potuit, quia omnes enunciationes de foeminis tantum valent, quamquam repente ad individua regni prosiluit. Usus particulae *מִה* nostrae explicationi non repugnat. Habuimus iam particulam, quæ alias interrogative, occurrit, relative positam *מִי - מִי* 8, 5. et habebimus *מִי* eadem significatione 14, 10. Eodem modo h. l. *מִה*. Ubi autem particula interrogationis hac significatione occurrit, quemadmodum *מִה* hoc nostro loco, Iud. 9, 48. 2 Sam. 18, 22. 23. 29., omissum videtur relativum *אֲשֶׁר*, quod voci *מִי* diserte additum est Exod. 32, 33. 2 Sam. 20, 11. et ad vocem *מִה* in seriori libro Coheleth formula *מִה - שֶׁ* indicatur Cohel. 1, 9. 3, 15. 6, 10., unde particulae interrogationis proprie vis demonstrativi inhaesisse videtur secundum usum Arabicum et Aramaeum, de quo docte Gesenius Lehr-

geb. p. 754. Plures etiam interpretes praeunte Syro מִהָ h. l. relative acceperunt, ita tamen ut מִהָ secundam masculini esse putarent: *id quod daturus es*, cf. Drusius ad h. l. Plerique autem usitatissimam particulae significationem vindicarunt, ut vates se ipsum interrupuisse interrogando et quasi haesitasse videatur: *quid dabis iis?* Verum iterum in partes abeunt; alii praeunte Hieronymo statuunt vota prophetae: *da iis vulvam sterilem cet. ad poenam eorum spectare, ne habeant causas superbiae, ut in quo gloriari soleant, in eo confundantur.* Dathe contra: *sunt verba, ait, prophetae ex amore erga populares suos optantis, ut steriles potius sint Israelitiae foeminae, quam ut liberi ab iis nati et educati ab hostibus interficiantur.* Qua quidem haesitantia orationis nil frigidius cogitari potest, in poeta tam fervidi ingenii, vid. Eichhorn: „Lass ihnen o Iehova werden! — Was sollst du ihnen werden lassen? — Lass ihnen einen unfruchtbaren Mutterschooss, lass ihnen welche Brüste werden.“

15. Loquitur rursus Iehova quasi respondens vati: *cognita mihi est eorum impietas, detestabiles mihi facti sunt, expellam eos e domo mea, principes refractarii sunt, iam percussus est Ephraim, radix eorum exarescit, nullum fructum ferent, delicias partus eorum morti dabo.* Quis est qui brevissimis et sententiosis his enuntiationibus vim et ardorem poetae non intelligat, cuius animus repletus est pietate et amore patriae?

כָּל־רָעָתָם בְּגִלְגַּל: *consummatio eorum impietatum est Gilgale.* Legimus iam 4, 15. Gilgalem commemoratam fuisse in locis idololatriae dicatis, nimirum idololatriae Phoenicum, Ammonitarum, Moabitarum. Cultui Apidis Aegyptiaci Dan et Bethel a Ierobeamo sacrae erant. At Salomoni iam placuit illis quoque obscoenis et pessimis idololatriae generibus prope Hierosolymani sacra instituere I Reg. II, 5—7. Quae cum post infamam separationem utriusque regni in partibus Iudae et Beniaminis essent, sensim regnantibus impiis regibus 10 tribuum, maxime temporibus Ahabi, alia loca prodibant sacris Baalis dicata. Gilgal et propter amoenita-

IX, 15.

tem situs et propter memoriam gravissimarum rerum ibi gestarum, adeo propter viciniam Hierosolymae e splendidissimis fuit, cf. 4, 15. Huc nimirum facinora vallis Hinnomi regibus Iudae subiectae, ubi (cf. 2 Chron. 28, 3.) liberi immolabantur, transmigraverant.

כִּי-שָׂם שְׂנֵאתָיו: *nam ibi odio eos persequor*, i. e. *ibi mihi detestabiles facti sunt*. Non enim Deus modo tamdiu eos odit, quamdiu Gilgale versabantur, sed commoratio eorum impia in isto loco causa fuit, cur eos semper oderit. Verba ipsa docent id cogitari non posse quod Hieronymus voluit, nimirum Sauli unctionem regis, quae Gilgale acta sit I Sam. II, 14. 15. **עַל רֵעַ מֵעַלְלֵיהֶם מִבֵּיתִי אֶגְרֹשֵׁם**: *propter grandia eorum facinora expellam eos e domo mea*. **בֵּית יְהוָה** quid sit, nimirum terra sacra quae quasi peculiare Dei domicilium esse existimabatur, saepius iam vidimus, cf. v. 8. 8, 1., et h. l. eam intelligi e v. 17. apparet, ubi nostrum comma his verbis repetitur: *circumpagabuntur inter gentes*, nimirum eiecti e patrio domicilio. Eiici e terra sacra fuit summa calamitas, quae genti Iacobiticae accidere poterat, cuius omnis salus et gloria harum felicium regionum possessione nitebatur, cf. Dent 28, 63. 64. Omnes autem prophetae orationes sunt poeticae, non ad certum aliquod Israelitarum factum nos ducentes, ex eodem fonte ortae, e quo minae 8, 13. 9, 3. 6. **לֹא אֶחֱבֹתָם אֶהְבֵּתָם**: *non addam eorum amorem* i. e. *amorem meum erga eos*. Usus pronomini ap. Hebraeos ita simplex est, ut tantum e contextu definiri possit, utrum ad subiectum an ad obiectum referenda sint, utrum significatio eorum sit activa an passiva. Verbum **יָסַת** usitato modo s. cum verbo finito 1, 6. s. cum infinitivo coniungitur, ut adverbialiter repetitionem alicuius rei indicet. Hoc l. inusitato modo cum substantivo eodem sensu coniungitur: *non amplius eos amabo*. Ceterum aptissima est Lackemacheri observatio, ap. Rosenmuellerum ad h. l., vatem respexisse h. l. ipsi bene notam imaginem coniugii, de qua 2, 5 — 15. *Tulit enim Hebraeorum consuetudo, ut foemina, quam uxorem amplius nollent agnoscere, e domo mariti abigeretur, unde ei nomen בֵּיתָהּ inhaere-*

bat. Quando igitur Deus Israeli expulsionem e domo sua minatur, sane divortium minitatur per metonymiam quandam. Sequentes versus significationem huius imaginis confirmant, ubi scilicet vates Deum Israelitis amorem ultra denegaturum fore itidem denuntiat.

כָּל־שָׂרֵיָהֶם סוֹרְרִים. Breve additamentum, sed ut omnia verba vatis grandioris argumenti; incusat enim principes culpae depravationis, qua populus laborabat, cf. introd. p. 28. 29. Iehova res per Ierobeamum II. restituerat. Itaque a rege isto eiusque successoribus cultus Iehovae debitus restituendus fuerat, ut populo et reipublicae bene consulereetur. Quod si principes, tutores et consiliatores populi, non curarent, quis tandem erat qui ad idololatriam proclivem eius animum in melius converteret? Sed tantum abfuit, ut officii memores essent, ut Ierobeam sacra idolorum aleret. Quin eius successores, principes rebelles imperium usurpantes, bella excitantes et sanguine se maculantes, ut plebem ad facinora sibi conciliarent, libidinibus et superstitionibus eius ipso suo exemplo indulserunt. Hinc *refractarii* erant, *repugnantes consilio Iehovae*, cf. 4, 16. Ies. 1, 23. 30, 1. LXX.: ἀπειθοῦντες, Hieron.: *recedentes*. Ceterum viri docti iam paronomasiam verborum similiter sonantium שָׂרֵי et סוֹרְרִים notarunt.

16. Metaphora iterum spectat ad interitum stirpis Israeliticae insanis illis sacrificiis bene meritum. Sumta est ex arboribus, aptissime cohaerens cum illa fructuum in deserto v. 10. plantationisque in terra promissa v. 13. הָפָה: *percussus est Ephraim*, nimirum funditus, quoniam non modo frondes sed etiam *radix eorum exarescit*, quod, metaphorâ remotâ, fit, si prole omni destituuntur. Imago saepius in libris sacris obvia Ies. 9, 9. 13. 10, 33. 34. Iob. 18, 16. Am. 2, 9. Matth. 3, 10. Elegans usus temporum. *Iam percussus est Ephraim*. Lethales ictus accepit, et impietate, qua Dei poenam contra se excitavit, et insanis sceleribus, quibus et effoeminata sunt corpora et flos patriae idolis immolatur. Verum fulminis Eichhornii („der Blitz hat sie getroffen“) nihil invenio. Ictus sunt poenae divinae ex eorum insania paratae. — *Nunc exarescet*

IX, 16. 17.

radix eorum; gens ipsa, parentes. Ut enim rami arboribus ex aëre succum et vigorem afferunt, his autem deficientibus vel radices exarescunt, ita liberi laetos et fortes reddunt parentes, vis autem vigorque parentum languescit, ubi proles deficit, et robur civitatis cum flore iuventutis interit. — *Nec fructum adhuc ferent,* פְּרִי בְּלִי-יַעֲשֶׂהוּ. Filii generosi sunt excellentissimus fructus populi bene morati. פְּרִי יַעֲשֶׂהוּ: *fructus ferre* dicitur arbor Ies. 37, 31. i. q. v. 12. *cum.* פִּי יִלְדוּן: *cum etiam s. vel cum genuerint sc. liberos,* cf. v. 12. ubi idem aliis verbis pronuntiatur. יְהַמִּיתִי: *morti dabo.* מִדְּמֵי בִטְנֵם: *desideria ventri eorum* (cf. v. 6.), *carissimas eorum soboles.* Drusius: *satis;* addit, *erat desideria ipsorum, ut apud Ciceronem, valete desideria mea, valete: sed adiecit ventri ipsorum, quia liberi dicuntur fructus uteri.* LXX.: τὰ ἐπιθυμήματα κοιλίας αὐτῶν. In primo membro huius versus sensum male exhibuerunt: ἐπόνεσεν Ἐφραΐμ, τὰς ρίζας αὐτοῦ ἐξηγάγη. Quod Hieronymus ex alia interpunctione vertit: *Doluit Ephraim radices suas; arefactus est.*

17. Absolvit vates hanc gravem et affectus plenam particulam loco communi, ut nempe iterum designet, unde ventura sit suorum calamitas et unde medicina petenda, nimirum divinorum monitorum obedientiam et reditu ad veram pietatem. *Aspernabitur eos Deus meus; nam non audiunt eum, i. e. non attendunt eius monitis, non obtemperant eius legibus.* Ita saepius verbum יִקְרֹחַ occurrit, cf. Gen. 39, 10. Exod. 24, 7. יִקְרֹחַ נְדָרֵים: *vagantes s. exules erunt inter gentes,* cf. v. 15. נָדַר *errare,* de hominibus nusquam domicilium habentibus legitur Ies. 16, 3. Ier. 49, 5.

XV.

Cap. X, 1 — 15:

Israel vitis est luxuriose se expandens fructumque fundit ipsi similem. Ut copiosissimi autem

eius erant fructus, ita maxima erat altarium copia, utque laetissima erat terrae eius ubertas, ita uberrimus simulacrorum eorum ornatus. 2. Id demulcet eorum cor, sed brevi fontes declarabuntur. Ipse Iehova eorum altaria confringet devastabitque eorum simulacra. 3. Iam quidem dicent: rege caremus, Deum non timuimus, ecquid rex nobis prodesse potest? 4. Vana loquuntur dum eiulant, vana dum foedera paugunt. Succrescet vero meum iudicium velut absynthium in sulcis agrorum. 5. Ad vitulum Bethavenis peregrinetur incola Samariae, siquidem illum populus eius lugebit. Exultent eius flamines super eo utpote super eius gloria, siquidem ab eo auferetur. 6. Quin et ipse in Assyriam abducetur, munus regi Iareb. Pudor corripiet Ephraimum et erubescet Israel propter perversa sua consilia. 7. Excisa est regina Samaria, sicut spuma in superficie aquae. 8. Deleta sunt sublimia impiae vanitatis sacella, scelus Israelitarum, spinae et cardui succrescent in aris eorum. Tum acclamabunt montibus: operite nos, et collibus: cadite in nos.

IX, 7. Fatui sunt prophetae et dementes illi ex inspiratione loquentes, propter tot vestra peccata tamque nefarias machinationes. 8. Nunc quaerat Ephraim oracula apud Deum meum, prophetae eum undique circumdederunt tendiculis, quibus ceu aucupes eum decipiant. Ita impiae machinationes intrant in familiam Dei eius. — 9. Aequae abiectos et deperditos se praestiterunt, ac tempore Gibeae, at memor Iehova eorum impietatis animadvertet in eorum peccata.

9. Gravius etiam peccavisti Israel, quam temporibus Gibeae peccatum est. Tunc adhuc stabant incolumes, bello, quod Gibeae contra nequissimos homines gerebatur, intacti. 10. Nunc mihi placet ut eos simul iungam ad idem onus trahendum, utque barbari contra eos congregentur. Sic iungentur pari iugo, ob pares utriusque gentis iniquitates. 11. Quippe Ephraim vitula est apprimē edocta, amans quidem triturrare. Sed ipse iugum imponam pulchro eius collo, faciam ut ve-
hat Ephraim, arabit Iuda, Iacobus sulcos sibi confringet. 12. Spargite vobis semina, quae ferant probitatem, et colligite vobis fruges, ut ad quaevis bona paratiores evadatis. Novum agrum vobis praeparate; tunc tempus erit animum admovendi Iehovae ut tandem veniat vobisque veram pietatem depluat. 13. Nunc autem quoniam impietatem colitis, scelera metitis et fallacibus frugibus vescimini. Siquidem fiduciam in perversis tuis moribus et in multis tuis heroibus collocas, 14. fac, quaeso, tumultum tribubus tuis iniici, tum muni-
mentorum tuorum copia devastabitur pari devastatione quam a Salmane tempore belli sustinuit Betharbel, ubi mater unā cum filiis collisa fuit. 15. Sic remuneratur vos Bethel ob extremam vestram impietatem. Ut aurora interit, ita excindetur rex Israelitarum.

Hoc nostrum poëma, ad quod illud fragmentum 9, 7 — 9. pertinet, confectum fuisse temporibus maxime calamitosis, ubi regnum Israeliticum prope abfuerit ab interitu, expositum est introd. p. 85. et explicatio singulorum membrorum uberius demonstrabit.

1. E primo et secundo versu apparet temporibus illis bellorum vehementiâ turbatis terrae ubertatem minime interruptam fuisse. Describitur enim eius fertilitas, quae quidem auxit Israelitarum peccata. Dona enim divina, quibus animi Deo reconciliari debuerant, impendebantur in simulaera, cf. 4, 7. **יִשְׂרָאֵל בִּזְקָה יִשְׂרָאֵל**: *Israel vitis est luxuriose se expandens*. Haec est significatio verbi **בִּזְקָה**, in qua interpretes admodum haesitarunt. Proprie est: *evacuare*, *vas evacuare*, hinc: *terram evacuare* Ies. 24, 1. Nah. 2, 3., h. l. habet significationem intransitivam: *se evacuare*, *se effundere*, sc. *omnem succum et ubertatem effundere ut plurimi palmites et racemi pullulent*, secundum Arab. **دَقَّ**, vid. Gesen. ad h. l. LXX.: *εὐκλυστοῦσα*, quod idem est atque Hieronymi: *vitis frondosa bonas habens propagines et flagella fructifera*. Hieronymus insuper versionem Aquilae adfert: *ἐνδρὸν*, *aquosam*, i. e. *quae vini perdidit saporem*, et Symmachi: *ἐλομενοῦσζν*, *quae tota in frondibus crevit, non amputata a vinitore, et humorem, quem debuerat in vina mutare, vana frondium et foliorum ambitione disperdens*. Talis, addit, fuit Israel, crescens in multitudine populorum et non reddens fructus agricolae Deo. Ex eadem etymologia, quae LXX., transitive et cum sequenti commate coniunctum vertit Drusius: *Israel vitis est, quae fructum, quem Deus ei ponit, penitus evacuat*. Rosenmueller e Schmidtio: *vitis evacuans fructum dum hic maturescere incipit, ut pereat nec cultori prosit*. Lutherus: „ein verwüsteter Weinstock.“ Eichhorn: „ein Weinstock blatt- und rankenreich, mit Früchten reich behangen.“ Ita certe pronomen **לִּי** sequentis commatis prorsus neglexit.

פְּרִי יִשְׂרָאֵל - לִּי: *fructus similis est ei*, idem ac si scripsisset: **פְּרִי בִּפְרֵי גִפְן**, *fructum fundit similem illi*, i. e. *fructus eius sc. Israelis similes sunt fructibus vitis s. ita amoeni et dulces ut fructus vitis*. Quod optime respondet descriptionibus de vi et praestantia, qua Deus gentem sibi carissimam instruxisse dicitur 4, 7. 9, 10, 11, 1, cf. Ies. 5, 1—3. 41, 8—11.

X, 1. 2.

Fruotus autem Israelitarum non tantum eorum li-
beri esse videntur 9, 16., sed sine dubio etiam eorum
res gestae, gloria abundantiaque inde partae, quod
sequens comma probat. Nam addit כָּרֵב לְפָרִיָּו: *ut mul-*
titudo est in fructibus eius, ita multiplicant altaria;
כְּטוֹב לְאַרְצוֹ: *ut pulchritudo in terris eius, ita pulchras*
faciunt statuas idolorum. In utroque membro inest
primum laus praestantiae, qua gens Israelitica hucus-
que a Deo insignita fuerit, deinde vituperatio nefariae
proterviae, qua largissimis Dei donis abusa sit, opposi-
tione elegantissima et concinna verborum sententiarumque
כְּטוֹב לְאַרְצוֹ הַטִּיבִי מִצִּבּוֹת כָּרֵב לְפָרִיָּו הַרְבֵּה לְמִזְבְּחוֹת.
Quam elegantiam Hebraicae dictionis Hieronymus ita
reddidit: *secundum multitudinem fructus sui multipli-*
cavit altaria, iuxta ubertatem terrae suae exuberavit
simulacris. Ceterum coniugatio Piel שָׁוָה propriam si-
gnificationem e coniugatione prima שִׁוָּה: *similem esse*
Prov. 26, 4, Ies. 40, 25. retinuit, ut sit: *similem fa-*
cere Ps. 18, 34. Alii interpretes aliam significationem
verbi praeferentes vertunt: *ponit sibi fructus*, „setzt
für sich Früchte an,“ *sibi non Deo.* Alii a שָׁוָה:
vanitas derivant, ut sit: *fructus eius vani sunt.* Plura
vid. ap. Rosenmuellerum et Tarnovium, LXX.: ὁ καρπὸς
εὐθηνῶν (*abundans*) αὐτῆς. מִצִּבּוֹת vertunt: στήλας, *co-*
lumnas, quod fere idem est ac *statuas*, nec necessarium
eos legisse נְצִיבוֹת ut nonnulli voluerunt.

2. חֶלֶק לָבָם pr. *molle est*, signif. inchoativā: *mul-*
cetur eorum cor, scil. illa felici conditione qua fruun-
tur, cf. Ps. 55, 12., quod versione latina disertius ex-
hibere studui: *id demulcet eorum cor.* Schmidt: *id*
adblanditur ipsis. לָב saepissime est circumscriptio pro-
nominis, ut Latinorum *cor*, Ennius ap. Gell. 7, 2., et
nostrum *Herz*, cf. Gesen. ad h. v. חֶלֶק pr. *laevum esse.*
Metaphorica huius verbi significatio maxime e coniug.
Hiphil intelligitur: חֶלֶק חֶלֶק enim saepissime indicat: *de-*
mulcere Prov. 2, 16, 7, 21, 29, 5, Ps. 5, 10, 36, 3, ver-

bis dulcibus blandiri. Hinc significatio primae coniugationis *mollem esse, mulceri* sponte sequitur Alii usitatio-
 tiorem significationem verbi חָלַק h. l. torquent, ut
 nempe vel intransitive sumatur: *divisit se* (sic Hieron.:
cor eorum divisum est), vel subintelligatur: *Deus di-*
visit cor eorum; utraque sententia probetur, confu-
 giendum est vel ad Hieronymi fabulam (populum Hosea
 regnante cum rege isto ultimo disceptasse: cum enim
 ille minus impius fuisset quam eius antecessores, et cul-
 tum Dei in templo Hierosolymitano suis commendasset,
 populum contradixisse, hinc autem discordiam internam
 ortam esse, cuius finis externa captivitas fuisset), vel
 ad aliam ellipsin, v. c. Eichhornii: „getheilten Her-
 zeus sind sie zwischen Gott und Göttern,“
 et Chaldaei: *cor eorum divisum est a lege.* Dathe maiori
 etiam violentia verbum nostrum ita tractavit, ut esset:
Israelitae sunt ambigui. Sed vates: *fac*, pergit, *haec*
omnia eos demulcere, dulce videatur ipsorum animis
confugere ad simulacra superstitiosoque cultu terrae
ubertatem sibi expetere, brevi culpa eorum in lucem
prodibit. עָתָה: *iam, in eo est ut.* יִאֲשֹׁמֶה: *sontes de-*
clarabuntur, nimirum luendo poenas peccatorum, cf.
 Ps. 34, 22. 23. Ies. 24, 6. Ioel. 1, 18. Est enim ver-
 bum usitatissimum de culpa quam quis ex lege divina
 sibi contrahit, cf. 13, 1. 14, 1. Nostro loco et in re-
 liquis laudatis non sermo est de contractione novae
 culpa, sed de pronunciatione iam contractae per poe-
 nas divinas. הָיָה, δεῖναι pronomen adhibetur, ubi
 transitus fit ab alio subiecto ad aliud, cf. 9, 10. II, 2.
 10. Hebraei nomen omittere amant, quod per se in-
 telligitur. Nemo enim poterat altaria et templa destru-
 ere, praeter Deum. יַעֲרֶה: *cervicem frangere* s. iugu-
 lare, cf. Exod. 13, 13. 34, 20. Ies. 66, 3., omnino de
 hostiis et de bestiis, h. l. metaphorice: *confringere, de-*
struere. LXX.: κατασάψει, Chald.: *confringet cervicem*
altarium eorum. Glassius in Phil. S. p. 1125.: *habebant,*
ait, illa altaria quaedam superius imposita capitella s.
cornua, ea quando demuntur in destructione, ipsum ca-
put et cervix quasi praescinditur. יִשָּׁדֵד pr. *vastabit.*
 Hieron.: *depopulabitur* i. e. *ornatu et divitiis priva-*

X, 3.

bit. Rectius fortasse: *vi perdet*, quae huius radicis significatio in coniug. Kal et Piel occurrit Ps. 17, 9. Prov. 19, 26. 24, 15.

3. Exhibentur nunc lamentationes, quae gaudia secuturae sint. Antea ubertas terrae animos mulcebat, nunc desperati casum lacrymabunt. כִּי repetitum adverbium עֲתִידָהּ gravius designans, ut כִּי הָיָה, כִּי אָם: *siquidem* v. 5. 13. 13, 15. quod ex ingenio nostrarum linguarum fere abundat. Sic in altero commate iterum ponitur, ut gravitatem orationis promoveat. אֵין מֶלֶךְ לָנוּ. Aptissime Drusius haec et sequentia verba ita interpretatur: *perinde est ac si non esset nobis rex, nam is, quem habemus, nobis nihil prodesse potest, cum habeamus Deum adversarium.* Ita respondet vaticinio 3, 4. *Israelitas aliquamdiu mansuros esse sine rege.* Nam illi, quos deposita reverentia erga Deum, inobedientes eius monitis ut redirent ad Davidem regem suum 3, 5. cf. 2, 2., sibi elegerant, nihil iis prodesse poterant. Intelligitur ex his, in quo defectus timoris Dei, לֹא יִרְאוּהוּ, positus fuerit, nempe *in eo quod semper reges ex arbitrio sibi elegerint* cf. 8, 4. עֲשֵׂה cum ל dativi: *prodesse, benefacere alicui*, vid. Exod. 13, 8. Deut. 11, 5. Formulae illae lamentationum aptissime ex animis desperatorum hominum sunt desumtae. In summa enim miseria sensus culpa vel pessimis hominibus redit eorum infortunium augens. Ita Lutherus ad h. l.; *impios etiam cogit quandoque ira et poenarum sensus, ut ἀντρον ἀνέγειροι, ut Paulus appellat, damnent se et studia sua et tamen sic impii maneant.* Alii interpretes prius comma interrogative ita intelligunt ac si verba essent populi: *nonne habemus regem, qui nos tueri possit?* et posterius quasi prophetae respondentis: *si Deum non timemus, quid rex ille nimirum Assyriorum in salutem nostram poterit efficere?* Sic Dathe et Kuinoel. Verum nimium artificiose et plane contra simplicitatem vatis. Hieron. expressum vaticinium captivitatis Assyriacae h. l. invenit: *quando sentient Osee ultimum regem a se esse sublatum, ideo dicent: rex nobis ablati est, quia non timuimus Deum verum regem. Homo enim*

rex prodesse quid poterat? Eichhorn his verbis significationem non animi desperantis sed protervi inesse putat, qui nec regem nec Iehovam curet, sed utrumque conviciis lacessat. Verum nostra interpretatio sensui vatis accommodatior esse videtur. Nam irruente patriae destructione tempus quidem est desperandi non autem superbiendi.

4. Hic versus cum praecedentibus ita coniungendus est: *sed etiam in his supra modum iactatis eorum lamentationibus iis non credendum est; omnes enim falsi et fraudulentum sunt.* דְּבָרָה דְּבָרִים ut Latinorum verba dant i. q. inania loquuntur, cf. Ies. 58, 13. אֱלֹהִים: execrabili modo eiulare, cf. Ios. 1, 8. אֱלֹהִים cf. 4, 2. primariam significationem habet: *Dei nomine et sacratissimis formulis uti*, quod fiebat et in execrationibus et in iuramentis. Hinc se execrari et ita flebili modo lamentari, quod optime convenit superioribus lamentationibus. Alterum membrum est: שְׁוֹא פֶרַח בְּרִית, ad quod supplendum e priori דְּבָרִים: *vana loquuntur etiam dum foedera pangunt.* Opponitur haec sanctio foederum illis execrationibus, ita ut hinc levitas et inconstantia animorum iudicetur. Modo eiulant ac si culpam pie sentiant, modo foedera pangunt. Sed in utroque mentiuntur s. fides iis non habenda est, quod historia 2 Reg. 17, 3. 4. luculentissime comprobatur. Vix enim regi Assyriorum se subiecerant, cum iidem legatos in Aegyptum mitterent ad nova pacta componenda. Interpretes שְׁוֹא ad אֱלֹהִים trahentes, ita: verba dant peierando in pangendis foederibus, vituperationem quidem fraudis in ineundis et iuramento sanciendo pactis cum Assyriis et Aegyptiis vindicant, quae utique et aliis locis et nostro ipsi inest, sed et nexum eius cum antecedentibus tollunt, qui nostra explicatione aptissime constituitur, et vatis orationem iusto verbosiores describunt, plane contra sententiosam eius brevitatem. Hieron. a textu recedens vertit: *loquimini verba visionis inutilis et ferietis foedus et germinabit quasi amaritudo super sulcos agri.* LXX. componunt hunc versum ita cum praecedenti: ὁ δὲ βασιλεὺς τί ποιήσει ὑμῶν λαλῶν ῥή-

X, 4. 5.

ματα προφάσεις ψευδείς; διαθήσεται διαθήκην, ἀνταλεῖ ὡς ἄγρευ-
στος κριμα, κ. τ. λ.

יִפְרֹחַ מִשֶּׁשֶׁת בְּרֹאשׁ: iudicium (i. e. poena a Deo
iudice vobis iniungenda 1 Reg. 20, 40. Ier. 48, 21, 39,
5. 51, 9.) succrescet ceu absynthium. Hebraei רֹאשׁ pr.
dicunt esse: amaritudinem, herbam amaram, cf. Iarchi
ad h. l., unde sigillatim: absynthium, cf. Kimchi. Com-
ponitur saepius cum לַעֲנָה eandem herbam significante,
cf. Deut. 29, 17. Thren. 3, 19., vel cum ea commuta-
tur, Am. 5, 7. cf. 6, 12. Prodit ita aptissima imago:
poenae amarae erunt sicut absynthium. Alii putant esse:
cicutam, herbam venenatam, cf. Gesen. ad h. v. Cels.
Hierobot. 2, 46. Sic indicaret imago perfectam perni-
ciem penitus impios perdentem. LXX.: ἀγρευστος, her-
bae species quae secundum Hieron. deficiente sedula
cultura totos agros replet eosque veprium similes facit.
Hieron. ipse propriam nominis significationem retinet,
ut iudicium quasi amaritudo sit: amaritudinis iudicium,
iudicium quod gaudia vertat in lacrymas et luctus.
Plures codd. ap. de Rossium legunt בְּרֹאשׁ: in capite.
עַל הַחֲלָמִי שָׂדֵי: super sulcos agri. Sens.: ut absynthium
in sulcis agri hordei et tritici loco succrescit, ita suc-
crescent poenae loco exspectatorum bonorum. Vates hanc
imaginem aptissime addidit respectu ad vers. 1., ubi de
ubertate terrae locutus erat. Non amplius gloriamini
de hac ubertate; terra enim vestra vobis porro feret
absynthium meorum iudiciorum. שָׂדֵי secundum obser-
vationem grammaticorum (vid. Glass. Phil. S. p. 129.
et Gesen. Lexicon ad h. v.) est forma poetica pro שָׂדֵה
ut Ioel 2, 22, Ps. 96, 12. al. Al. מִשֶּׁשֶׁת ita intelligunt:
ius et iudicium in summam iniustitiam a vobis con-
versum est, vid. Michaelis et Liveleius. Alii, ut Luthe-
rus: illa eorum fraudulenta consilia inutilia et perni-
ciosa erunt, quemadmodum מִשֶּׁשֶׁת consilium significat
Deut. 29, 17.

5. לְעֵקְלוֹת: ad vitulas. לְ est nota loci, ut לְצִוִּיר
9, 13. Hoc uno loco idolum Aegyptiacum foeminino
genere ponitur, ut interpretes putant, contemptus causa,
cf. Drusius ad h. l. et Bochart. in Hieroz. I, 369. Pro

plurali habent LXX, singularem τῷ βοσκή, qui melius convenit et historiae de uno vitulo Bethelis 1 Reg. 12, 28. 29. et sequentibus verbis versus nostri, ubi vates singulari numero et masculino quidem genere de eo loquitur. Dathe lectionem לַעֲגֹלָת in textum recipi vult, quod Syriaca versione et 4. codicibus (vid. Rosenm. ad h. l.) comprobari videtur. Sed ita altera difficultas non tollitur, quod nempe suffixum in sequentibus verbis semper masculini generis est. Alii interpretes (cf. Drusus ad h. l.) contendunt esse enallagen numeri, Schmidt addit etiam enallagen generis, qua vates nomen Dei אֱלֹהִים aequè plurale sed masculinum respiciens, cum indignatione quadam usus fuerit. Sententia certe satis ingeniosa. Quae cum spernenda nullo modo videatur, difficilem huius versus orationem ita expediamus ut statuamus: vatem per contemptum inusitatissima forma וְעֲגֹלָתָהּ usum, sed statim missa illa forma ita de plebis idolo locutum esse, ut omnibus notum erat, nimirum quasi ante עֲגֹלָת scripsisset, quemadmodum etiam אֱלֹהִים, quamquam forma pluralis, semper fere cum singulari construitur. יִגְדְּרוּ: peregrinantur, conveniunt ad peregrinum aliquod. Ita LXX.: παροικῶσιν τῷ βοσκή. Usitato modo construitur cum praep. עַל 7, 14. Ps. 59, 4. pro qua h. l. praefixum ל saepe eandem cum praep. עַל vim habens ponitur. Futurum autem concessive ponitur pro coniunctivo praesentis: peregrinetur incola Samariae ad vitulum Bethavenis. Eodem modo, certe quoad sensum Eichhorn vertit: „bei Beth-Avens Rindern werden Schutz Samariens Bewohner suchen.“ Plerique interpretes יִגְדְּרוּ ex altera significatione radicis גָּדַר derivant, ubi est: timere, vid. Schmidt et Lutherus; anxii sunt ob sortem vitulae. Hieron.: vaccas Bethavenis coluerunt incolae Samariae, eo modo uti Ps. 22, 24. De utroque vid. Rosenmueller ad h. l. Utroque interpretandi modo elegans parallelismus amborum commatum huius versus tollitur. Est enim ex nostra interpretatione in priori membro utriusque commatis significatio reverentiae erga idolum Bethelis, in posteriori autem commemoratio instantis vicis, quam vi-

X, 5.

tulus experturus sit. Est praeterea paronomasia in verbis עָנָה, נָהַר, אָבֵל, יָגִיל, גָּלָה, unde intelligitur omnia membra orationis pari vi inter sese cohaerere. *Peregrinentur incolae Samariae ad suum vitulum — mox eum lugebit populus eius: exsultent eius flamines super eius gloria — brevi ab eo abducetur.* Coniunctio כִּי utrobiquae eodem sensu legitur quo v. 3., gaudium breve futurum esse cum quadam orationis gravitate significans, ut Lat. *siquidem*. אָבֵל עָלֶיךָ praeteritum instantem eventum indicans, quemadmodum postea גָּלָה עִמָּךְ. Gravis significatio inest huic verbo. Non enim amplius gens Israelitica vocabitur עַמִּי, cf. 2, 25. A Deo recessit dum illis idolis se dedit. Sic factum, ut non solum עַמִּי לֹא sed adeo עִמָּךְ: *gens idolorum* appellaretur. Iuxta concinnitatem orationis indicat etiam accentus gravis in עִמָּךְ et minor in כְּמִדְּרִי, illud ad prius hoc ad posterius commata esse referendum.

In hoc altero commate verba וְכַמִּדְּרִי עָלֶיךָ יָגִיל ite-
rum concessive accipiantur. גָּלָה: *exsultare*, saepius cum ב, h. l. ut Zeph. 3, 17. cum praep. עַל: *flamines deastrorum*, cf. 2 Reg. 23, 5. Zeph. 1, 4. Unde derivatum sit hoc nomen; incertum est. Gesen. in Lex. e Syriaco repetit: *qui tristis, ater procedit*, hinc *sacerdotes, quia nigri s. pullis vestibus ex ritu superstizioso incedebant, unde interpretes vertunt: atrati*, cf. Ioh. Schmid ad h. l. Alii (cf. Rosenmueller ad h. l.) deducunt ab Hebraeo כָּמַר: *incendit, ussit*, quia continuo idolis thus et suffitum incendant, vel quia nimio ardore in pravam religionem flagrent. Elias Levita repetit hoc nomen ex ea significatione verbi כָּמַר, quae sit: *contrahi s. coniungi*, quod in certa collegta sint iuncti et claustris inclusi, quasi in papatu monachi, cf. Ioh. Schmidt ad h. l. Eos hoc nomine contentas causa a vate appellatos esse apparet. Israelitis enim fuisse כְּהֹנִים vidimus 4, 4. 9. 5. 1. עַל-כְּבוֹדֵךְ designat causam gaudii illorum sacrificulorum. Idola enim muneribus et ornamentis locupletissime aucta erant v. 1. 8, 4. גָּלָה מִמֶּנּוּ: *migrabit ab eo i. e. auferetur s. ab-*

duoetur gloria ab eo scil. *idolo*. *בְּמִנְיָהּ* h. l. non *a nobis* sed *ab eo*; et quoniam vates in omnibus dictionibus sedulo cavit, ne aliquid commercii inter se atque idolum innueretur, et quoniam idolum ipsum abductum iri, adiecta particula *בָּהּ*: *etiam*, demum v. 6. commemoratur. Hieron. ut demonstret; cur lugente plebe flammīnes exsultent, fabulam narrat, nimirum: *pro vitulis aureis a sacerdotibus furto sublatis repositos fuisse aeneos et deauratos; iam propterea exsultavisse sacerdotes, quod idola illa a rege Assyriae abducta essent; antequam fraus ipsorum posset argui et deprehendi*. LXX. de Cemarim nihil habent, vertunt eorum loco: *καὶ ὡς παρεπίκραναν αὐτὸν: quemadmodum irritaverunt illum, ἐπιχαρασύνται ἐπὶ τὴν δόξαν αὐτοῦ ὅτι μετακίσθη ἀπ' αὐτοῦ*. Quid sibi voluerint non liquet, certe pro *בְּמִנְיָהּ* legerunt *בְּמִנְיָהּ*.

Recentiores interpretes, qui *יִגְדִּירָה* verterunt: *anxi sunt propter idolum suum* sed parallelismum in utroque membro aequè probaverunt, confugerunt ad inusitatissimam significationem *rad. יָגַל*: *in orbem prae dolore volvi*. cf. Dathe ad h. l. et Gesenius in Lex. ad h. v. Certe locus in favorem huius significationis laudatus Ps. 2, 11. eam non confirmare videtur. Eichhorn verba vatis nimium violenter confudisse, elegantiam parallelismi neglexisse, et prioris commatis particulae *כִּי* prorsus alienam significationem substituisse videtur, scil. *usque dum* — „bis sein Volk und seine Priester, die über ihre Glorie frohlocken, ihrentwegen werden trauern müssen; denn entrissen wird sie ihnen.“

6. *Non tantum finis est gloriae, sed finis erit vituli ipsius, quippe qui in Assyriam abducatur*. *אֲזַרְחָהּ* non est accusativus, sed praep. *אֶת* ut nominativum designet, saepius, maxime in antiquioribus libris sacris, cum passivo iungitur, cf. Gen. 4, 18, 17, 5. Gesen. Lehrgeb. p. 682 — 84. *יִבְבֵּל* fut. Hoph. a *rad. יָבַל*: *ire*, cf. 12, 2. Ies. 18, 7. Ps. 45, 15. 16. *abducetur*. Iam enim ad tantam miseriam res Israelitarum perductae

X, 6. 7.

erant, ut patria sempiternis irruptionibus Assyriorum exhausta 2 Reg. 15, 19. 29. 17, 3. fere nil haberet, unde exactionibus Assyriorum satisfaceret, praeter aurea sacra et idola. מְנוּחָה: *donum*. Hoc nomine tributa in terra Israelitica ab Assyriis exigebantur, praesertim sub Hosea rege, qui auxilium sibi ab Assyriis oblatum magno auri et argenti pondere remunerari coactus erat, cf. 2 Reg. 17, 3. וַיָּשֶׁב לִזְמַנָּה, vid. introd. pag. 88. לְמֶלֶךְ יָרֵב: *regi Iareb*. Nomen symbolicum regis Assyriorum. Pr. *rex dimicabit*, duplicem habens sensum, quoniam ultor vocatus oppressor venerat, cf. 5, 13. Tunc demum pudor corripiet Ephraimum et Israel erubescet. בִּישׁ: *pudore affici*, nimirum propter spem frustratam cf. 4, 19. Ioel. 2, 26. 27. מַעֲצָתָהּ *propter consilia sua* scil. *tam perversa et perniciosa*, quod scil. *spem posuerat in idolis quae semet ipsa a contumeliosissima abductione tueri non poterant*. Hieronymus inhaerens fabulae deauratorum idolorum vatem praedixisse putat: Israelitas maxima contumelia affectum iri, ubi rex Assyriae fraudem flaminum senserit. *Offendunt enim*, addit, *eos quibus munera miserant, aestimantes non furto sacerdotum, sed fraude regum et consilio hoc esse perfectum*. Vix intelligitur quomodo tam severus tamque prudens interpretes in tanta re illis nugis acquiescere potuerit. LXX. textum corruptum habuisse videntur. Non minus enim obscura est eorum versio: καὶ αὐτὸν εἰς Ἀσσυρίους δέξαντες ἐπήνεγκαν ξένια τῷ βασιλεῖ Ἰαρείμ. ἐν δόματι Ἐφραίμ δέξεται, quam Hieronymi interpretatio: *et ipsum in Assyrios ligantes tulerunt munera regi Iarib in domo: Ephraim suscipiet confusione*.

7. Augentur poenae. Gradatim enim poeta procedit. Prima evertenda erant altaria et simulacra מַצֵּבֹת v. 2., post haec vitulus aureus יִשְׂרָאֵל-בָּאֵן omni sua gloria privandus v. 5.. adeoque abducendus in Assyriam v. 6.; nunc ipsa regia urbs Samaria est devastanda v. 7., omnia sacra destruenda v. 8. Eodem modo sensus doloris augentur. Reverentiā erga regem positā v. 3. restitit adhuc fiducia in illo vitulo, imperiū, ut opina-

bantur, palladio et ornatu v. 5., quo destitutos probrum contumeliaque correptura erat v. 6. Denique et regiâ et omnibus sacris orbatî rebus prorsus desperatis flebili planctu vociferabuntur: *montes operite nos, et colles cadite in nos* v. 8. Descriptio sublime vatis ingenium gravissime significans.

שְׁמֶרֶן מְלִכָּה *Samaria regina*. Elegantissimo modo metropoli regni epitheton illud regium apponitur. Fortasse verbum masculinum **נִדְמָה** impedivit interpretes, quominus hanc simplicem amborum verborum significationem viderent. Verum usus iste generis masculini cum substantivo alterius generis saepissime obvius est 14, 1. 1 Sam. 25, 27. 2 Reg. 3, 26. ubi verbum impersonaliter accipi debet: „Es wird zerstört Samaria die Königliche,“ cf. Gesen. Lehrgeb. p. 716. Verba ita composita rem magis extollunt: *quamquam regia sit, tamen destruetur*. **מְלִכָּה** *regina* vid. Esth. 1, 9. 7, 1. 1 Reg. 10, 1. Simili modo dicitur Ies. 23, 6. **צֹר הַמַּעֲטִירָה** *Tyrus coronam tribuens*. Hoc autem nostro loco **מְלִכָּה** poni pro **הַמְלִכָּה** neminem offendet, poetis enim usitatissimus est defectus ה articuli. Interpretes notae pronominis foeminini ה inhaerentes, vertunt vel: *Samaria et rex eius*, ubi in textu copula ו desideratur, vel: *quod attinet Samariam, rex eius*, ubi nominativus absolutus e consuetudine vatis initio commatis quaerendus esset. *Ceu spuma in superficie maris*. **קֶצֶף** pr. *spuma*, hinc: *ira spumans*, quo sensu saepius occurrit, v. c. Ies. 60, 10. Ps. 38, 2. h. l. primariam significationem obtinet. Imago est aptissima. Nam secundum Hieronymum: *sicut spuma, quae super aquam est, cito dissolvitur, ita regnum 10 tribuum velociter finietur*. Gesenius, Kuinoel et alii explicationem LXX. (qui vertunt: *φρύγανον*: *virgultum aridum* cf. Wahl in clav. N. T. ad h. v.) probantes in Arabica analogia **قَصَب** docuerunt esse: *fragmen ligni*. Sed praeter naturalem verbi significationem, quam inter Hebraeos quoque Iarchi et Kimchi exhibent, natura imaginis hanc interpretationem dissuadet. Fragmentum ligni in superficie aquae non destruitur, sed diu incolume servatur. Cete-

X, 8. 9.

rum alias interpretationes verbi נִדְמָה, ut sit vel: *silentium imponitur Samariae*, vel: *similis factus est spumae*, cum Rosenmuellero ad h. l., illam propter imaginem, utramque propter parallelismum sequentis versus reiiciendas duximus.

8. Sicuti regiae Samariae, ita sacris et altaribus eadem nuntiatur eversio. נִשְׁמְדוּ quemadmodum נִדְמָה v. 7. *destruentur, subvertentur.* בְּמִלֵּי אֵין *sublimia impiae vanitatis sacella i. e. altaria et sacella vanis dolis in excelsis locis exstructa.* Nam אֵין pr. abstractum: *vanitas*, de vanis idolis intelligitur. Sic בֵּית אֵין v. 15. cet. Legitur in historia sacra, Israelitas, ut olim iam universum populum Iacobiticum, montes et colles implevisse altaribus et sacellis idolorum, quod lex Mosaica stricte vetnerat. Deo enim uno tantum loco, in templo Hierosolymitano, sacra fieri iussum erat, cf. 4, 13. 12, 12. 2 Reg. 17, 9 — 11. 1 Reg. 11, 7. 12, 31. cf. Am. 7, 9. הַפֶּתַח יִשְׂרָאֵל. Saepius a nostro Israelitis vitio vertitur et tamquam fons reliquorum flagitiorum describitur, quod supersticioso illi cultui se dedissent, 5, 2. 8, 11. 9, 10., hinc peculiari modo ille apparatus supersticiosus vocatur: *peccatum Israelis*. LXX. iterum אֵין vertunt: ἄν, quod Hieron. reddit: *inutile*. Haec autem sacella ita destruentur, ut *spina et carduus*, קוץ וְכַרְדֵּי, eorum loco *crescat*: מִזְבְּחֹתָם - יַעֲלֶה עָלֵי, i. e. *in iis locis ubi nunc arae idolis sacratae reperiuntur*. Imago destructionis, quam habuimus 9, 6. cf. les. 32, 13. 34, 13. 14. At montes collesque, olim refugium impiorum Israelitarum, cum isti se frustra fiduciam in iis posuisse intelligunt, ut certe contumeliam tegant et finem faciant vitae et malorum, implorabuntur. Inest igitur verbis: *dicent montibus operite nos, et collibus cadite in nos* apta allusio ad ea loca ubi sacra fecerant. Repetuntur haec verba ad significandam summam miseriam, qua sola morte liberari possunt, Luc. 23, 30. Apoc. 6, 16.

9. Inde ab hoc versu aut nova constituenda est prophetia, aut lacuna inter 8. et 9. versum explenda fragmento aliquo vel amisso vel in alium locum trans-

lato: Est autem tale fragmentum in promptu; nimirum illud quod 9, 7—9. sensu prorsus alienum esse a reliquis duabus particulis capitis noni vidimus, cui hic suum locum vindicamus, cum eius ope omnia in nostro capite optime cohaereant. Particulam autem, quae nunc sequitur v. 9—15. vere pertinere ad initium nostri capitis, eius rei verba v. 15. omnem dubitationem tollunt. Redit vates in fine totius poematis et ad vitulum Bethavenis v. 5. et ad eiulationem populi v. 3., moniturus quomodo illud idolum, de quo tantopere gloriati essent, suos remuneretur, et quam prope instet interitus regis, quem tamquam amissum iam deploravissent. Quis autem versibus illis suo loco positus nexus orationis sit, in introductione pag. 86. 87. uberius docuimus. Restat ut singula exponamus.

מִיָּמֵי גִבְעָה vel: *inde a temporibus Gibeae*, vel: *gravius quam temporibus Gibeae*. Utraque significatio respondet verbis Hebraicis, posterior quidem vel severiorem facit correctionem. Habemus enim elegantem amplificationem imaginis a Gibeatitidis desumptae 9, 9. Non tantum referunt Gibeatitidis sed gravius peccarunt, sine dubio quod flagitia praetextu religiosi cultus infocabant et ita cum malefactis atrocissimam impietatem erga Deum miscebant. Imago Gibeatitarum vati orta est e paronomasia illorum גִּבְעָה, quibus in honorem simulacrorum Israelitae delectabantur. Vates 9, 9. et h. l. ita in oratione processisse videtur: *Vos qui בְּגִבְעָה et בְּבָמֹת simulacra colitis, in his גִּבְעָה ita peccavistis, ut illi בְּגִבְעָה, quos a patribus vestris oppressos adhuc detestamini, vel gravius etiam. Nec est quod ultra eos criminemini, pares iis estis peccando, pares iis eritis poenas luendo.* Tunc temporis non Israelitae peccaverant, sed Beniaminitae. Ex omni orationis nexu apparere videtur, Israelitas diu, vel adhuc temporibus vatis nostri superbiisse, quod tanti flagitii non consortes fuissent, idque in causis fuisse, cur alteram partem posterorum Iacobi, 2 tribus, quarum una Beniaminitica fuit, contemnerent: Propterea addit vates: עֲמֹדֵי שֵׁם: *tum adhuc stabant*, scil. Israeliticae tribus; שֵׁם et de loco et de tempore ponitur, cf. 2, 17. עֲמֹדֵי: *stare, in-*

X, 9. 10.

columem esse; cf. Ps. 33, 11. 102, 27. Esth. 3, 4. ut Latinorum *stare*, quod item de politica et de morali incolumitate intelligi potest. לֹא-תִשְׁיֶינָם בַּגִּבְעָה מִלְחָמָה: *non attingebat eos bellum Gibeae gestum*. Ex historia enim Iud. 19. et 20. novimus, illud bellum tantummodo in tribu Beniaminitica circa oppidum Gibeam gestum, occupatione illius oppidi compositum esse, omnes igitur regiones reliquarum tribuum, praesertim 10 tribuum, intactas bello fuisse. עַל-בְּנֵי עֵלְזָה: *contra filios improbitatis*. עֵלְזָה e transpositione literarum ל et ז ortum i. q. עֵלְזָה, quod etiam in pluribus Codd. ap. de Rossium et Kennicottum legitur. בְּנֵי עֵלְזָה eodem sensu occurrunt 2 Sam. 3, 34. Notissimus est Hebraismus (cf. introd. p. 113.) significans: *homines nequissimos* sc. *Gibeatitas*. LXX.: τὰ τέκνα ἀδινίας, ut saepius in N. T. De bello ipso vid. 9, 9., plura autem de interpretum nugis, praesertim ad enucleandum tertium comparationis inter Gibeatitas et Israelitas; vid. ap. Rosenmuell. ad h. l. et de variis huius versus explicationibus Tarnovium ad h. l. Non autem ommittenda est LXX. sententia, si omnino aliquid senserunt, a Dathio recepta, quam certe ex Dathii interpretatione commendarem, nisi fragmento 9, 7-9. melius etiam v. 8. et 9. coniungerentur. LXX.: ἀφ' οὗ οἱ βουνοί, ἡμαρτον Ἰσρ. ἐκεῖ ἔστησαν. οὐ μὴ κατελάβη αὐτοὺς ἐν τῇ βουνῷ πόλεμος ἐπὶ τὰ τ. &. quod posterius comma Dathe ita emendavit: *nonne bellum eos in his ipsis collibus opprimit?* i. e. *ideo utique bellum eos opprimit*. Hieron. Chald. Syrus et omnes antiquae versiones locum de Gibeatitis, non de collibus intelligunt. Nec meliori negotio difficultates sequentis versus tolluntur, quam ita, ut vatem illam antiquam historiam respexisse existimemus.

10. *At transit gloria tribuum, quas illud bellum non teligit. Quemadmodum nunc non solum pares sunt Gibeatitis sed gravius etiam peccaverunt, ita non amplius stabunt, sed coniunguntur cum iis ad parem sortem ferendam ob par utriusque peccatum. Hic sensus est totius versus.* יִתְנַחֵם: *in beneplacito meo*, pro quo 2 Codd. ap. Kennic. יִתְנַחֵם: *iuxta bene placitum m.*, a

rad. **נָחַץ**, quae respondet radici **נָחַץ**: placuit. Deut. 12, 20. 14, 26. 1 Reg. 11, 37. Substantivum Hebraicum nostra loquendi ratione ita resolvi potest: *michi placet, ut* —. Indicatur ita voluntas Dei eam sortem hominibus tribuendi, quam mores eorum promereantur.

נָחַץ. Duplex **נ** in verbis subsequentibus eodem modo ponitur, ut latinum et — et Ios. 7, 24. Ps. 76, 7. al.: *et iungam eos* scil. *invicem ad idem onus trahendum*. Sens.: *Israelitas pares faciam Gibeatitae, ut eandem poenam luant*. Est formatio futuri plane ex regula pro **נָחַץ** contractis duobus **נ** in unum, sequente Dagesch et mulato **י** in **י**, cf. Drusius ad h. l. **נָחַץ** autem de iungendis iumentis in curru formula est usu comprobata, cf. 1 Sam. 6, 7. 10. 1 Reg. 17, 44. 2 Reg. 9, 21. Gen. 46, 29., quam vatem in mente habuisse versus sequens luce clarius significat. **נָחַץ עֲלֵיהֶם עַמִּים**: *et congregabuntur super eos gentes*. Ut enim olim contra Gibeatitas Beniaminitasque eorum defensores undecim tribus convocabantur, quae congregatis copiis oppugnabant et expugnatum vastabant oppidum, ita nunc barbari in Israelitarum perniciem congregabuntur, ut excindantur et deleantur qui hucusque incolumes steterint. Gibeatitas funditus diruta est. Iud. 20, 40. Idem fatum regnum Israeliticum manet. Vates sortem oppidi notissimam supponit ex suo more, quo omnia ex historia desumpta paucissimis tangit, cf. v. 14. 5, 10. 6, 7. 9, 8. 12, 4. 5. 13., reliqua autem supplenda lectoribus committit. Unde omnino in iis locis obscurior fit, praesertim ubi historiam non ita novimus, ut h. l. historiam Gibeatitarum. Si autem in his comparisonem non tantum peccati sed etiam sortis Israelitarum cum peccatis et sorte Gibeatitarum tenuerimus, habebimus elegantissimum nexum huius versus cum versu 7. et 8. Illic vaticinatus erat propheta: *excindetur Samaria, delebuntur excelsa*. Hic pergit: *tempus erat, ubi stabatis incolumes et bellum vos non attigerat. Postquam autem peccavistis ut Gibeatitae, placet mihi, ut congregentur barbari, qui vobis bellum inferant, excindant urbes, deleant sacraria*.

X, 10.

בְּאַסְרֵם לְשִׁמְיָי עֲוֹנֹתָם pr. *in iungendo eos propter utramque eorum iniquitatem*. Repetitio eiusdem verbi אָסַר in eodem versu eà, quam habemus, connexionem indicat etiam significationem eius utrobique eandem esse. Certe vel esset inepta paronomasia vel inexcusabilis negligentia, si vates per idem verbum h. l. diversa significare voluisset, cuius non est quod eum arguamus. Nam simplex explicatio, quae statim in oculos incurrit, est etiam aptissima. Verba ex strictissima omnium significatione ita cohaerent: *in meo*, inquit Deus, *beneplacito s. secundum id, quod mihi nunc placet, iungam eos*, scil. Israelitas et illos improbos Gibeatitas, *sub uno iugo, et dum eos propter utramque eorum nequitiam ita iunxero, congregabuntur super eos barbari*. Ita in priori commate inest consilium Dei paribus eos poenis adficiendi, in altero causa, cur ad parem poenam iungendi sint, scil. quod pares sint peccando. Lectio textus e Masorethica emendatione adiectis vocalibus ita est constituenda: עֲוֹנֹתָם: *peccata eorum*, quod LXX. Syrus, Arabs, Hieronymus, Luthernus et plerique veterum recentiorumque fecerunt. Altera punctatio est עֲוֹנֵם, secundum Chald. *sulcos*, secundum alios *habitationem* indicans. Cithib denique: עֵינֵם vel: *fontes*, vel: *oculi*. Quae quidem omnia sensum vatis non expediunt, sed torquent. Auctoritatem autem lectionis עֲוֹנֹתָם praeter Masorethas plures insuper codd. ap. de Rossium confirmant.

שְׁמֵי foeminin. quemadmodum masculinum שְׁמֵי Gen. 2, 25. 3, 7. al. non tantum *duo*, sed: *ambo, uterque*. Sic li. 1.: *propter utrumque eorum peccatum*, quod Gibeatitae commiserunt, et quod vos committitis. לְ propter: *propter*, saepitis obvium est, v. Gesen. in Lex. ad hoc praefixum n. 10. Imago aptissima. *Ambo peccaverunt, ambo subiguntur iugo, iunguntur currui s. vomeri, ut adempta gloria et libertate miseria laborent*. Sic vates sibi praeparavit imaginem sequentis versus.

Verum interpretes in admodum alienas partes abierunt. LXX. addunt initium nostri versus praecedenti-

bus, vid. ad v. 9. παιδεῦσαι αὐτούς* καὶ συναχθήσονται ἐπ' αὐτοὺς λαοὶ ἐν τῇ παιδεύεσθαι αὐτοὺς ἐν ταῖς δυσὶν ἡδικίαις αὐτῶν ²²). Ita omittunt יִצְחָק et quae verba nos ab יִצְחָק illi a יִצְחָק derivant, quod certe in posteriori e regulis grammaticis nullo modo locum habere potest. Chald.: *in verbo meo adduxi super eos correptiones et congregavi adversus eos populos; et dominium exercuerunt in eos, in modum, quo ligantur iuga boum ad duos sulcos.* Hieron.: *iuxta desiderium meum corripiam eos, congregabuntur super eos populi, cum corripientur super duas iniquitates suas.* Item errans in derivando יִצְחָק et יִצְחָק a יִצְחָק. Duas autem Israelitas iniquitates commisisse statuit, vel vindicando hominem et Dei sui iniuriam negligendo; vel quia primum peccaverunt in idolum Michae Iud. 17, 3., secundo in vitulos Samariae; vel quia 2 vitulos in Dan et Bethel habuerunt; vel ob dictum Ieremiae 2, 13.: *duo pessima fecit populus meus.* Alterutram harum interpretationem plerique recentiorum interpretum secuti sunt, ita tamen, ut quamquam prius יִצְחָק a יִצְחָק, tamen posterius יִצְחָק ab יִצְחָק deducerent, et in יִצְחָק עֲנָתָא suum quisque ingenium consulerent. Est, quantum scio, nova coniectura Eichhornii pro יִצְחָק legi debere יִצְחָק vel יִצְחָק, quod utrumque quomodo in nostram lectionem transierit, vix cogitari potest. Vertit: „Fremde Völker sollen gegen sie versammelt werden, sie an der Rinder beide Seile anzubinden.“ De Wette: „ich führe sie gefangen um ihrer zwiefachen Vergehung willen.“ Plura vid. ap. Rosenmuellerum in Scholl. et Schulten-sium in Animadverss. philolog. ad h. l.

22) In cod. quidem Alexandrino verba sunt: ἐπὶ τὰ τέσσα ἀδικίας ἧλθε παιδεῦσαι αὐτούς. Legerunt igitur fortasse יִצְחָק ita ut ἧλθον ex errore librariorum corruptum sit in ἧλθεν cf. Drusius ad h. l.; in aliis Codd. post παιδεῦσαι αὐτούς legitur κατὰ τὴν ἐπιθυμίαν μου.

X, 11.

11. Vates imaginem iumentum obtinens; quoniam dixerat Israelitas iungendos esse ad par onus cum illis nefariis hominibus trahendum, nunc misericordia commotus subactionem eorum sub iugum committit Deo labores eorum et onera ita versuro, ut copia inde iis detur revertendi ad sanam mentem; nova quidem annexa imagine agri, quem Ephraim, Iuda et omnes posteri Iacobi multas molestias ferendo ita praeparaturi essent, ut denique spargerent semina pietatis, colligerentque fruges, quibus rursus admoti ad Deum semper gaudere possent. Hic naturalis et simplicissimus huius et sequentis versus sensus esse videtur.

וְאֶפְרַיִם עֵגֶלָה מִלְמָדָה: *Ephraim non est impatiens iugi, quod sibi subinde imponere passa est, idque superstitiosis doctrinis et falsis prophetiis, cf. 5, 11. 9, 8. Vocatur igitur: vitula apprime edocta scil. h. l. ad iugum ferendum, quemadmodum עֵגֶל לֹא לָמַד eodem sensu occurrit Ier. 31, 18. et sine metaphora מִלְמָדָה Ies. 29, 13. Copula ך initio posita designat transitum ad novam sententiam, ad modum copulae כִּי, h. l. quippe, quin immo, allerdings, ja ohnehin. Vitula est edocta, verum ita, ut levi labore et cogitatione fructus capere velit. Amat enim triturare. אֶהְבֵּתִי particip. foemin. cum ך paragogico. לְדֹשׁ. Hic in operibus agriculturae, quibus boves adhibebantur, labor erat facillimus. Positus erat secundum Hieronymum ad h. l. in eo, ut ferrei orbes super acervos segetum traherentur, quibus palea a tritico separaretur, ubi (cf. Deut. 25, 4.) liberum bobus erat de frugibus subinde arripere, quia lege cautum erat, ne os iis ligaretur, unde huic operi incumbentes mirum in modum pinguescebant. vid. Bochart. Hieroz. c. 31. p. 306. Convenit haec imago moribus et studiis Israelitarum, qui levi et luxurioso cultu idolorum omnibus bonis terrestribus abundare vellent 2, 7. 9, 1. 2. וְאֵלֶי עֶבְרָתִי עַל-טֹב צִדְקָה: *equidem autem superveniam pulchrum eius collum, nimirum pinguefactum granis, quibus abunde vescebatur trititando. Verbum עֶבֶר in simili oratione semper malo sensu obvium, v. c.**

Num. 5, 14. Dent. 24, 5. Iob. 13, 13. Ies. 8, 8., h. l. nil aliud esse potest nisi: *iugum collo imponam*, nam in collo iugum ferebant boves, cf. Ies. 10, 27. 14, 25. Kuinoel ad h. l. Hiphil **יָרִיבִי** h. l. innsitato modo ponitur. Pr. est *vehere aliquem curru vel equo* v. c. Gen. 41, 43. 1 Reg. 1, 33. Sic Deus dicitur *vento vehere Iobum* Iob. 30, 22. Sed h. l. Deus non fingitur Ephraimum vehens, sed iugo collo imposito Ephraimum ipsum vehere oportet. Itaque sensus vocis **יָרִיבִי** non esse potest: *veham Ephraimum*, sed: *faciam ut vehat Ephraim*. Cum autem de laboribus bouum sermo sit, quorum in subsequentibus opera agriculturæ diserte commemorantur, nostrum quoque **יָרִיבִי** ad ea pertinet. Sic Eichhorn: „ich liess ziehen Ephraim.“ Boeckel: „zum Fahren soll Ephraim dienen.“ Dathe: *tradam Ephraimum vectori*. Sens.: *Non equidem Ephraimum leviter tractabo, ut hucusque tractari solitus erat, sed severiori cultui meo adstringam. Sed non unus Ephraim ita tractabitur, verum etiam Iudæa*, cives duarum tribuum, **יְהוּדָה יִירָשׁוּ**: *Iudæa arabit*; et sic *omnis Iacob* i. e. *omnis natio posterorum Iacobi* **יִשְׂרָאֵל**: *occabit, sulcos confringet* Ies. 28, 24. Iob. 39, 10. **לְךָ**: *sibi*, dat. commodi ut 8, 9., **לְךָ** 9, 4. et **לְךָ** v. 12. *Omnes a me edocti et ad gravius studium mei cultus et obsequii instigati sibi i. e. in suum commodum laborabunt*. Quale autem hoc commodum sit, docent sequentia, ut nempe *spargant semina, quæ ferant iustitiam*. LXX. de negotiis agriculturæ nil scire volunt. Vertunt enim in priori membro: *δεδιδωγμένην ἀγασσῶν νεῖκος*, i. e. *contentionem*, et in altero: *ἐπιβιβῶν Ἐφραῖμ, παρασιωπήσομαι Ἰουδαν, ἐνισχύσει αὐτῇ Ἰακώβ*, *reticebo Iudam, corroborabitur sibi Iacob*. Chald. beneficiorum a Deo Iudæis collatorum recensionem in hoc nostro commate quaerit. Simili modo Eichhorn. Alii contra nil nisi poenas divinas, nimirum proximum exilium et servitutem indicari volunt, cf. Lutherus.

12. *Quodsi graviore studio praeparati eritis laborando, arando, occando, curatote ne frustra ea omnia facta sint, sed, quod Iacobus sibi, לְךָ, occavit, id se-*

X, 12.

dulo colitote, ut bonos fructus ferat; illud לֹא igitur gravissimi momenti mihi esse videtur, nam illustrat transitum ad novam imaginem. Quamvis imagines vere tam laxè cohaereant, ut vates repente a laboribus boum ad labores hominum prosiliat, permanet tamen in agricultura, modum, quo cives ad meliorem frugem redeant, metaphora ex illa deprompta pingens. זָרַעְתֶּם לָכֶם: spargite vobis semina לְצִדְקָה: ad iustitiam i. e. quae ferant probitatem. צִדְקָה et צֶדֶק: quod iustum, verum est, ordini, consilio et legi suae consentaneum, a צֶדֶק, Arab. صدق rigidum esse, quod non flecli potest nec remitti. Hinc potissimum de iudice qui non declinat a lege, de statera quae in aequilibrio pendet Lev. 19, 36., de sacrificiis quae secundum legem offeruntur Dent. 33, 19., de pluvia quae quantum satis est arvis effunditur Joel. 2, 23., de felicitate quae digno contingit Is. 45, 8. 24, 46, 13. 51, 5. Jer. 33, 16. Ps. 132, 9. Eodem modo orta est significatio innocentiae, virtutis, non fucatae probitatis, verae pietatis, quae quidem semper in accurate observanda divina lege cernitur. Sic h. 1. et Ez. 3, 20. 18, 26. Ps. 7, 9. 18, 21. Prov. 12, 28. 16, 9. cet. Praep. ל non redundat, nam iustitia h. 1. non pingitur quasi semen, sed quasi fructus operum et molestiarum ex Dei voluntate subeundarum. Nec potest esse, ut Schmidtio placuit: secundum normam et regulam iustitiae in SSA comprehensam, nec, ut Drusius vult: largiter et copiose ut fas est: nam ita non responderet alteri membro huic parallelo. LXX. bene εἰς δικαιοσύνην. קָצַרְתֶּם לָכֶם scil. זָרַעְתֶּם לָכֶם metite, colligite vobis fructus. לְפִי-חֶסֶד: ad pietatem et benignitatem (utrumque enim significat חֶסֶד, cf. 4, 1. 6, 4.) i. e. ut in dies promptiores et paratiores evadatis ad pietatem benignitatemque exhibendam. לְפִי pro sola praepositione ל ponitur, ut Ex. 12, 4. Num. 9, 17. LXX. legisse videntur לְפִי הַיָּיִם, vertunt enim εἰς καρπὸν ζωῆς. Male vertunt, qui זָרַעְתֶּם לָכֶם לְצִדְקָה sementem iustitiae, קָצַרְתֶּם לָכֶם לְפִי-חֶסֶד messem benevolentiae divinae indicare putant. Membra sunt parallela, exhortationem continentia, ut in omnibus laboribus, seminando, metendo,

recolendo terram; nil spectent nisi צדקה et רסד. Nam de alio fructu sermo non est, quod postrema versus nostri verba clarissime docent, ubi vates illud unum praemium a Iehova quaerendum affert, ut iis צדק probitatem instillet. Eichhorn adeo novi quid in textum infert, ut scil. sit repetitio pristinorum legum divinarum: „Säet — sprach ich — Gutes, so erntet ihr auch Gutes, brecht euren wilden Acker auf; denn noch ist's Zeit Iehova aufzusuchen, damit er kommt und Segen auf euch träufelt.“

Quae sequuntur נִירָה לָכֶם נִיר: *novum agrum vobis colitote*, innuere mihi videntur assiduitatem laboris, cui incumbere debeant in emendando animo: *ne quiescitote neve contenti estote si quem pietatis fructum tuleritis, sed ut agricola agro culto non contentus incultam humum nova exercitatione temperat, ita vos rudem animum in dies magis exercitote ad bene faciendum*. Hanc esse verbi נִיר significationem e Ier. 4, 3. apparet. Hieron. vertit: *novellate vobis novale*, quae apud Latinos tantum de vineis dicuntur. LXX.: *φωτίσατε ἑαυτοῖς ὡς γυνώσεως*. Est enim alia significatio vocis נִיר s. נִיר: *lucerna*. — Perseverat vates in metaphora. Nam addit: וְעַתָּה: *tunc demum, si ita agrum praeparaveritis, tempus erit Iehovam invocandi*, לְדַרֹּשׁ אֶת-יְהוָה: *quaerendi eum precibus*, cf. Ies. 55, 6. 7. Am. 5, 6. Ps. 9, 11. 14, 2. עַד-יָבוֹא: *donec veniat i. e. ut tandem veniat*, וְיִזְרֹחַ צֶדֶק לָכֶם: *et depluat s. iniiciat vobis iustitiam, quemadmodum pluvia effundit ubertatem campis*. Nisi enim sic assidui in studio mores vestros emendandi fueritis, pietas vestra semper incerta manebit, nec Dei auxilium ad vestram in melius restitutionem sperare poteritis. צֶדֶק i. q. צְדָקָה, vid. supra. Plures interpretes posterius comma respectu non habito copulae ו ita intelligunt quasi nunc omni metaphora remota initium sit novae orationis: *tempus est, ut Iehovam serio adaeatis, ut veniat et ipse vos doceat iustitiam*, cf. Dathe ad h. l., item Hieronymus. LXX.: *ὥς τοῦ ἐλθεῖν γεννήματα δικαιοσύνης*, accommodatius sensui quam verbis.

X, 13.

13. Sed redit vates iterum ad mores suorum perversos, de quibus antea locutus erat. *Nondum enim tempus illud adest, hucusque enim coluistis quidem, non autem agrum ad bonos fructus ferendum, immo חֲרַשְׁתֶּם רֶשַׁע: coluistis impietatem.* חֲרַשׁ pr. est: tractare, elaborare, quod, si de metallis et lignis adhibetur, est: fabricari, machinari, de agro: colere, et quoniam primum negotium agriculturae est arare, id ipsum significat. Hoc l. sibi vindicat primariam significationem. Nam *impietatem arare*, quid hoc sibi vult? Quod sentientes interpretes explicant vel: *improbitatem seminatis*, ut Dathe, vel: *improbitatem arando intulistis* — ihr ackert ein, — alterum ex arbitrio alterum artificiosius. עֲלֵיתֶם קַצְרֹתָם: *scelera metilis.* Sens.: *studiosi estis impietatum, ita magis magisque vobis inhaerent.* אֲכַלְתֶּם פְּרִי-בֵּהֶשׁ: *vescimini fructibus mendacii i. e. fructibus qui spem vestram fallent*, cf. 9, 2. Simili modo שָׁקַר Ps. 7, 15. Qui enim spem ponit in rebus malitia et sceleribus acquisitis, is pessime decipietur, cf. Ps. 1, 4—6. 12, 10. Iob. 15, 20—33. Hieron.: *comedetis frugem mendacii, et in cunctis, quae proposuistis, spes vos vana decepit.*

Sequitur nunc in quam re spem posuerint, et quomodo fraudem experturi sint. Unde nonnulli interpretes v. c. Dathe, Kuinoel, Eichhorn al. hic novi versus initium quaerunt, mutatâ lectione vulgari בְּדַרְבֵּיךָ in בְּרִכְבֶּךָ, innisi auctoritate LXX. qui secundum Cod. Alexandr. et ap. Hieronymum vertunt: ἐν τοῖς ἄμαρτι σου. Sed Cod. Vatican. habet ἐν τοῖς ἁμαρτήματι σου, praeterea saepius iam vidimus, quam incerta eorum auctoritas sit. Subsistamus in lectione vulgari a Syro, Chald. Hieron. exhibitâ et intelligamus voce בְּדַרְבֵּיךָ: *perversos mores Israelitarum*, uti 12, 3. Ies. 57, 10. Ier. 2, 23. 33. 1 Reg. 15, 34. 2 Reg. 16, 3. i. q. עֲצָה v. 6. Melius etiam legere videntur nonnulli codd. ap. de Rossium בְּדַרְבֶּיךָ: *in viis tuis.* Sens.: *Fisus es perversae tuae idololatriae, idola tibi auxilium latura esse somnians.*

Pertinet hoc ad falsa promissa, quibus prophetae deceptum populum tenebant 9, 8. cf. 8, 5. al. בָּרִיב גְּבוּרִיָּה : *multitudini heroum*. גְּבוּרִיָּה a גָּבַר, quemadmodum גָּבַר : *fortis, fortis vir, heros*, cf. Ios. 1, 14. Cant. 3, 7. 4, 4, בִּי non causam praecedentis perversitatis, sed quod eam secuturum sit indicans: *si quidem*. Cohærere autem haec posteriora verba cum sequentibus v. 14. mutatum genus e 2. pluralis in 2. singularis significat.

14. וְקָאם שְׁאוֹן בְּעַמִּיָּה : *sed oriatur*, i. q. *fac existere tumultum*, praeteritum significatione concessiva ut 4, 10. 18. Describit rem futuram quasi iam ortam. קָאם habet נ epentheticum pro קָם, cf. Rosenm. ad h. 1. שְׁאוֹן : *tumultus*, ut Hieronymus monet: *sonus et fremitus ululantis exercitus*, cf. Am. 2, 2. Ier. 25, 31. בְּעַמִּיָּה i. e. *in tribubus tuis*. Pluralis pro singulari, uti Lev. 21, 1. 4. 14. cet. Non igitur opus est variante lectione בְּעַמִּיָּה, quam Kuinoel et alii e veteribus versionibus enuclearunt. וְכָל-מִבְצָרֵיהֶּ יִשָּׂד : *et multitudo munitio- num tuarum devastabitur*. Singularis verbi pertinet ad כָּל, nec iterum opus est variante lectione מִבְצָרֵיהֶּ a de Rossio inventa et commendata. כְּשֵׁד : *secundum vastare*, i. q. כָּאֲשֶׁר שָׂד : *quemadmodum vastavit*. שְׁלֵמָן nomen corruptum Salmanasseris. Solent sacri scriptores in nominibus propriis priorem et posteriorem partem omissis reliquis ponere, cf. Glass. Phil. S. p. 680. 81. idque potissimum in compositis, quorum est nomen שְׁלֵמָן-אֶסֶר, cf. ingeniosam et probabilem coniecturam Gesenii in Lex. ad h. v., e Persico Scherman-Aser, ortum esse: *plenus sanctae reverentiae ignis*. Similium corruptionum exempla Liveleius etiam e Graecis et Latinis scriptoribus attulit. בֵּית אֶרְבָּאֵל fortasse illud oppidum Galilaeae in superiori parte tribus Naphthali, quod 1 Macc. 9, 2. et Ioseph. antiquitt. 12, 18. Ἀρβηλα vocatur. Certe finibus Assyriae proximum erat pugnae aptum, siquidem e Iosepho l. c. videmus Bacchidem, quem Demetrius Soter rex Syriae ad oppugnandos Iudaeos miserat, castra ibi posuisse. Gesenius in Lex.

X; 14.

ad v. **בִּרְיָ** intelligi censet aliud oppidum Assyriae eiusdem nominis, inter Lycum et Tigridem situm, ingenti clade ab Alexandro Magno Dario regi illata notissimum. Verum non est, quod ad locum remotum eumque barbarum abeamus, cum habeamus vati nostro et orationis sensu et patria propinquiorem. In sacris libris praeterea non occurrit, nec propter inopiam monumentorum historicorum aliquid certi de eo desumiri potest. Veritati proxima videtur sententia reputantium h. l. indicari aliquod gestum belli illius Assyriaci, de quo brevissime agatur 2 Reg. 17, 3. quodque Hoseas suo more levissimis lineolis tetigerit. Huius oppidi muniti exemplo vates, qualis vastatio immineat imperio, describit. Verum longe aliud quid habent LXX.: *ὡς ἄρχαν Σαλαμὴν ἐκ τοῦ οἴκου τοῦ Ἰεροβοὰμ* (pro quo quidem exhibuisse videntur secundum Hieronymum et magis convenienter textui: *Ἰεροβοὰλ*) *ἐν ἡμέραις πολέμου μητέρα ἐπὶ τέκνοις ἠδάφισαν*, et Hieron.: *sicut vastatus est Salman a domo eius qui vindicavit Baal*. Verum utraque versio rem et lectionem textus vel incertiore reddit. Hieron. quidem ita disserit: *Omnes tuae munitiones devastabuntur, quomodo vastatus est et contritus Salman (Zalmuna princeps Midianitarum Ind. 8, 5. cet.) a Gideone, qui destruxit fanum Baalis lucumque succidit, et ille se vindicare non potuit, unde Ierobaal cognominatus est, i. e. ulciscatur se Baal Ind. 7, 1.* Quod autem addit legi in libro Iudicium verba Gideonis ad principem Midian: *quomodo absque liberis fecit gladius tuus multas matres, ita sine filiis erit inter mulieres mater tua*, de eo in libro Iud. nil legitur. Sunt autem verba Samuelis ad Agagum regem Amalekitarum, Chald. utrumque nomen proprium pro appellativo sumsit, prius a **שָׁלֵם** alterum ab **אֶרֶב** derivans, ita: *omnes munitiones tuae depraedabuntur, sicut depraedatur pacificus per insidias tempore belli. Mater super filios occisa est.* Kimchi adfert expositionem patris specie probabilitatis non destitutam quid quod usui vatis symbolica nomina exhibendi maxime convenientem: **שַׁלְמָן** esse Salmanasserem et **בֵּית אֶרְבָּאֵל** Samaritanam, domum, cui insidiatus sit Deus, et quam ob iniquitatem suam ceperit. Plura alia artificia ad expediendum locum sem-

per obscurum vid. ap. Rosenmuellerum ad h. l. **אֲשֶׁר בֵּן עַל-בְּנוֹת רַעֲשָׁה**, deest relativum **בֵּן אֲשֶׁר**: *ubi mater super liberis collisa est*. Similis descriptio crudelitatis bellicae vid. 14, 1. cf. Ps. 137, 9. Ies. 13, 16. Am. 1, 13.

15. Finit vates iterum ut 9, 17. loco communi, paucis vanitatem fiducia designans quae et vitulis cultis v. 5—7. et falsis prophetis auditis 9, 8. et perversis consiliis captis v. 6, 13. et heroibus in auxilium vocatis v. 13. eos deceptura sit. **עָשָׂה לָכֶם**: *faciet vobis*; quod v. 3. bono sensu legimus, nunc malo habemus, cf. Gen. 22, 12. 27, 45. Exod. 14, 11. Ps. 56, 5. **בֵּית-אֵל** locus ille idololatriae a Ierobeamo sacratus, qui alias nomine *Bethaven* apud vatem nostrum occurrit. Est metonymia loci pro gestis in loco. Sens.: *Sic vos remuneratur flagitiosus ille cultus, quem Bethel exercetis*. Eodem modo Hieron. et Chaldaeus. LXX. iterum alio modo vertunt: *οὕτως ποιήσω ὑμῖν ὅσος τοῦ Ἰερουζαλ.* Schmidt ita: *sic vobis facit, scil. Salman, o Bethelitae* **מַלְכֵּי רָעָם בְּעֵת רָעָם**: *propter extremam malitiam vestram*. Repetitio eiusdem nominis auget gravitatem significationis, cf. Gesen. Lehrgeb. p. 671. **בְּשָׁתֵּר** i. q. **בְּשֶׁתֶר**, quod exhibuit Hieronymus, et quod plerique Codd. ap. de Rossium et Kennicott. habent. **ב** et **בְּ** in libris sacris saepissime propter similitudinem permutantur. Glass. Phil. S. p. 564. Ita aptissimum est expositioni vatis. Sed apud Glass. Phil. S. p. 1052. cf. Dathe ad h. l. verba non bene ita explicantur: *in ipsis regni sui initis*, cf. Eichhorn: Nam post octo, vel secundum 2 Reg. 15, 30. demum post sedecim annos imperii rex Hoseas de quo h. l. sermonem esse fere omnes consentiant, in captivitatem abductus est. Qui propriae significationi vocis **בְּשָׁתֵּר** inhaerent, melius vertunt: *tempore pacis allucescente*, uti Ies. 8, 20. Tum sensus esset: *affulgentibus melioribus temporibus propter societatem cum rege Assyriae expectatis et magno pretio emtis*. Iuxta nostram sententiam *ceu aurora* est i. q. *tam cito ut aurora transit*, vid. similem imaginem 6, 4. **נִדְמָה נִדְמָה מֶלֶךְ יִשְׂרָאֵל**: *interibit rex, scil. Hoseas ultimus Israeli-*

tarum. Indicat igitur vates propter perversitatem Israelitarum id accuratissime eventum comprobatum iri, de quo v. 3. eiulaverant: se regem non habere. Ceterum LXX. et Hieron. a verbo בִּשְׁחָר novum caput incipiunt.

Hieronymus autem hoc vaticinium vatis: *sicut mane transiit, pertransit rex Israel: quia puer Israel et dilexi eum*, in bonam partem sumsisse videtur, quasi initium melioris aevi. Ita enim disserit: *Sicut enim ortus aurorae et diluculum et principium diei, quod appellatur mane inter noctis solisque viciniam transit celeriter, ita ut finiatur nox et clarescat dies, sic rex Israel i. e. decem tribuum velociter transibit. Transire enim haereticos instar diluculi et regem eorum diabolum vel haeresiarcham intelligimus.*

XVI.

Cap. XI, 1—11.

Dum Israel puer erat et amavi eum et ex Aegypto arcessivi filium meum. 2. A quibus autem vocabantur, ab iis animum avertabant. Sacrificia ferebant Baalibus et suffimenta accendebant idolis. 3. Pedes Ephraimo movi, illosque super brachiis meis prehendi. Verum non intelligebant, me eorum infirmitati mederi. 4. Funibus humanis eos traxi, funibus amoris. Tanta cura eos amplexus sum quasi qui iugum maxillis eorum impositum allevarem. Coelitus demisi ad eos escam. 5. Non redierunt quidem in terram Aegyptiacam, sed nunc Assur eorum rebus potitus est, quoniam redire ad meliorem frugem noluerunt. 6. Propter tam perversa eorum consilia ensis per Ephraimi urbes grassatus abstulit vectes portarum, immo illas

constumsit. 7. Nihilominus gens mea inhaeret defectui a me. Quamquam coelitus vocatur, tamen sese uno animo non effert. Quomodo te tractem Ephraim? Utrum clypeo te tuear Israel? an te tractem sicut Adama, parique modo te prostituam ut Zeboim? Animus meus intime movetur, unâ exardescunt benevolentiae meae scintillae. 9. Non emittam furorem indignationis meae, non revertar ad perdendum Ephraimtum. Nam Deus sum, non homo; sanctus tibi semper propitius. Non quidem in tua oppida ingrediar. 10. Sequantur modo Iehovam, qui ut leo rugit; quo rugiente trepidabunt incolae orientis, 11. trepidabunt velut avis, qui sunt e terra Aegyptiaca, velut columba, qui sunt e terra Assyriaca. — At secure illos habitare faciam in suis domiciliis, inquit Iehova,

Gratior, mitiorque fluit huius vaticinii oratio tantis difficultatibus haud obstructa quantis praecedens et sequens. Directa videtur ad meliores cives depravationem populi sentientes deque salute desperantes. Quos consolari studet et memoria praeteritorum temporum, et exhortatione, ut tandem Deo semper ad sanandum et restituendum populum parato se advertant. Iterum exhibita videtur tempore Hoseae ultimi regis, cf. introd. pag. 88.

1. In memoriam revocat vates pristina tempora, ipsa initia rerum Israeliticarum, non ita ut laudet eorum atavos, quemadmodum 9, 10., sed ut designet vestigia favoris divini, quibus repleta sit antiquissima posterorum Iacobi historia. Notio causalitatis, quae particulae *כי* tribuitur, h. l. optime ita vindicari potest: *amavi Israellem quia puer erat, nondum depravatus*

XI, 1. 2.

malis moribus et nondum praeceptorum meorum impatiens. Omnes imagines desumptae sunt a patre filium dum sui adhuc impotens est amante, cf. Tremellius et Clarius ad h. l. Itaque כִּי h. l. ut 7, 6. vertatur: *dum.*

Respicit vates tempus commorationis in Aegypto, ubi populus primam iuventutem degisse fingitur Ez. 23, 3. coll. uberiore descriptione infantiae Ez. 16, 4—7.

מִמִּצְרַיִם קָרָאתִי לְבָנִי: *ex Aegypto arcessivi filium meum* i. e. *populum, quem meum esse ex omnibus terrae nationibus legeram*, cf. Ies. 42, 1. 43, 1. 44, 1. 2. Exod. 4, 22. 23. Dent. 4, 37. 10, 15. קָרָא cum praep. וּ indicat: *ad se vocare, arcessere*, Lev. 9, 1. Esth. 5, 12. In N. T. Matthaeus 2, 15. hoc loco quasi typo de Christo usus est e textu Hebraico, verum non ut bonus interpret: ἐξ Αἰγύπτου ἐκάλεσα τὸν υἱόν μου pro τῷ υἱῷ μου. Interpretes his verbis vaticinium de Christo exhibitum scrutati, ac si Christus in lumbis illorum patrum lacobiticorum vocatus esset, invenerunt lumbos Nahossoris, in quibus mundi redemptor tunc temporis cum reliquo populo ex Aegypto exivisset. Matth. 1, 4. Num. 1, 7. cf. Guertler in Theol. prophet. p. 380. Revera vates dicere vult: *ex Aegypto ad me vocavi filium meum, ut meus esset, mihi semper amore filii in terra a me promissa, ubi non aliis nisi meis legibus subiectum volui, deditus.* Hieronymus bene de ea re ita disserit: *superest ut illud dicamus, quod ea, quae τυπικῶς praecedunt in aliis, iuxta veritatem et adimpletionem referantur ad Christum. Quod enim scriptum est: populus Israel, et dilexi eum, ex Aegypto vocavi filium meum, dicitur quidem de populo Israel, sed perfecte refertur ad Christum. Qui ex parte typi fuerunt domini salvatoris, non omnia, quae fecisse narrantur, in typo eius fecisse credendi sunt. Typus enim partem indicat. Quodsi totum praecedat in typo, iam non typus sed historiae veritas appellanda est.* LXX. iterum male: ἐξ Αἰγύπτου μετεκάλεσα τὰ τέκνα αὐτοῦ.

2. Versus iste quasi parenthesin facit, nam interruptit orationem de benevolentia Dei erga Israellem puerum vituperatione huius pueri. *Vocati non ad Deum accedebant, sed iam in deserto impium simulacrorum*

cultum amplexi sunt. קָרָא לָהֶם. Supplenda est copula כ, scil. בְּקָרָא. *Quemadmodum iis* scil. meo nomine *vocarunt*, i. e. *eos ad me invitarunt*. Subiectum nomine Dei Israelitas arcessens facile intelligi potest: *prophetae a Deo missi.* בֵּן הָלַכְי מִפְּנֵיהֶם: *ita ab iis abierunt.* Integra oratio כ — בֵּן: *quemadmodum — ita* occurrit 4, 7., alias modo כ modo בֵּן deest, cf. introduct. p. 102. In versione Latina vatis sententiam opere relativi simplicissimo modo ita exhibendam putavi: *a quibus vocabantur, ab iis animum avertabant.* הָלַכְי מִפְּנֵיהֶם: *deseruerunt eos, ab iis defecerunt*, uti Ier. 7, 24. יָדָדִי לֹא לְפָנַי. Nomine פָּנַי redundante sensus idem est ac si legatur מִיָּדָדִי, cf. מִפְּנֵי eadem significatione Num. 20, 6. Ier. 41, 18. Ps. 3, 1. Vates praepositionem מִן in huiusmodi compositionibus amat, cf. 1, 2. 4, 2. 9, 1. Res plana est et simplicissima, nec est quod confugiamus ad variantem lectionem לְפָנֵיהֶם: *coram facie eorum*, quam de Rossi adfert, nec ad mutationem textus ex auctoritate LXX, quam I. D. Michaelis probat in Oriental. Bibl. Tom. 19. p. 188. καὶ οὕτως μετεκάλεσσεν αὐτούς, οὕτως ἐπώχοντο ἐκ προσώπου μου. αὐτοὶ τοῖς Βααλεῖμ ἔθυσον. Magis etiam recedit Eichhorn a simplicitate orationis deastros immiscens: „Sobald es Götter riefen, verliess es meine Seite.“ לְבַעְלִים יִזְבְּחָהּ: *Baalibus sacra faciebant.* De Baale iam inde a deserto variis nominibus ab Abrahami posteris culto vid. 2, 10. cf. Ps. 106, 28 — 38.

3. Redit nunc vates ad descriptionem divini amoris erga hanc gentem, maxime inennte eius aetate. תִּרְגְּלֵנִי. לֶאֱחָזֵנִי. Verbum formatum e substantivo רָגַל, Aramaea formatione, secundum Gesen. ad h. v., vel Arabica, secundum Michaellem ad h. l. Pari modo formatur אֶמְחִי v. 8. Cum in altero membro dicatur Deus super brachiisprehendisse Ephraimum, si vires eum defecissent, qui mos est patribus vires infantium exercituris, illud nostrum verbum de eadem paterna exerci-

XI, 3.

tatione interpretandum esse videtur, nimirum *pedes eorum direxi, ut ire discerent*. Germ.: „gängen.“ Ita respondet significationi coniugationis Hiphil a verbo usitato רָגַל: *circumgredi*, Hiph.: *circumgredi facere* Ios. 14, 7. 2 Sam. 10, 3. Gên. 42, 9. Fortasse etiam antiquitus scriptum fuit רָגַלְתִּי. Construitur autem cum ל personae. Nam accus. ap. rad. רָגַל indicat locum, ubi circumgrediuntur, vel quem circumeundo explorant. Lutherus: „auf die Füße helfen, gleich wie die kleinen Kinder bei der Hand geleitet werden auf dass sie lernen die Füße setzen und gehen.“ LXX.: συνέπδισα, *complicavi, colligavi*. Videntur inconsiderate verbo Hebraico a רָגַל derivato verbum Graecum a ποῦς derivatum substituisse. Hieron. eorum partes egit ita: *illis immolantibus Baalim et me vocante fugientibus a facie mea, ego clementissimus dominus ligabam pedes Ephraim, ne a me longius fugerent*. Ipse autem locum non e verbis sed ex historia illustrat: *Narrat Deus, quo Israel amore dilexerit Deut. 1, 31. 32, 11. Ego, inquit, qui pater eram, nutricius factus sum et parvulum meum in ulnis ita portabam, ne laederetur in solitudine. Itaque vertit: ego quasi nutricius Ephraim*. Verbum igitur רָגַלְתִּי pro nomine habuisse videtur ad formam רָפְאֵת, ut quidam Hebraei, vid. ap. Kimchium ad h. l. In quam alienas partes abierint interpretes vid. ap. Rosenm. ad h. l.

קָחָם עַל-יָרְעוּתִי: Difficilia verba! קָחָם procul du-

bio est infinitivus constructus ad formam verborum פָּן confectus (cf. Gesen. Lehrgeb. p. 356.) cuius usum, quamquam h. l. statum infinitivi absolutum expectavissemus, tamen aliorum similium verborum exempla (vid. ibid. p. 784.) excusant; eodem modo ut Ez. 17, 5. Quae nostrum verbum explicandi ratio optime convenit et versioni et lectioni antiquissimorum interpretum. Soluta enim infinitivo, *prehendendo*, in primam praeteriti personam lectio antiqua יָרְעוּתִי prorsus suo loco est. Vertunt igitur LXX.: ἀνέλαβον αὐτὸν ἐπὶ τὸν βραχίονά μου, Hieron.: *portabam eos super brachiis meis*, eodem mo-

do Syrus, ad quos accedunt codd: a de Rossio commemorati. Verum Hebraei infinitivo offensi et קָחַם e modo orationis grammaticis probatori tertiam praet. esse autumantes vocem קָחַם in קָחַם mutandam esse apte censuerunt. Hinc, opinor, lectio nostra originem duxit, quam nonnulli recentiorum consuetudine valis ab altera ad alteram personam transiliendi defenderunt, ita vertentes: *immo* (Deus qui antea in prima persona de se locutus erat) *prehendit eos super brachiis suis*, v. c. Piscator ap. Tarnovium ad h. l. cf. Ewald kritische Grammatik [der Hebr. Sprache pag. 461. Cum autem h. l. saltus nimium vehemens esset et omnis elegantiae expers, vel etiam duplex, nam suffixo quoque קָחַם mutatur singularis אֶפְרַיִם in pluralem, Dathe, Boeckel, Eichhorn alique interpretes antiquissimam lectionem restituere maluerunt קָחַם עַל-יָדֵינוּ, quo nil melius fieri posse censeo. Sens. est: *pedes eius ita direxi, ut super brachiis meis viribus exhaustos susciperem*. Sunt qui קָחַם infinitivum vel participium loco primae praet. positum esse statuunt, nihilominus autem lectionem קָחַם יָדֵינוּ servare malint. Alii sic verba expediunt: *prehendi Ephraimum brachiis suis*, v. c. Kuinoel, verum prorsus repugnante praepositione עַל. Quamquam enim significat: *ad, apud*, adeoque solum dativum, tamen semper hoc ita fit, ut primaria significatio *super* emergat. Hoc autem l. si ad liberos referretur, significatio esset plane contraria, nimirum: *subter*, nam infantium brachia non *superne* sed *infra*prehenduntur a patribus eos in ambulando levaturis. Alii vel particulam comparativam כּ supplent, ita: *ac si quis suscepisset eos super brachia sua* (cf. Schmidt: *Videtur, inquit, esse comparativa locutio, in qua se Deus comparat cum viro, qui paterne ducat puerum adeo aegre incedentem, ut etiam super brachia sua eum suscipiat*), vel ut Tremellius Ephraimum orationis subiectum esse putant, ita: *suscipit Ephraim idola super brachia sua*. Chald. suffixum prorsus omisit: *portavi eos quasi super brachiis*.

וְלֹא יָדְעוּ כִּי רַפְּאֵתוֹם: *sed illi non agnoscebant, me eos sanasse*. Vel enim contumaciter recusabant, quae

XI, 3. 4.

coram oculis eorum erant, cf. 2, 10. Ies. 1, 3., vel erant stolidi, quos mens deficeret 7, 11. *Sanare* omnino indicat: *auxilium alicui ferre in infirmitatibus corporis*, a nomine **רָפָא**: *infirmus, aeger* Ps. 60, 4. Ies. 57, 18. De restitutione pristini status sermo esse non potest, quia tantum de initiis rerum Israeliticarum agitur. Verti igitur debet: *non intelligebant me eorum infirmitati mederi*. Hoc posterius comma parallelismum exhibet versus secundi et pari ratione ut ille in parenthesis ponendum est.

4. Descriptio amoris divini nunc continuatur iterum metaphorice, imagine de infantibus sumta. **בְּתַבְלֵי אָדָם**: *funibus humanis* i. e. non uti bestiae aguntur, sed uti infantes ingenuorum hominum ducuntur. Herder (Geist der Hebr. Poës. Tom. II, p. 73. edit. Iusti): „Ich gängelte am Leitband ihn, mit Kindesbanden leitete ich sie.“ Similis locutio 2 Sam. 7, 14. **אֶמְשֶׁכֶּם**: *traxi* i. e. *duxi* eos. Chald.: *tractu filiorum dilectorum traxi* eos. Hieron.: *in funiculis Adam traham* eos, quod ita explicat: *funiculis, quibus Abraham, Isaac et Iacob mihi adstrinxeram*. LXX.: ἐν διαφθορᾷ ἀνθρώπων ἐξέτεινα αὐτοὺς, ἐν δεσμοῖς ἀγαπήσεώς μου. **בְּעֶבְרֹתֶיךָ אֶהֱבֶה**: *funiculis amoris*. His verbis inest amplificatio priorum: *funibus humanis*. Sens.: *amor meus vinculum erat, quo illos per omnes angustias et per omnia pericula ducerem*.

וְאַחֲרָיָה לָחֶם בְּמִרְיָי עוֹלַל לִיחֵהֶם. Sens.: *levavi* iis iugum a me praeceptis meis paternis iis impositum, quemadmodum agricolae manibus attollunt iugum, ubi vident iuvenum onere eius in labore gravari. Pro plurali Chald. Syr. Hieron. habent singularem **בְּמִרְיִי**: *quasi exaltans*, item LXX. quamquam plane alio sensu. Elegans et subtilis est forma orationis. Cum enim vates de sorte infantium imaginem petierit, non addit, ut minus accurate potuisset, *levavi* iis iugum super maxillis eorum, quae de bobus valuissent, sed: *fui* erga eos, *meos* liberos, *ita* mitis, ut agricolae, qui iuvencae amatae iugum imponere coacti

id sedulo manibus levant, ne collum tenerum laedatur. Quae verbis aliquantum a textu recedentibus concinnitatis causa in versione ita exhibui: *tanta cura eos amplexus sum, quasi qui iugum maxillis eorum impositum allevarem.* Iugum autem sibi esse impositum, quamquam liberi ab exosa servitute Aegyptiaca, per desertum migrantes nihilominus inter molestias itineris senserunt. Ideo iterum iterumque contra Deum murmurarunt Exod. 15, 24. 17, 3. 16, 2. 3. Num. 11, 4 — 16. Praeterea nexus orationis docet h. l. de iugo Aegyptiaco cogitari non posse; id enim Deus prorsus ab iis abstulerat. Sermo est de rebus post exitum ex Aegypto gestis, unde ad Iehovam vocati erant vid. v. 1. Tunc Deus ut bonus pater educando, castigando, leges ferendo, ad incommoda adsuesfaciendo iis quidem onus molestiarum et obsequii imposuit, sed idem iis levavit. Porro velut bonus pater erga infantes se Deus praestitit cibum porrigendo. **וָאֵת אֱלֹהֵי אֲזִכְרִי**: *declinavi ad eum cibum*, Exod. 16, 12 — 15. 17, 6. Verbum **נָחַה** in Kal et Hiph., saepius habet significationem activam: *declinare* Ps. 17, 6. 119, 36. 112. Gen. 24, 14. Ier. 7, 24. 62. Notanda est iterum mutatio pronominis pluralis in singularem **אֱלֹהֵי אֲזִכְרִי** apocop. fut. Hiph. e contracto **אֲזִכְרִי** pro **אֲזִכְרִיה**, *Demisi iis, nimirum coelitus, cibum*, ut foemininum **אֲזִכְרִיה** 1 Reg. 19, 8. et **אֲכַל** Gen. 41, 35. 42, 7. 10. Multiplicibus formis hoc substantivum a rad. **אָכַל** formatur, vid. Buxtorf. in Lex. ad h. v. Ita inter antiquos Chald. Syrus, Symmachus ap. Hieron. et plures recentiorum, Lutherus, Drusius, Kuinoel. Reliqui admodum differunt in constituenda significatione vocis **אֲזִכְרִי**. Sic v. c. putant esse futurum Hiphil constructione asyndeta (ut 5, 11.): *leniter me demittens ad eum, cibavi eum*, cf. Gusset, Rosenmueller et Eichhorn; nec alio modo Hieron.: *declinavi me ad eum, ut vesceretur*. Lud. de Dieu poenam praedici putat, verbum nostrum secundum cognatas formas **יִזְכֶּה** Ies. 29, 14. et **אֲזִכְרִיה** Ps. 16, 5. participium Kal esse autumans: *inclinabo ad eos comestorem*, cf. Michael. ad h. l. Alii denique LXX. secuti deducunt a **יָכַל**:

XI, 4. 5.

potuit, sustinuit. Legunt autem אִכַּל ut sensus sit: *inclinabo me respiciens ad ipsum, ut eum sustineam*, s. e significatione prorsus contraria: *ut ei praevaleam, eum vincam* 12, 5. Gen. 32, 26. LXX. posteriorem partem versus nostri ita vertunt: καὶ ἔσομαι αὐτοῖς ὡς ῥαπίζων ἄν-
θρωπος ἐπὶ τὰς σιαγόνας αὐτοῦ. καὶ ἐπιβλέψομαι πρὸς αὐτόν, δυνήσομαι αὐτῶ, i. e. secundum Hieron.: *ero iis quasi dans alapas homo super maxillas eius et respiciam ad eum praevalens ei.* In qua versione id memoratu dignissimum est quod initio sequentis versus legerunt לִי pro לָּ idque addiderunt huic nostro. Ita sane mul-
tum caliginis evanesceret e versu sequenti, nam illud לָּ interpretes torquet. Verum quamquam Dathe ea de causa lectionem LXX. in textum recipere non dubita-
vit et Boeckel cum Eichhornio eum secutus est, tamen quomodo difficilis adeo ac plerisque obscura lectio לָּ o facillima לִי orta sit, non facile intelligitur. Nullus denique codd. lectionem לִי habet. Plures contra codd. legunt אִכַּל: *reducam*, v. de Rossium ad h. l. Quae quidem lectio, ubi pronomen quoque deest, sensum plane alienum, *reductionis*, infert.

5. Difficultas huius versus e sententioso vatis lo-
quendi modo nascitur. Quae enim in animo habuit, le-
vibus modo lineolis designare solitus est. Nostrum au-
tem est sententiam verborum ex ingenio vatis eruere. Iam in eo erat, ut fata posterorum Isaaci in deserto describeret. Senserunt isti ingum periculosissimae mi-
grationis, murmurarunt contra Iehovam et a Mose red-
itum ad ollas carniū Aegypti extorquere studuerunt Num. 14, 2. 3. cf. 11, 4—6. Exod. 16, 3, 17, 3. Ve-
rum benefactis et miraculoso auxilio, praesertim cibo coelitus demisso, iterum iterumque Iehova eorum impa-
tientiae respondit, ita ut animi sedarentur et plurima pars populi in migratione ad terram promissam sedulo perseveraret. Attamen non sufficebat non rediisse po-
pulum in Aegyptum: convertendus erat ad Iehovam. Quod cum noluerit, imperio Assyriorum subiectus est. Paronomasia et inde orta difficultas est in verbo שִׁיב
quod adiecta praep. לָּ est: *reverti ad aliquem locum*,

sine additamento: *convertere se ad meliorem frugem* cf. Is. 1, 27. Ier. 5, 3. 8, 4. 5. 2 Chron. 6, 24. al. Initium igitur huius versus continet descriptionem factorum gestorumque in deserto. *Saturati miraculosa esca Israelitae quidem non reversi sunt in terram Aegyptiacam.* Quemadmodum autem v. 2. et 3. descriptioni beneficiorum divinatorum vates addiderat impietatem populi, sic nunc itidem addit: מֵאַחַד לְשׁוּבָה, commemoratâ simul vel potius praemissâ miseriam ab ipsis contractâ: וְאַחֲשֵׁרֵי הָיָה מֶלֶכָּהּ. Itaque sensus posterioris membri aptissimus hic est: *sed nunc Assur ille eorum rex est i. e. eorum rebus potitus est quasi vere rex eorum esset, quia reverti ad meliorem frugem recusarunt.* Respicit vates procul dubio illa tempora, ubi imperium usurpans Hoseas, ut auxilio regis Assyriaci frueretur, omnia ex ipsius consilio et arbitrio gesserat cf. introd. p. 88. Haec explicatio verborum nil in textu desiderat, praeter transpositionem accentus gravis Athnach a verbo מֵאַחַד ad verbum מֵאַחֲשֵׁרֵי. Futurum verbi לְשׁוּבָה est tempus historicum, stricte cohaerens cum futuris versus quarti. cf. Gesen. Lehrgeb. p. 767. Copula וְ est adversativa *sed* et הָיָה δευτικῶς, ut saepius apud nostrum ponitur 9, 10. 12, 2. al. LXX. verbum לְשׁוּבָה initio versus nostri ponunt. Boeckel idem faciens sic vertit: „er wendet wiederum sich nach Mizraim.“ Item Eichhorn: „er soll nun wieder nach Aegyptenland,“ et de Wette: „ins Land Aegypten sollen sie kehren und der Assyrier König seyn, weil sie nicht wollen sich bekehren.“ Verum sic diversa componuntur. In Aegypto enim Assyrius eorum rex esse non poterat. Nec unquam Assyrii rebus Aegyptiacis ita potiti sunt, ut vel in Aegyptum profugi illis subditi fuissent, cf. Beckers Weltgesch. Tom. I. p. 31. et 36. LXX. autem quasi textus haberet לְשׁוּבָה vertunt: κατέλαβεν Ἐφραὶμ ἐν Αἰγύπτῳ.

Plerique interpretes propriam vim temporis futuri vindicantes, prius comma intelligunt de eventu illo historico 2 Reg. 17, 4. ubi legitur, regem Hoseam misisse in Aegyptum ad auxilium regis So implorandum, quo

XI, 5. 6.

quidem nimium sero venerit, ita: *non revertatur ultra, ut nuper fecit Ephraim, in terram Aegyptiorum ad auxilia petenda*. Sic Hieronymus. Alii contra לָא esse autumant i. q. הָלֵא hoc sensu: *nonne in Aegyptum revertetur?* i. e. *utique revertetur!* Alii v. c. Lutherus לָא vertunt: *ne*, et cum versu 4. ita coniungunt: *Deus demisit iis coelitus esoam, ne in Aegyptum revertantur*. Sed omnes fere interpretes לָשׁוּב in posteriore commate de reditu ad Iehovam s. ad meliorem frugem intelligunt.

6. Vates nunc in memoriam revocat clades a rege illo Assyriorum suis illatas. חָלָה 3 foemin. a rad. חָלָל:

in gyrum torquere (secundum analogiam Arabici حَال in cf. Gesen. ad h. v.), quod plerumque intransitive obvium est (v. c. significatu *parturire, dolores parturientis sentire*, deinde: *terrore concuti* Exod. 15, 14. Deut. 2, 25. Joel. 2, 6.), ponitur saepe etiam transitive, v. c. 2 Sam. 3, 29. Ier. 23, 19. 30, 23. Sic h. l. servata significatione tremoris: *ensis grassatus est, irruit in eorum urbes*. De Wette primam radice significationem curans apte vertit: „es kreiset das Schwerdt durch ihre Städte.“ חָלָל poelice pro bello, ut v. c. Gen. 31, 26. Ies. 1, 20. al. Pronomina Hebraici textus modo singularia modo pluralia prout vates aut de Ephraimo aut de civibus cogitavit, in versione, ut oratio melius contineretur, paullo liberius reddenda putavi. וְכִלְתָּהּ בְּדֵירָא: *consumsit* i. e. *abstulit vectes eorum*. בְּדֵירָא: *vectes, repagula*. Sic Lutherus, Lackemacher, Michaelis et plures eos secuti. Occurrit Exod. 25, 13. 14. 27, 6. al. de *vectibus, quibus tugurium sanctum portabatur*, sicuti tropice de *validissimis corporis membris* Iob. 18, 13. 41, 4. Hinc optime de repagulis portarum h. l. intelligitur. Sunt enim per synecdochen partis pro toto: *munitiones urbium*, ut in illis locis Iobi: *totum corpus*. Significatio est Chaldaica, a Chaldaeo quoque interprete quamquam tropice prolata: גְּבִרֹתָי: *fortes viri*. Quae vocis etymologia, cum h. l. sermo sit de vi furore belli

urbibus illata, commodissimum sensum exhibet. Praeter illam Chaldaei tropicam explicationem alii, v. c. Dathius, vertunt: *mendaces*, a rad. בָּדַן; Hieron.: *electos eius*. Eodem modo Boeckel et Eichhorn. וְאֵכְלָה: *devoravit, absumsit*, nimirum urbes, quae initio versus ita commemorantur ut commodissime in fine suppleri possint. מִמִּוֶּעַצְיָהֶם: *prae consiliis eorum* scil. *perversis*, quod nempe noluerunt ad Deum se convertere, fiduciā et in idolis et in auxiliis barbarorum positā. Eodem sensu Ps. 5, 11. 81, 13. Prov. 1, 31. Hieron. hoc verbo designari voluit: *capita quae consilia habeant*, ita: *comedet capita eorum*, i. e. ut non possint aliquod invenire praesidium: *tum plebs miserabilis, quae ad me reverti noluit, sero aget poenitentiam hostibus cuncta vastantibus*. LXX.: καὶ ἡσθένησεν ἐν ῥομφαίᾳ (pro quibus in edit. Plantin. legitur et ab Hieron. vertitur ῥομφαία) ἐν ταῖς πόλεσιν αὐτοῦ καὶ κατέπαυσεν ἐν ταῖς χερσὶν αὐτοῦ. καὶ φάγονται ἐκ τῶν διαβουλιῶν αὐτῶν, ut nempe בִּדְרִי pro בְּדִיר et אֵכְלָה pro אֵכְלָה legerint. Eodem modo Syrus in lectione variasse videtur. Ceterum fere omnes interpretes in hoc loco vaticinium quaesiverunt. Verum errasse videntur. Nam inde ab initio huius capituli tantum descriptio status pristini et praesentis Iacobi posterorum, antea beneficiis Dei ornatorum, tunc temporis autem iam miseriis propter immorigerum et impium ipsorum animum oppressorum, exhibetur. Vaticinium tantum sequitur v. 8. idque tam expressis verbis tamque solenni modo nunciatum, ut dubitari non possit inde ab illo versu alteram partem eamque prophetica poematis inchoari. Denique ant vis temporum Hebraeorum omnino nihil valet, ant praeterita huius versus etiam praeteritum tempus designant. Versu 4. et 5. tempore futuro fata populi longius remota per desertum migrantis historice describuntur. Nunc praeterita ob copulam ו cum nudo praeterito בִּנְיָמִי v. 5. coniuncta eventu expleta omnibusque notissima commemorant. Posthaec futura inde a v. 8. suo ordine de futuris temporibus adhibentur. Sic omnia elegantissime cohaerent. Designat vates Dei benignitatem inde a primis quidem temporibus spretam et neglectam. Quae negligentia id

XI, 7.

calamitatis attulit, ut iam Assyrio subiecti gravissimos belli terrores experti sint. Fortasse miseria eos correxerit? Minime!

7. Nihilominus populus meus defectui a me inhaeret. תלויים uti תלויים Ios. 10, 26. et תלויים Deut. 28, 66. partic. Pahl a תלה: *infigere ut pendeat*, cf. 2 Sam. 18, 10. Ez. 27, 10. 11. Hinc: *suspendere ligno* Deut. 21, 22. Gen. 40, 19. genus supplicii, quo adiciebantur capitis damnati. Hinc h. l. tropice: *populus meus fixus impendet defectui a me*. Suffixum in משובתי passive accipiendum est. תלה autem modo constructur cum praep. ב 2 Sam. 18, 10., modo cum praep. על Deut. 21, 22., modo cum ל Deut. 28, 26. Alii vertunt: *penduli sunt, inter dubitationes fluctuant*, quod placeret, nisi adderetur למשובתי. Hoc substantivum semper malo sensu occurrit, vid. 14, 5. Constructio notissima vocis cum praef. מ, vid. introd. p. 112. Latinorum *avertere*, Graecorum ἀποστρέφειν. ואל-על יקראוהו: *et ad supra vocarunt eum i. e. populum meum* (עמי, vid. initium versus) scil. *divinae voluntatis interpretes, prophetae*. Est alia quidem verborum constructio sed eadem significatio quae v. 2. על h. l. iterum quemadmodum 7, 16. *sursus, coelitus i. e. h. l. ad Iehovam excelsissimum omnium rerum*. Sic sequens comma aptissimam oppositionem efficit. יחד לא ירומם *uno animo se non effert*. Deficiente copula sensus fervidae orationis ita constituendus esse videtur: *quamquam coelitus vocatur, tamen uno animo sese non effert*. Coniug. Piel ירומם habet h. l. passivam s. intransitivam significationem, nisi vates ipse legi voluerit ירומם 3. fut. Pual, quemadmodum Ps. 75, 11. Nehem. 9, 5. Sic Chald.: *non ambulant erecta statura*, Lutherus et alii. Ceterum Lutherus hunc locum difficillimum V. T. esse censuit, verba in margine addens: „Diesen Vers soll niemand verstehen, auch im Hebräischen nicht.“ vid. Tarnov. ad h. l. Qui propriam i. e. activam significationem coniug. Piel vindicare student, supplent

pronomen **אני**: *non unda me extollit*. Hieron. pro **על** legit **עיל**, ita pessime vertens: *populus pendebit ad reditum meum. Iugum autem imponetur iis, quod non auferetur*. LXX. integrum versum sic vertunt: *καὶ ὁ λαὸς αὐτοῦ ἐπικρεμάμενός ἐστι τῆς κατοικίας αὐτοῦ, καὶ ὁ θεὸς ἐπὶ τὰ τίμια αὐτοῦ θυμωθήσεται, καὶ οὐ μὴ ὑψώσῃ αὐτόν*. Prorsus a nostro textu declinante lectione pro **לְמַשְׁכָּבִי** exhibuerunt **לְמַשְׁכָּבִי**, a rad. **יָשַׁב**, et in altero membro secundum Dathium **וְלֹא יִרְיָם** **יָחַד יִקְרִי יָחַד** **וְאֵל** **עַל יִקְרִי יָחַד**. Eichhorn nimium frigide sensum quidem, verum non verba poetica reddidit sic: „und ruft man es zu edlerem Benehmen, so wird doch keiner besser.“

8. Iam Hoseas vere poetica inversione attingit fata, quae suos mansura sint. Quasi Deum dubium sistit, qua sorte tractandus sit Israel. Meriti sunt quidem, ut punirentur quemadmodum Adama et Zeboim, at intimam eius benignitatem eorum miseret, superat denique misericordia. **אֵיךְ אֶתֶּן**: *quomodo dabo te* i. e. *quomodo tractem te?* **נָחַן** Hebraeis saepe denotat aliquem in statu s. bono s. malo constituere Ez. 5, 14. 26, 21. 35, 9. Schmidt ad h. l. **אֶמְנֶנֶךָ** radix a substantivo **מִנֶּן** formata: *clypeum tibi apponam* s. *clypeo te tuear?* Sic LXX.: *ὑπερασπισὼ σου Ἰσρα.* et Hieron.: *protegam te Israel?* Idem adfert Aquilae versionem: *ὄπλω κυκλώσω σε*, *scuto circumdabo te?* Quae explicatio, ut orationi vatis aptissima est et elegantissima in describenda anxietate qua Deus in sorte illorum constituenda fingitur, ita probatur simili formatione verbi **תִּרְגַּלְתִּי** v. 3., unde apparet vati tales formationes, certe huius poematis tempore, non displicuisse. Occurrit bis praeterea Prov. 4, 9., ubi usus tropicus a nostro proprio desumptus esse videtur, et Gen. 14, 20., ubi iterum, quamquam duriore tropo, positum est: *hostes sub clypeo ponere* i. e. *tradere*. Quam significationem tradendi quasi propriam verbo nostro urserunt recentiores interpretes ita: *tradamne te* scil. *hostibus* s. *perniciiei?* cf. Symmachus ap. Hieron.: *ἐκδώσω σε*, et Chald.: *exterminabo te*. Verum multo elegantior et verbo nostro accommodatior

XI, 8.

oppositio in utroque membro inesse videtur: *num tu-
ar te? — an perdam te?*

Iterum poetico modo vates repetit interrogationem:

אַתָּה אֲחִיךָ. Addit autem פֶּאֶדְמָה: *an tractem te ut Ada-
ma?* Sodoma, Gomorra, Adama et Zeboim oppida
temporibus Abrahami tam terribili terrae incendio
unā cum omni regione funditus absumta ut nunc
nil nisi mare mortuum in memoriam illius eventus
reperiatur. Res satis nota legitur Gen. 19. et descri-
bitur tanquam poena incolis illorum oppidorum nefariis
illata ignisque vocatur coelitus delapsus, quod sine du-
bio ita intelligendum est: vehementia fulgura solum il-
larum regionum sulphure et bitumine infertum incen-
disse. Quae eversio in libris sacris saepius quasi lucu-
lentissimum divinarum poenarum nunquam non exple-
tarum exemplum describitur, cf. Deut. 29, 22. Ies. 1, 9.
Ier. 49, 18. Matth. 10, 15. Luc. 10, 12. אֲשִׁימָךְ כְּצִבְאִים:
constituam s. reddam te (Gen. 32, 13. 1 Reg. 19, 2.
Ier. 6, 8.) *ut Zeboim?* נָהַפָּה עָלַי לִבִּי: *versum est
cor meum.* עָלַי pr. *supra me*, de affectibus animi ho-
minem supervenientibus formula ut videtur propria, cf.
Ps. 42, 5. 6. 7. 12. 43, 5. al. h. l. *de motu misericor-
diae* intelligatur. Eodem modo dicitur נָהַפָּה לִבִּי: *de
summo dolore* Thren. 1, 20. Unā simul נִכְחָמָה: *exar-
descunt.* Iterum formula de affectibus animi, maxime
benevolentiae, usitatissima, cf. 1 Reg. 3, 26. Gen. 43,
30. Thren. 5, 10. נִחַחְמִי: *misericordiae meae*, a rad.
נָחַם: *dolorem sentire*, maxime misericordiae Iud. 21, 6.
Ier. 15, 6. Ps. 90, 13. et poenitentiae Exod. 13, 17.
Gen. 6, 6. 7. LXX: μεταστράφη ἡ καρδία μου ἐν τῇ αὐτῇ
συνεταράχῃ ἢ μεταμέλειά μου. Hieron.: *conversum est in
me cor meum, pariter conturbata est poenitudo mea.*
Rursus, addit, *ut clementissimus pater dicit se suam
mutare sententiam et poenitere, quod talia sit locutus, ut
illos quoque ad conversionem et poenitentiam provocet.*
Verum de poenitentia sermo esse non potest; quia non-
dum aliquid mali constituisse Deus fingitur.

9. Iam consilium cepit Deus idque benevolentissimum. **לֹא אֶעֱשֶׂה חֲרוֹן אַפַּי**: *non emittam furorem indignationis meae.* **עָשָׂה** dicitur de animi motuum significatione, v. c. **עָשָׂה חֲסֶד** Gen. 24, 12. 40, 14. **לֹא אֶשְׁחַד לְשֹׂחַד**: *non repertar ad perdendum Ephraim* scil. ut olim exii ad perdenda Sodoma, Adama et Zeboim Gen. 19, 25. 29. cf. 18, 21. **כִּי אֵל אֲנִי וְלֹא אִישׁ**: *nam Deus sum non homo.* Num. 23, 19. *Non velut homo in fervore irae acturus sum. Memor promissorum meorum semper paratus ero ad beneficia conferenda.*

Sequitur nunc elegans et sublimis descriptio divinae providentiae et maiestatis, quam cur non omnes mente ceperint interpretes, profecto non intelligo. *Sanctus sum, semper vobis propitius celsissimus Iehova, non in urbe vel in aliquo terrae loco me inclusurus, ut vobis ibi tantum succurrere possim, quemadmodum de idolis vestris statuitis. Ubivis vobis adsum, modo me sequamini. Prae maiestate mea, ubi eam iis significavero, trepidabunt omnes gentes, quemadmodum avis et columba trepidant, ubi leo rugit.* **בְּקִרְבִּי קָדוֹשׁ**: *ego sanctus, celsissimus Iehova in medio tuo sum i. e. tibi semper propitius adsum.* **בְּקִרְבִּי** eadem signif. occurrit Ies. 12, 6. Ioel. 2, 27., in N. T. **ἐν μέσῳ** Matth. 18, 20. i. q. Hebr. **בְּתוֹךְ** Exod. 29, 45. **קָדוֹשׁ** est nomen maiestaticum Dei celsitudinem et praestantiam designans, cf. 2 Reg. 19, 22. Ies. 1, 4, 40, 25. Iob. 6, 10. **וְלֹא אֶבִּיא אֶבִּיא**: *non autem intrabo urbem ut ibi includar,* cf. 1 Reg. 8, 27. 2 Chron. 6, 18. Copula **וְ** significationem habet adversativam: *quamquam in medio vestro sum, tamen in urbem non intrabo.* Verba **בְּקִרְבִּי** et **לֹא אֶבִּיא** respiciunt ad praecedens **אֶשְׁחַד**. Vates dicere vult: *non est quod Iehova ad vos redeat, quoniam semper sanctus et omnipotens vobis adest. Homo vel urbi opem laturus vel eam praedaturus in muros eius intrat. Deus vero celsissimus humano modo vos non adit. Vestrum modo est obsequio et precibus*

XI, 9. 10.

cum prosequi, tunc, ubicunque eritis, eum habetis ad salvos et seueos vos constituendos paratum. Barbari idolorum opem implorantes eorumque cultui dediti eundem habebunt iratum trepidique poenarum terrores, praesentiae eius signa, sentient. Schmidt eandem sententiam ita exposuit: *Deus sum sanctissimus in medio Israelis, ubicunque fuerit, etiam in extremo exilio. Nec coarctor in una civitate Hierosolyma vel alia et terra ipsi coniuncta, ut Dei tutelares gentium, singulis paene locis illigati, quia infinitus sum et nullibi terrarum a salvando impeditus.* Hieron. ita: *non sum unus de his, qui in urbibus habitant, qui humanis legibus vivunt, qui crudelitatem arbitrantur iustitiam. Mea autem lex meaque iustitia est salvare correctos.* Verum sententia vatis vel multo sublimior esse videtur, cf. Lowth de sacra poesi Hebr. Prael. 19. ap. Rosenm. ad h. l. Alii sic interpretantur: *non intrabo urbem Samariam, exar-descentiam irae meae contra eam versurus eamque deleturus*, ut עיר: ira substantivum sit ab עיר s. עיר: *fervere*. cf. Dathe et Eichhorn: „Ich bin ein Heiliger und handle nicht im Grimm.“ Unus cod. ap. de Rossium legit בעיר quam lectionem iam I. D. Michaelis Bibl. Oriental. 19, p. 190. ita exhibuit ut ex analogia Arab. nominis بغير: *iratus*, vertat: *non iratus veniam*. Lutherus hunc locum parallelum esse loco Luc. 14, 24. Deumque promittere censet: se semper promptum esse paratumque ad misericordiam populo deperdito significandam, ita tamen ut nunquam urbibus illis instituta, sacra et cultus Mosaicus, quibus hucusque cum Deo coniuncti fuissent, restituerentur. Alii ut Drusius: *non veniam contra urbem, nempe hostili modo.* Alii: *in nullam aliam urbem ingrediar, quam ubi nomen meum sanctificetur.* Chald. adeo de urbe Hierosolyma cogitavit: *non permutabo amplius Hierosolymam pro alia civitate.* Eodem modo Hebraei interpretes.

10. Cohæret hic versus arctissime cum præcedenti. Amplificat etiam descriptionem maiestatis divinae ubique efficacis. *Quæritote eum modo, ut eum eiusque benevolentiae erga vos signa ubique inveniatis!* cf. 1 Chron. 28, 6. 7. Prov. 8, 17. 34. 35. Ies. 55, 6. Ier. 29,

13. 14. אַחֲרֵי יְהוָה יֵלֶכְהוּ: *sequantur Deum*, cf. 1 Reg. 14, 8. Eodem modo אַחֲרֵי יְהוָה 3, 5. 5, 15.: *quaerere Deum*. Utrumque indicat, et attendere signa eius favoris ac providentiae, et studere ut eius favoris participes fiant eiusque vim efficacem sentiant, quod tantummodo vera reverentia et pietate erga eum fieri potest. Futurum modo imperativo s. exhortativo ponitur. בְּאַחֲרֵיהֶּ יִשָּׂא. Imaginem leonis de Iehova adhibere vati nostro in promptu est, 5, 14. 15. 13, 7. cf. Am. 1, 2. Hoc l. eo sensu adhibetur, ut pingatur vis et efficacia Dei quae non inclusa sit in urbe. Ut leo in terra circumvagatur et fremitu se notum facit, quamquam non conspicitur, ita Iehova se notum facit iudiciis et terroribus ex ipso exeuntibus. Supplendum est relativum אֲשֶׁר: *qui ut leo rugit*. Sequentia verba: *quodsi ille rugit*, כִּי הִיא יִשָּׂא, in 6 codd. Kennicotti et de Rossii desunt, et probe abesse possunt. Si autem servantur, ex notissimo Hebraismo ita explicari debent: *ubi autem rugit i. e. iudicia sua emittit, tunc trepidabunt בְּנֵי יָם*: *filii a mari*, vel n̄ti LXX. mutatis vocalibus transtulerunt: τέτρα ὑδάτων, בְּנֵי יָם: *filii maris* cf. Hieron.: *homines versus Occidentem habitantes*. Nostra quidem lectio praeferenda videtur, et quoniam substantivum in statu absoluto non facile genitivum secum habet, et quoniam constructio praepositionis מִן in sequenti versu servata est, et quoniam non בְּנֵי sed יָם de regionibus occidentalibus legitur, cf. Gen. 12, 8. 28, 14. Ios. 8, 9. 12. Exod. 26, 22. Versus occidentem Palaestinensibus mare situm erat, nimirum mare mediterraneum. בְּנֵי autem de nationibus ita adhibetur ut incolae sint alicuius regionis, v. c. Ioel. 4, 6. Am. 9, 7. Inusitata quidem est formatio huius formulae cum praepositione מִן, cum alias ita legatur: בְּנֵי קָשִׁים, בְּנֵי צִיּוֹן. Verum in ea studium vatis accurate dicendi invenio. Si enim regio indicatur occidentalis, tum nunquam יָם nuda sed מִיָּם s. יָמָה scribitur cf. II. II. בְּנֵי יָם autem *incolae maris* accipiem sensum exhibuissent. Sunt igitur בְּנֵי יָם i. q. בְּנֵי

XI, 10. 11.

אַרְץ מִיָּם. Alii interpretes fortasse in illius inusitatio-
ris formationis gratiam explicant בָּנִים vel: *filios Iovae*,
vel: *filios Israelitarum*, quae explicatio mihi incom-
moda videtur. Etenim ellipsis esset durior et sensus
ab omni commendatione vatis alienus. Dicit enim; *Deum*
penitus commotum esse misericordia, ut minime perdat
Israelem, verum propitius in medio eius esse malit.
Contra eum rugitum editurum, ut trepident barbari.
Nec est quod a simplici significatione verbi תָּרַד abea-
mus ad plane aliam: *cum trepitatione accurrere*. Locus
enim 3, 5. non est parallelus; nam ibi legitur פָּחַד
plane alio et nexu et constructione.

11. *Trepidabunt autem ceu avis.* יוֹנָה et צִפּוֹר
leoni rugienti oppositae magis descriptionem divinae
maiestatis amplificant. Illi enim Assyrii et Aegyptii,
quorum eximium robur vos conterere minatur, trepi-
dabunt ut avis et columba Deo interveniente. מֵאַרְץ אֲשֶׁר
et מִמִּצְרַיִם. Suppleri debet vel pron. הֵם vel בָּנִים e
v. 10. Posterius ita, ut in favorem illius constructio-
nis מִיָּם etiam nunc vates praep. מִן servaverit.

וְהוֹשַׁבְתִּים עַל-בְּתֵיהֶם: *sed secure eos habitare fa-*
ciam in domibus suis. LXX.: καὶ ἀποκαταστήσω αὐτοὺς
εἰς τοὺς οἴκους αὐτῶν. Convertit se vates in hoc postre-
mo commate iterum ad Israelitas. וְהוֹשַׁבְתִּי non est: *re-*
ducam eos s. reddam iis, quemadmodum nonnulli v.
c. Dathe et Kuinoel vertunt. Radix est יָשַׁב: *habitare*,
Hiph.: *habitare fecit, fecit ut tranquille habitarent.*
cf. Ier. 32, 37. De reductione sermo non est; nam
nondum abducti erant in exilium. Contra promiserat
Iehova, vim Assyriorum Israelitas non perducturam
esse eo ut intereant quemadmodum Adama et Zeboim,
sed auxilio se ita eos circumdaturum ut trepident barbari,
illi autem quamquam vehementer vexati per Assyrios
in urbibus nondum gladio illorum destructis (v. 6.) tan-
dem tranquille vivant. cf. introd. p. 89. Fac etiam
hanc promissionem eventu non comprobata esse, hoc
nihil auctoritatis vati adimit. Nam pietas erga Deum,

cura eum quaerendi, quae semper conditio eorum salutis prolata erat, v. 10., minime ab iis servata est. — Praeterea his posterioribus verbis inest saltus ad novum subiectum orationis idque primae personae, qui apud nostrum neminem offendere potest. Oratio illa, ubi in 3. persona de Deo locutus erat, אֲנִי-יְהוָה, quasi in parenthesi posita erat. Nunc redit ad priorem orationis formam, quam usque ad finem v. 9. tenuerat, ita quoque ut pronomen affixum יְהוָה eosdem Israelitas significet quos versu 6. נָא יְהוָה, formula prophetis usitatissima promissionis quasi sigillum, cf. 1, 24. Ps. 33, 4. Num. 23, 19. al. Chald.: *et verbum meum erit in patrocinio eorum, ait dominus.*

XVII.

Cap. XII, 1—15.

Circumdederunt me dolis Ephraim, et fraudibus domus Israelis. Iuda quoque constanter litigat cum Deo, cumque piis eius cultoribus. 2. Ephraim pascit ventum et sectatur Eurum. Fraudes et impetus in dies augent, foedus cum Assyriis pangunt et oleum ferunt Aegyptiis. 3. Iehovae quoque lis est cum Iuda agenda. Cum puni-
 turus inviserit familiam Iacobi, pro moribus eius, pro factis eius ei rependet. 4. In utero matris Iacobus fratri insidiatus, adultus aetate cum numinibus luctatus est. 5. Superans divini imperii ministrum praevaluit; sed lacrymis ipsi supplicavit. Bethele eum invenit, cum eoque collocutus est, 6. Cuius nomen memorabile Iehova, Deus illorum agminum. 7. Ita tu quoque ad Deum tuum redi! benevolentiam et probitatem serva! fiduciam

firmiter colloca in tuo Deo! 8. Cananaeus est, in cuius manu sunt balances fraudulentae, qui item ad spoliandos alios omni fertur cogitatione. 9. Ephraim quoque: agendum, ait, opulentus sum, contigerunt mihi divitiae, omnes meae divitiae non contrahent mihi culpam, ac si peccatum commissem. 10. Per me, per me Iehovam, qui Deus fui inde a temporibus Aegyptiacis, etiam nunc secure habitabis in tutis domiciliis quasi solennibus diebus. 11. Monita mea super prophetas effudi, visiones largiter edidi, et per prophetas similitudinibus locutus sum. 12. Profecto in Gileaditica regione inani, immo mendaci studio Gileaditicae incumbunt, ubi boves immolant, ubi adeo altaria multitudine aequa sunt acervis in sulcis agrorum. 13. Iacobus fugit in regiones Syriacas, Israel per mulierem servitio subactus, perque mulierem ad custodiendum perductus est. 14. Per prophetam autem eduxit Iehova Israelem ex Aegypto, et per prophetam ipse custoditus est. 15. Nunc Ephraim excitavit acerbissimam Dei iram. Sanguinem, quo contaminatus est, ipsi relinquet et contumeliose facta ei rependet dominus eius Iehova.

Accedimus ad difficillimam partem prophetiarum vatis nostri. Unde difficultas orta sit, exposuimus in introductione p. 90 sq., nimirum ex effigie per totum caput porrecta. Dum enim atavum Iacobum exemplo sistit posteris, ita sententiosus fit, ut capi paene nequeat. Quae sententiosa brevis etiam in iis commatibus mansit, ubi sigillatim de Iacobo nil commemoratur. Temporis momentum, quo haec prophetia edita

est, in annos priores regis Hoseae incidisse videtur. Continet autem gravissimam increpationem impietatis utriusque regni, maxime Israelitarum.

1. Priores 3 versus huius impietatis descriptionem in univrsu exhibent. סָבְבֵנִי בְּכֶחֱשׁ: *circumdederunt me dolis*. כֶּחֱשׁ pr. *mendacium*, h. l. synonymum sequentis מְרִמָּה, est i. q. *dolus*, cf. 7, 3. 10, 13. Dolus autem et fraus omnino in eo cernebantur, quod se Iehovam colere iactabant, cum idolis sacra facerent, cf. Eichhorn ad h. l., et quod omissis eius praeceptis cultum sibi fingeant libidinibus suis consentaneum. אֲפִרִיִּים et postea בֵּית יִשְׂרָאֵל designant 10 tribus regni Israelitici, vid. 5, 1. 6, 10. al.

יִהְיֶה עֵד רַךְ עַם-אֵל. His verbis nos non habere verum textum docet varietas omnium antiquarum versionum. LXX.: ἐκόνλωσέ με ἐν ψεύδει Ἐφραίμ καὶ ἐν ἀσεβείαις οἶκος Ἰσραὴλ καὶ Ἰούδα. νῦν ἐγὼ αὐτοὺς ὁ θεὸς καὶ ὁ λαὸς ἅγιος κεκλήσεται θεοῦ. Fac etiam eos saepissime ex ingenio vertisse, tamen יָדַעַם pro רַךְ עַם, וְעַם pro יִשְׂרָאֵל, et נֶאֱמַר pro נֶאֱמָן lectum esse apparet. Syrus et Chald. legerunt utrobique עַם pro עַם, Hieron. עֵד pro עֵד. Pariter dissentiant in derivatione verbi רַךְ, quod Hieron. et Syrus a יָרַד: *descendere*, Aquila a יָרַד: *dominari*, Chald a יָרַד: *firmum, validum esse*, deducunt. Inter recentiores repetunt nonnulli (ut de Dieu, Cocceius al.) significationem huius verbi ab Arabico اَل: *velle, constanter inhaerere*. Schroeder in Obserrv. ad Origg. Hebr. 1, 11. idem verbum Arabicum contrario sensu accipit, nimirum: *huc et illuc agitari*, cf. Ier. 2, 31. Ps. 55, 3. Gen. 27, 40. Saepius enim in V. T. non legitur. Quae posterior interpretatio, si nempe lectio certa est, omnibus reliquis praeferenda videtur. Id enim e v. 3. intelligitur, vatem omnino Iudaeos non in laude habuisse, contra eos implicitos in Israelitarum fraudes designavisse, unde Dathe: *atque etiam Iudaei vagi aberrant a Deo*, et Eichhorn: „gegen Gott beträgt sich Iuda unaufhörlich wankelmü-

XII, 1.

thig.“ Modo ne significatio praepositionis **עִם** repugnaret, quem quidem nodum S. V. Gesenius in lex. ad v. **וְעִם** ita solvere studet, ut pro **עִם** positam habeat. Haud scio an genius linguae Hebraicae hanc sententiam non probet. Exempla eius rem admodum incertam relinquit²³⁾ et viam sternunt, ut multum ex arbitrario in textum sacrum inferatur. Omnes antiquiores interpretes in verbis nostris honorificam significationem Iudaeorum invenerunt, ut sensus sit vel cum Schmidtio et Hebraeis: *dominatus est adhuc cum Deo*, vel cum Hieron.: *testis descendit cum Deo*, vel cum Chald.: *validi erant in cultu Dei*, vel cum Cocceio: *constanter perseveravit penes Deum*. Boeckel aliam coniecturam profert, nempe **וְעִם** esse i. q. **וְעִם** contendit, sane probabilem, modo hoc verbum obvium esset in V. T. Cum omnia a coniecturis pendeant, et meam qualemcunque afferam. Equidem legerim **וְעִם**, cf. Iud. 11, 25. Ies. 45, 9. Mutatio enim utriusque consonantis **ב** et **ד** erat facilissima, vel ut scriba aliquid neglexerit, vel ut parvula lineola palluerit. Lectio ista respondet optime versui tertio; praepos. **עִם** hoc verbum quasi postulare videtur, cum constructio **עִם** **וְעִם** perpetuo recurrit; denique significatio reliquorum verborum sponte sequitur, quae, utcumque alio modo verbum nostrum vexatum interpreteris, obscura est. Quid enim est **וְעִם** **קְדוֹשִׁים**? Dathe e Schroedero, Kimchio et e Ios. 24, 19. **קְדוֹשִׁים** nomen esse Dei putat in plurali maiestatico positum et **וְעִם** adiectivum singularis numeri, quemadmodum ad **וְעִם** apponi soleat, ita: *a Deo, sancto illo fido et constanti*. Qui verba in laudem Iudaeorum vertunt, ita posterius comma intelligendum esse censent: *cum probis hominibus vel cum*

23) Locus Ps. 94, 16. a Kuinoelio laudatus ut **עִם** etiam: *erga, contra* valere demonstratur, item nihil illustrat. Nam ibi sermo est de contentione cum improbis, ubi utique **עִם** formula est characteristica.

Deo ipso constans est. Ex nostra sententia: Iuda constans s. constanter i. e. perpetuo litigat cum Deo cumque piis eius cultoribus. קְדוֹשִׁים enim de piis hominibus Deo dilectis adhiberi notissimum est, cf. Ps. 16, 3. 89, 6. Prov. 9, 10. Ies. 4, 3. Eichhorn in vers. supra laudata eandem significationem vocis נִאֲמָן probavit, eamque esse huius participii frequentatissimam vid. Gesenius in Lex. ad h. v. Litigare autem cum Deo est: *Deo adversari*, cf. 4, 4. Iud. 11, 25. 1 Sam. 2, 10. Hanc meam lectionem in versionem recipere ausus sum. Videant Viri Docti, quid de ea statuendum sit.

2. אֶפְרַיִם רָעָה רֶחַח. Imago desumta a pastore gregem, unde se suosque sustentet, *in pascuis studiose curante.* Id confirmat comma sequens huic parallelum רָעָה וְרֶחַח קְדִים et locus Ps. 37, 3. ubi legitur: רָעָה אֱמֻנָה: *veritatis studiosus esto*, cf. Prov. 15, 14. Ier. 22, 22. *Ephraim pascit ventum i. e. Ephraim curat vana et spem suam fallentia.* Itaque Schmidt: *describitur aucta et obdurata malitia Ephraimi, qua multum sibi de cultibus suis pollicitus est.* Alii verbum passive vertunt: *pascuntur vento*, quasi comedant ventum, sicut famelica bestia avidè depascit herbas, vid. Michaelis ad h. l. Sensus semper redit ad descriptionem vanæ fiducia. *Sectatur Eurum.* רֶחַח 2, 7. 9. *desiderio alicuius affici.* קְדִים: *ventus ab Oriente flans*, vid. 13, 15. Hieron.: *aestus*, LXX.: καύσωνα ἐδίωξε. Iterum imago rei inanis adeoque perniciosae quaesitae. Est autem Eurus in Oriente ventus calidissimus fervente halitu et agris et hominibus perniciosissimus Gen. 41, 6. 23. Ez. 17, 10. 19, 12. Ion. 4, 8. Chald. respiciens ad 8, 7.: *similes sunt ei qui ventum seminat et metit turbinem.* — Quotidie mendacium et impetum auget. רָעָה: vis, violentia Ies. 22, 4. Prov. 21, 7. 24, 2. LXX.: κενὰ καὶ μέλαινα ἀπλῆθυνε. — Inter scelera Israelitarum etiam referuntur foedera cum Assyriis et cum Aegyptiis. Cantum erat lege Mosaica, ne amicitiam inirent cum nationibus barbaris Deut. 7, 2. 3. Exod. 34, 12. 15. Hanc legem violantes vanis auxiliis impie fisci ventum pascebant i. e. vana curabant et Eurum i. e. perniciem sectabantur. Ve-

XII, 2. 3.

rum contra ipsos barbaros fraudulentē se gerentē mendacia angebant. Dum enim regi Assyriaco donis et tributis blandiebantur, opem Aegyptiorum contra Assyrios invocabant. Respicere videtur ad historiam 2 Reg. 17, 4. Cui addit Hieron. traditionem sacram nullis documentis confirmatam: iam Menahemum pace facta cum Assur ab Aegyptiis auxilium postulasse et ita vastationem eversionemque suis urbibus praeparasse. Israelitas autem amicitiam Aegyptiorum quaesivisse his exprimitur: שֶׁמֶן לְמִצְרַיִם יִהְיֶה: *oleum in Aegyptum fertur*. Palaestina terra est nobili oleo abundans, quod inde in omnes terrarum regiones deportabatur, cf. 1 Reg. 5, 25. Deut. 32, 13. 8, 8. Ez. 27, 17.

3. הָרִיב לִיהוָה עִם־יְהוּדָה: *Deo etiam lis est cum Iuda agenda*. Ex nostra sententia de v. 1. in hoc commate elegantissimam antithesin illorum vexatorum verborum habemus. *Iuda disceptat cum Iehova — Iehovae quoque lis est cum Iuda*. In quo autem illa lis posita sit, addit vates in posteriore huius versus commate: *animadvertendo in Iacobum pro moribus eius proque factis eius ei rependet*, s. ut primariam verbi פָּקַד significationem teneamus: *cum puniturus inviserit familiam Iacobi cet.* יַעֲקֹב: *omnes Iacobi posteri 12 tribuum*, ut 10, 11. הָרִיבֵי הָרִיבֵי sunt mores ut 10, 13. et מַעֲלָלֵי *facta posterorum Iacobi* cf. 4, 9. Utrumque nomen per se positum sensum habet ambiguum vertique et in bonam et in malam partem potest, quin utrumque de Deo currit 14, 10. Ps. 77, 12. In criminationibus quidem prophetarum plerumque de perversis moribus et prave factis legitur. Vates primo ad aspectu verbosius adeoque tautologice disseruisse videtur. Verum omnia optime conveniunt: *Nolite cogitare Deum, dum litem agat et animadvertat in Iacobi posteros, ex arbitrio et ira agere quemadmodum vos agitis. Merito iis rependet pro moribus et factis eorum*. Copula ו ante מַעֲלָלֵי in nostris editionibus deest, in pluribus codd. ap. de Rossium legitur. Defectus eius ingenio vatis optime respondet.

4. Commemoratio Iacobi in versu 3. ipsum totius gentis atavum oratione producendi occasionem praebet. Cum antea vates nomen Iacobi de omnibus eius posteris adhibuerit, nunc de Iacobo ipso loquitur, fata eius narraturus et effigiem eius populo probe observandam constituturus. Quaeritur ante omnia, utrum, quae vates de patriarcha v. 4. et 5. commemoraverit, in laudem an in vituperationem eius dicta sint? Natura typi postulat, ut similitudo insit signo cum re signata. Legimus hucusque Israelē et Iudam fraudibus et contentione contra Iehovam fuisse repletum, versu autem 7. additur exhortatio ut et ipsi redeant ad Iehovam, pietatem benevolentiamque servant atque in eo fiduciam ponant. Qualis autem typus fuisset, nisi utrumque in Iacobo repertum fuisset, antea fraus et incerta fides, postea progressus ad veram Dei cognitionem pietatemque? Vatem horum omnium exemplum per vitam Iacobi exhibuisse, verba et modus rem narrandi apprimē docent.

יָבֹקֵב יָמֵינוּ: *iam in matris utero insidiatus est fratri.* יָבֹקֵב, ut apte ex usu Arabico verbi عقب demonstravit Gesenius in Lex. ad h. v., pr. indicat: *a tergo esse s. venire*, hinc: *insidiari*, item יָבֹקֵב: *planta, pars aversa pedis*. Nusquam designat *plantam tenere*, ut nonnulli interpretes voluerunt. Nec intelligitur, quomodo vates de fortuita manipulatione infantis tantum fecisset, nisi signum vel iterum typus fuisset fraudulenti animi Iacobi, quo bis postea fratrem decepit, nomen vero vel accepit vel certe meritis est Gen. 27, 36. cf. Ier. 9, 3. Quod enim interpretes omnia in laudem Iacobi versuri contendunt, illam prehensionem plantae fraternae Gen. 25, 26. fuisse signum divinae providentiae super Iacobi salute excubantis, id profecto non intelligo. Rem istam magis putaverim signo fuisse Deum coercere voluisse animū infantis arrogantem. Dum enim Iacobus iam in matris utero manum extendat ad reprimendum fratrem et eripiendam ipsi primogenituram, nihilominus Deus fratrem Esavum primum in lucem prodexit. Melius ergo statuunt qui contendunt, signum fuisse vigoris eius et nisus fratrem

XII, 4.

superandi iam in matris ventre conspicui. Verum id ipsum prodidisset ingenium infantis ad vim et fraudem paratum, certe non cum laudis significatione commemorandum fuisset. cf. Iken in dissertt. philologico-theoll. p. 282 sqq.

Difficilior est altera pars typi: וְיָבֹחֵל שָׁרָה אֶת-אֱלֹהִים: *adultus aetate superavit Elohim*. Si verum est, quod interpretes antiqui statuerunt, Iacobum cum Iehova ipso sub specie angeli luctatum fuisse, facile res expeditur. Id sane fuisset singulare vel mirificum familiaritatis, in quam Iehova cum Iacobo descendisset, specimen, Iacobus bene egisset flendo eique supplicando et merito propterea laudandus fuisset. Quam patrum de luctatione Iacobi et de nostro loco sententiam uberius exposuit et suis argumentis comprobavit Sal. Deiling in comment. de angelo colluctatore Iacobi, in Observv. sacr. Tom. IV. pag. 818. Verum neque narratione Gen. 32, 24—32. neque nostro loco haec explicatio facti supra omnem dubitationem evehitur. Id quidem bene iam monuit Kuinoel ad h. l. in explicando nostro non quaestionem esse, quid de historia ipsa statuendum sit, utrum somnium enarretur (ut vult Balthasar Becker le monde enchanté, Tom. II, 11. §. 10.), an φάντασμα, spectrum ab aliquo malo genio excitatum ad perterrendum Iacobum (ut nonnulli Hebraeorum magistri somniant), an (ut e libello anonymi Angli protulit Deiling l. l.) homo sicarius ab Esavo emissus fuerit fratris e medio tollendi seu litis duello, more pervetusto et in Oriente imprimis usitato, decidendae gratia, an (quod Herdero placuit Geist d. Hebr. Poesie ed. Iusti Tom. I. p. 265.) visio nocturna timore agitato et de suo suorumque periculo anxio patriarchae exstiterit ²⁴). Id unum nobis

24) Si meam qualemcumque sententiam de luctatione ista afferre licet, omnem narrationem nil continere putaverim nisi mythicam expositionem ambiguitatis et motuum, quos animo sensit Iacobus, fac eam a Iacobo ipso, vel post mortem eius demum ortam esse. Antequam fugatis e domo sua omnibus idolis ad Iehovam Bethelam rediret Gen. 35, 1 sqq., om-

curae est, quomodo patriarcha ipse et vates noster rem ceperint. Iacobum eam non magni fecisse ex omni eius historia apparet. Aliam visionem, qua sibi persuasum habebat cum Deo se conversatum esse, Gen. 28, 12 - 17., ita celebravit ut aram in loco conversationis extrueret, seriori tempore eo ad sacra ibi facienda rediret 35, 7., saepius eius mentionem faceret 48, 3. 4. De luctatione tacet et nusquam praeter hunc nostrum locum eius mentio fit, cf. Herder l. l. p. 268. Nimirum ipse sibi acerrimae luctationis cum vero et falso Dei cultu conscius in opinionem inciderat, unum ex Elohim, e divinis numinibus, quibus antiqua superstitio mundum repletum esse somniabat, sibi apparuisse et secum dimicasse. Iacobus cum e Mesopotamia exiret, nondum liber erat a superstitione polytheismi. Laban penates domesticos ab eo ablatos esse suspicatus est Gen. 31, 30.; ipse vidit in itinere מְלָאכֵי אֱלֹהִים Gen. 32, 2.; diu post reditum in Canaanem demum intellexit vestigia polytheismi in familia esse abolenda Gen. 35, 2—4.

Hanc autem polytheismi superstitionem in posteros Abrahami intravisse, quorum pietas usque ad tempora Mosis tantum in eo versaretur ut unum superiorem omnibus illis numinibus haberent eumque κατ' ἐξοχήν Elohim vocarent, omnis modus, quo antiquissima monumenta de actionibus divinis, maxime de creatione disserunt, aperte docet, cf. Gableri Urgeschichte I, p. 219. cf. p. 96. et II, 1. p. 108. Herder l. l. I, p. 43.;

nis vita eius luctatio cum Elohim fuerat i. e. anceps haeserat inter Iehovam et inter deastros, quorum cultu in Mesopotamia imbutus, quibus adeo iam antea non exosus fuerat Gen. 28, 21. Superaverat illa luctatione Elohim, deastros, daemones, angelos, et nunc victorem nomine יִשְׂרָאֵל

(qui luctatus est cum Deo) se a Deo ipso insignitum praestabat Gen. 35, 10. Huius autem rei memoria non tantum celebrata est nomine Israelis, sed etiam mythica illa narratione, quam legimus Gen. 32, 24—32. Fortasse animus patriarchae tantis curis sollicitatus somnia habuit, quae illis narrationibus occasionem praeberant.

XII, 4)

quamquam Abrahamus et fortasse Iacobus ipse post reditum ad aram Bethelis Gen. 35, 1. dignius et verius de uno Deo cogitaverint. Verum etiam post Mosen unius Dei severissimum cultorem reliquiae polytheismi animis Israelitarum ita erant infixae, ut nullo modo illos Elohim e theologia dimitterent sed alio tantum nomine ei adnecterent. Erant iis מְלָאכִים: *ministri, nuntii Iehovae*, vid. Ps. 8, 6. (cuius מְלָאכִים LXX. et auctor epist. ad Hebr. 2, 7. vertunt: ἄγγελοι) et 97, 7. cf. LXX. qui idem nomen itidem voce ἄγγελοι reddunt, et nostrum locum, ubi vates promiscue utitur nomine מְלָאכִים et מְלָאךָ, ut caveat, nequis illum Iehovam ipsum fuisse putet. Erant iis adeo numina impura homines decipientia 1 Sam. 28, 13., δαιμόνια Ps. 96, 5. ubi LXX. verba כָּל־אֱלֹהֵי הָעַמִּים אֱלִילִים vertunt: πάντες οἱ θεοὶ τῶν ἐθνῶν δαιμόνια, et quemadmodum deastri paganorum saepius vocantur מְלָאכִים (cf. Exod. 20, 3. Ps. 96, 5. 135, 5. et ap. nostrum 3, 1.), ita iidem nominibus insigniuntur שְׂדֵי Deut. 32, 17. Ps. 106, 37. et שְׂעִירִים Lev. 17, 7. 2 Chron. 11, 15. quorum illud δαιμόνια, hoc μάταια a LXX. vertitur. Ex quibus apparet, posteriores Iudaeos idolis paganorum non omnem existentiam denegasse, verum suos Elohim, quibus post cognitum per Mosen summum Deum, יְהוָה אֱלֹהֵי צְבָאוֹת, carere poterant, nominibus illis contumeliosis שְׂעִירִים, שְׂדֵי, δαιμόνια, μάταια notatos, ad barbaros ablegasse sibi-que servasse ministros Dei Iehovae inferiores, מְלָאכִים, cf. Iob. 33, 23. Ps. 91, 11. 34, 8. Exod. 3, 2. 4. 14, 19. 33, 2.

Quae disquisitio ab interpretatione loci nostri ne aliena esse videatur. Exinde enim intelligitur, quid vates de Iacobo statuerit quidque de eo dicere voluerit, eum nempe prioribus vitae temporibus non liberum a commercio cum numinibus barbarorum fuisse. *Luctatus est cum אֱלֹהִים, non cum vero Deo, sed cum מְלָאךְ, numine Iehovae inferiore, Dei ministro, tunc adhuc timore et reverentia ab ipso patriarcha celebrato. Nam*

praevaluit quidem, sed flevit ad illum eique supplicavit. Quibus verbis genera cultus uni Iehovae praestanda indicantur. Itaque Iacobus ea in re vere exemplum fuit Israelitis semper memorabile, cum et aliquando erravit in pietate numina illa imbecillia precibus adorans, mox quidem reversus ad unum Deum; quod postea v. 5. commemoratur.

בְּאִמּוֹ pr. *in robore suo*, de virili aetate saepius ponitur Gen. 49, 3. Deut. 21, 17., praecipue Ps. 105, 36. ubi liberi רִאשִׁית אִמָּתָם: *primitiae eorum pubertatis* vocantur. Sic h. l. eleganter voci בְּבִטָּן opponitur. שָׂרָה: *luctatus est*, secundum Arab. سَارَى, eodem modo quo Gen. 32, 29. praeter quod in loco Gen. construitur cum praep. עִם, h. l. cum אֵת illi respondentem, cf. Gesen. in Lex. ad h. v. Hieron.: *directus est cum angelo, quoniam ad flumen Iaboc adversus angelum tota nocte pugnavit.* Plerique interpp. vertunt: *superavit.* Verum in illo loco Gen. et alternis legitur cum אֵת, et in utroque loco opponitur verbo יָכַל: *praevaluit*, unde eandem significationem cum isto posteriori habere non potest, praesertim nostro loco, ubi insuper sequitur יָשָׁר a rad. שָׁרָה: *principatum tenere.* Salva igitur illorum versione intolerabilis tautologia existeret. Saepius in V. T. non legitur. LXX.: ἐν ἀποταῖς αὐτοῦ ἐνλεχυσε πρὸς θεόν. Ceterum ut omnes ante Ikenium totum nostrum versum in laudem Iacobi verterunt, ita Ikenius eumque seculus Dalhe et recentiores interpretes certe posterius comma de honorifica eius lucta cum Deo interpretati sunt. Chald. paraphrasis ita audit: *Propheta dic iis: nonne de Iacobo praedictum est, antequam nasceretur, eum maiorem fratre futurum esse? et in robore magnum se gessit cum angelo.*

5. יָשָׁר אֵל-מַלְאָךְ: *principatum tenuit erga angelum.* Cognata verba שָׂרָה v. 4. et h. l. שָׁרָה non idem significare, praeter alias causas etiam copulā וְ indicatur, quae, si sententiam praecedentis versus repetere vates voluisset, vel abfuisset (cf. v. 3, 5, 8. 11. 8, 8. al.)

XII, 5.

vel etiam praecedenti שָׂרָה praefixa fuisset (vid. infra). Est autem verbum שָׂרָה saepius obvium significatu: *principatum tenere* 8, 4. Ies. 32, 1. Prov. 8, 16. אֱלֹהֵי מִלְאָךְ: *versus angelum*. Cum autem vates h. l. nomine מִלְאָךְ pro אֱלֹהִים v. 4. utatur, eam rem pii interpretes Christiani certamen Iacobi cum uno Deo vindicare studiosi ita composuerunt, ut dicerent illum מִלְאָךְ fuisse *ab aeterno genitum*, ἄγγελον μεγάλης βουλῆς, τὸν λόγον ὑποστατικόν, *angelorum dominum, Dei filium*, et sic mysterium trinitatis huic loco inseruerunt, cf. Deiling l. l. p. 826. Alii vertunt: *adversus Deum ipsum, qui angeli formam induerat*, cf. Rosenmueller ad h. l. Ex nostra sententia habemus in eo nomine reliquias polytheismi Semitici pro more seriorum temporum monotheismo accommodatas. Iacobus nondum a deastrorum cultu solutus cum אֱלֹהִים pugnasse existimabatur, quod vates ita describit, ut intelligatur non luctam fuisse cum Iehova sed cum numine, divino nomine perperam insignito, quippe quod מִלְאָךְ: *Dei minister* fuerit. Hic modus de illa inexplicabili mysteriorumque plena lucta cogitandi optime conveniebat narrationi Gen. 32. Ibi enim v. 2. מִלְאָכֵי אֱלֹהִים patriarchae occurrisset feruntur. Deinde cum v. 25 — 29. victrix lucta Iacobi narretur, quid mirum, quod pius Israelita opinatus fuerit unum ex his מִלְאָכֵי Iacobum provocasse ut secum conflictaretur eundemque ab illo superatum esse. Iehovam autem ab aliquo homine vinci posse Israelitis nefaria fuisset sententia. Utrum vero Iehovae, an deastrorum fuerit minister, verbum מִלְאָךְ hand decernit. Sine dubio Iehovae, ut omnes אֱלֹהִים, v. supra. Verum quemadmodum in textu incertum est, ita idem in versione incertum reliquimus reddendo: *divini imperii ministrum*. Quod vere respondere videtur sententiae loci Gen. 32, 2, 3. ubi qui antea מִלְאָכֵי אֱלֹהִים fuerant, postea dicuntur *exercitus*, מִלְחָמָה אֱלֹהִים. וַיִּכַּל: *praevaluit* Gen. 32, 29. cf. 30, 8. Ps. 13, 5. Ier. 3, 5. LXX.: καὶ ἡδυνάσθη. Hoc verbum significatione respondere praecedenti

יִשְׁכַּר duplici 7 extra omnem dubitationem ponitur, quod est Lat. *et* — *et* cf. 7, 1. 11, 1. „Er war ihm überlegen und bezwang ihn.“ בָּכָה וַיִּתְחַנֵּן לוֹ. Ut בָּכָה h. l. cum וַיִּתְחַנֵּן, sic 1 Sam. 1, 10. cum וַיִּתְחַנֵּן componitur, eodem sensu et significatu: *stendo supplicavit*, cf. Esth. 8, 3. Quod autem supplicaverit, id historia refert Gen. 32, 26., nimirum ut sibi benediceret. De lacrymis historia tacet. Vatem eas ex inspiratione divina habuisse, contendit Schmidt. Nos potius dicamus fuisse modum rhetoricum exprimendi summum ardorem precum Iacobi impiarum, quas vere fervidas fuisse historia satis exponit.

Hactenus ambigua pietas Iacobi. E luctatione victor excessit, ut non modo angelum sed omnem idololatriam vinceret. Idque eo tempore, quo destructis et defossis omnibus idolis Bethel migraret Gen. 35, 1. 4. 6. *Ibi invenit eum ibique cum eo collocutus est, qui est solus Iehova Deus Zebaoth.* Intellexit non illum Deum esse, cum quo luctatus esset apud alveum Iaboc, nam de illo et de altari Pniel in memoriam luctationis exstructo non amplius sermo est, sed de Iehova quem oculis humanis nemo conspiciere, quocum nemo concertare potest, qui quidem aliquando fratrem Esavum fugienti in somnio notum se fecerat Gen. 28, 12—19. בֵּית-אֵל. Deest particula כִּי, uti 2, 5. 8, 9. 9, 4. *Bethel eum invenit i. e. ibi certior factus erat Iehovam esse unum et verum Deum. Ibi cum eo collocutus erat.* Vulgata lectio עִמָּה vel in עִמָּה mutari debet, ut sensus verus et aptus existat, vel putandus est vates ex quodam errore grammatico s. inusitatâ et incorrectâ formâ ad modum מִמָּה scripsisse עִמָּה, fortasse etiam deceptus similitudine soni praecedentis verbi וַיִּתְחַנֵּן. Gesenius adduxit exceptiones Lehrgeb. p. 207. not. t. ubi suffixa verbi nominibus et praepositionibus adiiciuntur. Fortasse numerus eorum hoc nostro exemplo augeri potest. Certe Syrus, Aquila, Symmachus, Theodotion verbum nostrum verterunt: *cum eo*, cf. Rosenmueller ad h. l. Vulgaris lectio עִמָּה: *nobiscum*,

XII, 5. 6.

utcumque torqueatur, semper incommoda est. Viri docti prophetae sententiam ita constituerunt ut, quod Deus locutus esset cum Iacobo, id dictum fuisset omnibus et Iudaeis et Israelitis in lumbis Iacobi latitantibus. Non est quod alias opiniones afferam, de quibus vid. Rosenmueller ad h. l. Memoratu autem dignum est, quod LXX. etiam h. l., ubi vates nomine *Bethelis* illius urbis proprio usus est quoniam minime tanquam locus idololatricus sed a Deo ipso colloquio nocturno cum Iacobo sacratus commemoratur, ita verterunt ac si iterum scripsisset *Bethaven*, cf. 4, 15. al., nimirum *οἶκον Ὡν*. Non tantum ingenium scriptoris plane neglexisse, sed ne attente quidem legisse videntur. Quis igitur sequatur eorum auctoritatem ubi postea vertunt *εὐροσάν με, ἱσμεν*, καὶ ἐκαὶ ἐλαλήθη πρὸς αὐτούς, *עמם*. Dathe et Kuinoel errant contententes eos legisse *עמרי* s. *עמנו*. Chald. et Hieron. vertunt: *nobiscum*.

6. Quem invenerit Iacobus Bethele, versus noster exhibet: *eum, cuius nomen est Iehova, Iehova Deus agminum*. *זְכָרִי — יְיָ*: cuius nomen. In Hebraico textu more usitatissimo relativum non verbo exhibitum est, sed sensus relativum innuit. Latini tali nexu semper verba *et eius* in naturale relativum *cuius* solvunt. *אֱלֹהֵי הַצְבָּאוֹת*, cognomen Dei saepissime obvium: *Deus agminum*. LXX.: *παντοκράτωρ*. Ex hoc loco facile intelligi potest, designari maiestatem, qua longe superet et qua gubernet numina illa ignota ab hominibus a Dei vera cognitione alienis divinitus culta. Sunt enim in V. T. *צְבָאוֹת*: *agmina* stellarum, lunae et solis Deut. 4, 19., angelorum Nehem. 9, 6., animarum humanarum Gen. 2, 1., daemonum 1 Reg. 22, 19. *זְכָרִי* LXX.: *μνημόσυνον*, ap. Homerum *μνήμα*, *id quo aliquid in memoriam revocatur*. Synonymum est *שֵׁם*, quocum expressis coniungitur Exod. 3, 15. Dathe, Meisner alii-que interpretes volunt esse verbum, quod ille vertit: *Deus ei memorabile nomen dedit*, hic: *Iacobus Deo sacrificium obtulit*. Utrumque sine vi vocum et sententiae fieri non potest.

7. Nunc vates transfert effigiem ad suam sententiam. *Uti proavus tuus Iacobus, postquam per aliquod tempus a recta via declinatus et in fide anceps, feliciter finita contentione cum Elohim, qui tantum Dei minister s. angelus erat, ad Iovam suum rediit, ita tu quoque Israel dimitte et fraudes et impetus et studia Deo adversantia, atque in uno Deo constanter pieque fiduciam tuam colloca.* In verbis huius versus inest aptissima oppositio verborum et dictionum versus secundi. כֹּחַ מְשַׁפֵּה שֵׁד opponitur nomini שֵׁד כֹּחַ et dictio: *fiduciam firmiter in Deo tuo colloca, illi: foedus cum Assyriis pangunt et oleum Aegyptiis fertur.* In fine versus LXX. declinant a nostro textu: ἡ γιγίξει πρὸς τὸν Θεόν σου.

8. Vates pravitatem gentis Israeliticae describere pergit. Non enim modo idololatriā et libidinibus veneris se pares faciunt barbaris, cf. 4, 11-13., verum etiam fraudibus eos referre student, quod tanto peius et detestabilius est, quanto pluribus adfecti sunt a Deo beneficiis et quanto luculentiorē habent imaginem, Iacobum historiamque populi. Ita admodum obscura et parenthesibus interrupta idiosyncrasia sententiarum vatis nostri solvenda est. כֹּחַּ est nominativus absolutus, quam orationis formam saepissime in nostro vate habemus 6, 8. 8, 13. 9, 6. 11. al. כֹּחַּ בְּיָדֵי: *quod attinet ad Canaanem, in manu eius sunt cet.* Quae formula iterum ope relativi simplicissime resolvi potest: *Cananaeus est, in cuius manu sunt bilances fraudulentae.* In voce כֹּחַ bilogia inest. Significat enim et mercatorem Ies. 23, 8. Prov. 31, 24. et paganum hominem, incolam terrae Canaaniticae Iob. 40, 30. Ies. 23, 11. Zach. 14, 21. Omnino autem indicat: *fraudulentum et dolosum hominem ad modum barbarorum,* quibus illud Mosaicum לֹא תִגְנֹב Exod. 20, 15. non innotuerat. מֵאֲנֵי מַרְמָה: *bilances fraudis i. e. dolosae, quibus alios defraudant, species fraudis pro omni genere fraudis ponitur.* לְעֶשֶׂק אֹהֵב opprimere amat. אֹהֵב et אֹהֵב saepius occurrit ita ut sit: *aliquid cum voluptate*

XII, 8. 9.

et quasi ex consuetudine facere (ut Latinorum *amare*, v. c. ap. Horatium: *aurum per medios ire satellites amat*, et Gallorum *aimer*) cf. Ies. 56, 10. Ier. 14, 10. פֹּחַז de omni iniuria; non modo vi sed etiam fraude illata dicitur Mal. 3, 5. Lev. 5, 21, 23. Deut. 24, 14. LXX.: καταδυναστεύειν ἡγάπησε, quod Hieron.: *opprimere per potentiam diligit*. In toto versu mihi contineri videtur locus communis s. dicterium quoddam, quod postea transfertur ad Israelitas: *qui falso negotio alios fraudat et dolo iniuriam infert, aequè paganus est ut qui idolis sacrificat*. Hieronymus versum nostrum directum putat ad Israelitas, quos nomine ignominioso Cananaeos vates appellet, quemadmodum similia nomina occurrant histor. Susannae 56. Ez. 16, 3. Ies. 1, 10., quasi dixerit: *tu Canaan-Ephraim, in manu tua est statera dolosa s. iniqua*. Chald.: *ne sitis sicut mercatores, in quorum manibus sunt balances dolosae, ut fraus committatur ad turbendam omnem benignitatem*. Plerique interpretes alterutri explicationi adhaerent. Castalio ita: *Ephraimitae Chanaanem incolentes fallacem habent in manu trutinam*. Dathe longo introitu utitur ad constituendum nexum huius versus cum antecedentibus: *ille vero scil. Iacob et Ephraim est de genere Canaanis, manu balances fraudulentas tenet etc.* Propius accedunt ad nostram sententiam Liveleius et Drusius, quorum hic: *ut mercator in manu habens stateram fraudulentam etc.* — ita Ephraim dixit.

9. עֲפְרַיִם אֵלֵּי: Ephraim quoque dicit scil. illis parem se praestans. אֵל copula est latissimae significationis, maxime excitantis et asseverantis: *profecto, tamen, agendum*. Est omnino audacis hominis, perversi et re sua, quamquam perversa, freti. LXX.: πλὴν περ πλοῦτις: *dives sum, opes inveni*. אֵל: vires et facultates cuiusvis generis. Hinc *divitiae*, quas etiam Latini *facultates* dicunt, Iob. 20, 10. Plerisque positum est pro אֵל commutatis affinibus literis א et נ cf. Liveleius. LXX. nimirum ex analogia Arabica: عَزَمْتُ انْأَسْخُفَ رَاحَتِي, *requiem meam*. Hieronymus: *inveni idolum meum*, unde אֵל legisse apparet, itidem addens:

idolum esse divitias, nam sicut gulosi et luxuriosi venter Deus est, ita avarus adorat auri idolum. Sequentia verba difficilia sunt, et quocunque modo ea interpretemur, inter coniecturas agimur. כָּל-יָגִיעִי: omnes meae divitiae, pr. *duri labores*, hinc: *id quod labore comparatur*, i. e. opes, divitiae Ies. 45, 14. 55, 2. Ps. 128, 2. cf. Gesen. ad h. v. לֹא יִמְצְאוּ לִי עֲוֹן: non invenient mihi culpam. מִצָּא latissimo sensu occurrit de omnibus quae quolibet modo acquirimus, sic: urbem occupare 2 Sam. 20, 6., fruges agri capere Gen. 26, 12., lucrum alicuius rei habere 2 Sam. 18, 22., doloribus et miseria affici Ps. 116, 3. Ita etiam h. l. accipi potest pro: comparabunt s. contrahent mihi. לִי est dativus commodi. עֲוֹן: culpa 14, 3. Gen. 15, 16. Ies. 5, 18. Sensus igitur est: *divitiae meae mihi non contrahent culpam* אֲשֶׁר-הִטָּא: quemadmodum peccatum i. e. quasi peccatum fecissem. אֲשֶׁר i. q. פֶּחֶסֶר, cf. Ies. 54, 9. Ier. 33, 22. al. Sens.: *divitiae meae, quocunque modo eas paraverim, mihi non pro peccato reputabuntur.* LXX.: πάντες πόνοι αὐτοῦ οὐχ εὐεθίσονται αὐτῷ δι' ἀδικίας αἷς ἡμαρτον, cuius versionis fere ne verbum quidem cum textu nostro convenit. Hieron.: *omnes labores mei non invenient mihi iniquitatem quam peccavi i. e. quicquid peccavero, si habuero divitias, ab his, qui meo indigent auxilio, mihi non poterunt inculpari; secundum illud quod scriptum est: et qui iniqua gerit, benedicatur, divitum enim amici multi.* Interpretatio Hieronymo non digna. Chald.: *respondet ad id propheta: omnis vestra opulentia peribit vobis, quo tempore iusta fiet delictis vestris retributio.* Michaelis ita vertit: *desiderium et omnes desideratas et labore acquisitas opes non invenient mihi, scil. qui aequo animo rem consideraverint (i. e. impersonaliter: non invenietur), eiusmodi iniquitatem (i. e. delictum), quae adeo grave peccatum sit, quod tam acerbe reprehendi mereatur ut v. 8. factum est.* Idem Kuinoel brevius: *labores meos nemo iniustos et iniquos appellare poterit.* Verum haud scio an non haec explicatio durior etiam et verbis nexuque minus accommodata videatur nostrâ, licet nostra quoque ab omni duritate orationis vatem non prorsus liberet.

XII, 9. 10.

Eichhorn vertit: „mein ganzes Gut weiss nichts von Missethat, von nichts das Sünde wäre.“ Ita וְלֹא אֲשֶׁר-חָטָא esset i. q. וְלֹא אֲשֶׁר-חָטָא. Interpretatio certe non simplicior. De Wette: „unter all meinem Erwerb wird man kein Unrecht finden, das Sünde wäre“; quae intolerabilis esset tantologia.

10. Ostendit nunc vates quam stolidam quamque impia sit eorum fiducia in divitiis fraude acquisitis collocata, qui habeant Deum tutissimum in omnibus calamitatibus auxilium, patres inde ab antiquissimis temporibus defendentem ipsosque adhuc defensurum. וְאֵנֶכִי יְיָהוָה אֱלֹהֶיךָ: ego tamen Iehova sum Deus tuus tutularis. מֵאֶרֶץ מִצְרַיִם: inde a terra Aegyptiaca, i. e. qui vos tuitus sum inde ab eo tempore, quo in summa miseria versabamini Aegyptiaca servitute oppressi. LXX.: ἐγὼ δὲ κύριος ὁ Θεός σου, ἀνῆγαγον σε ἐκ γῆς Αἰγύπτου. עַד הוֹשִׁיבָה: adhuc s. ultra, etiam nunc te secure habitare faciam. Oratio ita mihi cohaerere videtur: Noli illis pravis artibus opibusque fallacibus fidere, historia et monitis prophetarum edoctus. Non auro nec argento contigit Israelitis ex Aegypto fugere et in securis sedibus habitare. Ego sum Iehova tuus, tutela et auxilium tuum inde ab illis temporibus. In me spera, per me enim, per me Deum tuum rursus secure habitabis, quamquam nunc vehementer turbatus es. cf. 11, 6. 11. Sic omnia optime ad v. 7. pertinent. בְּאֶהְלִים: in tentoriis, quae h. l. pro quovis domicilio. Utitur propheta hac voce similitudinis gratia. Ut enim prisca gens Iacobitica in tentoriis suis, periculis molestissimae migrationis per Arabicum desertum circumdata, secure degebat, ita vos quoque secure habitare volo. Ceterum אֶהְלִי etiam pro domo dicitur Ies. 16, 5. 33, 20., ut cognatum verbum מִשְׁכָּן Ies. 32, 18. ubi quidem semper notio securitatis primaria est. כִּימִי מוֹעֵד: ut temporibus festorum. Secundum Hieronymum pluresque interpretes subintelligendum est festum tabernaculorum, Skenopegia, de quo Lev. 23, 34. al., חַג הַסֻּכּוֹת. Quae significatio optime convenit orationi vatis designantis futuram Israelitarum securitatem imaginibus ex itinere gentis per

desertum desumtis: tum tentoriorum, sub quorum tegmine viatores debebant tuti ab omni tempestatis et ferarum periculo, cum festi tabernaculorum, quod Deus ipse in deserto instituerat, ut post exactos graves mensis labores grato in ipsum animo Deo accepta sacra facientes in tuguriis e frondibus viridibus constructis et otiosam et religiosam et iucundam vitam agerent. Omnis huius versus oratio ita composita est, ut vates ad tempora illa calamitosa respexisse videatur, de quibus 2 Reg. 15, 29. Tiglath-Pileserem regem Assyriorum regnum Israeliticum magna vi aggressum incolas superioris Galilaeae tribuumque Gileaditicarum bello captarum in exilium abduxisse narratur. Quam tristem rerum vicem se in melius versurum Iehova promittit, cum Israelitae ad sanam mentem redituri essent. Hieronymus: *sicut in eo tempore te de Aegypto liberavi et habitasti in tabernaculis ad terram sanctam et ad locum templi ire festinans, sic etiam nunc educaam te de tribulatione et angustiis et imminente captivitate, si tamen feceris quae praecepi.* Al. מִלֵּצָד latissima significatione capiunt, ita: *sicut diebus pristini temporis, ubi in desertis vos defendi*; al. denique verba esse minantis arbitrantur: *collocabo te e patria expulsum iterum sub tentoria, quemadmodum pristinae peregrinationis tuae tempore, quod quidem longe a nexu orationis abhorret.*

11. *Idem, addit ex ore Iehovae, vobis etiam per prophetas significavi, dum super iis locutus sum i. e. iis monita mea inspiravi, cf. 1, 1., visiones exhibui, parabolas per eos vobis proposui.* וְדַבַּרְתִּי עַל-הַנְּבִיאִים: *et locutus sum super s. ad prophetas, scil. quae, si observaretis, vobis saluti forent: alia enim Deus loqui non potest. Cuius salutis exemplum postea v. 14. sigillatim refert. Praeterea omnino Deus peculiarem amorem promptissimamque servandi proclivitatem, modo pie sentiret et probe ageret, populo per prophetas declaravit, ne forte hic putaret, felicitatem se vel idolis, vel divitiis, vel viribus sociorum debere, cf. Num. 23, 19 — 22. Dent. 28, 1 — 14. Ios. 23, 8 — 13.* וְעַל-הַנְּבִיאִים, *non: per prophetas, uti Tremellius, quod grammaticae repugnat, sed: ad prophetas, LXX.: πρὸς προφῆτας, ut nem-*

XII, 11; 12.

pe sententiam meam intelligerent eamque populo significarent.

Verum, pergit, non tantum locutus sum, sed me demittens ad vestram imbecillitatem *וְהָיוּ הָרַבִּיּוֹת*: *visiones multas vobis protuli.* Visiones enim, somnia et alia qualiacunque phaenomena optica, regionibus Orientalibus haud aliena. singulari autem Dei cura ad commovendum populum saepius emissa, illis gentibus semper signa erant divinae praesentiae. Plures praeterea visiones coram animis prophetarum produxit, quas isti populo exponerent, cf. Amos. 3, 7. 2 Reg. 17, 13.

וַיְבִיֵּר הַנְּבִיאִים אֲדָמָה: *et per prophetas parabolis s. similitudinibus locutus sum.* Bene monet Michaelis ad h. l. trium verborum huius versus esse unum idemque tempus, quamquam duo priora in praeterito, tertium in futuro legantur, idque praeteritum. Nam tota oratio continet commemorationem rerum in facto positarum. De significatione verbi nostri admodum differunt inter se interpretes. Alii, qui illa praeterita, hoc futurum innuere censent, ita vertunt: *pari modo etiam porro cum iis per prophetas loquar.* Alii putant esse: *excidi* (cf. 4, 5. 10, 7.), ut vel sit: *per prophetas excidium et devastationem iis minatus sum* (ita Eichhorn, quem admodum 6, 5. *הָרַבִּיּוֹת*), vel ex alia interpretatione significet: *penitus percussi eos.* Hieron.: *assimilatus sum i. e. hominibus similem me praestiti.* Dathe: *qui sim per prophetas declaravi.* Verum nulla harum explicationum simplex et textui orationis ita accommodata est, ut nostra a plerisque recentiorum, v. c. Michaelis, Drusio, Grotio, Rosenmuellero, prolata. Similitudinibus et parabolis loqui erat et usitatissimum vaticibus et plebi probatissimum, cf. Ies. 5, 1 sqq. Ez. 16. et noster ipse fere in quolibet commate. Adhibetur autem verbum ex significatione Thren. 2, 13. Ies. 40, 18. 25. Ier. 6, 2.

12. *Qui aliter sentiunt, vana sectantur.* Particulam *וְ* significare utique, profecto Mollerus, Drusius, Noldius contenderunt, et quamquam interpretes negaverunt hanc subinde esse huius particulae significationem, v. c. Tarnovius et Rosenmueller ad h. l., tamen plures loci V. T. reperiuntur, qui eam servare inbeant,

v. c. Prov. 3, 34. ubi in oratione affirmativa quodlibet prius membrum versuum 32 — 35. directam et in se absolutam enunciationem, cum posterioris illi contraria copula **ו** *sed* coniunctam exhibet; Iob. 19, 5. ubi ad augendam affirmationem et ad vim particulae **כִּי** clarius constituendam **כִּי** — **אֵין** componuntur; 39, 13. ubi particula **כִּי** gravem et amplam descriptionem ciconiae incipit; Ier. 31, 20. ubi verba **אֵין** — **יִלְדֵי שְׁעָרַיִם** diserte responsionem praecedentis quaestionis: *nonne Ephraim pretiosus mihi filius est?* continent; Gen. 47, 18. ubi fatum triste incredibile dictu ab Aegyptiis Iosepho relatum bis repetita particula **אֵין**, ut in communi vita fieri solet, affirmatur. Huc accedit notissima forma **אֵין** — **כִּי** *sed* Ier. 31, 30. Prov. 23, 17. 18. Ps. 1, 2. al. quae intelligi non posset nisi **אֵין** vim affirmantem habuisset. Non igitur opus esse mihi videtur ad Gesenii sententiam confugere, qui hoc et nonnullis aliis locis **אֵין** ita positum esse statuit, ut sit: *nonne?* Praeterea h. l. utrumque membrum, **אֵין** — **יִלְדֵי שְׁעָרַיִם** et **אֵין** — **שְׁוֹא דָּרִי** **בְּגִלְגַּל**, in parallelismo legitur. Cum autem **אֵין** praeter omnem dubitationem sit: *profecto*, cf. Ps. 62, 2. cet., **כִּי** idem significet necesse est. Vates enim his verbis gravissimo modo suis inserere vult: *studia, quibus in Gileaditicis regionibus et Gilgale incumberent, esse vanissima, siquidem unum verum et diuturnum auxilium sit Deo fidere et prophetas sequi* v. 7. 10. 14. **יִלְדֵי** ponitur pro **בְּגִלְגַּל**, quod usitatissimum est vati nostro ubi de qualicunque regione sermone est, cf. v. 13. 2, 16. 7, 11. 8, 9., et sequens **בְּגִלְגַּל** postulat. Gilead est regio Trans-Iordanensis, hominibus fraudulentis et insolentibus repleta, 6, 8., quae licet irruptione Tiglathpileseris depopulata, 2 Reg. 15, 29., tamen tunc temporis non omnibus incolis orbata fuisse videtur. Utrumque nomen proprium Gilead et Gilgal pro universo regno Israelitico, illud pro Trans-Iordanensi, hoc pro Cis-Iordanensi, positum, Gilgal autem prae ceteris ob similitudinem soni, ex quo etiam paronomasia tertii nominis **בְּגִלְגַּל** vati placuit, illi adiunctum est. **אֵין** et **שְׁוֹא** idem

XII, 12.

significant, *vanitatem*. Utrumque e primaria significatione, illud Prov. 22, 8. Ies. 41, 29. Zach. 10, 2. cf. Gesenius ad h. v., hoc Ies. 59, 4. Iob. 15, 31. Ps. 12, 3. Eidem iniuncta est simul notio mendacii Ps. 24, 4. al. De urbe et idololatria Gilgalis vid. 4, 15. *וְהָיָה*: sunt.

In Gilead et Gilgal sunt vanitates i. e. vana sunt, quibus studet et quae requirit perversa gens illarum regionum, scil. universi regni Israelitici; vel potius, quia praecipue וְהָיָה semper fere ad simulacra inania spectat: vano cultui addicti sunt, i. e. quos in regionibus illis colunt deastri inopes et mendaces se gerent. Ut autem sequentia וְהָיָה cum praecedentibus cohaereant, iterum relativum suppleri debet: quibus scil. locis i. e. ubi boves immolant, nimirum idolis, ad sibi conciliandam eorum benevolentiam auxiliumque. Ita enim prophetas negligunt et spretis eorum monitis vana tantum sectantur, cf. Ier. 2, 13. Sacrificia bouum sine dubio per synecdochen partis pro toto universi cultus superstitiosi loco commemorantur.

In altero commate versus nostri addit vates quasi in parenthesi, quanta sit eorum superstitio: nam *altaria eorum* scil. Israelitarum sunt quasi *acervi super sulcis agri*. Ita magnus numerus eorum designatur. וְהָיָה omnes fere interpretes *acervus lapidum* in negotio agrorum purgandorum congestos esse putant: saepius enim cum et sine adiecto nomine וְהָיָה eadem significatione occurrunt, cf. Gesen. ad h. v. וְהָיָה: agri, pro וְהָיָה, cf. 10, 4.

Interpretes in interpretando hoc versu in varias partes abierunt. Plerique particulam וְהָיָה vel conjunctionem conditionalem vel interrogativam esse putarunt. Illi pro vario modo verba coniungendi et separandi varios sensus invenere, v. c. Michaelis: *si Gileaditae pravitati et idololatriae dediti tantum vana et frustra fuerunt, simili insania Ephraimitae in Gilgal boves immolant*. Dalhe, Grotium secutus: *si in Gileaditica regione, quam vana sit idololatria, cognitum sit (nimirum expeditione Tiglathpileseris 2 Reg. 15, 29.), sane temerarie agunt, qui Gilgale boves immolant*. Rosenmueller: *si Gileaditae pravitati et idolorum cultui de-*

diti sunt, omnino vanitas facti sunt. In Gilgal boves immolant. Hi ita vertunt: num s. nonne in Gilead iniquitas? certe vanitas sunt! vid. Tarnov. ad h. l. Alii comminationem futurarum poenarum versui nostro subiiciunt, v. c. Eichhorn: „Da dennoch Gilead ein Gräuelland geworden ist, so wirds gewiss Zerstörung treffen: da sie zu Gilgal Stiere opferten, so werden ihre Altarstätten wie Haufen Steine auf der Aecker Furchen werden“. Nuperrime F. I. V. D. Maurer (Observv. in Hoseam, in Commentatt. theoll. Rosenmuelleri et Maureri 1827, Tom. II, p. 1.) novam coniecturam emisit. Pro גלגל legendum esse suadet גלגל, quae vox significet *metropolin*, quemadmodum 2 Sam. 20, 19. et fortasse etiam 2 Sam. 8, 1., nimirum urbem Gileaditarum גלגל Iud. 11, 29., hoc sensu: *Urbs regionis Gileaditicae Mizpa impie egit, imo scelestae faciunt (incolae), in Gilgale boves mactant, imo tot aras habent quot etc.* Sed missis reliquis, an nomen גלגל sine aliqua certiore nota hoc sensu accipi possit, vix credam. Eadem ratio mihi esse videtur quae nominis גלגל 4, 18. Plura de his vid. ap. Rosenmuell. ad h. l. LXX. quidem locum nostrum admodum corruperunt versione: *εἰ μὴ Γαλαὰδ ἐστίν, ἀρὰ ψευδεῖς ἦσαν ἐν Γαλαὰδ ἄρχοντες θυσιάζοντες, καὶ τὰ θυσιαστήρια αὐτῶν ὡς χελῶναι ἐπὶ χέρσιν ἄγρου.* Pro גלגל igitur legerunt גלגל et quoniam pro גלגל habent *ἐστίν*, Drusius satis ingeniose autumavit aliquando scriptum fuisse *Γαλαὰδ ὧν*, pro more eorum גלגל-בית vertendi *οἶκον ὧν*, ex quo, quod minus aptum visum fuisset librario, *ἐστίν* ortum esset. Ad defendendam autem vocem *χελῶναι*: *testudines* bonus Hieronymus addit: *cum Israelitae in captivitatem fuerint abducti, arae quoque eorum absque cultoribus testudinum et tumulorum habebunt similitudinem.* Hieronymus ipse: *si Galaad idolum, ergo frustra erant in Galgal bobus immolantes, i. e. si in Galaad falsi sunt Dii et perversa religio, et est trans Iordanem, ubi duae et dimidia tribus habitant, ergo et Galgale, quicumque idola colunt non boves diis immolant, sed bobus offerunt sacrificia imitan-*

XII, 12. 13.

tes errorem Samariae. Putarunt interpretes praeunte Hieronymo Gilgalem fuisse oppidum duarum tribuum et sic indicari omnes 12 tribus pari idololatriae errore deceptas fuisse. Verum quamquam in tota nostra prophetia vates aequae Israelitas ac Iudaeos increpat, v. 1. 3., tamen tunc temporis Gilgal non ad Iudaicum sed ad Israeliticum regnum pertinuit; vid. 4, 15.

13. Redit nunc vates ad exemplar Iacobi, quod in hac prophetia sibi proposuisse videtur, quod quidem tam laxa manu tenuit, ut difficile sit eum sequi. Hunc versum ita cum praecedentibus cohaerere puto: *Videtur ex ipso exemplo Iacobi, quid sit sibi fidere, insidiari aliis, incerta commoda praeferre prophetis cultique divino.* Iacobus enim irā fratris excitatā ab eo in terras barbaras fugere coactus fuit. Idem animo ad uxorem ducendam admoto per 14 annos servitii iugum tulit. Doleo me hac explicatione iterum ut v. 4. contradicere doctissimis interpretibus, qui et hunc versum in laudem Iacobi verterunt. Verum quo attentius et diligentius omnem prophetiam legisse et relegisse mihi videor, eo certius persuasum mihi est prophetam nil aliud dicere voluisse. Sermo est de aliqua parte Iacobi in illa tempora incidente, ubi nec inveniērat nec inventum cognoverat Iehovam v. 4—6. Illo tempore Iacobus in pietate et benevolentia, חסד ודעה, a vate saepius tanquam signis veri Israelitae prolatis 4, 1. 6, 6. cet., incertus fuisse describitur. In utero enim matris insidiatus est fratri, cum Elohim autem luctatus ad Maleach lacrymis precatus est. Iisdem vitiis quae in Iacobo tantum emergere conabantur, suo tempore quidem egregie oppressis, Israelitae temporibus vatis obdurati erant. Res igitur ipsa favebat, ut vates patriarcham Iacobi exemplum ante oculos duceret. Ut enim Iacobus ad meliorem frugem rediit, ita eius posterī etiam redire poterant. Non autem sufficit mores Iacobi a vate typico modo prolatis esse, profert item exempli in gratiam fata quae ille susceperat. *Fratri insidiatus fugit in terram barbaram, mulierem quaesiturus servus fit.* Contra qui probus et pius monitis Dei obtemperat, ducitur ad patriam, qui Deum quaerit, servatur. Luculentissima est oppositio membro-

rum adeoque verborum in hoc nostro et sequente versu: *Iacobus fugit — Israelitae redeunt in patriam; Iacobus nondum Deo fisis terram barbaram intrat* (quod historia probatur: nam Gen. 28, 29, 30. in itinere tunc demum se Deo dedicaturum esse promisit, si Deus se conservavisset, victum et vestitum sibi dedisset seque incolumem redaxisset) — *Israelitae e terra barbara ducuntur per Iehovam ope prophetae; Iacobus custodivit — Israelitica gens custodita est; Iacobus per mulierum servus est — Israelitae per prophetam servati sunt.* נִשְׁמַר-שָׁמַר, בְּנִבְיָא-בְּאִשָּׁה.

Nos quidem varia praepositionis ב in בְּאִשָּׁה et in בְּנִבְיָא significatio offendit. Verum Hebraeus poeta non nostrarum sed suae linguae ingenium, ubi praep. ב et per et propter indicat, consuluit, quod idem oppositioni commodissimam occasionem praebuit. Nostrum est enunciationibus nobis usitatis sententiosam breviter vatis si non assequi, tamen imitari. Cuius rei periculum versione Latina feci.

Interpretes omnia in laudem Iacobi vertere volentes suam non vatis sententiam ita exposuerunt, ut contenderent alteram partem orationis supplendam esse, nimirum vel: Iacobum propterea a Deo servatum, liberatum, divitem in patriam reductum esse, quia pius et probus esset (vid. Tarnovium, Kuinoel. al.), vel: eum nihilominus semper pium et probum fuisse, quamquam tantas calamitates passus esset (vid. Eichhorn.). Verum de his omnibus nihil legitur, contra de pietate patriarchae adhuc tempore reditus e Mesopotamia valde dubitandum erat. cf. v. 4. 5. Reductio autem in patriam et divinum auxilium non in Iacobo sed in eius posteris laudatur v. 14. Nec video cur non ante omnia scriptorem ita tractemus, ut eum verbis bene consideratis a culpa inexcusabilis reticentiae liberemus? Nec ita vati aliquid pietatis et reverentiae erga atavum demitur. Semper laus et honor Iacobo manet, invenisse Iehovam Bethle v. 5. eiusdemque inde ab hoc tempore candidissimum fuisse cultorem. Quae posteris praeter Hoseam de iuvene atavo statuerint, nobis ignotum est. Sunt quidem commenta in monumentis Rabbinarum, quae in contumeliam Iacobi audiant, v. c. Iacobum in eligenda sibi sorte praetulisse Gehennam, ut in vita nostra com-

XII, 13, 14.

mode vivere posset, opinatum dolores exilii et miseriam huius terrae esse multo maiores doloribus Gehennae, hunc suum errorem tunc demum deposuisse, cum Iosephum filium mortuum et Gehennae traditum credidisset, cf. Eisenmenger entdecktes Iudenthum II, 4. p. 262. Huc pertinet aliud commentum, diabolum Sammael fuisse qui cum Iacobo luctaretur, ibid. II, 18. pag. 845. Verum omnia eorum commenta tam ridicula sunt, ut nihil certi inde effici possit. Sufficiant nobis, quae vates nostro loco exhibuit.

וַיִּבְרַח יַעֲקֹב שָׁדָה אֲרָם. Copula ו non ad יִבְרַח sed ad יַעֲקֹב pertinere videtur: *Iacobus etiam fugit*. Sic indicat continuationem effigiei Iacobiticae. שָׁדָה אֲרָם e more usitato pro בְּשָׂדָה s. לְשָׂדָה cf. v. 5. 12. cet. Fugit nempe Iacobus in Mesopotamiam s. Syriam fratrem sibi iratum Gen. 35, 7. cf. 28, 5. Loca, in quae fugit Iacobus, ibi vocantur בְּדֵן אֲרָם, quod fere idem est, regiones campestris Syriae, oppositae montosis versus Occidentem porrectis. Illae sunt Orientales trans Euphratem sitae, cf. Michaelis ad h. l. LXX.: πεδιον Συρίας. יִשְׂרָאֵל nomen serius ad auferendam contumeliam adeo a nomine patriarchae datum. בְּאִשָּׁה: propter mulierem, quoniam pili ipsi curae cordique erat, quam ut uxorem duceret. וַיַּעֲבֹד: servivit, nimirum Labani. Eiusdem causa שָׁמַר: custodivit i. e. pavit scil. צֹאן, quod additur Gen. 30, 31. cf. 1 Sam. 17, 20. Gregem Labanis patris Leae et Rahelis pavit Iacobus, qui demum servitio 14 annorum eo pervenit, ut utramque in matrimonium acciperet Gen. 29, 20, 27. His utique calamitates Iacobi vates designat, verum non, ut interpretes volunt, ad augendum eius meritum, sed ad indicandum finem, ad quem anceps pietas homines ferat.

14. Iam ex vita Iacobi ipsa commemorare potuisset, quomodo res eius in melius mutatae essent, postquam cultui Iehovae se suosque dicasset. Verum inhaerere voluit sententiae v. 11. significatae: *audiendos esse prophetas, ut ab iis discas Iehovam cognoscere et colere*, habuitque oppositionem poeticam in אִשָּׁה quae patri-

archam in servitutem duxit, et in **יְהוָה** qui eius posteros e servitute liberavit. Quae igitur praecclare acta sint non cum patriarcha ipso, sed cum Israele per posteros propagato i. e. cum populo Iacobitico Deo se submitte, vates celebrat. *Is non fugit ad paganos, sed a paganis liberatus in terram Iovae profectus est; is non servivit et custodivit, sed ipse custoditus est.* Idque propterea, quoniam pia mente et obedientia prophetam Dei interpretem ducem et praeceptorem adscivit. **יְהוָה**: per prophetam Moſen, qui et expressis verbis propheta vocatur Deut. 18, 18, 34, 10. et ita describitur ut signa prophetae in eo agnoscantur Exod. 4, 15. Num. 12, 6 — 8. **יִשְׂרָאֵל**. Tenuit vates nomen patriarchae ad designandos eius posteros, quasi unum idemque essent quae patri et quae nepotibus evenissent, et quae his contigissent divina praesidia quasi illi contigisse viderentur. **הֶעֱלָה מִמִּצְרַיִם**: *ascendere fecit ex Aegypto* i. e. *eduxit eos*. Saepius enim in V. T. *ascendere* dicuntur qui ex Aegypto in Canaanem migrant Iud. 6, 13. 1 Sam. 12, 6., contra *descendere*, qui inde Aegyptum tendunt Gen. 12, 10. 26, 2. **יְהוָה יִשְׂרָאֵל נֹשֵׂמָר** et per prophetam custoditus est. Elegans paronomasia in verbo isto inest. V. 13. dixerat: *Israel atavus custodivit* scil. greges, nunc addit: *ipse, posteri eius, populus nomen eius gerens, custoditus est* i. e. *incolumis servatus in omnibus periculis ipsi imminentibus, quemadmodum grex per pastorem defenditur*, cf. Ps. 116, 6. 1 Sam. 2, 9. LXX. parallelismum verborum servarunt sensum quidem non consulentes. Versu 13. habent *ἐν γυναικὶ* et v. 14. *ἐν πορφύρῃ*. Postquam igitur vates commemoravit, quid tum Iehova per prophetam fecerit iis, qui duci ab eo passi fuerint, per se efficitur idem hodie per prophetas fieri posse, modo prophetis obsequium praestent eosque sequantur, nec opus esse curā divitiarum v. 9. fraudibus et idololatria v. 10., quae contra in miseriam homines abripiant.

15. Verum omnia exempla populum non commovent, peccare enim pergit. Id h. l. ita significatur: **הִכְעִים אֶפְרַיִם תְּמָרְתָּיִם**. Duo priora verba omnes inter-

XII, 15.

pretes verterunt: *Ephraim Dei iram provocavit.* Nec video, quid aliud significare possint, quamquam omissione subiecti irati non placeat. Ex peculiari usu verbum *הכעיס* *Dei iram provocare* indicasse videtur, cf. 2 Reg. 21, 6. 23, 19. Ps. 106, 29., licet aliis locis persona irata addatur, cf. 2 Reg. 23, 26. 21, 15. 17, 17. Con- sulso posuit vates post *יַעֲקֹב* et *יִשְׂרָאֵל* nomen *אֲשֵׁרִים*, ac si mutato nomine et persona nunc etiam mores in pe- ius mutati essent. *הַמְרִירִים* iterum difficiles sunt intel- lectu; ex etymologia vocis (a radice *מִרַר* ortae): *amarit- tudines*. Hinc supplent alii praep. *ל*, cf. Drusius: *ad amaritudines* i. e. *ut amarae poenae a Deo iis inferan- tur*, alii *ב*: *per amaritudines*, i. e. *peccata amara*, cf. Chald.: *provocarunt ad iracundiam peccare adiacientes*, item Hieron.: quae posterior significatio certe aliis duo- bus locis non convenit, ubi idem nomen legitur. Ier. 6, 26. et 31, 15. *acerbitatem doloris* significans. Est alius locus Ier. 31, 21. ubi iuxta *צִיָּנִים*: *columnas, indices viarum* positum fere idem significare videtur. Unde nonnulli, v. c. Kimchi et Lutherus illum secutus, h. I. putarunt esse: *statuas deastrorum*, ita: *irritavit me Ephraim sua idololatria*. Verum et hoc est in conie- cturis non probandis. Melius Gesenius in Lex. ad h. v. nomen illud adverbialiter positum esse docet ita: *ama- re me ad iram provocavit*. Item Dathe: *vehementer me ad iram provocarunt*. LXX.: *ἐφάρμεν Ἐφραὶμ καὶ παρώγεισε*, pro quo al. codd. *παρώγεισά με Εφρ.* ἐν τοῖς πα- ραπομπασμοῖς αὐτοῦ, quod etiam Hieronymus habet: *ad ira- cundiam me provocavit Ephraim in amaritudinibus suis*.

וְדָמִי עָלָי יָבוֹשׁ: *et reatum caedis, scil. quam sibi contraxit, super eo relinquet* i. e. *eum non a poena li- berum declarabit*. Simili modo *דָּמִים*: *caedes* 1, 4. 4, 2. Ies. 1, 15. Verum iterum non apparet, quomodo vates ad caedes venerit, cum in toto capite de fraude quidem et impietate, verum non de caedibus sermo fuerit. Fortasse *caedes* tantum in specie dicuntur pro atrocissimis facinoribus, quibus utrumque regnum reple- tum fuisse scimus cf. 4, 2. 6, 10. 11. *כָּשֶׁה* est aequè in-

certainae significationis atque Lat. *relinquere*. Est enim vel: *sinere ut apud aliquem maneat*, qui eo utatur aut eius vim sentiat (sic sigillatim cum praep. *ל* constructur 1 Sam. 17, 20. 22. 28.), vel: *aliquid non curare, negligere* Exod. 23, 11. 1 Sam. 10, 2. Prov. 17, 14. adeo: *indulgere, remittere* Nehem. 10, 32. Oratio significationem indicat. — H. 1; cum praep. *ל* constructum et cum sequentis commatis comminatione divinarum poenarum coniunctum ita explicandum esse censeo: *sinere ut culpa caedium ei inhaereat*; quam interpretationem Rosenmueller loco parallelo Ion. 1, 14. aptissime probavit, cui insuper addatur Deut. 21, 8. Michaelis ex altera verbi significatione ita: *sanguines eius non curabit Dominus, nec ab hostibus effusum sanguinem vindicabit*. Eodem modo Dathe, Kuinoel, Boeckel. LXX.: *το αίμα αυτου επ' αυτον ενχυθήσεται*. Hieron.: *sanguis eius super eum veniet*. *חַרְפּוֹתָא*: opprobrium i. e. contumeliose facta eius, quae ipsi opprobrio sunt, cf. Mich. 6, 16. *ישיב לוֹ אֲדֹנָי*: *retribuet ipsi eius dominus Iehova*, i. e. eos ob peccata commissa puniet, cf. v. 3.

XVIII.

Cap. XIII, 1—15.

Cum Ephraim horrendas suas institutiones ederet, horrenda in totum Israellem intulit, qui postea cultus Baalitici reus periit. 2. Nunc peccare pergunt facientes sibi simulacra ex argento suo pro sua quisque intelligentia; idola, quae nihil omnino sunt quam opus artificis. Haec illi adorant, homines immolant, vitulos osculantur. 3. Propterea sortem habebunt nubis matutinae, roris sub ortum solis existentis, paleae, quae ex area, fumi, qui per aedium foramina vento aufertur. 4. Ego

vero sum Iehova tuus inde a temporibus Aegyptiacis, nec Deum alium praeter me cognosces, nec salvatorem praeter me solum. 5. Curam tui habui in deserto, in terra arida, 6. quae illis velut pascuum opimum fuit. Saturati sunt; ita saturati ut animus ipsorum se efferret; qua animi elatione mei obliti sunt. 7. Tum autem iis fui velut leo ferox, velut pardus in viis Assyriae. 8. Occurri iis velut ursa catulis orbata, disrupti eorum praecordia, ibique eos quasi leaena devoravi, ac si bestia agrestis eos discerneret. 9. Israel, haec causa est tuae perniciiei, quod contra me, contra auxilium tuum peccavisti! 10. Fui scilicet rex tuus in omnibus tuis urbibus incolumes servans te et iudices tuos, quos flagitasti, ut darent tibi regem et principes. 11. Dedi tibi regem indignabundus, et in fervore meo eum abstuli. 12. Iam colligata est impietas Ephraimi, clam asservata eius nequitia. 13. Dolores puerperae ei supervenient; quin ipse infans est insipiens, quippe qui non perstiterit in ore matricis tempus maturitatis non exspectans. 14. E faucibus infernorum eos redemi, a morte eos vindicavi. Fui pestis tibi, mors, fui exitium tibi, sepulcrum! At nunc omnis misericordia a me aberit. 15. Siquidem ille fructus quidem egregios inter fratres progerminavit: at veniet Eurys ventus Iehovae e deserto oriundus, arefacturus eius scaturigines, exsiccaturus fontes, depraedaturus omnes pretiosas opes, quibus animus eius delectatur.

Cohaerent hoc et sequens caput arctissime, et finem omnium orationum vatis exhibere videntur. Quamquam enim non una serie sed multis temporum inter-

vallis vaticinia exhibuerit, tamen aliquando se discessurum e vita et munus propheticum in manus aliorum depositurum esse sensit. Itaque summam omnium dictorum repetiit, Dei benignitatem describens, malos mores pingens, impetu amoris suos compellens, ut servarent quae adhuc servari possent, antequam eorum res et imperium funditus deleberentur. Ne autem de felicitate desperarent, eorum spem ad egregiam sortis mutationem, quam Deo fideles experturi essent, direxit 14, 6 — 9. et sic cum fortuna eorum in ipsis eorum manibus deposita finem fecit v. 10. Ut autem haec vaticinia postrema Hoseae fuisse videntur, ita inciderunt in postrema tempora regni Israelitici, cf. introd. p. 97., cuius excidium num viderit Hoseas non liquet. Id autem certum est, eum post excidium nil amplius scripsisse.

1. Incipit vates orationem ab initio depravationis et miseriae, a cultu vitulorum per Ierobeamum instituto 1 Reg. 12, 28. כְּדִבְרֵי: quemadmodum locutus est. מִנְּהֵם, quae unus e tribu Ephraimi fecit, Ierobeam illa stirpe ortus, ea transferre vates videtur ad omnem stirpem Ephraimiticam. Sermo est de fonte omnium malorum, idololatriâ, quae iam a Salomone non improbata, post solenni Ierobeamii decreto constitutionis politicae si non fundamentum certe pars integra facta est. Apte appellat vates horrenda verba, quae Ierobeam 1 Reg. 12, 28. ad populum locutus est: ecce deos vestros, qui vos ex Aegypto duxerunt. Quae eadem est Schmidtii sententia: non enim, ait, credi potest mentionem hic fieri Bual, nec quidquam praemitti de vitulis illis qui adeo prophetae nostro odiosi sunt 8, 5. cet., nec de alio tempore accipi potest, quam quo Ephraim a Iuda divisus est. Sensus est: cum primum instituit Ephraim tempore Ierobeamii I., qui perpetuam ignominiae notam eo ipso meruit, illum horrendum Dei cultum per vitulos etc. רָחַם, propie רָחַם (Ier. 49, 24. a Chald. rad. רָחַם: contremuit, mutatis inter se cognatis consonantibus): tremor, horror, abstractum pro concreto: res horrenda, ad utrumque membrum pertinet: cum Ephraim res horrendas loqueretur, res horrendas in omnem Israelaelem i. e. in omnes reliquas tribus regni Israe-

XIII, 1:

litici intulit. Duplex igitur sensus est vocis **תָּתַן**. Ierobeam locutus est *verba horrenda* et in *Israelem horrendam idololatriam* intulit. Ut posterius membrum cum priori cohaereat, desideratur copula **כִּן** diserte addita v. 7. **כִּן-כִּן**, quemadmodum — ita, cf. introd. p. 102. **תָּתַן**: tulit, primaria et generalis significatio huius verbi. Tulit horrenda sua in *Israelem*. i. e. effecit ut *Israelitae horrenda illa susciperent*. Hieron. sic vertit: *Loquente Ephraim tantus horror invasit Israelem, ut delinqueret et Deum offenderet in Baal et moreretur, perdens eum qui dicit: ego sum vita Ioh. 14, 6., anima enim quae peccaverit, ipsa morietur, et iterum: vidua quae in deliciis est, vivens mortua est 1 Tim. 5, 6.* LXX.: κατὰ τὸν λόγον Ἐφραὶμ δυνάμειμα ἐλάβεν αὐτὸς ἐν τῇ Ἰσραὴλ καὶ ἔθετο αὐτὰ τῇ Βάαλ, admodum obscure et sic variante lectione, ut exhibuerint **תָּתַן** (*lex, edictum* Esth. 1, 13. 3, 14.) pro **תָּתַן**, et **וְיָשָׁם** pro **וְיָשָׁם**. Chald.: cum loqueretur unus ex *Ephraimitis, tremor apprehendit populos, quod principes fuerint in Israel; nunc vero quia peccaverunt in eo quod idola cohuerunt, neci traduntur*. Alii: cum *Eph. adhuc cum timore et tremore nec contumaciter et superbe Deo obloqueretur, extulit se s. sustulit caput suum, et ad regni dignitatem eVectus est*. Alii verba **וְיָשָׁם תָּתַן** in parallelismo cum sequenti commate posita esse putant, ut sint: *portavit ipse horrendam suam culpam et poenam cum reliquo Israele*. Verum nostra interpretatio simplicior et aptior tam verbis quam historiae a vate h. l. spectatae videtur. Eichhorn alio modo significationem verbi **וְיָשָׁם** totiusque commatis accepit: „Wenn Ephraim sonst redete, erhob er Schrecken unter Israel.“ Ubi autem vates antea dixerat: *Ephraimum tulisse horrendas suas institutiones in Israelem*, nunc culpam addit ab Israele ipso contractam. **וְיָשָׁם בַּבַּעַל**: ipse Israel reus factus est per Baalem i. e. cum cultui a Ierobeamo instituto insuper cultum Baalis adderet, quod primum ab Ahaso factum est 1 Reg. 16, 32. Copula **וְ** habet h. l. eandem vim relativi quam v. 10. 14. 3. al. Signif. verbi **וְיָשָׁם** vid.

4, 15. *reum fieri, sontem se facere.* וַיָּמוּתוּ: *et mortuus est i. e. infelices obierunt qui ita idololatriam se contaminaverunt.* Verba enim מוֹת et מָוֶת frequenter apud sacros scriptores involvunt notionem infelicitatis, cf. Am. 2, 2. Prov. 15, 10. 11, 19. Ies. 25, 8. Valet haec descriptio sigillatim de omnibus fere regibus idolorum cultoribus, quos propheta quasi horrendae superstitionis duces ad exemplum Ierobeami Ephraimitici in animo habuisse videtur. Michaelis ita exponit: *adeo afflictus a Deo et pressus ab hostibus fuit Israel, ut quasi animam ageret, aut vix cadaver aliquod reipublicae relinqueretur.*

2. Quae de patribus dixerat idololatriam instituentibus, eadem nunc de posteris eorum profert. Hi enim institutis perversis nova addunt scelera. וַתַּעֲשֶׂה יִסְרָאֵל לְחַטָּא: *nunc addunt peccare i. e. (e ratione loquendi asyndeta): iterum peccant s. peccare pergunt.* Eorum peccatum idem est quod Ierobeami, Ahasi et reliquorum. *Fecerunt sibi simulacra,* מִסְכָּח, singularis collectivus, ut saepius, a נָסַח: *fudit, fusile, fusa imago,* cf. Exod. 32, 4. 8. Dent. 9, 12. Iud. 17, 3. 4. בְּתַבִּינָם, pro quo multi codd. ap. de Rossium et Kennic.: בְּתַבִּינָם, sensu eodem: *secundum s. iuxta intelligentiam suam.* LXX. Chald. et Hieron. in ista voce repperunt notionem imaginis s. similitudinis. LXX. et Hieron.: κατ' εἰκόνα εἰδῶλων. Itaque legisse videntur: בְּתַבִּינָה עֲצָבִים. Chald.: *ad similitudinem suam.* עֲצָבִים iterum *simulacra, eaque lignea,* a verbo עָצַב: *elaborare, formare,* unde עֵץ: *lignum.* Haec bene fusilibus opponuntur: nam etiam e ligno facta esse simulacra apparet e 4, 12. Hab. 2, 9. Ies. 40, 20. מַעֲשֵׂה הָרָשִׁים: *opus artificum,* cf. 8, 6.; cum contra Iehova a nemine vitam habeat Ies. 44, 6., ab aeterno fuerit Ier. 10, 10., omnibus vitam det Ies. 45, 12. כָּלָה pro כָּל: *universitas eius i. e. omnes.* Codd. variant in lectionibus כָּלָה כָּלָה et כָּלָה v. de Rossi ad. h. l.

לָהֶם הֵם אֱמוּנָתָם: *his (sc. idolis) illi (sc. impii) ver-*

XIII, 2.

ba faciunt. אָמַר dicitur de *verbis in honorem Dei faciendis* 14, 3. Ps. 40, 11. 145, 6. 11. sicut Is. 3, 10. אָמְרוּ צַדִּיק: *laudate iustum.* Ergo h. l.: *iis verba faciunt i. e. in eorum honorem laudes et vota edunt.* Omnino Latinum verbum *adorare* sensum huius Hebraici optime exhibet, cuius propria significatio, *verba ad aliquem facere*, ad honoris significationem translata est. Subiectum agens huius versus sunt *Israelitae idololatrae*, ad quos pronomen אֲנִי pertineat necesse est. Hinc sequitur לָהֶם spectare obiectum orationis, scil. עֲצָבִים *idola.* Alio quidem modo omnes fere interpretes vertunt, vel: *de his idolis illi idololatrae dicunt*, vel: *istis idololatriis illi sacerdotes s. falsi prophetae dicunt.* Utroque autem modo sequentia verba putant esse vel imperativa vel consultativa, v. c. Hieron.: *his ipsi dicunt: immolate homines vitulos adorantes.* LXX.: αὐτοὶ λέγουσι, θύσατε ἐν θυσίαις. lidem praep. לָהֶם ad praecedens trahunt; habent enim antea ἔργα τεκτόνων συντελεσμένα αὐτοῖς. זִבְחֵי אָדָם *homines immolant*, cf. 9, 10 — 12. 2 Reg. 17, 17. 31. Ez. 23, 37. 39. Ps. 106, 37. 38. Totus versus constat e brevibus enunciationibus, quarum tres posterioris membri varios superstitionis modos indicant. Cum enim verba אָמְרוּ et זִבְחֵי eadem orationis forma posita sint, in significatione quoque sibi non respondere non possunt. Alia est forma verborum עֲגָלִים וְשִׁקָּה; est enim non participium, sed futurum; verum quoad sensum et verborum vim illis parallela sunt: *vitulos osculantur.* Cum impietate simul vesania cultus indicatur: *homines immolant et bestias amanter tractant, osculantur*, a quo sana mens abhorret. Dicitur *osculari* de cultu Baalis 1 Reg. 19, 18. fortasse etiam Iob. 31, 27. LXX.: δαίμονες γὰρ ἐκλελοίπασιν, quae Hieron. ita intelligit: *daemones loquuntur ad populum: deficientibus hostiis homines immolate.* Plerique recentiorum interpretum his tribus posterioribus commatibus vim gnomicam abnegarunt, v. c. Eichhorn: „zu deren Ehren sie ermunternd sprechen, wer opfern will, der küsse Kälber.“

3. Propterea יְהוָה בְּעָנָן בָּקָר: *erunt quasi nubes matutina, i. e. sortem eius habebunt*, cf. 6, 4. ubi eorum pietas eadem imagine pingitur. Omnis oratio docet h. l. de Israelitarum rebus et politicis et domesticis sermonem esse. בְּמִן יְסוּעַר, deest relativum, ut saepe, pro: אֲשֶׁר יְסוּעַר: *ceu palea, quae a procella aufertur*. Imago scriptoribus sacris usitata, cf. Ps. 1, 4. 35, 5. Ies. 41, 15. 16. וַיִּעָשֶׂן מֵאַרְבֶּה, iterum duplex ellipsis אֲשֶׁר יְסוּעַר: *quasi fumus qui aufertur in fumario*. Hieronymo אַרְבֶּה est foramen in pariete fabricatum, per quod fumus egreditur; saepius obvium de foraminibus quae loco fenestrarum in aedibus erant, cf. Koh. 12, 3. 2 Reg. 7, 2. Mal. 3, 10. LXX. habent: ὡς ἀπὸ δακτύλων, pro quo Hieron. legendum esse contendit ἀγέλων: *locustis*, Hebr. אַרְבֶּה, ut sensus sit: *quasi vapor s. aura et spiritus, qui tam tenuis de ore locustae egreditur, ut non sentiatur*. Secundum Drusium in quibusdam codd. legitur ἀπὸ καπνοδόχων.

4. Vates tantum recensione imminentis interitus animos movere studet, verum multo magis commemoratione divinae benevolentiae inter Iacobitas tot tantisque exemplis illustratae. Huic commemorationi inhaeret non omissis quidem poenis, identidem a Deo in populum refractarium illatis, ut tandem aliquando eum non tantum esse benignum, verum etiam strenuum et iustum intelligat. וְאַתָּה, suppl.: אַתָּה, quod postea saepius occurrit. *Eram tibi Iehova tuus inde a temporibus Aegyptiacis*, cf. 12, 10. In Aegypto enim familia Iacobi ita accrevit, ut populus fieret, isque peculiaris Deo Lev. 26, 12. al. אֱלֹהִים זִכְרִי לֹא יִדַּע: *nullum Iehovam praeter me cognosces*. Aliis verbis idem dicit Ies 45, 18. 46, 9. al. ego sum Iehova nec ullus praeter me. Pristina quidem superstitio barbarorumque impietas plures esse Elohim opinata erat; propterea vates dicere vult: *cogita tantum et contemplare, intelliges autem vana fuisse, quae de iis eorumque beneficiis somniarunt; meam vim et efficaciam e fatis populi tui cognosces*. וְמוֹשִׁיעַ אֵין בְּלִי: *nec est salvator praeter me*,

XIII, 4 — 6.

cf. Ies. 49, 26. 60, 16. al. Vates respexisse videtur ad locum Deut. 32, 12 sqq. LXX. mirificam paraphrasin huius commatis exhibuerunt: ἐγὼ δὲ κύριος ὁ Θεός σου, ὁ στερεῶν τὸν οὐρανὸν καὶ κτίζων γῆν, οὗ αἱ χεῖρες ἐκτίσαν πᾶσαν τὴν στρατιάν τοῦ οὐρανοῦ καὶ οὐ παρῆδειξά σοι αὐτὰ τοῦ πορεύεσθαι ὀπίσω αὐτῶν. καὶ ἐγὼ ἀνήγαγον σε ἐκ γῆς Αἰγύπτου, καὶ Θεὸν πλὴν ἐμοῦ οὐ γνώσῃ, καὶ σώζων οὐκ ἔστι πᾶρεξ ἐμοῦ. Hieron. verba illa inserta obelo notavit, et: a nullo, ait, vertuntur interprete, in antiqua quoque editione LXX. non leguntur.

5. אֲנִי יְדַעְתִּיךָ בַּמִּדְבָּר. Cap. 9, 10. fere eandem sententiam exhibet verbis: *inveni Israellem in deserto*. LXX. legerunt יָדַעְתִּיךָ: ἐγὼ ἐποίησαίν σε. Sed verbum יָדַע non solum sententiam cognoscendi denotat, verum etiam *curandi*, cf. Ps. 144, 3. Am. 3, 2. Nah. 1, 7. Quo vero modo יָדַע in illis locis de Deo: *curare homines*, eo etiam de hominibus: *curare Deum* s. *eum colere*, vid. 8, 2., et יָדַע non solum cognitionem sed etiam *curam Dei*, *animum semper ad Deum directum* significat, vid. 6, 6. Itaque h. l.: *curam tui habui*. Chald.: *necessaria suppeditavi*. בְּאֶרֶץ תְּלֵאִיבוֹת: *in terra siccitatum* i. e. *in regionibus aridis* s. *siticulosis*. Significationem huius vocis e cognata Arabica derivarunt interpretes, cf. Gesen. ad h. v. LXX.: ἐν γῇ ἐνοικήτω. Chald.: *in terra ubi omnia desideravistis*. Hieron.: *in terra solitudinis*. Schmidt sententiam vatis ita circumscripsit: *Misertus sum tui et per invia et horrida deserta te duxi, peccata et murmurationes tibi condonavi, in angustiis te liberavi, in fame et siti te sustentavi, ab hostibus defendi, legem meam tibi dedi, quia gratosus affectu te cognovi et respexi, donec te tandem in opimam terram deduxi, in qua abundans pascuum haberes.*

6. בְּמִדְבָּרִי, scil. יְדַעְתִּיךָ: *pascuum opimum iis erat*, scil. me gubernante. Nam omnibus abundabant, quae ad vitam sustentandam faciunt, cf. 11, 4. Vox ista cum praecedentibus arctissime coniungenda est, ita ut iterum omissum relativum subintelligatur: *terra arida, quae iis velut pascuum opimum erat. Saturati sunt,*

שָׂבְעוּ וַיִּרְם לָבָם: *satures erant et animus eorum se efferebat*, cf. Deut. 32, 15. ubi dicitur *populus saturatus et pinguefactus recalcitrasset velut equus effrenatus et deseruisse Iovam creatorem*, et Deut. 8, 12. 14. ubi Deus populum monuerat: *ne saturatus a se animo effrenato et superbo beneficiorum suorum oblivisceretur*. עַל כֵּן: *propterea* scil. *quoniam animus eorum se extulerat*. Demisso enim animo se omnia Deo debere sentiunt. שִׁכְחֵהֶנִּי: *mei obliti sunt*, 2, 15. 4, 6. 8, 14.; Deut. 32, 15. legitur: וַיִּשַׁח אֱלֹהֵי, quod idem est. Iterum enim iterumque contra Iehovam murmurantes cultum vituli Aegyptiaci aliorumque idolorum pio Iehovae cultui praetulerunt, vid. Num. 25, 3. Deut. 29, 25.

7. *Non autem benignum me semper viderunt Israelitae. Indignabundus enim, quod tantam meam benevolentiam neglexerunt, poenas meas iis immisi.* Adsueti sumus comparationi Iehovae cum bestia, maxime cum leone, v. c. 5, 13. 14. 11, 10. H. l. ad eandem imaginem vates redit. Cum Deo semper humanae affectiones tribuantur, non mirum est scriptores sacros etiam eas imagines requirere, quibus illae affectiones iusto solidiore modo pingantur. Imago autem ferarum bestiarum vehementissimam iram indicat. Ceterum et nexus orationis et verba ipsa docent, non de futuro sed de praeterito tempore sermonem esse. Eadem temporis forma, qua hucusque narraverat, vates narrare pergit, adhibito semper futuro historico. Hoc nostro loco utitur adhuc conversivo ו, postea quidem in fervore poetico saepius omisso, cf. Gesen. Lehrgeb. p. 773. 774. Certe eum aliquid inepti fecisse criminemur, si h. l. transitum in aliud tempus quaereremus. Nil autem simplicius, nil rationi argumentandi accommodatius, nil denique ad difficultatem sequentium vexatissimorum versuum solvendam aptius cogitari posse mihi videtur, quam ut in eo subsistamus, vatem via narrationis et fata gentis et beneficia Dei recensuisse. In quo praesentem habeo Chaldaeam, qui item fere in omnibus versibus, exceptis suo loco notandis, futura Hebraica nostro modo vertit ut sint tempus historicum, v. c. h. l.: *fuit verbum meum iis quasi leaena.* וַיְהִי

XIII, 7.

לָּהֶם: *eram iis* שְׂחָל כָּמוֹ: *quasi leo*, cf. 5, 14., כְּנִמְר: *quasi pardus*, aliud animal ferocitate illi non absimile. Quae Plinius in hist. nat. X, 73. de hoc animali adfert: *insidunt pardi condensa arborum occultatique earum ramis in praetereuntia desiliunt, e volucrum sede grassantur*, ea sententiam eorum reddunt probabilem, qui אֲשֹׁר verbum esse putant, אֲשֹׁר a שָׁוָה: *speculari*, nimirum ad insidiandum alicui, cf. Ier. 5, 26. Num. 23, 9. Itaque sic vertendum esset: *ceu pardus in viis speculabar*. Sic plerique recentiorum. Verum ita interpretaturi offendimur defectu praepositionis in voce לָּהֶם. Si enim vates dicere voluisset *Deum viis Israelitarum insidiatum esse*, sine dubio scripsisset לָּהֶם, quoniam in omni hac parte praepositiones largiter exhibuit. Sin contra significare voluisset *Deum in viis speculatum esse*, id contra naturam imaginis fuisset. Nam pardi non in viis, sed in arboribus ad insidiandum sedent, et in morem omnium ferarum vias vitant, remotissimas latebras quaerentes. LXX. et Hieron. legerunt אֲשֹׁר: κατὰ τῆς ὁδοῦ Ἀσσυρίων, *in via Assyriorum*; idem habent complures codd. et editiones apud de Rossium. Praeterea, quam vim nostra punctatio in constituendo vero vatis sensu habeat, interpretibus satis notum est. Oratio autem multo commodius fluere videtur, si vertimus: *in viis Assyriae*. Omnes enim regiones Asiae meridionalis leonibus, pardis, tigridibus aliisque his similibus bestiis incoluntur. Terra Assyriaca, cuius topologia nunquam scriptoribus V. T. satis diligenter definita est, quae quidem in fertilissimis regionibus fluvio Tigride irrigatis olim usque ad Indum porrigebatur, postea a regno Medorum et Babyloniorum terminabatur, a propheta commodissime nominari potuit, ubi de periculis illarum bestiarum sermo est. Sic etiam imago optime ad itinera gentis Iacobiticae quadrat: *ut enim pardi et leones viatoribus in Assyria perniciosi sunt, ita perniciem tuli in viatores impios Israelitas*. Hieron. quidem rem ita cepit, ut indicaret vates quam sortem experturi essent Israelitae in Assyria, addidit enim: *ero iis sicut pardus, quando ducentur captivi ab Assyriis*.

Chald. habet: *sicut pardus qui insidiatur iuxta viam*. Eius auctoritas fortasse occasionem dedit nostrae punctationi.

8. אֶפְשָׁם: *occurrebam iis*. Idem verbum significatione hostilis impetus legitur v. c. Gen. 33, 8. Exod. 4, 24. כָּדָב שְׂכֹל, genus epicoenum, *ceu ursa catulis orbatā*. Hieron.: *aiunt, qui de bestiarum scripserunt naturis, inter omnes feras nihil esse ursa saevius, cum perdiderit catulos et indiguerit cibis*. Eodem modo notantur in libris sacris, v. c. 2 Sam. 17, 8. Prov. 17, 12. Thren. 3, 10. LXX.: ὡς ἄρκτος ἡ ἀπορρομένη, i. e. *cibis indigens*. Hieron.: *ursa raptis catulis, et vere שְׂכֹל de privatione sobolis frequens verbum est, cf. 9, 12. וְאַקְרַע כְּגֹר לָבָם: disrumpebam s. dilacerabam eorum praecordia*. Eodem modo verbum קָרַע ponitur Joel 2, 13. cf. Ps. 35, 15. Bochart. in Hieroz. monet, hoc non obiter esse praeterendum: *notant enim, addit, naturae consulti, leonem praecipue cor appetere* cf. Michael. ad h. l. *Clausuram cordis omnes fere interpretes explicant praecordia, pectus in quo inclusum est cor*. LXX.: συγχεῖσθαι καρδίας αὐτῶν. Hieron. quidem: *disrumpam interiora iecoris eorum*, Chald.: *confregi impietatem cordis eorum*. Mihi his verbis vehementia divinarum poenarum, quibus grassata est in refractarium populum, inesse videtur. וְאַכְלִים: *et devorabam eos* Exod. 32, 10. שָׁם: *ibi scil. in deserto, cf. v. 5. ubi antea eos bonis repleveram, antequam mei obliti essent*. כְּלָבִיא: *sicut leaena*. LXX.: καὶ καταφάγονται αὐτοὺς ἐκεί σκύμνοι θερμοῦ i. e. *secundum Hieron.: catuli silvarum, cf. Is. 5, 29. Ez. 19, 2*.

Ut sequens comma intelligatur suppleri debet כְּאַשֵׁר: *quasi bestia agri*, particulam enim similitudinis nonnunquam deesse monet Glass. Phil. S. p. 568. וְהִבְקַעם: *diffunderet eos s. discerperet*. Hieron.: *bestia agri scindet eos*. Non solum, inquit, pardi, pantherae et ursae ferociam comminatur, sed leonis quoque et omnium ferarum, quae gignuntur in saltibus, et haec omnia dicit se esse versurum quando ierint ad Assyrios, ne, cum ibi

XIII, 8. 9.

dura fuerint perpassi, non potentiae et indignationi domini sed hostium fortitudini assignent miseras suas. Nos quidem hunc et 7. versum intelligere satius duximus de rebus diu praeteritis. Deus enim in deserto non tantum severissimis modis perniciem et interitum comminatus fuerat, si impietati et intemperantiae se dederent, Exod. 32, 9. 10. 33, 5. Lev. 26, 16—22. Num. 14, 28—30., verum etiam rebellantes et idolis sacra facientes e medio sustulerat. Vid. Nadab et Abihu Lev. 10, 2., castra igne absumpta Num. 11, 1., caedes illorum qui terram Canaaniticam exploraverant Num. 14, 36. 37., strages per Amalekitas et Canaanitas populo illatae Num. 14, 45., turmae rebellantium ducibus Coraho, Dathane et Abiramo Num. 16, 31. 32., ab ignivomis serpentibus interfecti Num. 21, 6., Baal Peoris flagitia adoptantes Num. 25, 3. 9. Punctatio copulae 7 hoc nostro, decimo et undecimo versu, quae utique non est conversivae futuri, fortasse dubios facit interpretes. Fac autem pro וְאַתָּה וְאַתָּה et v. 10. וְיִשְׁעֶךָ וְיִשְׁעֶךָ וְאַתָּה, וְיִשְׁעֶךָ et v. 10. וְאַתָּה pro וְאַתָּה, res eo ipso facto expedita est.

9. Nunc quasi in parenthesi locum communem de gentis infortunio addit, ad Deum excusandum, ne cogitetur consulto et delectabundus hisce terroribus ea omnia populo intulisse. *Causa perniciiei non in Deo erat, sed in populo, Deum auxilium abdicante.* שָׁחַתָּה: *perdidit te.* Haec explicatio verbi maxime grammaticae convenit, uti bene Michaelis ad h. l. observavit, Kimchio aliisque ante iam probantibus. *Perdidit te* autem est i. q. *haec causa fuit tuae perniciiei*; et sequentia בְּעִזָּרְךָ כִּי—כִּי ita accipienda sunt: *quod contra me, contra auxilium tuum scil.: הִיָּיתָּ fuisti s. rebellasti*, cf. loca v. 8. citata. כִּי: *quod*, cf. 2, 10. 5, 1. 3, 6, 6. al. Praep. כִּי saepissime est: *contra*, ut 7, 14. 14, 1. cf. Glass. Philol. S. p. 580. Alii quidem interpretes שָׁחַתָּה putarunt esse substantivum, v. c. Hieron.: *perditio tua Israel, tantummodo in me, auxilium tuum.* Alii, v. c. Lutherus, 2 praet. Piel esse existimant: *perdidisti te ipsum, o Israel.* cf. Ies. 3, 9. Idem alterum comma vertit: *nam auxilium tuum in me solo est.* Schmidt:

*perdidisti te, quando contra me contra auxilium tuum te perdidisti. LXX.: τῇ διαφθορᾷ σου Ἰσραὴλ τίς βοηθήσει; quos seculi sunt recentissimi, Boeckel: „wenn ich dich Israel verderbe, wer kann dich retten?“ et Eichhorn fere eodem sensu, verbis maximam vim inferentes. Bene addit Michaelis: *verba versus concisa et difficilia sunt, in sensu tamen non magnus est dissensus. Nisi quod de industria novum hic fingit Gussset, p. 367.: destruxit te ustio in me existens, in eo, qui est tuum auxilium,**

10. Adnectit vates nunc sententiam in praecedentibus praeparatam. *Olim tuum auxilium fueram in deserto v. 5. cf. Deut. 33, 26. 29. Idem eram postea in terra Canaanitica a te occupata.* Ad hanc sententiam melius designandam aptissima oppositione verborum בַּמִּדְבָּר v. 5. et h. l. בְּכֶל-עֲרִירָה utitur, quae profecto non negligenda est. Verba enim versus nostri commemorata admodum inutilia et frigida essent, nisi ad illud בַּמִּדְבָּר respicerent, et sic, sermonem nunc esse de conditione gentis in terra culta et habitata, indicarent. אָנֹכִי: *eram.* Iam vates ad narrationem divinae providentiae, quae ubique nationem Iacobiticam circumdederat, rediens utitur eadem temporis forma qua v. 5—8. et postea v. 11. מֶלֶכְךָ: *rex tuus.* Quo enim tempore Iacobi posterii nondum a regibus ducebantur, Iehova ipse eorum rex fuit. Siquidem haec ipsa civitatis eorum institutio erat, ut unum Iehovam sibi verum regem praeesse existimarent, vid. 1 Sam. 8, 7. 12, 12. lud. 8, 23. cf. Num. 23, 21. אֵין est particula expletiva, attentionem excitans vel (secundum Ewald. krit. Gram. d. Hebr. Spr. p. 659.) orationem modestiorem reddens quemadmodum nostrum wohl plerumque respondens Latino *quaeso*, apud interrogationes et imperativos usitatissima, verum etiam in aliis formulis obvia, v. c. Gen. 43, 11. Hoc loco Latinorum voce *scilicet* exhibendam duxi. Movit haec particula interpretes, ut in toto loco interrogationem inesse et אָנֹכִי contra usum verbi pro אֵין: *ubi* positum esse putarent. Ita praeiverunt LXX.: ποῦ ὁ βασιλεὺς σου οὗτος; quos plurima pars

XIII, 10.

interpretum secuta est. Ipse Chaldaeus illorum auctoritate captus h. l. a consueta omnis huius capituli interpretatione sensui vatis maxime congrua recessit, vid. infra. Verum ut vim particulae נִשְׁפָּא, quae admodum dubia est, servemus, non video cur missa significatione dubitationi non obnoxia et aptissima verbi אָדָּי in plane incommodam transpositionem literarum אָדָּי in אִידָּא abeamus, quae, ut iam Tarnovius monuit, nullis documentis comprobari potest. Habemus bis praeterea v. 7. et 14. idem verbum, ubi optimi interpretes ei suam significationem vindicare non dubitarunt, ut nempe prima futuri sit. Hoc tantum loco contra eam coniuraverunt, simplicitatem orationis eo tollentes, quod tertio plane alium sensum eidem verbo subiecerunt. Quantopere in verbo nostro laboraverint, e codicibus apud de Rossium commemoratis videmus, quorum alii emendationis causa אִידָּא in marginem, alii in textum receperunt. Oratio utique obscura est, ubi futuro verbi אָדָּי oraculum aliquod contineri censemus. Nec enim intelligitur quo sensu dicatur, nec quo tempore, nec qua ratione eventu comprobatum sit. Omnis autem obscuritas aufugit, ubi, ut iam monuimus, in eo acquiescimus, vatem commemorationi historicae temporum praeteritorum inhaesisse.

וְיִשְׁרָאֵל. Quocunque modo sensus praecedentium verborum constituatur, copula ו h. l. vim relativi habet: *qui servavit te*, cf. Glass. Phil. S. p. 605. Transitus iste ad tertiam personam omnibus linguis usitatissimus est, maxime Hebraicae, ubi mutationem personarum habemus ubi vis obvia. בְּכָל - עָרֵי: *in omnibus urbibus tuis*. Eichhorn habet: „in deinen vielen Nöthen“. Quomodo haec interpretatio defendi potuerit non video. *Urbes deserto v. 5. oppositae pro terra culta et habitata Canaanis intelligendae sunt*. Praeterea historia docet, inde ab occupatione patriae promissae usque ad regis constitutionem urbes saepius fuisse obsessas, captas a barbaris et recuperatas a Iacobitico populo, ita tamen, ut tandem singulari divina cura adiutus secure in iis habitare posset. Iud. 2, 14. 15. 3, 13. 5, 8, 8, 16. 17. 28. 10, 7—9. 11, 32, 33. 1 Sam. 4, 10. 11.

7, 13. 14. וְשִׁפְטֶיךָ. Accusativus regitur a verbo יָדֹשְׁפֶיךָ, ita: *eram rex tuus, qui servavit te iudicesque tuos.* Nam omnes illi duces, quorum gesta in locis laudatis et in toto libro Iudicum leguntur, non sua vi et arte, sed peculiari et miraculoso Dei auxilio populum e manu barbarorum vindicasse feruntur. אֲשֶׁר אָמַרְתָּ: *quibus dixisti: da mihi regem et principes.* Respicit vates ad illa gentis Israeliticae desideria quae temporibus Samuelis tanta vehementia eruperunt, ut Samuel ipse iis resistere non posset, cf. 1 Sam. 8, 5. 10, 19. De quibus temporibus Hieronymus verba vatis nostri explicat ita: *ubi est rex tuus, de quo dicebas ad Samuel: constitue supra nos regem, qui iudicet nos, sicut et gentes habent ceterae cet.* Ita vates non modo semper vigilans auxilium Dei, sed etiam ingratum populi animum indicat. *Postquam Iehova luculentissima favoris signa ipsi exhibuerat, nihilominus regem postulavit, qui se more ceterarum gentium gubernaret, quo facto Iehovam abdicans se parem barbaris praestitit.* Non commemoratur quidem apud Samuelem populum expetiisse etiam שָׂרִים, qui h. l. expletive adduntur ad designandam eorum impietatem, qui omnem oeconomiam regiminis barbarorum loco theocratiae suae postulaverunt.

Inter eos, qui hunc versum de praesenti tempore intelligunt, vehementissime in textum grassatus est S. V. Kuinoel hac interpretatione: *ubinam tandem rex vester est? ubinam? qui oppida cuncta servabat? et magistratus vestri? quos constituistis? Ostendite mihi regem et magistratus vestros.* Plerique antiquiorum et recentiorum interpretum Chaldaeorum secuti sunt ita verentem: *ubi est nunc rex tuus, ut salvet te in omnibus urbibus tuis, et iudices tui, de quibus dixisti, constitue super me regem et principem?* Alia est Kimchii aliorumque sententia: *sum s. ero scil. Deus immutabilis, qui vos olim rexi, idem semper maneo, non mutor.* Sed *rex vester, quem in meum locum substituistis, ubi nunc est?* Tarnovius et Tremellius: *sum s. ero rex tuus.* Sed *ubi est alter rex tuus, quem mihi ante praeposuisti? servet te cet.* Varians est lectio quinque codd. ap. de Rossium שִׁפְטֶיךָ quam LXX. eosque secuti Syrus et

XIII, 11.

Arabs ita exhibuerunt: ποῦ ὁ βασιλεὺς σου οὗτος; καὶ διασωσάτω σε ἐν πάσαις ταῖς πόλεσιν σου, κρινάτω σε ὃν εἶπας, δός μοι βασιλέα καὶ ἄρχοντα.

11. Omnes fere interpretes in hoc versu rursus tempus futurum pro praeterito historico capiunt, ut v. 5 — 8. Non intelligo cur simplicitatem et nexum orationis eo turbent, quod in praecedente versu ad prorsus aliam interpretationem decurrunt. Procedit oratio gradatim ab alio fato gentis Iacobiticae ad aliud. Commemoraverat v. 5. curam Dei in deserto illos ducentem, v. 6. effrenatum animum quo cura abusi fuissent, v. 7. 8. terrores propterea a Deo iis iniectos, v. 9. quasi in parenthesi addiderat causam illorum terrorum, quod nempe contra Deum, auxilium, rebellavissent. Iam v. 10. narratur, qua ratione Deus iis auxilio fuerit, postquam intravissent terram sacram, nimirum semet ipsum regem iis constituendo, eos incolumes servando, recusatus tamen ab iis, qui imperium modo barbarorum sibi expeterent. Denique hoc nostro versu modum, quo satisfecerit eorum desiderio, recenset. Qui nexus orationis tanto certior mihi videtur, quanto accuratius cum historia consentit. דָּבַתִּי לְךָ מֶלֶךְ — דָּבַתִּי: *dabam tibi regem* cumque Saulum 1 Sam. 10, 19 — 21. 11, 15. Nonnulli interpretes vim futuri nimia subtilitate torquentes ita vertunt: *dare soleo* i. e. *saepius tibi dedi regem*, ut vates respiciat ad omnes reges, quos Deus inter caedes et seditiones imperio potiri siverit, cf. Grotius ad h. l. בָּעֲנִי: *in ira mea*. Bene Schmidt: *hoc*, addit, *non pugnatum cum* 1 Sam. 9, 16. *Nam Deus utique iratus fuit quod se repudiassent ne rex esset. Nihilominus tamen iis regem dabat, sed ita, ut, si in viis Dei manerent, peccatum hoc ipsis condonaret, sin minus, id vindicaret*, cf. 1 Sam. 12, 14. 15. 24. 25.

וַיִּצְחַק בְּעֵבְרָתִי: *et auferebam eum in fervore meo*, cf. 1 Sam. 15, 11. 16, 1. Ad Saulum enim h. l. respicere vatem omnis nexus orationis docet. Qui quidem prius commā non de Saulo intellexerunt, h. l. dubii haerent, quem vates in animo habuerit; vel putant esse singulos reges, quos antea Deus dederit, vel familiam Davidis, qua Israelitae carebant, vel Pekahum, cf.

Kuinoel ad h. 1. Alii minus etiam eleganter, postquam in priori commate futurum pro praeterito historico sumserunt, in posteriori significationem propriam futuri quaerunt ita: *auferam regem tuum* s. adeo *regiam dignitatem Israelis per Assyrios*. Bonus Hieronymus regem auferendum putat esse Zedekiam ultimum regem stirpis Iudaicae. *Hebraei*, addit, *verba: dedi tibi regem et abstuli, ad futurum tempus referunt. Eo (inquit) tempore, quo dicebas, da mihi regem et principes, ego tibi respondebam per Samuelem, quod daturus tibi essem in furore meo, et ablaturus in indignatione mea. Chald. hoc versu ad priorem exponendi rationem rediit: constitui super te regem in furore meo, iamque abstuli in ira mea.*

12. Nunc demum vates orationem convertit ad aequales Ephraimitas. *Quoniam enim inter tot tantaque documenta divinae benevolentiae divinorumque iudiciorum ad meliorem frugem redire noluerunt*, *עָרַר עֵינָיו אֶפְרַיִם*: colligata est impietas Ephraimitarum. *עָרַר* dicitur de eo, quod in fasciculo colligitur, ne pereat neve dissipetur, cf. 1 Sam. 25, 29. les. 8, 16. Sic de peccatis dicitur Iob. 14, 17. *הָיָה בְּעָרָר פְּשָׁעִי*. Eadem fere significatio est verbo *אֶסְתִּירָה*: clam asservata. *אֶסְתִּיר* pr. occultare, dicitur de eo, quod curiose servatur Ps. 17, 14. 31, 20. Prov. 13, 22. Sensus est: *iniquitas tua et peccata oblivioni minime tradita sunt, sed Iehova eorum meminit, ut suo tempore poenas tibi inferat*. Similis oratio est Deut. 32, 34. Non est quod cum Schmidtio de peccato ante aliquot saecula commisso cogitemus, ubi nempe Deo invito gens immorigera Samueli regem extorserit. De peccatis Ephraimi i. e. tribuum Israeliticarum sermo est. Vocantur enim *אֶסְתִּירָה* et *אֶסְתִּירָה*. Idem peccato proavorum obnoxius est. Ut olim patres gubernium Dei recusaverant, ita nunc quoque Ephraimitae a Deo recedunt, sibi fisi et perversitatibus idololatriae cf. v. 2. Eichhorn: „die Acten sind nun geschlossen, es folgt das Strafurtheil.“ Sane magnus anachronismus! Melius Boeckel: „Zusammen sind gebunden

XIII, 13.

Ephraims Missethaten und seine Sünden aufbewahrt.“

13. חֲבֵלֵי יוֹלָדָה יִבְאֵז לוֹ: *dolores puerperae supervenient ei.* Haec imago elegantissime cum praecedentibus cohaeret. *Ut enim peccata eorum abscondita et clam asservata sunt, ita dolores iis orientur, ubi illa rursus in lucem ut puniantur prodibunt, quemadmodum infans in partu proditurus matri maximos dolores excitat.* Verum vates semet ipsum emendat. *Immo ipse Ephraim est insipiens filius, qui non persistit in ore matricis usque ad tempus maturitatis.* בִּי-עַתָּה לֹא יַעֲמֵד: *non enim iustum suum tempus stetit s. permansit.* עַתָּה pr. substantivum, saepius adverbialiter ponitur: *usque ad tempus suum*, v. c. Num. 23, 23. 1 Sam. 9, 16. Iob. 22, 16. בְּמִשְׁבֵּר בְּנִיּוֹ: *in matrice s. in utero filiorum* 2 Reg. 19, 3. Ies. 37, 3. *Non steterunt in matrice, i. e. non morati sed disrupto matris utero egressi sunt antequam maturi essent.* Tropo remoto: *aegre ferebant sortem pueritiae, quod nempe a Deo rege gubernarentur; ipsi sui compotes esse volebant. Recusabant igitur Deo se subiicere, sed viribus et sapientia semet ipsos regendi carentes infirmitati et interitui erant obnoxii, ut infans qui nondum exoletus e matris utero decidit.* Haec imago non tantum de proavis Israelitarum a Samuele regem flagitantibus, sed etiam de Israelitis vati aequalibus valebat. Iidem enim, quamquam tempore provectiores, nondum maturi erant. Ab insipientia et impotentia sua in perniciem protrusi, tamen a lova eiusque interpretibus, prophetis, regi iterum iterumque recusabant. Rediit vates iterum ad significationem futuri temporis, ut sit praeteritum historicum.

Hieronymus sensum verborum alio modo cepit, ita: *ipse filius non sapiens, nunc enim non stabit in contritione filiorum.* Ephraim, addit, *columba est insipiens non habens cor; in contritione filiorum et populi sui cum dies parturitionis advenerit, aut stare aut sufferre non poterit.* LXX.: οὗτος ὁ υἱὸς σου ὁ φρόνιμος, quod Hieron. per ironiam dictum esse putat, δίδωσι οὐ μὴ ὑποστῇ ἐν συντριβῇ τέκνων. Pii interpretes Christiani tropum ita solvunt, ut sermo sit de impietate Israelitarum, quod non ex-

spectavissent in vera poenitentia fide et spe tempus Novi Testamenti sub umbris Veteris Testamenti, in quibus ecclesia usque ad Christum custodita fuerit, vid. Schmidt. Chald. in favorem loci 2Reg. 19, 3. coll. Is. 37, 3, ita vertit: nunc enim adducam super eum angustiam, qualis est foeminae sedentis in sella partus nec valentis parere. Hunc nonnulli recentiorum secuti sunt, v. c. Dathe, Kuinoel al. Verum in illis locis de plane alia re sermo est. Hiskias enim pingit tempus tristissimum imagine matris, cuius tempus parturiendi adsit, quam vero vires ad partum edendum deficiant. Nostro contra loco sermo est de filio stolido nimium mature e matris gremio exeunte. Eichhorn contrariam exhibet sententiam: „Es ist ein ungewandter Knabe, sonst würd' er nicht so lang im Muttermund verweilen,“ cui quamquam non verba per se spectata tamen eorum subtilior significatio repugnat. Vox מִשְׁבֵּר, quam ipse vertit: Muttermund, sine maxima vi verbis illata h. l. contumacia et sempiterna peccata, ut idem vir beatus in adiecta versioni adnotatione voluit („die Hartnäckigkeit Ephraims, sein immerwährendes Fortsündigen“), esse non potest. De Wette prorsus illum secutus: „ein unverständig Kind ist es, sonst blieb es nicht so lang in der Mutterscheide“.

14. Difficultas huius versus inest in eo, quod ab initio signa divinae benignitatis recensentur, in fine minae adduntur, utrumque autem eodem tempore eoque futuro. Quae difficultas iterum alio modo removeri non posse videtur, nisi ut membra priora de re praeterita, posterius autem de futuro eventu intelligamus. Quod enim plerique interpretes contendunt, prioribus inesse vaticinium et נָחַם יְהוָה בְּעֵינַי significare: *me huius promissi non poenitebit*; id inculentissime repugnat versus sequenti, ubi extra omnem dubitationem gravissimae calamitates nuntiantur, et particula כִּי, nisi bonae elocutionis genium vati prorsus abnegare placet, transitum facit ad uberius pingendas comminationes nostro posteriori commate brevius indicatas. Idem sentiens praeiit me S. V. Kuinoel in eadem quam comprobaturus sum explicatione.

XIII, 14.

מִיַּד שְׂאוֹל אֶפְדֶּם: *e faucibus infernorum eos redimebam.* **שְׂאוֹל** illud notissimum appellativum inferi loci mortuis assignati, ubi homines post obitum qualemcunque vitam agere pergunt, quem profani scriptores אֶפְדֶּם, Orcum, Tartarum vocarunt ²⁵), saepius ponitur pro morte ipsa Ies. 5, 14. 28, 15. Ps. 6, 6. Gen. 37, 35. **פָּדָה**: *redimere, liberare*, cf. 7, 13. 2 Sam. 4, 9. et simillima verba Ps. 49, 16. **מִמָּוֶת אֲנִיִּלֵּם** idem significat: *a morte liberabam eos*, cf. Gen. 48, 16. Exod. 6, 6. Ps. 19, 15. Ies. 44, 22. **אָהֵי דְבָרֶיךָ מָוֶת**: *eram pestis tua, mors!* Numerus pluralis in nomine דְבָרֶיךָ ponitur sine dubio ut **מָוֶתִים** Ies. 53, 9. Ez. 28, 10. ad augendam vim elocutionis, quamquam pii Christiani interpretes eum symbolice positum esse putant *de omnis generis pestibus, quia Christus pro omnibus satisfecerit et omnes aboleverit*, cf. Schmidt ad h. l. Pro eo habent nonnulli codd. ap. de Rossium דְבָרֶיךָ, quae lectio facilius quidem sed e nostra vulgari orta esse videtur, praesertim postquam LXX. Chald. Syrus, Arabs, Hieronymus pluralem lectionis nostrae versione non exhibuerunt. **אָהֵי קֶטֶבְךָ שְׂאוֹל**: *eram lues tua, inferne!* Sensus idem est qui membri praecedentis. **קֶטֶב** cum voce דְבָרֶיךָ coniungitur Ps. 91, 6. et occurrit Deut. 32, 24. ita ut cognoscamus significationem eius non multum a דְבָרֶיךָ differre. Verba autem: *eram pestis tua mors, et lues tua inferne*, nil aliud indicant quam emphaticam repetitionem prioris sententiae: *a morte s. a periculo mortis populum meum liberavi.*

S. V. Kuinoel hanc mortem intelligit *de omni miseria et atrocibus calamitatibus*, e quibus olim Israelitae liberati fuissent per Dei providentiam. Hic ab eo recedere cogor. Quamquam enim **שְׂאוֹל** et **מָוֶת** in V. T. nonnunquam imagines sint atrocis perniciiei, tamen h. l. voluntas vatis fuisse videtur mortem vere sic dictam ante oculos lectorum ducendi. Certe inepte egis-

25) Vid. Herder Geist d. Hebr. Poesie ed. Justi I, p. 195 sqq.

set, si in utroque membro quater continuo mortem et iterum mortem commemorasset, si voce *mortis* tantum imaginis instar uti voluisset. Lector a figura ad rem figuratam transiturus indiget certe aliquo nutu, ut de sententia poetae certior fiat. Qua deficiente sensum scriptoris in verbis ipse quaerat necesse est. Tali modo de oratione vatis nostri cogitans nil aliud h. l. invenire potui nisi commemorationem alius eventus historici, ubi Deus Iacobitis providentiae et favoris a morte eos redimentis signa dederit. Cui autem non in promptu est caedes illa primogeniturae Exod. 12, 23—29. coll. Ps. 78, 51—53. 136, 10—12, qua Deus Aegyptios peccussit, Iacobitas autem in domibus ipsorum incolumes servavit? memorabile fatum quotannis diebus festis Paschalibus menti Israelitarum infixum. Profecto aliquid recensitioni divinorum beneficiorum deesse videretur, si illud omitteretur quod ab universo populo illis religiosis celebrationibus maximum et memoratu dignissimum praedicabatur.

Caeterum notissimum est Paulum Apostolum 1 Cor. 15, 55. hunc locum citasse de Christo deque victoria eius super inferna et mortem, idque e versione LXX. adeoque memoriter, mutatis verbis LXX. Unde theologi Christiani ab ipso vate testimonium de Novo Testamento deque redemptione a morte et infernorum miseria per Christum facta exhiberi putarunt. Quod ut tanto certius nostro loco elicerent, inhaeserunt verbis פְּדָה et גָּאֹל²⁶), modum redemptionis designatum ex iis eruentes, ex illo λόγῳ, pretium redemptionis, sanguinem servatoris, ex hoc vim ipsius personae, qua quamquam Dei filius tamen frater pro fratre, cognatus pro cognato se ipsum morti dederit ad liberandos omnes, qui propter peccata commissa peccati et mortis servi fuerint. Verum alii interpretes bene monent: Apostolos non semper proferre locos e V. T. qui toto contextu ad institutum, quod tractent, pertineant, sed interdum alludere ad unum duntaxat verbum, interdum locum ad

26) Vid. significationem utriusque verbi apud Gesenium in Lex. ad v. פְּדָה n. 1. et ad v. גָּאֹל n. 3.

XIII, 14.

suam sententiam ob rei similitudinem aptare, interdum adhibere testimonia. Ubi utantur scripturae testimoniis, illic quaerendam esse simplicem et genuinam veritatem, ubi autem verbum unum perstringant vel ubi per similitudinem designent alium locum SSae, non esse anxie laborandum, cf. Rosenmueller e Calvini praelectionibus in prophetas minores ad h. l. Pariter Eckermann theol. Beyträge B. II. St. 3. p. 32.: „Paulus ist es hier nicht um die Anlegung oder grammatische Erklärung der Stellen in dem Zusammenhange, worinne sie stehen, zu thun, sondern vielmehr darum, dass er das, was er sagen will, mit Worten des A. T. auf eine für seine Leser noch nachdrücklichere Weise sage.“ LXX. in prioribus membris a textu non recedunt, pergunt autem: τοῦ ἢ δίκην σου θάψετε; τοῦ τὸ κέντρον σου ἄδῃ; pro quo Paulus l. l.: τοῦ σου θάψετε τὸ κέντρον; τοῦ σου ἄδῃ τὸ νῖκος; LXX. pro מָדָר legerunt מָדָר ut v. 12. מָדָר cum Chald. a מָדָר verbum derivarunt, quod latissima significatione causam indicat, quam quis coram iudice agit, δίκην; κέντρον autem iis fuit i. q. plaga, lues. Apostolus verba transposuit, voce τὸ νῖκος ex ingenio addita. Hieron.: *ero mors tua o mors, ero morsus tuus inferne*, quibus addit in commentario: *dominus pollicetur, se eos de manu mortis liberaturum et de morte redempturum. Liberavit autem omnes dominus et redemit in passione crucis et effusione sanguinis sui, quando anima eius descendit ad infernum et caro eius non vidit corruptionem. Quod enim Apostolus in resurrectionem interpretatus est domini, nos aliter interpretari nec possumus nec audemus.* Commemoranda praeterea est Chaldaei paraphrasis, in priori commate nostro modo sensum valis excipientis, in altero autem, nescio cur, in alias partes abeuntis: *Domum Israelis a caede redemi, et ab exterminio delente eos erui. Mox erit verbum meum contra eos in necem et verbum ad disperdendum, eo autem quod transgressi sunt legem meam, tollam sedem maiestatis meae (מַעְדָּן) ab iis.* Sunt praeterea qui sensum huius versus ita constituent: *redemissem eos de manu infernorum, si fuissent sapientes.* At nunc, cum non sis sapiens sed stultus

tus et negans bonum meum, non satis est te a morte non redemisse, sed adducam super te mortem, peste, gladio, fame et fera noxia. Haec est sententia Kimchii, quam tantum non omnem Dathe et Eichhorn exhibuerunt.

Restat posterius comma, ubi vates commemoratis beneficiis novas minas addit, scil.: **נָחַם יְסֹחֵר מֵעֵינַי** quae verba ita intelligo: *at nunc misericordia a me aberit.* **נָחַם**, ἀπαξ λεγόμενον, derivatur a **נָחַם**, Niph.: *consolationem admisit, se consolatus est*, Piel: *consolatus est*; adiuncta saepius significatione misericordiae Ier. 15, 6. Ps. 90, 13. Ies. 12, 1. 49, 13. al. cf. Gesenius ad h. v. Substantivum igitur indicat *consolationem* s. *misericordiam*. Sic LXX.: παράκλησις κρύπται ὑπὸ ὀφθαλμῶν μου, et Hieron.: *consolatio abscondita est ab oculis meis*. Alii interpretes, ut sententia melius responderet vaticinio de Christi redemptione, in hoc commate emphaticam confirmationem illius quaesiverunt, alteram significationem radicis **נָחַם** praeficientes, ut sit **נָחַם**: *poenitentia: me non promissi mei poenitebit*. Ita autem nexum huius versus cum sequenti omnino tollunt. Dathe et alii, qui post Kimchium priora commata conditionaliter proposita esse putant, haec nostra verba ita vertunt: *sed nunc, quia non resipuistis, nihil est quod me ad decreti mei mutationem commovere possit*. Eichhorn frigidius etiam: „nur wie ich mich die Drohung reuen lassen könnte, seh' ich nicht.“

15. Copulā **וְ** arctissime hic versus praecedentibus annectitur, imaginibus autem a re rustica desumptis pingitur exitium rebus Israeliticis imminens. *Siquidem ille* scil.: **אֶחָדֵינוּ** v. 12. **בֵּין אֶחָדֵינוּ**: *inter fratres* i. e. *inter reliquas tribus*. **יִפְרִיא**: *fructus fert*. Extra omnem dubitationem huic verbo allusio inest ad originem nominis *Ephraim*, de quo Gen. 41, 52. Inter omnes enim fratres eius nomen ominosum fuit de incrementis et fructibus, quos laturus esset, unde etiam avus Iacobus praedixit: *fore ut semen eius maxima gens evadat* Gen. 48, 19. Scriptum est **יִפְרִיא** alternis exhibitio **א** pro cognato **ה**, 3 fut. Hiph., ac si ortum esset a **פָּרָא**. For-

XIII, 15.

tasse id ipsum secundum Gesenium ad h. v. in radicibus Hebraeorum fuit. In tali paronomasia non anxie, quid vates voluerit, quaerendum est. Sufficit oraculum avi eventu comprobatum: Ephraim posteris auctus, posterius dignitate regia coronati et quoniam Ephraim saepius pro stirpibus Israeliticis ponitur, omnis gens multis victoriis v. c. sub Ieroboamo II. amplificata. Sensus est ita constituendus: *fac enim illum inter fratres id assecutum fuisse, quod nomen eius indicat, eum auctum et incrementis ornatum fuisse, nihilominus interitus eius instat.*

In significatione huius verbi admodum dissenserunt interpretes. Dathe in prioribus editionibus Proph. Min. adhuc ipse secutus est eos, qui derivarunt a פֶּרָא *onager*, quorum alios adfert Pococke in comment. cf. Michaelis ad h. l., ut sensus sit: *Ephraim homo ferox est velut onager.* S. Iarchi ita disserit: *Ieroboam ille filius est qui דְּבִירָא avitam possessionem Israelis, per eum in duo regna dilacerati sunt.* Alii derivarunt a פָּרַד sive a פָּלַן: *divisit*, ut nempe a liberariis litera depravata sit, quorum auctores sunt LXX.: *ὁτοῦ οὗτος ἀναμέσον ἀδελφῶν διαστελεῖ*, ab Hieronymo et aliis recentioribus v. c. Liveleio, Grotio al. simili interpretatione probati. Hieronymo Hebraicum דָּוִן et Graecum οὗτος spectat ad δάκρυον, ita: *consolatio, ait vates, abscondita est ab oculis meis, non valeo consolari: nam quicquid mente concepero dolorem meum non mitigare potest, qui cernam carissima inter se nomina morte seiungi, ipse enim, inquit, infernus inter fratres dividit. Quicquid igitur fratres separat, infernus est appellandus. In fratribus autem omnem charitatem intellige. Chald.: quia ipsi vocati sunt, et multiplicaverunt opera corrupta ce.*

Sequentia verba illustrant illud יִפְרִיא. *Ut enim fructus hucusque tulerunt, ita nunc ventus perniciosus veniet omnes fontes agrorum exsiccaturus, deliciosos fructus direpturus. יָבִיא יָבִיא: veniet Eurys 12, 2., vehemens et fervens ventus, qui in regionibus Arabiae et Palaestinae ex Oriente natus arva ac fruges perdit, hominibus omnibusque animantibus letifer. In recentioribus*

itinerariis nomine Samiel s. Samum occurrit, perniciosissimus quidem iuxta sinum Persicum, in V. T. saepius notatus, cf. Ies. 27, 8. Ier. 18, 17. Vocatur רִיחַ יְהוּדָה, sicut Ies. 40, 7. *vehemens turbo a Iova missus*, quemadmodum Iob. 15, 13. ventus vocatur: *halitus oris Dei*, רִיחַ פִּי, cf. v. 25, 26. Ille ventus est מִמִּדְבָּר עֹלֶקָה: *e deserto ascendens*. Nam e ferventi arena desertorum Asiae, imprimis Arabiae originem ducit. cf. Roehr Palaestina pag. 90. Itaque vel topologia opinioni eorum adversari videtur, qui vento illo, Orientis e deserto veniente *Assyrios* indicari voluerunt, v. c. Schmidt. Hi enim e septentrionalibus, iidemque non e deserto sed e regionibus incolis repletis veniebant. Est omnino ventus ille saepius occurrens imago repentinæ calamitatis, v. c. Ies. 27, 8. Ier. 4, 11. Hab. 1, 9., in qua significatione etiam h. l. subsistamus. Effectus venti describitur. יָבוֹשׁ מְקוֹרֹו: *exarescet scaturigo eius*, יִיָּדָר: *et exsiccabitur fons eius*, scil. *ut non amplius fructus ferre possit*. Imago ab agro desumpta est, cuius deficiente humore omnis ubertas tollitur. הֵיאָה sc. *ventus* יִשְׁכָּח אֲצֵר. Si imaginem plene pingere voluisset, addiciendum fuisset שָׂדֶה, quod vates omittit, quoniam figuram in re figurata quasi resolvit, quodque per se intelligitur, cum de vi agatur, quam ventus in agrum exerceat. אֲצֵר: *thesaurus* et כָּלִי הַמִּדָּה: *res desiderabilis*. Verba latissimae significationis, quae, si tropum spectamus, nil aliud indicare possunt nisi: *delicata et pretiosa dona arborum*, translata autem ad gentem Ephraimiticam tropo remoto *thesauri et desiderabilia* sunt aedium 9, 6., liberorum 9, 16. et reliquarum divitiarum eius 12, 9. 2, 5. 10. LXX. proximam imaginis sententiam proferunt, dum verba יִשְׁכָּח אֲצֵר vertunt: αὐτὸς καταξηρανεῖ τὴν γῆν αὐτοῦ. Fortasse אֲרָצָה legerunt. Hieronymus plane alia cogitavit: *superest*, inquit, *ut ventum urentem, quem adducet dominus de deserto ascendentem, illum intelligamus, de quo in Habacuco legimus c. 3, 2. Deus ab Austro veniet, et sanctus de monte Pharan. Hunc ventum urentem, qui siccet ve-*

XIII, 15.

nas mortis, adducet dominus, s. de deserto generis humani, in quo et diabolus quaerens requiem invenire non potuit; s. desertum intelligimus S. Mariae uterum virginalem, qui absque semine humano pullulaverit et virga simplex et purissima unione foecunda ediderit florem praestantissimum Iesum Christum. Venae autem mortis et aculeus peccata nominantur, quibus arefactis mors quoque ipse siccabitur. Quodque sequitur, ipse deripiet thesaurum omnis vasis desiderabilis, dupliciter accipitur, s. quae desiderabilia sunt his, qui in morte habitant, s. vasa desiderabilia, quae in thesauro retinebantur inferni, sanctos intelligimus quos alligatos forte dominus eripuit inferis et quasi vasa pretiosissima secum perduxit in paradisum. De bona re male laboravit Hieronymus. Similes sed vel subtiliores versus nostri explicationes eorum, qui קדִיִּץ vel spiritum sanctum, vel ignem extremum mundum consumentem, vel Ieroboamum, vel regem Assyriae, vel iram Dei incredulos perdentem esse contenderunt, congressit Tarnovius ad h. l.

Sequentem versum multi interpretes huic capiti annectunt. Verum cum plerisque constet ntrique capiti continuam orationem inesse, res fere eadem est.

XIX.

Cap. XIV, 1 — 10.

Magna in culpa est Samaria, quod rebellavit adversus Deum suum. Cadent incolae sub acie gladii, soboles collidetur, gravidæ eius discinduntur. 2. Revertere Israel ad Iehovam Deum tuum, nam impegisti iam inter flagitia tua. 3. Recondite in animis verba vobis dicta, et revertimini ad Iehovam, supplicantes: omnem aufer culpam et benigne accipe quas solvimus oblationes labio-

rum nostrorum. 4. Assur non faciet nos salvos, equis illis superbis non insidebimus, nec ultra appellabimus Deum nostrum quod opus manuum nostrarum est, quippe in te solo imbecillorum refugium. 5. Ego vero medebor defectioni eorum, eosque redamare paratus sum. Ira enim mea iam ab Israele recessit. 6. Ceu ros immergam Israel, germina eius pullulabunt velut lilium, aget radices suas ut firmiter stet quemadmodum Libanon. 7. Procedent surculi eius et sicut oliva gloria eius virebit, odor eius sicut Libani extendetur. 8. Tum undique habitaturi sub umbra eius redibunt, reviviscent ut triticum, germinabunt ut vitis. Memoria autem eius erit ut vinum Libani. 9. Quod ad Ephraimum attinet, quid mihi cum idolis ille adhuc aget? Ipse solus eum exaudiam, eumque diligenter observabo. A me velut ex abiete semper virenti fructus tui capientur. 10. Quicumque sapiens ad haec attendet, attendens ea comprehendet. Nam rectae et planae sunt viae, quibus Iehova nos ducit, probi tuto iis ingredientur, at impii in iis labentur.

1. Nunc omnibus tropis remotis vates verba dirigit ad gentem Israeliticam ipsam, poetico modo pro ea regiam urbem Samariam nominans. **צוֹנָא**: *in culpa est*. Haec frequens est significatio verbi **צוֹנָא**, cf. 13, 1. ad quem versum vates sine dubio respicit: *illi mortui culpam sibi contraxerunt, sed nunc in eadem culpa est Samaria*, nimirum ob flagitiosum cultum Baalis, qui in ipsa metropoli maxime floruisse videtur cf. 10, 5. 7, 1. Fata huius urbis refert Iosephus Antt. Iudd. 13, 18. Postquam enim ab Assyriis occupata, sed e ruinis restituta infeste contra Iudaeos se gesserat,

XIV, 1. 2.

iterum a Iohanne Hyrcano Pontifice et Ethnarcha Iudaeorum per integrum annum oppugnata, tandem capta soloque aequata est, ductis eo torrentibus, quorum eluvie cuncta ita foedata sunt, ut ne vestigium quidem urbis superesset. Postea ab Herode restituta et in honorem Augusti Graeco nomine Sebaste appellata, denique Turcorum devastationem passa est. Hodie eius loco vile oppidulum nomine Schemrin s. Schemrun remansit, ubi passim ruinae pristinae magnificentiae conspiciuntur, cf. Bellermann Handb. d. bibl. Litt. II, p. 502. Sic vaticinia de illa urbe regia iterum iterumque edita tristissimo eventu comprobata sunt. Non bene LXX. et Hieron. verbum תַּאֲשֵׁם a ראד. שָׂמָם derivarunt, illi: ἀφανισθήσεται Σαμάρεια, hic: pereat Samaria, et quamquam inficiari non possumus, שָׂמָם nonnunquam cum cognato אָשָׁם ad sensum promiscue adhiberi, cf. Ez. 6, 6. Joel. 1, 18., tamen h. l. multo aptius ob 13, 1. significatio supra commendata retinetur. Notanda est iterum paronomasia in verbis תַּאֲשֵׁם שָׂמָרָן. כִּי מָרָתָה בְּאַלְהֶיךָ: nam *rebellavit contra Deum suum*, dum ad exemplum maiorum 13, 6. 9. 10. Dei oblita, spretis eius benevolentiae signis eiusdemque legibus et institutionibus, perversissimae idololatriae se subiecit, cf. 5, 11. כִּי: contra, ut 7, 14. 13, 9. Hieron. iterum male מָרָתָה a מָרַר derivat, significatione adeo transitiva: *ad amaritudinem concitavit Deum suum*. Rectius LXX.: ὅτι ἀντίστη πρὸς τὸν Θεὸν αὐτῆς. בָּחַרְבּ יִשְׁלֵי scil. *incolae eius*. Sequentia verba respondent descriptioni vastationis Betharbeliticae 10, 14. cf. Amos. 1, 13. 2 Reg. 8, 12. Grammatici notarunt constructionem nominis foeminini cum verbo masculino, וְהָרִיתִי יְבָקָעָה, quam ita defendit Schmidt ut *partus contendat cum matribus gravidis verbo includi*. Rectius verbum impersonaliter accipitur ut 10, 7. Omnino huic versui mira inest commixtio generum de qua vid. introd. p. 105.

2. Elucet benevolus vatis animus e sequentibus. Non enim suos monere desinit. Quamquam gens fere ad incitas redacta esset, tamen non deerat vati spes, fore ut restitueretur. Deus enim semper propitius est ho-

minibus, modo ad eum revertantur. שׁוּבוּ עַד יְהוָה: *revertere ad Iehovam.* עַד secundum Kimchium valet i. q. אֵל, cf. Ioel, 2, 2. 12. Am, 4, 6., et, addit, dixerunt nostri, magna est poenitentia, quae pertingit ad thronum gloriae, nam dictum est עַד יְהוָה אֵלֵינוּ: *siquidem כַּשִּׁלְתָּ: impegisti, offendisti בַּעֲוֹנוֹתָ: propter e., per peccata tua.* Sens.: iam mala tibi contraxisti, cave igitur et revertere a via tam periculosa perniciosaque, ne prorsus collabar et contundaris. Schmidt, qui evangelium N. T. in toto capite praedici vult, imperativum pro futuro accipit: *reverteris tamen aliquando sub Messia.* Illo tempore enim futurum erat, ut etiam Israeli inter gentes disperso haec concio poenitentiae mittenda, et plurimi ad Christum Deum suum convertendi essent. LXX. ultimum comma vertunt: ὁρίσιν ἡμετέρας ἐν ταῖς ἐκδησίαις σου.

5. קַחוּ עִמָּכֶם: *sumite vobiscum i. e. ne oblivione tradite, sed in animis vestris recondite.* De Wette verborum nimis tenax: „nehmt Worte mit Euch.“ רַבִּינִים, Chald. supplet דְּאִתְרִדָּתָא i. e. *confessionis*, ut nempe semper prompti sitis ad precandum pio et contrito animo. Simplicius: *verba quae Iova ad vos per me locutus est.* Simili modo שׁוּבוּ בְּלִבְבְּכֶם Iob. 22, 22. cf. Prov. 1, 3. 2, 1. 2. 3. 4, 10. *Revertimini ad Iehovam*, vid. v. 2. כֹּל-חַטָּאת עֲוֹנוֹךָ: *omnem aufer culpam.* Hieron. bene explicat: *nil languoris in nobis et pristinae ruinae derelinquas, ne rursum mali seminis pullulent rediviva plantaria.* LXX.: μή λάβητε ἀδικίαν καὶ λάβητε ἀγαθήν, quod omnino verbis nostris non inest.

קַח-טוֹב: *benigne accipe* scil. quae sequuntur פְּרִים שְׂפִיחוּנָה. Nam quae interposita sunt, וְנִשְׁלַחְנָה, ita sunt capienda ut ἢ pro relativo positum sit, cf. 13, 1, 10. Res ipsa hanc significationem docet. Dictio in versione ad verba ita sonat: *accipe benigne, et nos solvimus oblationes labiorum nostrorum.* Non video cur quis ingenii linguae haud ignarus Hebraicam verborum constructionem ita solvere dubitet: *benigne accipe, quas*

XIV, 3.

solvimus, oblationes l. n. Grotius fere hanc nostram sententiam ita exhibuit: *acceptum habe id bonum, quod nunc facimus, plane quasi non peccavissemus, et offeremus tibi pro bobus pia verba, gratias suppliciter agentia.* Simplicius et disertius etiam Eichhorn: „nimm es gnädig an, wenn wir dir unsrer Lippen-Opfer bringen.“ פָּרִים שְׁפָתֵינוּ. Boves et iuveni usitatissimae et Deo probatissimae victimae erant, et in sacrificiis pro salute, זֶבַח שְׁלָמִים Exod. 24, 5. Lev. 3, 1., et in sacrificiis expiatoriis, זֶבַח חַטָּאת Lev. 4, 3 sqq. Ez. 43, 19—21. 45, 18—22. Quod quidem sacrificiorum genus a prophetis multo minoris pretii habebatur, quam significationes piorum animarum, confessionibus, laudibus gratiarumque actione exhibitae Ps. 51, 17—19. 50, 8—15. 23. 69, 31. 32. 107, 22. cf. Hos. 6, 6. Ies. 1, 11. al. Si igitur cum nostro loco comparatur v. c. locus Exod. 24, 5., ubi est: זֶבַח זֶבַח וְזֶבַח שְׁלָמִים לַיהוָה פָּרִים, nostrum שְׁפָתֵינוּ פָּרִים נְשַׁלְמָה diserte ad id sacrificiorum genus spectare videtur, quod pro salute Deo offerebatur. שְׁלָם autem est: *tale sacrificium offerre*, et sensus vatis est: *benigne accipe Deus oblationes nostras pro salute nostra, quas non bobus et iuvenicis sed laudibus et precibus labiorum nostrorum ferimus.* פָּרִים metaphorice saepius sunt: *oblationes, sacrificia.* Substantivum שְׁפָתֵינוּ per appositionem adiectum est. Constructio in libris Hebraeorum obvia, ita ut appositio locum status constructi occupet. Grammatici tum omissum aliquid supplendum esse statuunt, sic h. l. פָּרִים פָּרִי-שְׁפָתֵינוּ, cf. Michaelis ad h. l. vid. Gesen. Lehrgeb. p. 668. et Drusius ad h. l. Alii ita: *solvimus pro iuvenicis labia nostra i. e. eorum precativnes.* Alii suplent praep. בִּ: *solvimus oblationes labiis nostris.* LXX.: καὶ ἀνταποδώσωμεν καρπὸν χειλέων ἡμῶν, quasi פָּרִים a פָּרִי fructus descenderet, ut פָּרִי-כֶהֱשֶׁה 10, 13., פָּרִי-כֶפֶה Prov. 31, 16. — Verba קַח-טוֹב alii vertunt: *sume de tuis bonum, quod in nos transferas*, v. c. Lutherus: „und thue uns wohl.“ Tarnovius et Schmidt adeo meritum Christi in medium pro-

ducunt ita: *accipe bonum nostrae iniquitatis oppositum, iustitiam, quam pro nobis in fide offerimus, non nostram quidem, sed Iesu Christi.* Hieron.: *accipe (inquit) bonum; nisi enim tuleris mala nostra, bonum tibi quod offeramus habere non possumus.* Chald.: *et suscipias nos utique quasi bonos, et sint eloquia labiorum nostrorum penes te accepta tanquam boves in beneplacitum super altari tuo.* Ceterum locum nostrum e vers. LXX. citasse videtur Apostolus Hebr. 13, 15.

4. Pergit vates in commemoratione precum a contritis animo Israelitis faciendarum, ita quidem ut non tantum Dei misericordiam implorent, sed etiam vota sincera spondeant, nimirum *se nec Assyriis, nec Aegyptiis, nec idolis manu factis fisuros sed in Deo solo miserorum refugium quaesituros esse.* אֲשֶׁר לֹא יוֹשְׁרֵינָה: *Assur non faciet nos salvos.* Reprehenduntur his verbis foedera, quae cum Assyriis inire Israelitae nimium parati erant, cf. 5, 13. 7, 11. 8, 9. 12, 2. e quibus quidem semper nova calamitas in eos redundabat 2 Reg. 15, 19. 17, 3. עַל-סוּס לֹא נִרְכָּב: *super equis non equitabimus.* Nonnulli antiquiorum interpretum (v. c. Hieronymus, Iarchi, Ebn Esra) Aegyptios equos intelligunt, quoniam Aegyptus equis abundavisset, Deut. 17, 16. 1 Reg. 10, 28. 2 Chron. 12, 3., et Aegyptii in bellis currus et equites adhibuissent, Exod. 14, 9. 15, 19. Certe historia non impedit, quo minus ad horum opem vatem respexisse statuamus, cf. 2 Reg. 17, 4. *Non Aegyptiorum equis equitabimus, ut fortunae belli in nostris calamitatibus fidamus.* Fortasse vates in mente habuit verba 1, 7. ubi Deum saluti Iudaeorum sine equis et curribus consulturum esse pollicitus erat. וְלֹא-נִאֲמָר: *לְמַעַן שֶׁהָיָה יְדֵינוּ עִיד:* *nec dicemus ultra dii nostri ad opus manuumstrarum, i. e. nec opera fictitia Deos nostros appellabimus* (cf. 8, 6. 12, 2. Exod. 32, 4.) s. *pro vero Deo colamus.* Quod quidem Israelitae se facere negabant, sub specie simulacrorum unum tantum Deum se colere contendentes. Verum malam rem bono tantum nomine comprehendebant. Dum enim quaevis nova gentilium imago iis forma et species Dei non conspicui erat, ipsius Dei obliviscebantur, signum, ut ru-

XIV, 4. 5.

dium hominum est, pro re signata habentes. Sic polytheismus, quem Moses cavere studuerat, e moribus barbarorum superstitionis recipiebatur et (dictu tristissimum!) variis Deastrorum formis a barbaris adoptatis adoptabantur etiam ineptiae, flagitia et perversa consilia ad eorum cultum pertinentia. כְּאִשְׁרֵי־בָרָךְ i. q. כְּאִשְׁרֵי־בָרָךְ.

Nam אִשְׁרֵי non modo pron. relativ. est, sed etiam coniunctio respondens Lat. *quod* et Graec. ὅτι, cf. Ps. 31, 8. 1 Reg. 8, 33. Dent. 3, 24. cf. Gesen. ad h. γ. יְרֵחַ: *misericordiam consequetur*, activum יְרֵחַ indicat: *misericordem esse*. יְרֵחַ: *pupillus, orphanus, qui ope paterna destitutus fautore et tutore indiget*. Hieron.: *pupillus*, ait, *vocatur, quia Deum perdidit patrem*. Chald.: *eo quod a te misertum sit patrum nostrorum, ubi erant in Aegypto pupillorum instar*. Nobis voce יְרֵחַ indicatur: *qui alia ope destitutus nil habet, cui fidat, nisi Deum*.

5. Addit nunc vates promissionem feliciorum temporum, quae eventura sint, si gens Israelitica pia in supplicationibus et constans in fiducia erga Iehovam fuisset. Dei enim oraculum exhibent sequentia. אֶרְפָּא מִשְׁחָבָה: *medebor defectioni eorum*. Defectio s. aversatio quasi morbus pingitur; cumque in lingua Hebraica id usitatissimum sit ut verba peccatum indicantia, v. c. חַטָּא, עוֹן, cet., etiam culpam et exitium eius designent, h. l. quoque, ubi vates de Deo dicit: *medebor defectioni eorum*, sine dubio ad detrimentum inde ortum et oriundum respicit. De nomine מִשְׁחָבָה vid. 11, 7. LXX.: λέσονται τὰ κατοικίας αὐτῶν i. e. *habitationes*, quae interpretatio inepta est sive linguam sive sensum spectes. Chald.: *acceptabo eos in conversione sua, ignoscam peccatis eorum et eorum miserebor, cum conversi fuerint*. Itaque מִשְׁחָבָה duplici sensu, et bono et malo, accepisse videtur. אֶרְפָּא: *redamabo eos*, cf. 3, 1. נִדְבָרָה: *sponte i. e. animo benigno et gratuito, non captus eorum sacrificiis et oblationibus*. נִדְבָרָה pr. est substantivum, quod adverbialiter ponitur Dent. 23, 24. Esr. 3, 5. LXX.: δολογως, fere eodem sensu quo alia lectio: δολογοῦμένως: *manifeste, absque omni dubitatione vel contradictione*. Quod addit: *nam recessit ira mea* מִיָּמִי: *ab eo, scil. sequente*

יִשְׂרָאֵל, designat animum Dei semper promptum ad ignoscendum.

6. Non sufficit autem vati benevolam Dei animum populo in universum significasse, pingit per tres versus sequentes imaginibus suavis felicia tempora a Deo huic parata. Huc pertinet potissimum, ut tandem eventu comprobetur, quod Abrahamo promissum erat Gen. 18, 18. *evadet Abrahamus magna et valida gens, per quam omnes terrae nationes felices erunt*, cf. Gen. 22, 18. 26, 4. אֶהְיֶה כְּרֹס לְיִשְׂרָאֵל: *ero velut ros Israeli*, cf. 6, 3. Imago his regionibus aptissima, ubi rariores imbres cadunt, ros autem vespertinus et matutinus fruges reficiens fertilitati terrae succurrit. Sens.: *flaccescentes et ab interitu proximas res Israelitarum ita restituam, ut novas vires novaque incrementa capiant* Ies. 26, 19. Ps. 133, 3. יִשְׂרָאֵל autem, quem nunc vocat loco pronominum numeri pluralis v. 5., est: *natio in universum, civitas Israelitica* cum omnibus suis institutionibus et politicis et religiosis, quod v. 8. docet. יִפְרַח כַּשְׁוֹשֶׁן: *starebit ut lilium*. Imagine lilii vates cum pulchritudinem, tum foecunditatem floris innuit, de qua Michaelis ad h. l. adfert locum Plin. H. N. 21, 5. *lilio nihil foecundius est, una radice saepe quinquagenos emittente bulbos*. Maximum enim numerum civium et posterorum in ardentissimis votis Israeliticae gentis fuisse vidimus 2, 1. יְרֵךְ פָּרָשִׁי: *percutiet radices suas i. e. defiget et infundet radices suas in terram*. Quam antea ob amoenitatem et foecunditatem cum lilio comparaverat gentem Israeliticam nunc ob firmitatem et late patentem gloriam cum arbore comparat, ita tamen ut nomen arboris non laudet, sed quid voluerit, tantum e contextu appareat. Pro arbore, quam h. l. manifesto nominatam exspectassemus, nominat montem Libanon, ut firmitatem indicet, quae nulli arbori contingere possit. Ut autem elegantiam vatis ad modum nostrae pingendi rationis vindicarent Chaldaeus, Hieron. et alii, לְבָנוֹן h. l. metonymice putarunt esse i. q. *arbores Libani*. Verum luxuriosa phantasia orientalis poetae non ita anxie metaphorae inhaesit. Nec inepti aliquid inesse video huic sententiae: *radices eius firmiter infixae et nulla temporum vice*

XIV, 6. 7.

perturbatae stabunt sicut mons Libani. Montem autem Libanon illum clarissimum tractum altissimorum montium fuisse, qui inter Syriam et Palaestinam porrectus nominibus Libanon et Antilibanon occurrit, satis notum est, cf. Reland Palaestina I, 11. Roehr Palaestina p. 39. 40. Hieron.: *cumque creverimus in domino, mittemus radices nostras sicut arbores Libani, quae quantum in auras consurgunt vertice, tantum radices in ima demergunt ut nulla tempestate quatiantur, sed stabili mole consistent.*

7. יִלְכּוּ יִרְקוֹתָיו: *ibunt i. e. procedent eius surculi s. rami.* Quibus iterum ingens propagatio stirpis Israeliticae indicatur. Chald.: *accrescent filiis et filia-bus.* D. Kimchi: *propagines parabolice significant bona in dies iis innovanda. Aut si per radices intelligetur lex Mosis, quae stabilis erit in perpetuum, tum propagines sunt scientiae, quae innovabuntur illis in cognitione Dei pie celebrandi quotidie.* יִרְחִי בֵּית הָדֹד, idem Kimchi: *erit vis viroris eius stabilis sicut oleae, cuius folia virent toto anno.* Pari modo secundum Michaelem ad h. l. Cyrillus eam vocat *ἀειθαλής καὶ εὐκαρπὸν*: *semper viridem et fructibus refertam*, cf. Ier. 11, 16. Ps. 52, 10. 128, 3. LXX.: *καὶ ἔσται ὡς ἐλαία κατὰ καρπὸς.* Chald. longe recedit a textu: *erit splendor eius sicut splendor candelabri sanctitatis*, nimirum, ut Michaelis notat, e Lev. 24, 2.

וְיִרְחִי לוֹ בְּלִבְנוֹן. *Odorem quoque in praestantissimis partibus tabulae de speranda felicitate exhibitae ponit.* Commemorat autem odorem Libani, quoniam refertus erat arboribus thuriferis fragrantibusque floribus et herbis, unde saepius odorem Libani mentionem facit SSa, v. c. Cant. 4, 11. Sirac. 39, 14. Chald.: *odor eorum velut odor incensi aromatum.* Quid odoris imago indicet, bene exposuit Tarnovius ad h. l.: *indicatur potissimum nominis celebritas, quae est velut fragrantissimus quidam odor late diffusus, sicut in sacris foetere dicitur, qui passim mate audit*, Gen. 34, 30. Exod. 5, 21. 1 Sam. 13, 4. 27, 12. 2 Sam. 10, 6. 1 Chron. 19, 6. Probatur haec sententia parallelismo utriusque commatis, quam loquendi rationem prophetam adamasse

saepius vidimus cf. introd. p. 129. Ut enim antea הודו: *gloria eius ceu oliva semper virebit*, ita nunc ריח לו: *nominis celebritas ceu odor Libani extendetur*.

8. יֵשְׁבִי בְּצֵלֹךְ. Oratio asyndeta, ex qua modo usitatissimo verbum שָׁבֵי nil indicat nisi repetitionem pristinae rei, Latinis ita exhibendam: *redibunt habitaturi, rursus habitabunt*. Populus Israeliticus tunc temporis erat dispersus et ita perturbatus publicis calamitatibus, ut nusquam secure degendi ipsi copia esset. Pars adeo iam abducta erat in exilium per expeditionem Tiglath-Pileseris 2 Reg. 15, 29. His omnibus promittit secure domicilia sub umbra reipublicae Dei cura et auxilio restitutae. Non igitur assentiri possum iis, qui יֵשְׁבִי de conversione animorum ad poenitentiam et ad meliorem frugem intelligunt, v. c. Hieronymo ita commentato: *qui autem conversi fuerint ad Dominum, accipient conversionis praemium, ut sedeant in umbra eius*; nec iis, qui vaticinium sero futurarum rerum in verbis nostris quaerunt, v. c. Kimchio, Drusio cet. sic exponentibus: *redibunt in terram suam* scil. *olim exules, et habitabunt in terra Dei*; nec Chaldaeo latius progresso ita: *congregabuntur de medio captivitatis suae et habitabunt in umbra Christi sui*; nec iis, qui ex analogia loci incertae interpretationis les. 30, 15. יֵשְׁבִי explicant: *requiescent*, quos etiam Kimchiam commemorat; nec denique iis, qui (ut Schmidt) *de congregatione omnium gentium sub umbra evangelii sermonem esse putant*. S. V. Kuinoel lectionem יֵשְׁבִי mutari vult in יֵשְׁבִי innisus auctoritati LXX. (ἐπιστρέψουσιν καὶ ἀναβιώσονται) Syri, Arab. et Chald. Verum quaeritur annon isti omnes ex ingenio verba magis circumscripserint, quam curiose verterint. — Dubitant quoque interpretes de subiecto pronominis suffixi בְּצֵלֹךְ quod alii ad Deum, alii ad Libanon trahunt. Eichhorn omitta voce יֵשְׁבִי: „in seinem (Libanons) erquickenden Schatten werden sie wohnen.“ De Wette: „es kehren wieder die Bewohner seines Schattens.“ Verum nil simplicius esse potest quam ut refe-

XIV, 8.

ratur ad יִשְׂרָאֵל v. 6. de quo hucusque omnia pronomen suffixa valent. Is enim erat a Deo erigenda arbor actura undique radices, emissura surculos, gloriam et famam extensura. *Sub istius igitur umbra, sic nostro versu pergit, etiam populum hucusque magnis calamitatibus turbatum, securum domicilium manebit.* Quid autem Israel h. l. significet, v. 6. monuimus, nimirum omnem oeconomiam imperii Israelitici emendatam et restitutam pietate et reditu ad regem suum Davidem 3, 5.

יִרְחִי יִרְחִי ad verbum quidem est: *vivificabunt frumentum* i. e. *producent frumentum cultura agrorum.* Verum cum S. V. Rosenmuellero non intelligo, quomodo tam prosaica sententia inter tot magnificas promissiones vati excidere potuerit. Melius igitur, parallelismo sequentis commatis יִרְחִי יִרְחִי iubente, פִּדְיוֹן pro פִּדְיוֹן sumitur, cum praefixum כּ saepius deesse constet cf. 13, 8. vid. Glass. Phil. S. p. 568. et introd. p. 102. Idem iam statuit Kimchi afferens exempla Prov. 17, 22. 1 Sam. 15, 23., qui quidem significationem coniugationis Piel h. l. intransitivam esse censet, ita: *vivificabunt se ipsos in mandatis Dei, quae roborabunt eos ut triticum quod vivificat hominem.* Alii aliquid supplent, v. c. Rosenmuller יִרְחִי ita: *vivificabunt semen instar frumenti.* Verum simplicius difficultas ita expeditur ut mutata accentuatione legatur יִרְחִי. Quod non magni negotii est, cum videamus vulgaris accentuationis auctores e prorsus aliena interpretatione LXX. Chaldaei et Hieronymi meliora edoceri non potuisse. LXX. enim habent: ζῆνται καὶ μεθύουσινται σίτω, pro quo adeo Hieron. legisse videtur πινται: *bibent et inebriabuntur frumento.* Hieronymus ipse vertit: *vivent tritico.* Chald.: *vivent mortui.* — Idem mecum sensisse videntur E. ch. horn ita vertens: „sie werden — aufleben wie das Samenkorn,“ et de Wette: „und wachsen wie Getraide.“ Nos intelligimus: *reviviscent sicut triticum magnam granorum copiam in messe exhibiturum.* יִרְחִי יִרְחִי, verba illis parallela: *pullulabunt s. surculos emittent longe lateque ut vitis.* Vitis, imago

foecunditatis et ubertatis occurrit Ps. 128, 3. Sensus est idem utriusque membri: *stirps eorum augebitur posterorum numero magis magisque crescente* — זָכַרְךָ כִּי־יֵין זָכַרְךָ. ipsius autem scil. reipublicae Israeliticae nomen memorabile et honorificum (cf. 12, 6.) erit ut vinum Libani. De vino Libani audiendus est Kimchi ad h. 1. Vidi in libro Asaph medici, vinum Libani, Hermonis, Carmeli montium Israelis et Hierosolymae, montium Samariae et vinum montium Caphthor et Aegypti, ista inquam vina esse suprema inter omnia vini genera, odore, gustu et medicina. Quin et recentiores vinum montis Libani magnis laudibus celebrant, cf. Bellermann Handb. d. bibl. Litt. II, p. 357. 58. Chaldaeo vinum Libani est vinum quod clangore tubae libari solet in templo Hierosolymae. Pii nostrorum interpretum omnia ad tempora Christi referunt.

9. אֶפְרַיִם est nominativus absolutus, cf. 6, 8. 8, 13. 9, 6. 11. quod ad Ephraimum attinet. Cum nempe vates in poemate vicissim Israelis et Ephraimi nomine usus sit, in pingendis magnis populi peccatis et in inculcandis grandibus eventibus ipsi futuris, utrumque oratione sua absolvere voluit. Israellem consolatus est v. 6. Nunc autem ad Ephraimum se convertit, ne ulla pars populi a Deo neglectam se existimet. Ab Ephraimo orsus 13, 1. cum Ephraimo finem facit. Dicere vult: *Fac eum antea horrendas institutiones idololatriae edidisse, abstinebit nunc ab iis nec amplius remouum idolis habebit.* Verba מִה־לִּי לְעַצְמִי obscura sunt. Plerique interpretes commendarunt supplementum אָמַר: *dicens est*, s. אָמַר: *dic*, quasi e v. 3. repeteretur. Verum cum ibidem iam omnia membra civitatis Iudaicae dicere monita sint, cur nunc vates iterum se ad Ephraimum verterit, vix cogitari potest. Praeterea inde a v. 5. missis monitis versatus erat in descriptione felicioris conditionis Ephraimitas mansurae. Quam si sub finem totius orationis novis monitis interrupisset, sane inepte et frigide a vate actum fuisset. Omnino verbis nimia vis infertur, ubi ad tale supplementum confugimus, ergo necessitate non urgente ab

XIV, 9.

ea abstinere satius est. Dathe, Kuinoel, Eichhorn, huius supplementi ineptiam bene sentientes, pronomem personale h. l., ut saepius, abundare contenderunt. Verum non ex ea loquendi ratione a Glassio allata Phil. S. p. 148. qua pronomem abundans ubique eadem persona qua subiectum legitur. Hoc loco pronomem primae et subiectum tertiae personae est. Est alia loquendi ratio ingenio antiquiorum et recentiorum linguarum accommodatissima, ut dativus pleonastice poni videatur, quae etiam exemplis V. T. probari potest, vid. Mich. 2, 4. 5, 1. (quamquam in loco a Dathio et Kuinoelio laudato 12, 9. pron. לִי dativus commodi est), inter Graecos et Latinos saepius occurrens, a Grammaticis nomine *dativi ethici* appellata. De Graeca lingua Hebraicae proxima vid. exempla ap. Buttmannum Schulgrammatik §. 120. Anm. 2., de Latina ap. Zumptium Gramm. §. 71, 1. not. 2. In nostra lingua exempla sunt frequentissima, v. c.: „thue mir deinem Bruder ja keinen Schaden,“ sive: „du wirst mir doch nicht zu Schaden kommen!“ Hinc Eichhornii versio: „Was für Gemeinschaft möchte mir noch Ephraim mit Göttern haben?“ et Dathii: *quid mihi Ephraim amplius cum idolis?* Nec inepte eodem modo verba nostra expediri posse videntur, ita: *quod ad Ephraimum attinet, quid mihi cum idolis ille adhuc aget?* Hieron. ita vertit: *o Ephraim omnis qui agis poenitentiam et qui meus esse coepisti, dimitte idola, simulacra contemne!* ac si Deus dixisset: *cur me ultra illis idolis adiungis?* Verum ita maior etiam vis orationi infertur. Si LXX. fides haberi posset, optime restitueretur lectio לִי. Habent enim: *τί αὐτῷ ἐστὶ καὶ εἰδώλοις;* Ita, ut iam Drusius monuit, *sententia emergit ex hac lectione valde elegans. Deus enim: quid, inquit, Ephraimo ultra cum idolis rei est? i. e. non amplius eget eorum ope. Locutio est Anacreonti familiaris, v. c.: τί μοι καὶ μαργαρίται;* Hanc lectionem certe faciliorem S. V. Boeckel secutus est.

עֲנֵנִי אֱלֹהִים: respondebo, scil. ei, pronomine e sequente verbo petito. Respondere alicui a. votis eius

est: *eum exaudire*, cf. 2, 23. 24. Chald.: *ego per verbum meum suscipiam orationem Israelis*. LXX.: ἐγὼ ἐταπείνωσα αὐτόν, pariter Syrus, e lectione עָנִיתִי, quod quamquam nonnulli recentiorum v. c. Dathe, Kuinoel et Eichhorn probaverunt, tamen vulgaris lectio sequenti parallelo commati magis convenit, וְשָׁמַרְתִּי: *diligenter observabo eum*. Verba vivendi significationem curandi et custodiendi habent, v. c. וְשָׁמַרְתִּי, וְשָׁמַרְתִּי, וְשָׁמַרְתִּי יְהוָה עַל מִנִּי: Job. 28, 24. 34, 21. Ps. 13, 4. 84, 10. 2 Chron. 16, 9. LXX.: κατιστάξω αὐτόν, Hieron.: *dirigam eum*, sine dubio e lectione וְשָׁמַרְתִּי a rad. שָׁמַר. Interpretationem nostram commendarunt E. Esra et D. Kimchi cum plerisque recentioribus, v. Gesen. ad h. v. Eichhorn ut parallelismum haberet prioris membri rem in malam partem sumpsit, ita: „ich züchtigte, ich fiel es feindlich an.“ Verum ut de usu verbi שָׁמַר fateam, simplicitatis venustas orationi demeretur, si vatem aliud quid praeter significationem benevoli Dei animi in omnibus his commatibus spectavisse statuereamus. וְשָׁמַרְתִּי כְּאִבְיָה שֶׁמֶר: *quasi abies semper virens ero*, Nova imago semper recentem et semper paratam Dei benevolentiam erga Israelitas indicans. Alii intelligi putant *cupressum* s. *juniperum*. Fortasse plures eiusdem generis arbores uno nomine comprehendebantur, vid. Celsii Hierobotanicon I, p. 74. Verum omnes arbores huius generis fructum non ferunt de quo tamen subsequens comma loquitur. Vis igitur huius imaginis tantum in eo quaeri debet: *ut abies semper virens, ita favor Dei semper felicitatem vobis parabit*. Inhaesit vates omnino notioni arboris, cuius abietem Dei imaginem esse voluit, sed e qua tantum aliquod momentum comparationis, scil. vigorem semper virentem, repetit. Chald. imaginem ad Ephraimum refert: *efficiam illum sicut abietem pulchram, quia a me remissio et poenitentia illorum invenietur*. Similiter Hieron.: *faciam eum quasi abietem virentem*. וְשָׁמַרְתִּי כְּאִבְיָה שֶׁמֶר: *a me fructus tuus invenitur*, quod saepius aliis formulis pro-

XIV, 10.

tulit vates: *penes me solum tuum auxilium tuaque salus est*, v. 4. 13, 4. al.

10. Paucis verbis gravi conclusione poemà propheticum absolvitur. מִי formula interrogantis, h. l. vi relativi, ut מִי 9, 14. et מִי-עַד 8, 5. *qui sapiens est*. Copula וְ hanc significationem exigere videtur. Sententia enim inepta existeret, si verteremus: *quis sapiens est? etiam ad haec attendat!* Nec commodius alii: *quis sapiens est, ut intelligat?* Vates enim utique in animo habuit sapientes, quos tantarum orationum vis non lateret, quod sequentibus indicatur: *viae Dei planae sunt, non dubiae, nec insidiis obstructae nec ingressu difficiles*. Est praeterea in utroque membro parallelismus nostram interpretationem postulans: *qui sapiens est, etiam attendet ad haec; qui attendens est, ea etiam intelliget*. Inter antiquos Syrus et recentiorum plures, v. c. Eichhorn, idem nobiscum de significatione particulae מִי senserunt, cuius eadem ut h. l. vis est Exod. 24, 14. Iud. 7, 3. Ies. 50, 10. Ioel. 2, 14. Prov. 9, 4. וְיִבֶן אֵצֶה: *etiam attendet ad haec*, cf. Dan. 10, 1. Iob. 23, 8. Esra 8, 15. נִבּוֹן וְיִדְעֵם: *attendens etiam ea intelliget*. Elegans repetitio eiusdem vocis, LXX. Chald. et Hieron. vim interrogativam in verbis huius commatis invenerunt.

כִּי-יִשְׁרִיּוּ בְּרֵי יְהוָה: *nam rectae s. planae sunt viae Iehovae scil. quibus nos ducit*. כִּי causam indicat cur attendentes intelligant. De hominibus *viae* sunt *rationes se gerendi, vita et mores eorum* 10, 13., de Deo est *providentia et cura, qua homines ducit, modus agendi erga homines*. Eodem sensu dicuntur *viae Iehovae* דְּמִיִּם Ps. 18, 31. 2 Sam. 22, 31. *sine omni errore et culpa*. צַדִּיקִים: *probi* cf. 10, 12. יֵלְכוּ בָם: *iis incedent*. Sens.: *tuto et secure dirigent gressus suos, utcumque a Deo ducuntur, nam iis non deerit felicitas, quae semper virtutem comitatur*. בָּם יִפְשְׁטוּ יִפְשָׁעִים: *improbi in iis labentur*, i. e. *utcumque ducantur, vel commodis, opibus et amoenitatibus vitae instructi vel ad humilem sortem adacti, infelices erunt*. Quod egregie rebus Israe-

liticis comprobabatur, quippe quae post brevem florem nunc ad interitum ruerent. Qui cum Chaldaeo h. l. vaticinium de vita aeternaque piorum felicitate et de aeterna miseria impiorum quaerunt, certe verba et sententiam vatis non diligenter observant. Nusquam enim vates, sicut in omni operis expositione vidimus, ad hanc christianorum verae felicitatis spem et fiduciam ascendit.

Tabula chronologica

rerum ad vitam et sermones Hoseae prophetae pertinentium.

A n n i		
mundi (e com- putat. Petav.)	ante Christ. natum :	
3180.	824.	Ierobeam II. rex tribuum Israeliticarum creatur.
90.	14.	
4.	10.	Mors Amasiae regis Iudaeorum. Initium Usiae s. Asariae sub tutela regnantis.
200.	804.	
6.	798.	Usias sui iuris factus ipse imperii sceptrum tenet.
10.	94.	
15.	89.	
20.	4.	
1.	3.	Ierobeam II. moritur.
2.	2.	Israeliticum interregnum undecim annorum.

A. mdi:	a. a. Chr. n.	
3223.	781.	} Hos. 1 — 3. Annus uniuscuiusque particulae definiri nequit.
4.	80.	
5.	79.	
6.	8.	
7.	7.	
8.	6.	
9.	5.	
30.	4.	
1.	3.	
2.	2.	Sacharias rex Israelitarum consti- tutus post 6 menses occiditur. — Hos. 4, 1. — 5. 9. Sallum suc- cedit.
3.	1.	Menahem Sallumi parricida impe- rio potitur. Annus Usiae 40tus.
4.	70.	
5.	69.	
6.	8.	
7.	7.	
8.	6.	
9.	5.	Initium leprae in quam Usias rex Iudaeorum incidit. — Hos. 5, 10 — 6, 3.
40.	4.	
1.	3.	Hos. 8, 1 — 10.
2.	2.	
3.	1.	Menahem moritur. Successor Pe- kaiah. Annus Usiae 50tus.
4.	60.	
5.	59.	Pehaiah trucidatur. — Hos. 7, 1 — 7. Pekah rex Israelitarum.
6.	8.	Usias rex Iudaeorum diem supre- mum obit. Filius Iotham ipsi succedit in regno Iudaico.
7.	7.	Hos. 6, 4 — 11.
8.	6.	
9.	5.	
50.	4.	
1.	3.	
2.	2.	

A. mdi:	a. a. Chr. n.	
3253.	751.	
4.	50.	
5.	49.	
6.	8.	
7.	7.	
8.	6.	Hos. 8, 11 — 9, 7.
9.	5.	
60.	4.	Pacta Pekahi cum Rezino Syro contra Iudaeos.
1.	3.	Hos. 9, 10 — 17.
2.	2.	Iotham rex Iud. moritur, cui filius Ahas succedit.
3.	1.	Bellum Israelitarum contra Iudaeos.
4.	40.	
5.	39.	Irruptio Tiglath-Pileseris in regnum Israeliticum.
6.	8.	Pekah rex Israelitarum adnuentibus Assyriis ab Hosea trucidatur.
7.	7.	
8.	6.	
9.	5.	Interregnum 8 annorum. Hoseas
70.	4.	auxilio Assyriorum fretus regno Israelitico potiri conatur.
1.	3.	
2.	2.	
3.	1.	Hoseas tandem a Salmanassere Assyriaco rex Israelitarum constituitur, imposito annuo tributo Assyriis solvendo.
4.	30.	
5.	29.	Hoseam regem foederis Assyriorum piget. — Hos. 11.
6.	8.	Ahas rex Iudaeorum moritur. Hiskias filius et successor. Initia pactorum Israeliticorum cum rege Aegyptiaco. — Hos. 12.
7.	7.	Hos. 7, 7 — 16.
8.	6.	Hos. 10. (incl. 9, 7 — 9.).
9.	5.	Hos. 13, 14. Finis sermonum Hoseae prophetae.

A. mdi:	a. a. Chr. n.	
3280.	724.	Expediit Salmanasseris contra Hoseam regem Israelitarum.
1.	3.	Samaria obsessa.
2.	2.	
3283.	721.	Samaria capta. Stirpes Israeliticae cum rege Hosea in exilium abductae.

Errores absente auctore ortos lector benevole et excusabit et emendabit. Sunt, qui prae ceteris notentur, hi:

Pag. 7, lin. 19. not. legatur: praeesse — pag. 35, l. 30. leg. לְמַדְוֹ — p. 37, 26. comparantur — p. 45, 16. in se — p. 48, ult. idque — p. 65, 8. Itaque — p. 67, 7. not. annos — p. 70, 30. Israelitici — p. 75, 4. ad Aegyptios — p. 80, 28. vexandam — p. 82, 30. Ahabo — p. 85, 1. conspicuum — p. 88, 1. Ex — p. 91, 11. multifariae — p. 99, 4. Salmanasseris — p. 111, 20. praepositionis — ibid. 29. plus quam — p. 115, 15. existit — p. 131, 2. not. Syris — p. 144, 9. Makkeph — p. 145, 27. voluisset — p. 147, 32. ficulnea — p. 149, 16. solio — p. 151, 2. invehar — p. 156, 32. pendendo — p. 159, 17. restitueretur — p. 166, 36. intelligendae — p. 167, 7. amantium — ibid. 10. ubera — ibid. 23. ne colore — p. 168, 16. Israelitis — p. 170, 29. erga — p. 171, 5. concinnitatis — p. 181, 2. עוֹלָם עוֹלָם — p. 182, 25. mulier movetur — ibid. ult. בְּרִמְיָהּ — p. 185, penult. adoptaverant — p. 190, 25. infantium — p. 211, 6. exsecrari — p. 213, 7. dissidentes — p. 214, 14. quemque — p. 216, 18. unam — p. 223, 8. observando — ibid. verba: cultum idolorum ab Israelitis adoptatum in l. 17. falso irrepserunt; legantur l. 21. post: Scimus enim — p. 228, 16. leg. dignos — p. 229, 7. laborarent — ibid. ult. easque — p. 230, 11. prosicias — p. 232, 15. Vociferamini Bethavene — ibid. 18. Israelis — p. 235, 11. Ephraimiticos — p. 243, 2. συγῆσι — ibid. 24. Hates der St. — p. 244, 1. earum — p. 246, 10. vocatur — p. 249, 21. perfide — p. 250, 29. commemoraverat — p. 251, 13. impunitus — ibid. 34. ad — p. 252, 5. erant — p. 257, 14. Revertamur — p. 258, 1. ponit — p. 261, 38. post Phulo desunt verba: tempore Menahemi et Usiae; in altero, de illis Iudaeorum cum Tiglath-Pilese — p. 262, 32. leg. Bethavenis — p. 268, 29. tendamus — p. 269, 21. sacrificiis — p. 270, 8. Pekaiahi — ibid. 12. resipiscerent — p. 274, 37. paradisi — p. 277, 27. est — p. 286, 36. fermentari — p. 287, 14. ζυμωθῆναι — ibid. 19. frühen Morgen — p. 291, 19. fermentescentis — ibid. 37. Φέγγος — p. 302, 15. praepositione — p. 312, 5. pro signo? ponatur. — p. 320, penult. Utique — p. 322, 3. Aegypti — ibid. 8. erat — p. 325, 1. post abducuntur desunt verba: in Assyriam eodem modo, ac si revertantur — ibid. l. 35. addatur: Illae descriptiones de temporibus quoque Iothami regis valent, de quo 2 Chron. 27, 4. *oppida in montanis Iudaeae construxit, tum castella et turres in montibus.* Quibus

temporibus vatis sermonem assignare malim, quoniam tunc et Israelitis maior copia superbiendi, et utrique regno mores corruptiores fuisse videntur. — p. 353, 12. et 15. leg. ventris — p. 356, 23. qua — p. 362, 27. quod ad — p. 367, 9. idolis — p. 369, 20. omittenda — p. 379, 34. munitiones tuae deperdentur sicut deperditur — p. 391, 1. revertetur — p. 399, 5. commentatione — p. 401, 8. Deus tuus — p. 403, 8. arbitrio — p. 405, 28. occurrit — p. 409, 27. et 36. Iehova — p. 420, 28. sermo — p. 426, 6. proventus — ibid. 20. in Aegyptum — p. 427, 31. quem — p. 430, penult. horrendas — p. 431, 37. Ahabo — p. 432, 18. Ahabi — p. 433, 27. quod ad — p. 434, 19. non tantum — p. 437, 11. pronominis — ibid. 14. pronomina — p. 438, ult. quando — p. 448, 5. quo — ibid. 13. percussit — p. 452, 36. ascendentem — p. 457, 32. supplent. — Ceterum in toto libro legantur: imprimis, Gibeatitae, solennis, ceteri, cum suis derivatis.

Praeterea errores locorum citatorum sunt emendandi hi:

Pag. 33, l. 6. leg. Dent. 34, 6. — p. 41, l. 8. 3, 5. — p. 134, 12. 2 Chron. 34, 14. — p. 146, 35. 2 Sam. 7, 8. — p. 153, 22. Num. 14, 19. — p. 159, 31. 3, 1. — p. 203, 36. Zach. 10, 2. — p. 212, 24. 4, 1. — p. 219, 14. Dan. 7. — p. 235, 32. 2 Chron. 17. — p. 241, 22. Ps. 115, 9. 11. 59, 12. — p. 249, 12. 7, 12. — p. 253, 12. Ier. 10, 25. — p. 263, 20. Prov. 17, 22. — p. 269, 2. Ier. 5. — p. 295, 7. Exod. 19, 5. — p. 334, 15. Gen. 19, 33. — p. 345, 23. Ier. 4. — p. 367, 11. 4, 15. — p. 370, 14. 1 Reg. 18. — p. 377, 20. Ps. 112. — p. 388, 21. Ier. 7, 26. — p. 400, 11. Ies. 1. 24. — p. 431, 5. 4, 7. — p. 439, 20. v. 11. — p. 452, 5. Iob. 15, 30.

THE UNIVERSITY OF CHICAGO PRESS

CHICAGO, ILL.

1114694

UNIVERSITY OF CHICAGO



50 707 741